


Ref 163

n^o 9



*Admiral's New Almanack
Containing the Sun's Motion in the
1715.*

Est. 38. Tab. C

43

411

1



DE IMPEDIMENTIS MAGNORUM AUXILIORUM, in Morborum curatione.

Libri Tres.

AD TYRONES.

QUIBUS OMNES DIFFICULTATES, QUÆ
se in magnis periculis offerunt ex mente Antiqui-
tatis, explicantur: opus ita necessarium, ut
merito curationis directorium possit
appellari.

AUCTORE

D. ANTONIO PONCE DE SANCTA CRUZ,
*Proto-Medico, & à Cubiculo Regio, insignis Ecclesie
Cobarrubiane Abbate, Primario, & Vespertino
Professore Medicina in inclyta Universi-
tate Vallis-Oletana.*

Año de



1750.

IN HAC ULTIMA IMPRESSIONE ANNOTATIONIBUS
quibusdam illustratum opus, & cum suo Indice
in fine adauctum.

Con licencia: En Sevilla, en la Imprenta de la UNIVERSIDAD.
A costa de D. JOSEPH NAYARRO Y ARMIJO.

CENSVRA DE LA IN- signe Vniversidad de Alcalà.

MUY PODEROSO SEÑOR.

POR mandado de V. Alteza, y comission del Claustro, y Universidad de Alcalà, hemos visto las Obras, y Tratados diversos, que el Doctor Antonio Ponce de Santa Cruz, Medico de Camara de su Magestad, y su Proto-Medico, y Abad de Covarrubias, trata de imprimir, que son, un Tratado *de Morbo, & Symptomate*, sobre Galeno; otro *de Morbo Sacro, & de Divino in Morbis*, sobre Hypocrates; otro *de Febris*, sobre Avicena; otro *de Causis, & signis morborum* sobre la Fen segunda del primer libro de Avicena: otro *de Morbis Capitis. & eorum curatione*, sobre el tercero libro de Avicena, y otros tratados diversos *de Vrinis, de Modis debilitatis, de Sanguinis missione, & expurgatione, de Coctione, & cruditate*: Que todos juntos hazen un parto, que por la muchedumbre, con perfeccion, solo pudiera nacer de la fecundidad de su ingenio, y engendrarse de su largo, y continuo trabajo; pues

pa-

para la leccion de Libros de todas Facultades, que supone, parece imposible aver tenido tiempo, sin aver hurtado mucho del que se le debe à naturaleza. De cuya parte se puede mejor pedir à V. Alteza la licencia, que se pretende, que de la del Autor, pues por aqui puede esperar ella alguna, y no pequeña emienda de sus quiebras; y à èl no solo en darsela V. Alteza, sino premio por el bien, que haze à la Republica en sacar à luz tales Obras para comun aprovechamiento de todos. En Alcalà en veinte y ocho de Enero de seiscientos, y veinte, y siete años.

Doctor Gaspar de Alfaro Zapata, Rector.

Doctor Miguel de la Barreda, Cathedratico de Prima.

Doctor Pedro Miguel de Heredia, Cathedratico de prima.

LIBER LECTORIBVS.

PRæcurro, nō spectro aliorum gemellorum partum, ruptis vinculis, propero ad lucem boni animi, ad tenebras invidi nō timens hoc malum, ut fruam illo bono. Audiebam in nostro Musæo circa usum magnorum auxiliorum controversias Medicorum, querelas infirmorum, prorumpi tandem, fidelitatis antiquæ portans vexilla primorum hominum consilia, quibus, & vita protrahabatur, & morbi foeliciter curabantur. Non promitto nova, sed antiqua noviter exulta defensa, illustrata; atque cum hominum vitâ tot malis cōcussa duo tantum habeat magna præsidia, inter quæ, si fluctuet, & dubias experiatur procellas, miserè fatiscit: circa ista duo omnis nostra versatur lucubratio, ut portus sint, non tempestas. Sed quid proderit nostra lucubratio, si nō accedat studiosorum meditatio? Quid Hyppoc. veneranda oracula, si irrepat ignorantium jactantia? Non moror. Lex beneficii solum respicit benefacere, nullis ingratitudinis nebulis obscuratur, nullis obstaculis impeditur, nullâ detinetur injuriâ. Eruditos semper benevolos culta inveniet antiquitas, retrici, aut inflati, qui (ut agebat Hyppoc. lib. de Morbo sacro simulant, se amplius scire, non legant, neque videant, invidi mancant. Tyrones, relictis pravis alimentis, arripiant ubera Hyppocraticæ doctrinæ: semper scaturientia salubriter saturantia,



DE

IMPEDIMENTIS

MAGNORUM AUXI-

liorum, in morborum

curatione.

AD TYRONES.

CAP. I.

DE AUXILIIS magnis Artis
 Medicæ plures, & doctissi-
 mi viri scripserunt. Tamen
 hanc ita necessariam consi-
 derationem desertam video;
 forsam, quia existimarunt,
 sufficere universalem contemplationem ad
 singulares operationes. Tamen tam varia
 est causarum complicatio, ut non solum Ty-
 rones, verum alios ad indirectas vias decli-

nare conspiciam: nam præfente neceffitate fanguinis miffionis, aut purgationis, nō cōtemplantur, qualia fint impedimenta, quæ executionem valent impedire. Ita, ut, dummodò communia fint expofcentia, aut aliqua figna, quæ moveant ad vacuandum, audacter aggrediūtur, quibusdam textibus innitētes; non tamen arte ipsâ. Textus ille, non in continentibus modò, fed in omnibus febribus, quas putridus excitat humor, faluberrimum eft fanguinem detrahere, quia malè intellectus, & non ex arte explicatus, plurimos ægros ad tumultum deduxit. Equidem ficut fanum confilium eft in aliquibus putridis fanguinē mittere, ita perniciofum in omnibus. Atque ad eò fi morbū magnū, & vires inveniant; nil ampliùs quærunt: hæc pro exemplo. Sed ut videas gravitatem, utilitatem, & neceffitatem hujus tractationis, & quanta tibi deficiant ad fcientiam rectè evacuandi, iterū, atque iterū legas fequentem divifionem.

Tria funt quæ poffunt vacuationem impedire, res naturales, non naturales, & præter naturam. Res naturales, ut temperies totius, aut partis, ætas, corporis habitus, confuetudo, virtus. Quæ aliquando repugnant, aliquando confentiunt remedia. Res non naturales, ut motus animi, & corporis, ac-

ambiēs, coitus, vigilia, somnus, &c. Res præter naturam, ut causa, morbus, & symptoma: hæc omnia, si usque ad species, & differentias minimas deducas, & consideres, quantum unaquęque prævaleat ad impediendam evacuationē, aut permittendā, apertè conspicias difficultatem, quam ita facile parvipendis, & periculum, quod intrepidè experiris. Scis, quales sunt causę præter naturam, quę renuunt prædicta remedia? Quam regionem corporis, quem locum occupant, ut magis, aut minùs impediāt? Scis, quod exiēs mutatum, quę actio læsa, quę qualitas mutata, quę morbi species possit vacuationem prohibere? Scis, quę debilitas sit essentialis, qualis sit, quas habeat differentias? Et quę illarum respuit integram, quę mediam vacuationem consentit, quę nullam? Scis, quid agendum, cū debilitas per aggravationē, cū qualibet per essentiā conjungitur? Ponderasti nè consuetudinis efficaciam in his periculis? Hęc, & alia multa, maturā consideratione pensanda, quę, quia multoties vocaris ad repentinam evacuationem decernendam, oportet memoriā tenaciter observare, si errorem fugere, si salutē infirmi consequi desideras. Expedit ergo istam nostram lucubrationē die, ac nocte repetere, & semper præ manibus habere, quam non ex opinio-

nio.

nionibus, sed ex arte, Deo favente, in gratiā boni publici elaboratam exhibemus. Atque in tractatu adeò gravi, in quo nullū est verbum, quod non agat de vita, non est agendū de nominibus, sed de ipsarum rerum intelligentiā: Valeant opiniones, valeant subtilitates disputationum, suum locum habent in parte Physiologica. Accedāt cōclusiones, & determinationes pro vitæ humanæ subsidiis. Sciant medici, quando sit evacuandum, & quomodo; quamvis reliqua ignorēt: hoc illis, & ægrotis sufficit. Aut voces impedimenta, aut voces repugnantia, aut cōtraindicātia, nō moror, dummodo intelligas, quæ illa sint, quæ possunt impedire actum evacuandi, aut modum imponere ipsi evacuationi.

CAP. II.

ANtequā de singulis agamus, supponē. dū est, quòd sanguinis missio, & expurgatio per se respiciunt causam humoralem, secundariò morbum. In hoc enim falluntur multi, nām si vident morbum magnum, & vires sufficientes, statim sanguinē extrahunt, non considerātes, quid ars doceat. Cū enim magnus morbus nil sit aliud, quā constitutio præter naturam cum magno recessu

fu

fu à naturali statu; apertū est, quòd indicat magnū auxilium, quo reducatur natura ad pristinū terminum sanitatis; in quo abstrahit à sanguinis missione, nam fieri potest talis reductio per aliud: itaque magnus morbus solū indicat magnū remedium. Hectica primę speciei multoties apparet cum sufficientibus viribus, estque magnus morbus; erit autem vitæ humanæ inimicus, qui in hoc morbo, sanguinis missione, aut purificationem exercent. Indicat enim, & petit magnam attemperationem, substantiam deperditam simul reparātem, quia est morbus inanitionis. Præterea solitaria cacochimia, sanguine existente solū necessario ad vitam, magni morbi potest esse causa, & cum sufficientibus viribus; nullus tamen sanę mentis debet in tali dispositione mittere sanguinem, sed correctionem, & purificationem tentare: non ergo magnus morbus circumscribit missionem sanguinis. Voco solitariam cacochimiam, impermixtam, & separatam à sanguine, & ut dixi, sanguine paucò existente sine alio vitio: neque dubites de virium robore in prædicto casu, potest esse siquidem magna cacochimia cum sufficientibus viribus. Ostenditur, nam multos vidimus optimates, & divites, imò, & pauperes, & religiosos pravo victu utentes,

aut omninò inordinatos in rebus non naturalibus, magna humorū corruptione laborantes, & alia ex parte cum virtute validā, ut mirum sit, quomodo sit possibile vires cordis constare: sed accedit (præter experimentum) sententia Gal. in illo aphorif. *quibus semel, aut bis, &c.* In commento facit hanc distinctionem: parum, & sæpe alere præcipit eos, qui cum humorum corruptione infirmas habent vires; at verò copiam alimenti exhibet illis, qui cum humorum corruptione validas obtinēt. Rectè ergò potest stare cacochimia sola cū viribus sufficētibz: non tamē poscit sanguinis missionē, quod inferiùs evidenter suo loco probabo.

De aliis multis morbis idem esto iudiciū: asthmaticus à sola pituita cū pauperie sanguinis magno morbo laborat, quòd si sanguinē fundas, peribit sine dubio, sic de similibz. Sed cōsideravi, quare in re ita necessaria, & communi, aberrant Tyrones; et inveni, magnā esse ignorantia, in distinguendis scopis ab indicarionibus, quia utrūque confundunt, & putant, esse idem, cū sint toto cœlo diversa. Indicatio est agendorum insinuatō; at scopus est id, quod præ oculis habemus, ad talem indicationem exequendā. Itaque indicatio dicit, quid agendum sit. Scopus, an sit exequendū, & quomodo. Ergò

gò indicatio ad evacuandum in genere, sumitur à peccato humorū ; an verò ista vacuatio debeat fieri venę sectione, aut purgatione, aut frictione, aut balneo, aut alio modo, indicatur ab specie, & modo humoris peccantis, & à regione, in qua est. Rursus an debeat exequi vacuatio indicata, & quomodo, non ab indicationibus supradictis, sed ab scopis debet excipi, quales sunt, vires, magnitudo morbi, ætas, anni tempus &c. A quibus nō solam desumimus executionem, sed modum illius.

Secūda suppositio ex dicta sequitur, semper esse inspiciendam non solū causam, sed modum illius, ad speciem eligendam vacuationis, nam si nō adest species causę materialis, sive humoralis, quę limitet hoc, aut illud vacuationis genus, omninò errabis. Quę autem sit hæc species, in progressu constabit, nam declarando impedimenta, clarescent satis.

Suppono tertiò summā totius tractationis de sanguinis missione, quam si Horatius Augenius vidisset, aut recte calluisset, nunquam per tot labores, & disputationes discurreret, nec inculcaret passim plenitudinē; colligit enim suas omnes vires ad probandum, sanguinis missionem non indicari, nisi à plenitudine totali, aut partiali, aut à motu,

tu, ut in revulsione. Tamen licet aliqua foelicer confecit iste Auctor, nō omnis. Accipe ergo epilogum Galen. & Hypp. veritatis, ex Avice. *Et nō est phlebotomandus nisi unus duorū, aut ille, qui debet cadere in ægritudines sanguinis, & cadet in eas, aut ille qui jam cadit. Et unusquisque istorum non phlebotomatur, nisi ob multitudinem sanguinis, aut propter vitium sanguinis, aut propter utrumque.* Contemplare, obsecro, istam divisionem, & separatim unumquodque membrum dividens. Dilucida enim via ostendetur, inter scopulos, & ambages recentiorum. Peccat massa venarum, aut multitudine, vel quoad vasa, vel quoad vires, sanguis debet mitti, aut gratiā præcavendi morbum magnū futurum, aut gratiā abolendi causam jam præsentis morbi.

Secundum membrum. Aut nulla adest plenitudo ex dictis, nec totalis, nec partialis, sed solum vitium sanguinis: in hoc etiam statu indicata est talis vacuatio. Facit certe Avicen. distinctionem manifestam dicens: Aut propter vitium sanguinis, id est, sine multitudine aliqua, nam membra dividencia ad invicem dicunt distinctionem. Quid antiquitas intelligat per vitium sanguinis, latissimè invenies, quando agamus de causis præter naturam. Modò id monco, vitium san-

sanguinis , aut intelligi in ipso quarto humore (qui sanguis dicitur) per propriam alterationem , aut ab alio humore illatam: Rursus hæc illata alteratio , vel contingit, suppositâ miscellâ humoris vitiosi cum ipso sanguine,vel quamvis non sit mixtus, sed juxta positus , sufficienter tamen vitiat , & alterat sanguinem , ita ut poscat extrahi, ne amplius putrescat.

Sed dubitas, quid intelligo, quando dico, vitari sanguinem per propriam alterationem? Non intelligo , quòd ipse sanguis se ipsum alteret (ut præsens petit contemplatio) sed quòd patiatur ab aliqua causa ipse solus. Ut enim contingit, quòd bilis putrescat sola in morbo bilioso, & pituita in morbo pituitoso, &c. ita fieri potest, ut sanguis, quartus humor ab aliqua causa alteretur solus. Nō quidē est major ratio, nā secundū dispositionem falsi contingit, ut luceant activa in uno, & non in alio. Quod autē audis de quarto humore sanguine , intellige etiam & de tota massa, quæ potest vitari sine ullo peccato in quanto. Ergo ad rē. Intētū Avicenæ est docere, debere mitti sanguinem , quando sine ulla plenitudine vitiosus est; hoc numquam potuit intelligere Avenarius. Nam neque viribus gravatis, neque vasis distentis, in toto, aut in parte, neque mo-

to sanguine ad aliquam partem, debet venam secari, si vitiosus sanguis est aliquo ex prædictis modis, & infra dicendis, si alio modo corrigi nequit.

Rursus sub vitio comprehendi potest malus motus localis massæ sanguinariæ; nam quando movetur ad aliquā partem inflammandam, vel aliā molestiā afficiendam, aut quando ex casu ab alto contingit humorū motio, sanguinem mittimus ob vitium in motu, qui potest accidere, aut jam accidit.

Ultimum membrum divisionis, est propter utrumque, id est, propter multitudinem simul cum vitio, ut in synocho putrido, &c. Quæ omnia usque ad minimas differentias sunt deducenda, in libro 3. hujus operis: sed hæc paucula visa sunt necessaria. Nam alia communia ex tractatu de vacuandi ratione, sunt petenda.

Quartò supponendum est, duplicem esse vacuationem, quædam enim est integra, sic appellata, quia integrè potest, & debet fieri, secundum integram exigentiam causæ efficientis morbum. Potest fieri, quia nullum adest impedimentum; debet fieri, quia talis est causa, & morbus, ut completam evacuationem requirat; ut validis viribus, tempore veris, ætate florente, si adsit magna febris pendens ab ingenti plenitudine, in-

tegram, & confertam vacuationem exercet Medicus: nullum enim est impediens, & urgent exposcentia. Alia autem est vacuatio non integra, sed media, & infra medietatē, parca, & paulatina. Quam sic limitat, & coarctat vis impedimentorum. Quæ talis potest esse, ut nè guttam sanguinis (ut sic dicam) permittat extrahere sine certo periculo mortis. Sed quia omnia hæc clariùs sunt explicanda, solùm terminos, sive nomina volui proponere.

C A P. III.

*Temperies totius, quæ ætatem comprehendit,
quomodo impediat sanguinis detractio-
nem, ubi de pulsibus
senum.*

INter res naturales enumeratur temperies totius corporis, sub qua ætas cōprehenditur. Si enim temperies nimis humida est, & præsertim si calida etiam, sine dubio impedimentum aliquod objicit, ne evacuatio fiat; quia tale corpus nimis resolvitur ex propria naturâ. Cujus conditionis sunt pueri, qui ratione propriæ temperaturæ non possunt per sanguinis missionem evacuari. Quam conclusionem malè intelligentes aliqui,

qui, nequè percipientes sensum Gal. in lib. de sanguinis missione, in tantum errorem devenerunt, ut ante decimumquartum annum non auderent mittere sanguinem, & ita pueros febricitantes, aut dolore, aut angina laborantes interficiebant, credentes inediâ, frictionibus, unctionibus, balneis, posse ægrum curare. Qui error jam ita oblitus est, ut Medici hujus temporis, in omnino contrariam venerint sententiam, & pueros evacuant, quasi juvenes, tam largis, & multis sanguinis extractionibus, nullâ ratione ætatis consideratâ.

Ergo ars aliam viam docet; vacuandos, scilicet, esse pueros, non integrâ vacuatione, quæ adæquet magnitudinem causæ, & morbi, sed ab ista tantum adimendum, quantum nativa impedit resolutio, & corporis ténérîtudo. Numquam enim legisti Gal. ad animi deliquium misisse sanguinem in pueris, sed in robustis juvenibus. Ut quid? Quia talis est cōtinua istius ætatis exhalatio, & evaporatio, ut labefactetur omnino natura ex ingenti, & subitâ vacuatione. Ergo requirit mediâ, & partitis vicibus factâ, & interim reficiendo vires. Hoc autē opus neutiquâ suppleri potest per inediâ, & alia supradicta (maxime in pueris) primò, quia talis evacuatio lenta, & tarda est, & dum fit, suffocatur

catur puer humoris abundantia. Secundò, quia vacuatio per inediam, est simul carni-um coliquatio, & spirituum resolutio; miserrimum Erasistrati remedium. Dum enim evacuatur, sanissimum est, & quod omni culpâ caret, comèt tempore humores peccantes magis incenduntur, febris augetur, & in mortem deducitur eger, aut tabidus, ut alio malo consumptus. Igitur pueri, exposcente causâ morbificâ, vacuandi sunt per sanguinis missionem, non integram, sed cautione prædictâ.

Illud autem commonefacere non desinam, talem posse temperiem esse, & æstatis constitutionem, ut omninò renuat, & impediat sanguinis extractionem. Nunquam extrahi sanguinem in recentèr natis: statim enim ab ortu, quis talem vacuationem tentat? Idem etiam suavit Gal. lib. de sect. ad eos, qui introducuntur, cap. 3. expressis verbis: quo loco, neque decrepitos, sive in ultimo senio constitutos audet vacuare. Certè vidi senem morte naturali jam spirantem, & quidam medicus considerans difficilem respirationem, & laboriosam, quæ tunc temporis evenit, ut ventilaret cor, venam pertundit, statimque cum sanguine animam dedit. Decrepiti ob paucitatem sanguinis, & virium postre-

mam debilitatem, & ob præsentiam multorum crudorum succorum, neutiquam taliter sunt vacuandi. Alii verò senes, tam virides, quàm magis provecti, solent rectè tolerare istam vacuationem; quia solent magnam partem pituitæ in sanguinem convertere (hæpate benè valente) & replentur venæ. Vidique plures senes meliùs ferre sanguinis moderatas extractiones, meliùs multò quàm invenes. Unde rectè Gal. lib. de sanguinis mis. *Stultum*, dicit, *esse ætates numero annorum metiri, nam sexagesimus calidus rectè sectionem venæ admittit.* (Non dixit decrepitus, nè sibi contradiceret, lib. de sect. citat.) Et ita Celsus dicebat: *Firmus puer, validus senex, & gravisda mulier valens, tutò curantur*, lib. 2. cap.

10.

Itaque decrepitus ob dictas causas renuit vacuationem: infantulus, qui adhuc calet à partu, qui non videt lucem, vis, ut videat carnificem? Qui non didicit lactare, qui primam coctionem nondùm est aggressus, nec habet undè reficiat quod amittit, quomodo tolerabit dispendium spiritus, & sanguinis materni nondùm sui?

Notandum tamen, in senibus sæpè pulsus apparere validos, quia flatu plenæ sunt arteriæ, & phantasiâ fortium præ se ferunt,

runt, & tamen qualibet vacuatione unicâ, & moderatâ, statim concidunt. Adverte quid dico: non loquor de pulsu duro senum, qui propter ictum solet eumentiri vehementiam, sed de effectibus flatulentæ substantiæ arteriarum: cum enim flatus cedat aliquantulum, putabis pulsum oppressum mole humoris, & quidem non est humor, sed flatus, in quo magnus potest error committi. Quamobrem obsecro (quia pulsus cognitio ita difficilis est) ut attentissimè animum applies aliis signis, ex animalibus actionibus, & victu optimo, ac bonâ ciborum multorum concoctione, & carnis soliditate, ac vacuationum consuetudine; his enim sic stantibus, tentare poteris sine periculo evacuationem.

Illud autem, quod de pulsibus senum dixi, explicationem petit. Dico, quod pulsus durus ob siccitatem senilem, aut tabidani, sensum infert pulpæ digiti nostri, maximè diversum à pulsu flatulento (sic volo nominare claritatis gratiâ) nam durities ex siccitate semper habet comitem pulsum angustum, quia arteria per talem siccitatem contracta paucas partes pulpæ laterales attingit; & sic videtur pulsus durus scindere pulpam in longitudine, magis quam in latitudine, sicut pulsus angustus. At ve-

rò quando flatûs adest copia, violentèr distendit arteriam, ita ut cùm arteria pulsam impellit, sentiamus pulsum latum: tangit enim plures partes digiti. Hoc itaque modo, & hac attentione distinguere oportet istos pulsus ad cognitionem causarum in senibus. Non solet autem talis pulsus fieri ad præsentiam sanguinis, aut alterius humoris: nam senes, de quibus loquimur, sanguinem habent intra mediocritatem, & abundantiam pituitæ; isti autem humores non valent distendere, & inflare arteriam, sicut flatus, qui tenuior est, & melius se applicat poris, ut distendat.

Ex dictis infertur, quòd senes non admittunt integram vacuationem, non solum ob imminentem, & futuram debilitatem, sed ob præsentem. Omnino verò illam respuunt, qui decrepiti ultimos agunt vitæ terminos, ut dictum jam est.

Aliqui tamen medici futili ratione ignixi, putant, quòd, sicut reformidamus pueros evacuare, ob insitam continuam exolutionem, & corporis fluxibilitatem, ita contrario modo senes audacter possumus vacuare, quia minùs resolvuntur, & duram, strictamque habent cutem, & ob id minùs evaporantur. Sed falluntur: nam essentialitèr sunt debiliores ob deperditionem
nem

nem temperamenti substantifici, atque cum præ duritie cutis minùs exhalentur, ob eandem rationem difficultè à morbis liberantur, quia deficit illis illa vacuatio universalis cutanea, per quam non solum fuligines, sed madores, & sudores solent plures morbos terminare, atque adeò morbi, qui in pueris sunt faciles, in senibus sunt difficilis solutionis, longi, & recidivi.

Undè ad purgantia medicamenta meliùs se habent senes; tum quia, cute densata, recurrere ad interiora humores solent exitum quærentes, atque ob suam gravitatem, per ventrem faciliè feruntur. Prætereâ, quia cum frigidi sint, minùs læduntur à caliditate medicamenti purgantis: tertio, quia cum debiles etiam existant, meliùs ferunt purgationes, quàm sanguinis missiones. Certum enim est, majus robur requiri ad sanguinis evacuationem, quamvis vires necessariæ ad purgationem debent securiùs constare (ut in quæstione propriâ determinatum est.)

Est autem tanta copia medicamentorum benedictorum nostris temporibus, ut, necessitate præsentè, & pueros, & senes faciliè purgemus. Pueri tamen,

quia calidiores, minùs

calida pos-

cunt.

C A P. IV.

*Corporis habitus quomodo impediat
vacuationes.*

CORPORIS habitus potest vacuationem integram impedire, qualis est rarus admodum, & mollis: teste Gal. 9. meth. cap. 5. & libro de sanguin. mis.

Oris etiam ventriculi peculiaris quidam habitus, seu compositio adeò propter raritatem sensilis, aut propter defectum substantiæ: cujus causâ facile totius corporis superfluitates, bilem præcipuè, suscipit; & ob id in animi deliquium in vacuationibus incidit. Undè Gal. 9. meth. cap. 5. dicebat: suprâ modum sensile ventriculi os sanguinem detrahendum dehortari: id quod sæpè conspeximus in nonnullis, qui, etsi robur habeant, carnosique sint, tamen nunquam illis sanguis extrahitur, quin animi deliquium incurrant. In quo casu magni medici consueverunt, non nihil cibi roborantis, ac sensum obtudentis ante venæ sectionem ægrotis exhibere, ut malum punicum, aut paululum panis aquâ imbuti, aut simile aliquid, quod, temperando humorem, simul & partem, proficiat.

In his autem tutius est vacuationem partitam, & per intervalla exercere, & supplere quod deficit evacuationi clysteribus, aut levissimâ purgatiunculâ, & cibis, qui blandum ventrem reddant, ut prunum passum sacharo conditum, lactuca cocta; hoc inedia genere, & multitudo minuitur, & ventriculus liberatur.

Corporis habitus pinguis, & albus, vacuationem sanguinis impedit. Audiamus Gal. 11. meth. cap. 15. *Si enim cui sanguis mittitur, triginta annos natus sit, sed laxus, & mollis, & pinguis, & albus, & gracilibus venis, huic aut sanguinem planè non detrahes, aut parùm detrahes, &c.* Quibus verbis frigidam, & humidam temperiem insinuat, quæ vacuationem impedit, verno quidem tempore, & hyeme, nè innatus calor refrigeretur, pereatque ager: æstate nè exhalet, simul cum spiritibus. Hoc enim tempore paucus est spiritus in visceribus: quamobrem attentissimè, & maximâ cautione inspicienda est vacuatio, vel ut non fiat, vel, præsentè necessitate, parcè fiat.

Habitus etiam gracilis non quamlibet purgationem admittit. Nam ut docet Hypp. 4. aphor. 6. quia humores indicat tenues, & biliosos, per superiora purgationem exposcit; è contra verò mediocriter carnosos
non

non per superiora, sed per inferiora purgare præcipit. Similiter habitus quidam quorundam qui alati dicuntur (habent enim humeros elevatos, pectusque strictum) purgationes per superiora omninò impediunt, ut docuit Hypp. 4. aphor. 8. explicante Galen. in commen.

C A P. V,

Temperies partis impedit vacationem.

PArtium temperies, talis potest esse, ut vacationem prorsus impediat, aut saltem minuat: Nam quod immodica vacuatio facit iu partibus sanis, & benè temperatis, id facit moderata in partibus intemperatis. Facit autem vacuatio immodica in partibus sanis tales noxas, quas refert Galen. 9. meth. cap. 10.

Frigida ergò temperies præcipuè vacationem impedit, suo ordine, secundum partis naturam, & excellentiam. Primò, corde existente frigido, cum magno mortis periculo, exercetur sanguinis missio. Secundò, in cerebri frigiditate. Tertiò, in hæpate. Quartò, in ventriculo frigido. Nam cordi infert syncopem, cerebro apoplexiam, paralyfim, epilepsiam, vertiginem. Hæpati hydropem, ventriculo coctionis tarditatem,

&

& cruditates infestissimas adducere solet.

E contra verò calida, & sicca partis intemperies purgationem impediet. Præcipuè si ventriculus intemperatus sit, siquidem primus omnium medicamentum integris viribus suscipit, & ex consequenti maximè ab illo patietur. Quamobrem quando complexio calida, & sicca est, & debilis compositionis, & debilis stomachi (ut verbis utar. Avicen, 4. 1. cap. 5.) *Et æger si purgandus est, melius ei erit, ut medicinam bibat, postquam prius biberit aliquid, quod sit sicut aqua hordei, aut succus granati, aut, ut universaliter dicam, postquam stomachus receperit nutriens subtile, & leve.* Ex qua sententia Avicen. orta est in Hispania consuetudo, ut ante quamlibet vacuationem sanguinis, aliquid porrigant medici alimenti levis. Nam licet Avicen. de purgatione loqui videatur, tamen propter debiles, aut qui facile ex qualibet humorum agitatione, & motu fatiscunt, aut timore scissionis venæ, non abs re ventriculi, & spiritus vitalis providentiam habemus. Quod non animadvertentes aliqui moderni, morem nostrum sine fundamento radarguunt.

Sed redeo ad partium intemperiem calidam. Post ventriculum, sequitur jecur, quod secundo loco maximè læditur à medicis.

dicamento purgante calido. Equidem longō usu compertus sum in hydrope ab intemperie calidā nullo modo rhabarbarum proficere, ut veram existimem sententiam Neoterichorum, ex Avicena clamantium, rhabarbarum esse vitam jecoris frigidi, & mortem jecoris calidi. Usus igitur medicamentorum calidorum, & siccorum, tabefacit jecur calidum, inextinguibilem sitim inducit, & incurabiles reddit affectus.

Tertio loco constituitur cor. Quarto, cerebrum. Quis enim cerebro ad caliditatem, & siccitatem intemperato, non reformidet purgantium calidorum usum? Vidi enim phrenitides, aut dolores, & habituales alios affectus, & debilitates accidere.

Renes etiam calidi (quinto loco) medicamenta calida expurgantia respuunt. Quam indicationem non video ponderari, sed indistinctè: syrupum de cichorea cum duplicato rhabarbaro, & alia similia, aliqui exhibent, quibus renes exardescunt, & occasionem ardoris urinę, & lapidis facillè incurrunt. Quòd si aliquo ex his malo tentetur æger, perniciosissimus talis usus purgationis censendus est: manent enim illę partes calidiores, & sicciores, & ad humores biliosos excipiendos maximè aptę: nec solum ex medicamentis tali modo purgantibus

bus læduntur renes ; sed (quod longâ experientiâ didici) à medicamentis , quæ facillè inflammantur , ut mannâ , facillè etiam incenduntur , & ad biliosam tendunt naturam.

At temperies frigida , & humida totius corporis, aut ventris, quamvis videatur aliquâ ratione medicamenta expurgantia consentire , siquidem non incenditur à talibus medicamentis , tamen aliâ ratione illa non admittit : quando, scilicèt, tanta est, ut ventris lubricitatem generet : & ob id Avicenn. 4. 1. cap. 5. dicebat : trauli non sustinent medicamenta fortia : quam conclusionem desumpsit ex Hypp. 6. aphor. 32. Balbi pro fluxu ventris maximè capiuntur. Gal. in comment. ad superfluum humiditatem, causam reducit, quâ balbutientes , sive trauli abundant. Quare in hac intemperie consultissimum est (nè fluxus immodicus accidat) non fortibus , sed benedictis uti medicinis, quales mirabolani , & rhabarbarum, quæ simul purgant , & roborant.

Igitur ut summatim conclusionem colligam, in calida intemperie , vacuantia frigida, aut temperata adhibenda , ut cassia, ferum , balneum , &c. In frigidis verò , medicamenta calida, quæ spiritus immodicè non evacuent , qualis est moderata expurgatio .
(à

(à barbaris minorativa appellatur) quæ citrà febris incensionem valeat aliquo modo minuere humorem. Post purgationem ad alia deveniendum, frictionem, scilicet, inunctionem, inediam, & abstergentia aliqua non admòdum calida.

C A P. VI.

De consuetudine evacuandi.

Consuetudinis magnus observator Hypp. illam contemplatur quasi aliquid exposcentem, quando aliud ratio artis non petit. Consuetudinem enim omnino prætermittimus, majoris boni ratione, nam in omnibus morbis deferimus alimenta sanitatis, tempus, modum, ordinem, omnia tandem mutamus: quia natura suæ conservationis avidissima etiam parvi pendit consuetudinem sibi contrariam; sequitur ergò appetitum radicalem illius. Sed videamus, an homo, qui assuetus est evacuationibus, ob solam assuetudinem meritò petat evacuari.

Equidem disputare, an consuetudo in facultatibus naturalibus reperiantur, sicut in animalibus, alium locum petit, nam metaphysici in materia de habitibus, & medici scholastici punctum istum exagitant.

Nos

Nos verò in isto tractatu, ad utilitatem egrotantium tantummodò aspiramus, consona loquentes principiis Philosophiæ.

Præcipit ergò Gal. 1. ad Clauco. cap. 13. audacter esse vacuandum eum, qui assuetus est vacuationibus, quamvis fuerit usus paucis cibis: cum verò, qui nunquam est vacuatus, si humores abundant, non esse vacuandum. Quæ sententia etsi, ut jacet, intelligatur, non potest ullomodo sustineri, nisi in perniciem ægroti. Est ergò explicanda juxtà artis leges, & fundamenta. Nam si omnia ad vacuationem exercendam conspirent expòscentia, & consentientia, aggredienda certè est vacuatio, cautè tamen, & cum metu. Hæc autem cautio in paulatinâ quadam vacuatione, & (ut sic dicam) tentativâ consistit. Nam sicut Hypp. tentativam curationem per calida fomenta primus invenit, ut rectiùs causæ naturam disceret, & facilioribus mediis victoriam tentaret, ita similiter remedia magna, quando necessaria sunt, tentanda quidem mediocriter, & paulatim, licèt consuetudo contraria sit; fert enim meliùs natura, quæ mediocria, quæ paulatina, ut tandem ex parvulis vacuationibus una compleatur, quæ scopum compleat. Quæ doctrina, non solum de sanguinis missione, sed etiam de pur-

purgatione venit intelligenda: de utroque enim auxilio diferimus. Itaque esse hominem vacuationibus assuetum, maximè conducit, ad vacuationes audactè exercendas. At non esse assuetum, modum imponit.

Prætereà, experimur maximè, assuescere naturam vacuationibus, quia hoc, aut illo modo deonerata, discit quodammodo, postea eodem modo evacuari. Undè Gal. cum Hyppoc. 2. de natura humana, ad longinqua revellendum esse sanguinem docuit, ut natura assuescat contrariis locis sanguinem amandare. Utrùm autem hoc sit ob cognitionem naturæ insitam, aut communicatam à facultate animali, cum qua conspirat: aut quia loca illa per quæ vacuatio sæpè fit; dispositionem quandam, aut habitum acquirant aptum vacuationi? ad physiologiam pertinet determinare, ut suprà diximus.

C A P. VII,

Vires quando impedian, & quotupliciter.

Vires primum locum obtinent inter res naturales, tantique momenti est hæc lucubratio, ut illa omnem medici considerationem postulet, ad morbos curandos. Est autem maxima difficultas in cognoscendo

cendo facultatis statu. Quamobrem decre-
vi in hac re parumpèr immorari, relictis om-
nibus scholasticis quæstionibus de essentia
facultatum, & illarum differentiâ, & diver-
sitate à temperamento. Promisi enim ea
solum tractare, quæ ad utilitatem infirmo-
rum ita sunt necessaria, ut nequeat sine illis
perfici curatio. Igitur ad curationem nil re-
fert, quòd Gal. cum temperamento con-
funderit facultatem, & nil à temperamen-
to distinctum cognoverit. Dicimus ergò vir-
tutem, seu vires, aut facultates fortes na-
turales, nil esse aliud, quàm vim quandam
ad optimum sequutam temperamentum,
quod tale est, ut non solum servet animam
in corpore, seu formam in materia dis-
positivè, sed præstet etiam ad validas ac-
tiones exercendas, & tolerandos labores.
Talem virtutem communis consensus di-
cit fortem, & robustam: debilem verò, quæ
contrariam habet rationem. Et ita in mor-
bis vires metimur ad mensuram tempera-
menti, ut debilitato temperamento, virtus
debilitata intelligatur, & roborato, robore-
tur & ipsa; quod medici ex actionibus cog-
noscere solent: undè commune illud Gal.
axioma, omnis immoderata discrasia deji-
cit actum propriæ virtutis. Est autem du-
plex debilitas, quædam essentialis dicta, alia
per

per aggravationem, sed agendum prius de essentiali.

C A P. VIII.

Quæ temperamenta sint considerata in ordine ad robur virtutis, & actionis.

PROBatum est, in parte naturali quoddam esse temperamentum substantificum, aliud qualitativum. Ut autem differentia debilitatis innotescant, sciendum prius, quales sunt differentia temperamenti, quibus anima utitur ad actiones obeundas. Et licet sit controversia, an detur tale temperamentum substantificum, tamen quantum attinet ad presentem considerationem, omnes opinantes necessario debent convenire. Nam licet non dentur partes diversae in mixto (ut quidam falso opinantur) correspondentes elementis: necessario tamen debent concedere, ita posse alterari partem viventem, ut amittat in facto aliquid pertinens ad integritatem principii operativi: et ex consequenti remanere debilem ad operandum debilitate essentiali. Sed ut clarius appareat, quæ sint temperamenta necessaria ad actiones rectè exercendas, exemplum nobis sit temperies hepatis,
aut

aut alterius partis, claritatis gratiâ. Hepar (ut operetur) proprium, & innatum temperamentum continet tali gradu caloris naturalis; cui conjungitur reliquarum qualitatum complexus, pro sui nutritione, & generatione massæ sanguinarię. Rursus præter istud qualitativum temperamentum, necessario habet quemdam modum substantiæ in tenuitate, & crassitie, & in aliis secundis qualitatibus, & accidentibus; quibus omnibus simul sumptis, substantia illius integrè perficitur ad operandum. Et per istas primas, & secundas qualitates correspondet elementis, ex quibus factum fuit (& similiter dico de corde, & aliis.) Unde, pars hæpatis, quæ rarior, & tenuior est, & calidior, respondet igni: quæ minùs rara cum aliqua humiditate, respondet aëri: reliquæ verò suo ordine correspondent crassioribus elementis.

Ex his constat, duplex reperiri in membris temperamentum, alterum qualitativum, primarum qualitatum; alterum verò proportionis secundarum. Est autem magna differentia inter ista duo, licèt secundum videatur emanare, aut produci à primo: quia qualitativum facilimè alteratur, providitque natura, ut haberet quandam latitudinem intra limites sanitatis, ut non qualibet

libet alteratione evertatur, laboraret enim semper animal, si quolibet motu animi, aut corporis, alterato isto temperamento, in morbum sensibilem incideret: At altera proportio secunda, difficilius amittitur. Primo, quia debet præire prima alteratio. Secundo, quia tales partes magis resistunt. Hæc ita aperta si negant aliqui, non tamen possunt negare corruptionem alicujus partis substantiæ ex vi alterationis, quæ corruptio partialis in hæctico est evidens, quia carnes consumuntur: hoc ergo, quod vides in hæctico, suo modo considera in aliis morbis habitualibus, & factis, in quibus aliquid deficit in parte affecta, pertinens ad integritatem substantiæ individualis: hoc vocamus Nos intemperamentum substantificū, quia non solum est amissio qualitatis primæ solitariæ. Jam vides duo temperamenta factis manifesta, nisi velis agere de nomine.

Rursus præter dicta, quæ partibus sunt propria, sunt alia, quæ à corde influunt, spiritus, scilicet, qui substantia quædam est mixta, & halituosa, suo etiam debito temperamento qualitativo prædita. Hic enim spiritus hæpar, & alias partes calore vitali, ita foyet, & actuat, ut sine illo non possint, neque concoquere proprium alimentum, neque nutrirī & augeri.

Ergo

Ergò actio partis non erit valida, & robusta, nisi habeat suum debitum temperamentum qualitativum. Secundò, suum debitum substantificum. Tertiò, debitè temperatum calidum influens, sive spiritum vitalem. Quartò, debitam proportionem in secundis qualitatibus ipsius spiritûs vitalis cum debita quantitate.

C A P. IX,

Differentia debilitatis essentialis.

EX dictis patet, differentias debilitatis essentialis sumi à principiis internis necessariis ad actiones, à temperamento qualitativo, & à substantifico partis viventis, & à qualitativo, & substantifico calidi influentis: siquidem ista omnia sunt simpliciter necessaria ad vegetales actiones: & paucis mutatis, idem intelligendum in animalibus, nam omnia ista fundamenta sunt ad sentiendum, & movendum, quibus supervenit spiritus animalis, & vis sensitiva, & motiva. Igitur, ut differentia morborum sumuntur ex rebus læsis constituentibus sanitatem, ita debilitas essentialis sumit suas differentias ex defectibus principiorum, ex parte corporis concurrentium ad actiones; & ob id meritò vocatur essentialis.

Quòd verò istæ sint differentia distinctæ, siue gradus diversi debilitatis, ita ut separatim possint contingere, & aliquando coniungi, facile ostenditur. In larga sanguinis missione debilitantur vires ob defectum calidi influentis, sanguinis, & spiritus, nam deficiente sanguine in venis, etiam deficit in arteriis, & corde, in quibus arterialis fit ex venali; & ita solet manere æger debilis usque dum reparet amissam substantiam in quantitate debita. Vide solam debilitatem essentialem, propter defectum unius principii, quo vires innituntur. Secundò, qualitas contraria vitalitati cordis (non vitalitati metaphysicè loquendo) id est, cordifico temperamento, qualis frigiditas, aut alia qualitas illi contraria, corrumpet temperiem qualitativam ipsius, intacto sanguine venali, & arteriali, & erit manifesta debilitas essentialis, quamvis statim communicetur calido influenti.

Quod in aliis partibus etiam videmus, mutari, scilicet, partis temperiem, illæso calido influente. Tertiò, idem considerandum in spiritu vitali, potest siquidem variari ejus qualitas, illæso substantifico temperamento. Itaque vires impotentes redduntur, aut ob spiritus corruptionem, quæ contingit ab immodica intemperie, aut vacuatione su-
per-

perfluâ, ut dicebat Gal. lib. de usu resp. cap. 5. ubi per immodicam intemperiem, non solum intelligimus calorem, aut aliam qualitatem primam excedentem, sed omnem qualitatem contrariam, secundam, aut tertiam, qui modi corruptionis similiter reperiri possunt in partibus solidis, quæ aut resolvuntur (quod genus est diminutionis) aut malignâ qualitate dissipantur. Ex his verò quatuor modis, difficilimus iste postremus, quando, scilicet, viventis partes quoad suam substantiam dissipantur: in quo debilitas major, & periculosior consistit.

Præterea, omnia, quæ diximus de differentiis debilitatis, debemus considerare in omnibus virtutibus, quibus gubernamur, animalibus, vitalibus, naturalibus, & in speciebus infimis illarum, & ita completa erit omnium differentiarum enumeratio.

C A P. X.

De causis debilitatum essentialium.

Satis constat, omnes intemperies primarum qualitatum, omnes malignas, qualitates, aut venenosas, aut quomodolibet ob pravam modum contrarias nostræ naturæ, esse causas debilitatis essentialis cujuscunque sortis existat. Præterea, omne id, quod

suâ mole, & quantitate, naturam ita gravat, ut destruat aliquod principium activum ad liberum motum, aut naturalem actionem facultatum necessarium, inter causas debilitatis essentialis est referendum. Nam licet primò sit debilitas per aggravationem, transit tamen in debilitatem per essentiam, ab eadem causa gravante, & impediante conservationem instrumentorum vitalium, & ita debilitas per aggravationem est causa debilitatis essentialis, ut in gangræna à plenitudine. De hac autem causa gravante, postea agendum est, cum loquamur de altero genere debilitatis. Nunc de sola essentiali agimus. Hanc dicimus nunc, fieri à quacumque nobis contrariâ intemperie, de qua in hoc capite agimus. Est vero difficultas, an à fiente, aut facta; ob varium modum loquendi Galen.

C A P. XI.

An intemperies fiens sit sufficiens ad debilitatem essentialem efficiendam?

COgor ad scholasticum morem recurrere (in præsentī discursu) quia clarissimus est, & desidero, ut omnes, aut Tyrones, aut provec̃ti, rem istam ita necessariam in-

intelligant, à nemine, quem viderim, explicatam.

Videtur, quòd intemperies fìens possit esse càusa sufficiens debilitatis essentialis. Primò, quia multoties videmus in febribus putridis (quæ fientes sunt intemperies) facultatem essentialiter debilitari, aut ob calidi influentis paupertatem, aut corruptionem, aut cordis discrasias, aut propter utrumque.

Secundò, quia (ex multis Galen. locis) ex actione vitiata, colligimus facultatis debilitatem; sed intemperies fìens vitiat actum virtutis: signum ergò est, ipsam virtutem debilitari.

Pro solutione hujus difficultatis supponere oportet acceptiones facti, & fientis, quas lib. de morb. & sym. & lib. de febr. latè explicui; sed nunc breviter. Fìens in rigore physico, est quod totam essentiam habet in fieri, ut motus, & omnia successiva. Hoc modo nullus morbus est fìens, quia satis ad longum probatum est, morbum esse affectum permanentem (non ut Olympicus putavit) quia licèt longus, aut brevis sit, dicit aliquas partes persistentes, quibus integratur; ita ut licèt unius horæ sit morbus, suam essentiam habet permanentem, sicut morbus unius anni, licèt differant

tant per maiorem, aut minorem duratio-
nem. Ut puer unius anni, & senex centum
annorum, homines sunt.

Medici tamen vocant morbos fientes
illos, qui licet facti sint, habent tamen
adjunctam generationem novæ intensio-
nis à causa agente. Advertendum igitur, quod
tales morbi sunt propter illud, quod ha-
bent factum: sed dicuntur fientes, quasi
per quandam differentiam, & circumscrip-
tionem, ab illo, quod continuò de novo fit.
Intemperies ergo fientes, quæ re vera sunt
morbi, hoc modo se habent.

Rursus illud factum morbosum perma-
nens aliud est habituale, ut hæctica, aliud
in dispositione, ut febris putrida, quæ dif-
ferunt hoc modo quantum ad esse caloris
in subiecto, licet apud medicos aliis modis
differant, qui ad hunc locum non perti-
nent. Hoc supposito, respondemus difficul-
tati unicâ conclusione. Intemperies, quæ
causare debet debilitatem essentialem, de-
bet esse facta, & magna. Ista propositio
ostenditur, ratione sumpta, ex ipsa rerum
naturâ, nam quod ipsa concessit elemen-
tis, & mixtis, non debebat negare viventibus;
sed mixta, & elementa non debilitan-
tur quoad suas virtutes, nisi à suo contra-
rio recipiant aliquid notatu dignum in fac-

to esse (esset quidem existere qualibet ex causa extra propriam naturam:) Ergo partes nostri corporis non amittent proprium robur, usque dum in facto esse sint maxime intemperata, atque ob id providit Divina Sapientiâ, ut certa quædam esse latitudo ad patiendum, ut non statim amittatur propria virtus. Sic enim servatur mundus ex contrariis constitutus, & dilatatur rerum interitus.

Secundò, quia intemperies fiens, ut fiens est, non dicit, nisi tendentiam ad mutatum esse: ergo nec mutatam partis temperiem, neque ejus infert debilitatem. Hoc enim constat ex præcissa diffinitione fientis, quam doctrinam docuit Gal. eleganti loco, agens de corde, & de sanguine, aut humoribus ipsum circundantibus, i. de prælag. ex pul. cap. 4. his verbis: *Ubi jam usus ad ultimam dissolutionem evenit, corporibus cordi vicinis refrigeratis, non poterit etiam corpus cordis non intemperatum existere, quod nihil est aliud, quam facultatem esse debilem, &c.* Vide quo pacto Gal. ut debilem facultatem essentialiter agnoscat, cordis intemperiem ita factam proponit, ut dicat, esse ultimam usus dissolutionem.

Quam sententiam confirmat 4. meth. c. 4. imbecillitas (inquit) partis nihil est aliud, quam

quàm intensa infemperies (subintellige, id est, secuta ad intensam intemperiem.) Idem asserit, lib. 3. de causis symp. cap. 2. & lib. 2. aphor. ad text. 2. & 3. de præfag. cap. 2. Et quamvis his locis non explicet, quæ infemperies sit, supponit tamen, debere esse factam, modo explicato, lib. de præfag. expul. citato. Quando autem dicit, intensam debere esse, apertè asserit, esse factam, nam quæ intensa est, radicata, id est, facta censetur, aliter non potest esse intensa.

Vndè satis constat, quid dicendum ad opposita. Ad primum dico, nullam in febribus putridis adesse debilitatem essentialem, nisi propter illud, quod jam impressum, & factum est in parte viventi: At verò, quòd fit, habet se ex parte causæ efficientis, & totum est in motu, & ex consequenti nondum fundat, aut constituit firmam, & essentialem debilitatem. Atque adeò juxta mensuram illius, quod dissipatum est in febre putrida, erit mensuranda debilitas; si parva facta est dissipatio calidi nativi, parva erit debilitas, & è contra.

Ad secundum dico, non ex quacumque læsione, aut vitio actionis, possumus colligere essentialem debilitatem, sed ex magno recessu; ista enim arguit eundem statum in principio operativo.

C A P. XII.

*Quare Galen. dixerit, intemperiem fientem
mutare usum, & non efficere debilita-
tem essentialem?*

Difficilis, & obscurus extat locus Galen. tamen confirmat nostram supradictam sententiam, lib. de præfag. ex puls. c. 4. ubi profiteretur, non esse essentialiter læsam facultatem, usque dum in corde ita sit mutatum temperamentum nativum, ut præpolleat aliquod elementum (quam mutationem Nos dicebamus pertinere ad temperamentum substantificum.) Sed difficultas stat in verbis sequentibus, quæ in principio capitis continentur: *Ad eundem modum, cordis corpus cum immodicè refrigeratum sit, calefactum, aut humectatum, aut desiccatum, pulsus pro suæ intemperiei modo facit languidos, id quod illi est esse offensam facultatem. At vero consuetudinem cum sanguine habere in ipsius sinibus contento, & cum spiritu, qui calidior (longè ac naturalis status requirit) sit, aut cum eo, qui in involucri cor ambiente est, vel in pulmone, aut cum ipso etiam involucri cor ambiente, & pulmone: usum est tantum variasse citra offensionem facultatis.*

Ean-

Eandem habet rationem refrigeratum esse, & refrigerari; ubi in ipso cordis corpore temperando præpolleat elementum frigidum, ceditur facultas. Sin in tunica cor ambiente, & in pulmone, & sanguine, & spiritu, quos ejus ventriculi continent, usus est remissio. Jam humiditates, & siccitates si in ipso corpore cordis consistant, nocent facultati: si in quopiam vicino, non immutant usum. Siquidem proba temperatura, & intemperies, ex quatuor fiunt elementis. Usus verò accessiones, aut remissiones ex calido, & frigido dumtaxat. Ubi jam ad ultimam usus dissolutionem deveniat, corporibus vicinis cordi vehementer refrigeratis, non poterit etiam cordis corpus non intemperatum esse: id quod nihil est aliud, quam debilitari facultatem. Hæc Gal. Equidem multa paucis docuit, & difficilia, nisi accedat ratio supra tradita, & divisio nostra; facta, & fientis: sed Galen. aliquando ita subtiliter loquitur, ut non capias, nisi firmiter hæreas aliis, quæ micrologicè nonnumquam contemplatur. Explico locum per quasdam propositiones, claritatis gratiâ. Et suppono, quòd, licèt positum est exemplum in corde, tenet tamen doctrina (paucis explicatis) in aliis partibus viventibus animalis sanguinei.

Prima propositio: Essentialem debilitatem

tē veram, & propriam agnoscit Gal. quando mutata est proportio elementorum componentium partem, ita ut alterum præpolleat: tunc enim verè, & propriè languet facultas. Et per excellentiam dicetur essentialis debilitas: quia deficit aliquid essentialē, nempe proportio debita elementorum, siue correspondens elementis. Vide quā apertè senserit Gal. statuendum esse temperamentum, quod Nos vocamus substantificum.

Secunda propositio. Qualis fuerit intemperies in corde producens hanc improprietatem elementorum, tales erunt languidi pulsus. Nam si caliditas magna, & intensa fuerit, erit languidus cum aliqua celeritate, aut frequentia; si magna frigiditas, erit languidus cum raritate, & tarditate, & aliquantulā duritiē; si humiditas intensa, erit pulsus languidus, cum mollietate. Si autem nimia siccitas, erunt pulsus languidi, duri, angusti, longi, graciles. Hanc conclusionem continet Galen. illis verbis: *Pulsus pro intemperiei modo facit languidos.*

Tertia propositio. Cum plura sint cordi vicinitate propinqua, ut sanguis, & spiritus, quæ in ventriculis, & sinibus continentur, & qui est in tunica ambiente, & in pulmone, aut in utroque simul, necessarium

rium est, ut cor habeat mutuam consuetudinem, id est, agat, & patiatur, ab his, quæ in talibus partibus continentur, prout hoc, aut illo modo fuerint affecta, & intemperata. Sunt enim aproximata, & habent efficaciam ad agendum, sed dùm agunt in cor, usum quidem adaugent, aut immutant, tamen facultatem cordis nonbùm essentialiter debilitant, quia nondùm mutant proportionem illam substantialem (quam vocat Galen.) elementorum.

Fundamentum istius propositionis, desumitur ex his, quæ de mente Gal. suprâ dixi de fienti, & factò. Cùm enim humores, & spiritus contenti in partibus circa cor, ipsum alterant, clarum est, quòd tota illa alteratio est, quid fiens, & in rigore non est aliquid factum. Apparebit ergò mutatio usus (sicut in febribus ab humore longius existente contingit) quod enim primùm faciunt tales causæ agentes, nil est aliud, quàm variare usum, & ex consequenti pulsum. Differt tamen hæc variatio ab alia, quæ fit in aliis febribus. Quia est cum majori periculo, & citiùs accedit ad essentialem debilitatem.

Et licèt augmentum usus, aut illius variatio, non contingat (ut plurimum) nisi mutatâ temperie cordis (ad hujus enim

mcz

medicam apponuntur differentiæ pulsus.) tamen Galen. nullâ factâ mentione intemperantiæ cordis, solius usus mentionem facit, quia illa parva, & remissa est, quæ nondum facit mutationem in proportionibus elementaribus, & ob id dixit, solum usum mutari; cujus mutatio conspicua apparet in pulsibus, sicut (exempli gratiâ) in exercitio, & aliis motibus corporis, & animi, & febribus incipientibus, tunc certè usus mutatur, & non mutatur status proportionum elementarium. Quamvis verum sit, mutationem usus diutius perseverantem, tandem inferre essentialem illam cordis mutationem.

Quarta propositio. Quando jam temperamentum substantificum variatum est, verbi gratiâ, versus frigiditatem, præpollente elemento frigido, in tali casu, eandem habet rationem, refrigeratum esse cor, & refrigerari; siquidem essentialiter læditur facultas: nam illud refrigerari, licet sit fiens; cum dicat unionem ad illud, quod jam in habitu factum est, eandem videtur habere rationem, ut simul debilitas essentialis, & læsio facultatis ab utroque procedat. Non quidem à refrigeratione, ut fiens absolutè, sed sub dicta ratione, quatenus importat terminum novum uniendum cum facto esse,

se, five cum refrigerato habituali. Et hōc intellexit Gal. quando dixit: refrigeratum esse & refrigerari, eandem habet rationem, & læditur facultas. Aliter non potest intelligi.

Quinta propositio. Si pericardium, si pulmo, si sanguis, & spiritus, qui continentur in ventriculis, frigescent, remittitur usus. At verò si humiditas, aut siccitas cordis in facto esse afficiant, apertum est, quòd nocent facultati, & essentialiter debilitant. Tamen si sola humiditas, aut sola siccitas afficiat, & distemperet prædicta cordis vicinia, non poterunt usum, vel augere, aut minuere, quia talis mutatio usus, præcisè, & propriè loquendo, fit à calore exuperante, aut frigore: constitutio enim mixti, licèt fiat ex quatuor elementis, tamen usûs permutatio à solo calore immoderato, vel à frigore fit.

Sexta propositio nullam habet difficultatem. Quando usus ad ultimam dissolutionem deveniat, perfrigeratis sanguine, & spiritu, aut aliis circundantibus cor, necessarium est, ut ipsum cor essentialiter debilitetur, & fatiscat. Has sex propositiones continet locus adductus Galen.

Licèt circa quintam propositionē non levis insurgit difficultas, ut possis suspicari

Contradictionem esse in dictis Gal. Quare in temperies à ficcitate, & humiditate, non possunt mutare usum? Si usus, & finis naturæ in conservatione cordis, & consequenter in conservatione totius animalis nullus est alius, nisi attemperatio, & spiritus animalis regeneratio, & nullum istorum confici potest sine debita quatuor qualitatum symmetria, ergo humiditas, & ficcitas, ut moderate, conducunt ad integritatem finis: ita immoderate destruent usum, aut immutabunt. Quis, obsecro, aut qualis erit spiritus, ubi immodica exorbitat humiditas? Quis concentus componentium elementorum, ubi nimia ficcitas?

Secundò, intra duas lineas potest ad hominem comprimi Gal. Nam si dicit, quòd humiditas, & ficcitas, si exuperent in corpore ipso cordis, debilitant essentialiter: ergo sanguis, spiritus, pericardium, pulmo (quæ vicina vocat cordi) si maximè intemperata sint, versus humiditatem, aut ficcitatem, poterunt etiam agere in cor ipsum, & debilitare: si autem debilitant, ergo mutant usum. Aut explicet nobis aliquis, quare dixit Gal. debilitari cor ab humiditate, & ficcitate, & non admittit, mutari usum à sanguine humido, & alijs humidis, aut ficcis circumstantibus? Nam Gal, statim in altera linea dicit,

D

quòd

quòd ultima ufûs diffolutio inducit debilitatem effentialem. Infero nunc: Ergo mutatio ufûs à caulis præter naturam via est in debilitatem effentialem. Hoc non poterit negare Gal. nec alius pro illo. Tunc fic. Quare, quæ poffunt debilitare, non mutabunt etiam ufum? Quòd autem humiditas, aut ficcitas debilitent, eft evidens. Quare hæc duo non fe habent ad convertentiam diffolutio ufûs, & debilitas effentialis? Eft, diffolutio ufus: ergo debilitas effentialis (hanc jam ipfe docuit Gal.) Eft debilitas effentialis, ergo ufûs diffolutio. Certè difficile eft explicari Gal.

Dico tamē, subtilitatem Gal. in hoc confiftere: quia confideravit, quæ funt illæ intemperantiæ, quæ per fe mutant ufum. Iftæ enim tales dicuntur, quia per fe, & immediatè, talem caufant varietatem, cujufmodi funt calor, & frigus, quarum proprium eft, ut quomodocumq̃ increfcant, mutetur ufus. Per calorem enim augetur, per frigiditatem minuitur. Refpiciunt liquidem intenfionem, aut remiffionem caloris cordis. Ar verò humiditas, & ficcitas propriè refpiciunt (quatenùs attinet ad præfentem difficultatem) instrumentum, arterias, fcilicet, & cor ipfum, quia quomodocumque increfcant, efficiunt blandum, aut durum
inf.

instrumentum, & consequenter pulsus du-
ros, aut blandos: non tamen magnos, & ce-
leres, ut intensior calor; aut parvos, & tar-
dos, ut intensius frigus. Et ob id dixit Galen.
quòd siccitas, aut humiditas non mutant
usum, propriè loquēdo, quia potiùs mutant
instrumentum. Et ita humiditates, & sicci-
tates in corde, debilitant facultatem, nullâ
factâ mentione mutationis usûs. Igitur de-
bilitas essentialis à facto esse, & mutatio
usûs à fiēte, prædicto modo, secundum Ga-
len. possunt explicari Undè satis constat ad
objectiones responsio. Nam licet passivæ
qualitates debilitent, corrumpant, & inte-
rimant cordis temperiem, non inde sequi-
tur, quòd mutant usum per se, licet postea
ad debilitatem essentialē sequatur par-
vus, & humilis pulsus. Est enim magna diffe-
rentia inter illa, quæ per se, & per accidens
fiunt.

C A P. XIII.

*De causis debilitatis virium, secundum
Hippocratis sententiam.*

Hippocrates alio modo, & forsan cla-
riori, causas debilitatis nobis propo-
suit (quamvis Gal. illum sine ullo fundamen-
to reprehendere aggrediatur) lib. 2. de victu
acutorum, text. 47. Sic enim ait: *Neque sanè*

ita peritos video Medicos, qui, ut oportet, cognoscant eas, quæ in morbis fiunt virium debilitates, & quæ ob vasorum inanitionem, & quæ ob ponon, id est, laborem. Et quæ ob aliam quampiam irritationem, & quæ ob morbi acumen fiant. Quas item natura, habitusque singulis affectuum species omnigenas fabrefaciat, quamvis cognita salutem, & mortem ignorate ferant Hæc Hippoc. Existimo, omnes debilitatis causas attigisse: non solum debilitatis essentialis, sed illius, quæ ab humoribus gravantibus originem sumit. Nam vasorum inanitio, aut per dietam, aut per sanguinis vacuationem, aut expurgationem, aut per sudorē, aut per insensibilem halitū, si modum excesserit, debilitatis essentialis causa existit, non solum quia instrumentum commune exhaurit, spiritum scilicet, sed quia partes solidas viventes, in habituales affectiones solet deducere. Secundò, debilitas essentialis potest contingere ob aliquam irritationem. Hanc causam noluit intelligere Gal. & reprehendit suum Magistrum, sed defectu considerationis. Nam Hippoc. nomine irritationis intellexit quidquid, irritando, & malignâ qualitate afficiendo, vires dissolvit, quod videmus in humoribus malignis, aut pestilentibus, aut sordidâ putrefactione corruptis: tales enim humores,

nullo

nullo modo gravando (quia possunt esse in pauca quantitate) sed solâ venenosâ, aut malignâ, aut pestilenti qualitate, etiam ipso primo die morbi vires essentialiter dissolvunt. Sed hæc jam pertinent ad res præter naturam; quare hic pauca dicenda. Mirandum tamen, quàm audacter sanguinem detrahunt aliqui Medici, in morbis venenosiss, & malignis, dissipato spiritu à malitia morbi.

Labor apud Hyppoc. plura significat: scilicet enim nomine laboris quidquid naturæ contrarium est intelligere, dolorem, vigiliam, anxietatem, inquietudinem.

Per morbi acumen, magnam, & intensam intemperiem intelligimus, sub qua etiam copia gravans comprehendi potest. Quin & sub irritatione, nam irritatio, non solum reperitur in prædictis causis malignis, sed in copia gravante. Tamen, quia hæc (quando sine malitiâ est) non statim essentialiter debilitat, licet videatur irritare, ideo de illa separato capite agemus. Hic enim solum debilitas essentialis proponitur. Tandem Hypp. ut simus certiores debilitatis essentialis, jungit prædictis causis alias, quæ sumuntur ex habitu raro, & resolubili. Nam si aliqua ex supradictis conjugatur cum temperatura calida resolubili.

certissima est debilitas essentialis. Concludit Hypp. suam sententiam gravissimis, & tremendis verbis : Cognitæ à Medicis istæ causæ debilitatis, salutem ferunt, ignoratæ mortem.

Sed dubitas, an vasorum inanitiones, de quibus Hypp. agit, debilitatem causent in corde, & partibus viventibus, an solùm ista debilitas attendatur penes defectum instrumenti, scilicet, spiritûs? Diximus enim suprâ, quòd defectus spiritus vitalis, & animalis constituit quendam gradum imbecillitatis.

Aliqui dicunt, talem debilitatem non esse essentialem partis viventis, quia nulla est facta intemperies, solùm enim intervenit absentia spiritûs, quia statim, ac reparatur alimēto, potu, & rebus tenuis, & odoratæ substantiæ, nulla debilitas apparet, sed redditur homo integer ad actiones proprias.

Tamen ego hinc elicio veritatem, quam suprâ proposui; differentias essentialis debilitatis attendendas penes defectum principij operativi, atque cùm tale principium compleatur, non solùm cordis tēperie substantificâ, sed qualitativâ, & spiritu debito, in quanto, & in quali, consonum est, ut quatuor gradus constituendos existimē, diversos, penes difficile, aut facile restaurabiles.

Est

Est itaque prima, & levisſima, quæ in deperditione ſpiritûs factâ per exercitia, aut ſimilem cauſam conſiſtit; hanc ſequitur, quæ per vacuationes, & inter has, quæ per abſtinentiam fit. Tamen, quia per tales ſpiritûs conſumptiones, depauperatur calor cordis, hinc eſt, ut jam incipiat apparere alia debilitas orta ex cordis mutatione qualitativâ, ſed non difficulter ſanabilis; citò enim reddit homo ad integritatem, quam in animi deliquium incidit, ex ſanguinis largâ miſſione.

Ubi notandum, hanc debilitatem vocari ab aliquibus per conſenſum, quia, ſcilicet, cor non recipit ab ſpiritu ſibi debito, quod debet recipere; & ob id fatiſcit, ut brachiũ, quod non movetur, quando nullum recipit influxum à cerebro, acutè dictum. Tamen, cùm percipiamus ad ſpiritûs abſentiam cor poſitivè refrigerari, ut demonſtrant pulſûs tarditas, & raritas, poſſet aliquis defendere, debilitari cor eſſentialiter qualitativè, quia frigefcit, remoto ſpiritu ab aere respirato, & partibus vicinis frigidioribus; & quamvis iſta ſpecies debilitatis ſit in facta diſpoſitione, eſt tamen facilè amobilis reſtauratione adhibitâ, ut dictum eſt. Quod quidem intelligendum venit de exolutione, quæ eſt primus gradus defectûs virtutis, & de animi

deliquio, quod est secundus gradus; solent enim faciliè restaurari. Sed audiant, obsecro, Medici. Nulla fides adhibenda est talibus naturæ dispositionibus, quia multoties cōtingit, ut tales debilitates properent in mortē nullā admissā restauratione: quamobrem semper timere debemus exolutiones, & deliquia, quia transeunt in syncopem, qui est tertius gradus defectionis virtutis. Et ita quamvis illa debilitas (qualitativa appellata) sit faciliè amobilis, quia tamen gradus est ad aliam, considerata, & timenda quacumque ex causa. Minus certè quando sequitur ad insignem vacuationem rectè indicatam, à Medico docto cognitam, & executā, quod Hypp. docuit i. prorrhetic. p. 2. text. 5, his verbis: *Quæ præter vacuationis vasorum rationem contingunt impotentia, infirmitatesque, non existente vasorum vacuatione, mala.* In cujus explicatione Gal. sic ait: *Invalidos, languentesque in operationibus (sicuti plurimum vacuatos) in periculo esse existima, si nulla in ipsis facta fuerit insignis evacuatio. Nam si virtus sine ulla manifesta vacuatione imbecilla fuerit, gravantem ostendit copiam, vel alicujus partis principis intemperiem.* Ex quibus colligitur, non esse malas absolutè dicendas debilitates, quæ sequuntur ad evacuationes, quia possunt reparari; esse tamen absolute

lutè malas, quę sine ulla manifestā vacuatione contingunt. Sed quamvis illę malę non dicantur, quia manifestam habent causam, quare parvi pendendę? cum neglectę in pravas facیلè transcant.

C A P. XIV.

*De dignoscenda debilitate essentiali
facultatis animalis.*

CUM dictum sit, debilitatem essentialem omnibus facultatibus contingere, quę utuntur organo corporeo, animalibus, vitalibus, & vegetabilibus, apertū est dignotionem peti debere ex actionibus, & aliis effectibus ipsarum; sed quia primum locum obtinet actio partis, & immediatum ipsi facultati, ideò Medici de actionibus semper loquuntur, nam ut potentię differunt per actus, ita læsiones illarum per actus læsos cognoscimus, quibus adjungimus qualitatem mutatam, & excretum, & omnia alia accidentia, quę consequi solent.

Debilitas virtutis animalis, licet non soleat considerari communiter ad vacuationes magnas, de quibus agimus, tamen talis potest esse, & ad tales causas secuta, ut magnum remedium per vacuationes dictas, non possit exerceri. Animalis virtus, sedem ha-

bet

bet in cerebro, & ab illo in reliquas partes communicat, quod necessarium est ad motum, & sensum. Indiget autem debito temperamento, & debito spiritu, qui ab aëre inspirato materiam suscipit (ut docuit Hypp. lib. de morbo sacro, & sæpe alibi) & à spiritu vitali à corde transmissio. Ergo essentialis debilitas animalis virtutis proficiscitur à temperamento everso cerebri, & instrumentorum illius, ut videmus in senibus, qui ob ætativam intemperiem habent defectuosas actiones animales. Illud ergò, quod in ætate senili fieri conspiciamus, etiam in aliis ætatibus ex vi morbificæ intemperiei potest contingere, aut quæ supervenit, aut quæ à principiis generationis innascitur, quæ aut calida, sicca, humida, aut frigida potest esse. De sola caliditate dubitas, quomodo debilitet essentialiter ad motum, cum potius videatur juvare, ut in phreneticis, qui validissimos solent edere motus. Sed certè cum motus animalis ex robore virtutis procedit, non tam gaudet nimio calore, qui exolvit spiritus, quàm cum illo, qui illos unit, & conservat in ordine ad motum. Motus autem phreneticorum potius sunt convulsivi, & qui cōvulsivi non fuerint, statim desinunt, & fatiscunt, quasi flamma levis. Itaque cerebrum, suum justitiale desi-

de-

derat temperamentum , quod si amittat, flaccefcit essentialiter; neque ministrare potest commodum instrumentum ad nervos, & mufculos.

Secundò, debilitas essentialis hujus virtutis attenditur penes instrumenta ipfa (ut fupra dicebamus loquentes de corde) nam potest eſſe cerebrum optimè temperatum, fed defectus ſpiritùs animalis erit in cauſa, ut ſit defectus in motu. Nam ſi non adefit commoda materia ſpiritùs, nulla erit ſapientia, nullus motus corporeus, undè obturatis arteriis jugularibus, per quas aſcendit vitalis, ſeu tenuiſſimus ſanguis, aut ſi non obturentur, ſi tamen cor ſibi tantùm paret ſpiritum, & non ſufficientem aliis, aut ſi mittat ſufficientem quantitatem, non tamen debitâ præditum qualitate, ſine dubio difficultas erit motùs animalis; quæ debilitas essentialis dicenda, quia defſicit unum ex principiis conducentibus ad opus. An verò debeat vocari per eſſentiam, aut per conſentum, jam ſupra tactum eſt, idem enim modus reſpondendi.

Tertiò, potest eſſe debilitas essentialis ex parte instrumenti, quia mufculus, in quo executiva virtus reſidet, impotens eſt ad exequendum motum imperatum, propter aliquam inſignem intemperiem, ita ut
quam-

quamvis in cerebro, & in spiritu nulla sit intemperies, aut alius defectus, tamen quia potentia executiva est essentialiter debilis, nullo modo natura exequitur motum, ut decet. Ergo debet medicus considerare, & memoriâ tenere omnia signa intemperatarum, & quærere diligenter, qualis ista sit, quæ inhabiles reddit musculos, quando in cerebro, & aliis viis nullum est impedimentum. Prætereâ cum non inveniatur signa gravantis humoris, & reperiatur signa factæ intemperiei, certò poterit affirmare, debilitatem essentialem esse in partibus elicientibus motum, id est, in musculis, & partibus nervosis, exequentibus.

Ex his differentiis nulla potest per pulsum dignosci, nisi illa, quæ contingit ob inopiam spiritûs vitalis, aut ob pravam qualitatem ipsius, aut propter obstructionem arteriarum, aut compressionem, nam reliqui fieri possunt sine cordis mutatione sensibili: qui verò pulsus adsint, inferiùs dicam, quia pertinet ad debilitates cordis, cum quo cerebrum consentit, aut cujus ratione laborat.

Debilitas ergò virtutis animalis, eò solum potest vacationes, aut impedire, aut temperare, quatenus defectu spiritûs animalis laborat, & tam dejecta existit, ut neque

que appetere, neque movere prævaleat; & sanguine egeat ad sui conservationem, & spiritus paucos, quos habet, non liceat in evacuationibus consumere. Ad expurgationem autem, etiam requiritur debita spiritus animalis copia, & musculorum sufficiens virtus, quia illis utitur natura ad compressionem; & medicamentum purgans spiritui adversatur, & ad exolutionem disponit. Quamobrem considerandus est status hujus facultatis, qui constabit ex actionibus motus, & sensus. Utinam sic posset medicus judicare de pulsu, sicut de actionibus facultatis animalis. Sed quando de animali debilitate verba facimus, citandus est Avicenn. qui ex mente Hypp. & Gal. dicebat, cap. 20. 4. p. *Cave, ne venam incidas ejus, qui habet acumen sensus in ore ventriculi, vel imbecillitatem, &c.* Præcipit tamen prius providentiam esse habendam (si forsan urget necessitas evacuandi sanguinis). concludit enim, asserens, mortuos esse aliquos, & alios in magnum discrimen devenisse, ob negligentiam in defendendo, & confortando, quæ roboratio ad animale pertinet facultatem, quæ ibi residet.

Sed dubitabis circa supradicta, cum dictum sit, debilitates essentielles desumi ab affectibus, qui inveniuntur in principiis
acti-

activis ad operandum ex parte corporis, quare nulla fit mentio debilitatis, ortæ ex soluta unitate, & mala compositione? Siquidem ad benè operandum, non solum temperies, sed unitas, & debita compositio concurrunt. Secundò, non videntur essentielles debilitates, quæ sumuntur ex temperie calidi influentis. Nam temperies actuata (illa quæ ex influenti, & radicali componitur) propriè attingit actiones vegetales viventis, quæ jam non calido fluenti, sed influxo simul, & radicali tribuuntur, quod actuatum nuncupatur, & est, & potest dici temperies partis. Tertiò, quia explicando locum Hyppoc. diximus cap. 13. posse sub irritatione etiam plenitudinem intelligi.

Ad primum dico, in hoc tractatu esse sermonem de statu virium in ordine ad magna auxilia. Vires (per excellentiam) dicuntur, quæ totum corpus respiciunt, quales sunt in principibus residentes, cerebro, corde, & hepate, nam penes istas metimur illa auxilia, quæ universaliter etiam sunt, sicut illæ universaliter utilitati totius inserviunt. Et ob id licet verum sit, quod luxatio est causa debilitatis in parte luxata, & divisio continui in parte divisa (ut dicitur in proposito dubio) tamen non ex istis
sum-

sumitur universalis idæa , quæ dirigat universalia auxilia , & ob id nunquam antiquitas has debilitates particulares contemplatur, nisi forsan principales partes attingant, quæ rarissimè accidere possunt.

Ad secundum dico, quòd licèt ad temperamentum actuatum pertineat illa debilitas qualitativa (quæ rectè tangitur in dubio proposito) tamen, quia tale temperamentum indiget continuâ conservatione, dependente ab influente, quâ deficiente, breviter deficit, hinc est, ut cogamur ponere aliquem gradum debilitatis in defectu hujusmodi influentis calidi.

Ad tertium, jam suprâ insinuata fuit solutio. Hyppoc. ut primus, non utitur his terminis, quos forsan defessa invenit posteritas, ille sapientiæ humanæ parens, multa paucis includit; & ita quando dixit, ab irritatione debilitatur natura, plura intellexit: debilitatur ab irritatione, quia talis affectio continuam vigiliam inducit, quia dolorem, quia anxietatem, & alia hujusmodi: atque cùm plenitudo, quæ vires molestat, multa habeat ex dictis, quid mirum, quòd oraculum Hypp. extenderim?

C A P. XV.

*Facultatis vitalis debilitas essentialis
diagnoscitur.*

EX propria actione cordis certum iudicium sumimus facultatis in illo residentis. Nam facultas pulsatrix, quæ per suos motus reliquas facultates cordis conservat, etiam illos mutat secundum necessitatem, manifestè declarans, quando robur, quando debilitas adest. Pulsus igitur erit languidus, parvus, & æqualis (obsecro, ut animadvertas sollicitè quæ dico, nam loquor de debilitate sola essentiali, & non complicata cum alia.) Talis ergo debilitas semper habet pulsum prædictum: fallit tamen imperitos æqualitas, nam laudant pulsum æqualem, & audent promittere salutem, aut securitatem, cum tamen illa æqualitas sit magnum indicium habitualis debilitatis, æqualiter jam factæ. Nam si aliqua inæqualitas reperitur in tali pulsu, debes suspicari aliquid aliud complicari cum essentiali debilitate, cujus causa amittitur æqualitas, quamvis semper languidus maneat pulsus. Atque cum reliquæ omnes virtutes naturales, & animales ope cordis indigeant, videbis statim ad illius debilitatem

tem essentialem in aliis omnibus manifestum defectum; quomodò autem debeas cognoscere pulsum languidum, parvum, & æqualem, discere ex Gal. aut brevius in nostris opusc. de pulsib. Si enim ignoras principia, & fundamenta tractationum priorum, quomodò poteris percipere conclusiones posteriores?

Si igitur maximè languidus est pulsus, humilis, & parvus, cum equalitate, & ita perseverat, nullus est, qui vacuationem moliri intendat, nisi ille, qui mortē sollicitat. Quòd si consideras omnes causas, quæ præcesserunt, certior eris de ista debilitate; siquidē nimia vacuatio, ab arte, aut naturâ, acerrimus, & intensus calor, vigilia producta, ciborum parcimonia, aut omnimoda abstinencia, ingens dolor, timor, tristitia, magnus motus corporeus, profusus coitus, essentialem debilitatem inducunt, non solum illam, quam dicebamus, ad paupertatem spiritûs pertinere, sed aliam, quam in cordis mutatione constituebamus.

Ubi illud notandum, quòd omnes prædictæ causæ in termino ad quem, prædictum pulsum constituunt: tamen dum fit, apparent debiles pulsus, sed cum aliquâ differentiâ particulari, quæ sequitur speciem causæ, aut dolorem, aut vigiliam, aut acrem calorem, &c.

E

Illud

Illud autem maximòperè advertendum duxi, contingere aliquando, pulsū prædictum immutari, apponente naturā aliquem conatum. Tyrones verò putant, esse gravatam facultatem, & non essentialitèr defatigatam, nam existimant, quòd conatus semper apponitur ad humorem gravantem depellendum. Et re verā sic se res habet, ut dicunt, sed non semper. Nam in ista debilitate neuiquam complicatā cum onere humorum, potest accidere conatus excitatus etiam à moderatis, aut paucis fuliginibus, quas dejecta natura excutere nequit, quæ fuligines non ab humoribus pravis, aut multis elewantur, sed à quotidianis coctionibus per morbum. Quis in tali conatu cogitare poterit de evacuatione? Nullus sanæ mentis. Possunt enim plures tunc congregari fumi, quàm antea, & natura novum detrimentum, aut timens, aut sentiens, mutat pulsū. Conatus in debili virtute, ut ego existimo, animæ quædam vis est appetitiva propriæ conservationis in suo corpore, & ideò motiva localiter. Spiritus siquidem, & sanguinem movet, pertinetque ad potentias animales. Contingit ergò tempore magnæ necessitatis, spiritus fluentes applicare ad locum oportunum, ad musculos pro motu locali, ad cor pro motu vitali, ut
cri-

eripiat suum corpus ab ultimo, & proximo malo: & ita senex, aut claudus, viso leone, aut tauro, currunt, & fugam capiunt, qui antea nec se movere poterant. Itaque vis illa conjungit has vires, quæ in spiritu animali, & vitali resident, quia spiritus ipsos valet movere ob intensum animi affectum. Neutiquam alios, quia illis caret, non enim applicat temperiem substantificam, quam jam amisit per ætates, neque applicat vires radicales partium, quia immobiles sunt. Applicat ergò quas potest, quas habet, paucos, scilicet, spiritus, & motu illo locali atterit, & incendit, undè usus augetur, & pulsus mutatur. Ut igitur adest conatus in facultate animali, quantumvis sit debilis, & sine ullo onere, ita potest esse in facultate vitali, sine ullo onere, & ita magna fallacia est, & in magnum damnum agrotantis, si quando debilis est per essentiam, apparente aliâ novâ mutatione, & inæqualitate pulsûs putat Medicus, aliquam esse celebrandam vacationem.

Ultimò notandum diligentèr. (quod à nullo video animadversum) inæqualitatem pulsûs reperiri cum debilitate per aggravationem, & aliquando cum aliis causis, ubi nulla est aggravatio: Medici verò non ita intenti rebus ad eò feriis, & tam magni mo-

menti, existimant oneratam esse naturam, & ad vacuationes festinant, simulque in mortem ægrum miserum non ducunt, sed trahunt. Et tantò frequentius casus iste plorandus contingit, quantò ista inæqualitas pulsus solet cum essentiali debilitate reperiri, quod in sequenti capite clarissimè demonstrabo.

Hic verò conclusum accipe, debilitatè essentialè cordis, nullo alio affectu complicatam, omninò impedire vacuationem, aut per sanguinis missionem, aut per expurgans medicamentum. At quo pacto mensuret, & coarctet modum evacuandi, quando cum gravante humore concurrat, separatam considerationem, & separata indicia exposcit.

Rursus debilitas essentialis, cujuscumque virtutis vegetalis, coquentis, trahentis, retinentis, expellentis, & nutrientis, non obscuras habet causas, & signa. Siquidem ab omni intemperiei genere (ut sæpius diximus) oriri potest: quam doctrinam ex lib. artis medicinalis discas, & aliis locis.

C A P. XVI.

*De debilitate per aggravationem
communiter dictâ.*

VIres dicuntur debiles respectu objecti, circa quod versantur, aut respectu oneris, quod sustinent, quamvis ipsæ in se validæ sint. Et ita potest dici debilitas respectiva, sive secundum quid. Quamvis habeas optimum organum visûs, & perfectum temperamentum, & excellentem influxum à cerebro, quibus gaudet potentia visiva, debilis tamen dicitur respectu corporis solaris, aut splendidissimi objecti, quod nequit videre eo modo, quo videt alia objecta sibi proportionata. Similiter motiva dicenda est valida, intra suam sphaeram objectivam, sed extra illam non poterit movere, quia opprimitur. Ita de vegetabilibus, asserendum, coquere, retinere, expellere, trahere, assimilare poterunt suum objectum: at si extra istam sphaeram deducantur, jam non agunt (ut sic dicam) sed patiuntur: & quæ validæ sunt ad proprium finem consequendum, jam respectu improportionati objecti debiles dicuntur, ita ut, si tollas impedimentum, integræ maneant, aut citissimè reducantur, si alii

E3 quæ

quantulùm fuerint perpeſſe. Iſta diſpoſitio multoties per morbos reperitur, nec nil magis in ore omnium, quàm debilitas per aggravationem. Quæ aut ſola exiſtit, aut cõplicated cum debilitate eſſentiali. Cauſã autem aggravationis(propriè loquendo) multitudinẽ eſſe, omnes Medici conſtituunt, quam gubernare, aut portare natura nõ valet, ob excedentem quantitã, reſpectu virium: in quo abſtrahunt à vitio aliquo, aut malã qualitate, licet iſta poſſit complicari. Quæ in parte, illorum error notandus, qui putant, plenitudinẽ quoad vaſa ſemper eſſe quoad vires, aut ſemper cõplicari: cùm nil magis, contra veritatem, quam veneranda illa, & fidelis nobis, reliquit antiquitas: ut breviter explico. Plenitudo ad vires relata, non ſemper vitioſa eſt; ſiquidem incipit aliquando ſine vitio, quamvis poſteà putrefcat, in quo dicebat Gal. convenire cum illa, quæ ad vaſa nominatur. Utraque certè in ſui naturã non includit putredinem, aut aliud vitium, ſed ſolam exuperantem molem. Hęc reſpectu continentis loci, illa reſpectu gubernantis facultatis. Quam ſententiã ab Hypp. ſuſcepimus. Quia plenitudo vaſorum, ſolum reſpicit capacitatem vaſorum, intactis omninò viribus, imò cum excellentiſſimo habitu, quem vocat ſummẽ

Deſtrui-
tur opi-
nio Mer-
cati.

bonum; solvere tamen illum præcipit, ne incidat in deterius. Summa autem bonitas numquam est sine perfectis viribus. Hic est status plenitudinis vasorum præcisè sumptæ, quæ toto Cœlo differt ab alia, in qua solæ vires patiuntur, quamvis vasa non sint plena, imò (millies) neque mediocriter repleta, sed vires non possunt gubernare fluentes humores per vacuitates vasorum. Unde illa perfecta exercitatorum dispositio nullum habet sensum gravitatis, nec pulsum inæqualem, sicut altera, viresque in summo sunt rubore; habet tamen maximum periculum, ne alimentis sumptis ita crescat sanguis, ut rumpantur vasa, aut suffocetur calor. Itaque non laborat facultas. At in alia, quæ ad vires dicitur (ipsa dictio demonstrat) sine dubio à primo instanti laborant, & impotentes sunt. Audi Galen. in aphor. 3. 1. quem obiter declaramus, ubi ait: *Cujus rei documentum esse potest bonus habitus Athletarum, qui inculpabilis existens (ut qui, & bonis abundet humoribus, & vires habeat robustas) hoc solum malum per maximum gerit, quod ad extremam pervenit repletionem.*

Quod verò à primo instanti laborent vires in altera plenitudine, quæ ad illas refertur, dicebat Gal. lib. proprio de plenitudine. Signum enim proprium illius est sensus pon-

deris, animali facultate non potente tolerare. At verò in ea, quæ ad vasa, nullus talis sensus adest, nec ulla querela, sed præ bonitate suspecta est ista dispositio, ne accessu alimenti, defectuque exercitii incidat in deterius. Quod si aliquis fuerit sensus tensionis, non pertinet ad debilitatem: quod Gal: ex professo docuit lib. de plenitud. ubi probat manifestam distinctionem inter istas plenitudines. Hæc dicta sunt obiter, ut intelligamus sermonem nostrum in isto cap. de plenitud. esse, quæ ad vires refertur, in qua manifesta reperitur pulsûs inæqualitas.

C A P. XVII.

De indiciis debilitatis, quæ sit à gravante onere.

Non potest esse unum genus signorum in hac re, nam cum multitudo possit animalem facultatem, vitalem, aut vegetalem gravare, ex cujuscûque affectione aliqua emergent signa. Quod si duæ, aut omnes facultates consentiant, erunt mixta etiam ipsa signa, sed non possumus in isto capite verbum proferre, nisi supponamus Galen. doctrinam maximè necessariam de inæqualitate pulsûs, lib. 2. de præſagat. cap. 4. causas
quas

quatuor proposuit inæqualitatis, obstructionem, aut compressionem instrumentorum, aut plenitudinem ad vires, aut cordis inæqualem intemperiem. Ex quibus verbis colligimus, non quamlibet inæqualitatem pulsus esse signum aggravationis, seu plenitudinis, siquidem potest fieri ab aliis causis. Facile igitur falli possumus in cognoscendâ istâ debilitate ex pulsu. Cōmuniter dicunt Medici (& ex mente Galen.) apparere quasdam pulsationes vehementes, alias non ita, esse signum aggravationis, & adducunt exemplum suprâ adductum de homine portante onus. Sed interrogo. Cū multoties natura ad illas pulsationes majores efficiendas, aut vehementiores, vires non habeat, quomodò ex pulsu cognoscas aggravationem? Præterea, quare Medici non docent alias species inæqualitatis, quæ necessariò in plenitudine, aut cacochimia solent evenire? Nam inæqualitas in una pulsatione sub pluribus digitis aderit, si gravata arteria in diversis partibus tangit plures digitos. Et ita non erit spectandus numerus pulsationum, sed in unica pulsatione, imò, & in unica dilatione poterit dignosci humorum pondus inæquale. Idem dici debet de compressione.

Quod magis constat in morbis, in quibus
cum

cum quãtitate humoris adest qualitas irritã; est enim necessum, ut istas inæqualitates experiatur natura. Præterea, quod supra dicebam de æqualitate pulsûs in essentiali debilitate, potest aliquando maximam habere fallaciam ob adjunctas causas, ut ibidem insinuavi, nam febris hæctica pestilens habet pulsus æquales similes naturali, ut docet Galen. 3. de præfagat. ex pul. cap. 4. Ergo profundè rimari convenit alias causas, quæ solent complicari, & alia signa perpendere, ut ex pulsu, & illis simul sumptis, perfecta sumatur cognitio.

Quamobrem si debilitas contingat propter humores venenosos, aderunt signa veneni, foetor respirationis, lingua nigra, delirium, animi deliquia, urina nigra, aut livida, aut perturbata, inquietudo magna, &c. Pulsus verò erunt inæquales; sed paucissimas, aut nullas habebit vehementes pulsationes, sed languidus semper, & parvus, & forsan dat aliquam pulsationem majorem, & fortio rem, nam irritatio venenosa cogit naturam ad exiliendum, & aggrediendum majores motus, aut vehementiores; sicut enim in plenitudine sola, adest illa inæqualitas supradicta, & cognita in pluribus pulsationibus, aut in una, ita in humoribus suã malâ qualitate irritantibus contingit; quãvis

vis multi non sint. Est tamen hæc differentia & non parva, quòd humores maligni, & venenosi statim à principio naturam, & spiritum dissolvunt, plenitudo verò non ita. Et ob id, dico, quòd in malignis, & venenosis vix invenes aliquas pulsationes vehementes; sed in plenitudine sine tali vitio, plures.

Tamen hic pulsus, quem in morbis malignis, & venenosis animadverto, inæqualis in pluribus, & in una pulsatione, adest quidem in febribus pravis; & magnæ malitiæ, & veneni, dum incipiunt, dum augentur. At quando in corde facta fuerit æqualis intemperies (quæ est deterior terminus ad quem) pulsus jam erit æqualis, ut dicebat Galen. de pestilenti hecticâ, qui jam propè mortem solet apparere. Sed accedamus ad alia signa. Nam segnitiam, & impotentiam ad motus liberos (jam, suprà diximus) esse indicium oneratæ virtutis, quod latè prosequitur Galen. lib. de plenitud. & lib. de sang. mis. c. 4. sed pondus facultatis naturalis (de qua obscurior est sermo) etiam sentitur, ab animali facultate, saltim ab illis hominibus, qui, ut ait Gal. lib. cit. de plenitud. cap. 11. vegetiori pollent sensu. Sentitur enim profunda quædam, & obscura gravitas in corpore.

C A P. XVIII.

*De facultatis naturalis debilitate, propter
aggravationem.*

VIdeo omnes asserētes, quòd licèt detur plenitudo respectu virium naturalium, five merè vegetabilium, tamen nulla (ut dicunt) habet signa, quibus cognoscatur, propria, & peculiaris, sed cognoscitur mediatè per alia, quæ pertinent ad facultates, cum quibus vegetalis consensum habet. Et ob id dicebat Galen. loco citat. de plenitudine, quòd à solis illis sentitur istud genus plenitudinis, qui acuto excellunt sensu. Et secūdò, arteriæ inæqualiter pulsant, quia talis sympathia naturalis virtutis cū vitali existit, ut humores intra venas existentes confluant ad arterias, nisi ita crassi, & lenti sint, ut nequeat arterias pervadere. Quòd si hoc ita reverà contingit, ergo non semper, quādo naturalis est onerata, erit pulsus inæqualitas. Hæc certè consequentia ex prædicta doctrinâ elicitur, nam solùm adest, quando humores tales sunt, ut fluant in arterias, quales sunt tenues: ergo quando fuerint crassi, aut adhærentes venis, non erit ille motus inæqualis arteriæ. Prætereà, quando con-
flunt

fluunt ob tenuitatem, potius dicenda erit oppressio vitalis, quàm naturalis.

Sed cogitanti mihi, quomodò sit possibile, quòd onerata naturalis non habeat aliqua signa propria, quibus dignoscatur, venit in mentem, esse quidem, sed non fuisse ab Authoribus adnotata, quia majori ex parte utuntur aliis. Video tamen, Hyppocratem illa non prætermittere, nam lib. 3. de diætâ, plures plenitudines ad vires naturales recenset, & illarum signa proponit. Nam nullo consensu considerato, plenitudo ista præcisè attenditur in ordine ad facultates partium, coëtricem, retentricem, tractricem, & expultricem. Quando ergò coëtrix habet plus quàm valeat concoquere, consequenter relinquit illud, & gravatur retentrix retinendo, quod nec potest, nec debet retinere. Et expultrix incipit gravari à quanto quâvis nondùm irritetur à quali. In statu isto, quando nullus est manifestus consensus cum aliis facultatibus, potest cognosci plenitudo, quia massa sanguinaria, quæ est universale objectum coëtricis, incipit calefcere totum corpus, quâvis non adsit febris; cum enim illa abundantia non possit gubernari à prædictis facultatibus, ex necessitate naturæ (etiamsi nulla sit obstructio) incalcescit, & disponitur ad putredinem. Est
ergò

ergò qualitas mutata ad tactū Medici. Prætereà, secundò erit aliqua mutatio in colore naturali, quia est certum indicium prave cōctionis, & nutritionis. Tertiò, corporis marcor etiam incipiet, sine ullâ causâ pro-catharticâ, ut eleganter Hypp. lib. de digesta animadvertit, ponens exemplum in lignis viridibus in igne. Ut enim ignis multis viridibus lignis obrutus marcescit suffucatione, quæ propriè non est marcor, ita similiter viror naturalium virium flaccescit alimento improportionato. Quæ doctrina Hyppoc. potest intelligi, sine consensu aliarum facultatum, si illud objectum, quod molestat naturalem tantummodo, excedit limites virtutis naturalis. Prætereà, prout pars naturalis fuerit gravata, talia erunt signa. Si genus venosum, urina, si ventriculus, si caput, &c. à signis partium sic affectarum, oriatur cognitio: ergo non solum ad facultatem animalem, & ad pulsum recurrendum est, sed omnia meditari.

Diximus, aggravationem naturalis virtutis existere aliquando posse, vitali manente liberâ. Nunc ad vitalem dirigatur sermo.

* * *

C A P. XIX.

*De cognoscenda debilitate vitalis facultatis,
propter gravantem, aut molestatem
humorem.*

Facultate vitali oppressâ, semper opprimitur naturalis, non è contra: Ratio est, quia vitalis cum fortior sit, & excellentior, & quæ naturali communicat vitalem illum influxum calorificum, quo partes actuantur, & vivificantur, necessarium est, ut oppressâ principali virtute, opprimatur inferior. Cognoscitur autem debilitas vitalis ex pulsu, illius propriâ actione, ut coepi dicere superiùs, quando pulsus est inæqualis, non solum in vehementia, sed in magnitudine, & celeritate, & frequentîâ, teste Galen. 4. de præfag. ex pul. c. ultimo. Undè, quando interrogo, quomodo cognoscatur per pulsum debilitas ex aggravatione? Respondēt, quia percipiūt quasdam pulsationes fortes, alias debiles. Nondum satisfaciunt dubio. Inquit ergo Gal. quod nunquam invenerit inæqualitatem in vehementia, quin etiam simul perciperet inæqualitatem in magnitudine, celeritate, & frequentîâ. Ratio, ut arbitror, hæc est: nā si vehementia est inæqualis,

lis, quia facultas exurgit, modò plus, modò minus, quia nō potest æqualiter portare, & tolerare onus; undè non solùm una pulsatio erit vehemens, & altera lāguida, sed in una pulsatione, arteria poterit incipere cum vehementia, & lāguescet in medio motu: ergo eādē ratione crit necessarium, ut aliquas pulsationes faciāt magnas, alias parvas; & propter defectum magnitudinis, erit necessarium, ut augeatur celeritas, & sit inæqualis juxta magnitudinis inæqualitatem, & similiter si frequentia debet supplere defectus celeritatis, ad pensum inæqualitatis in celeritate debet apparere inæqualitas in frequentia. Sed inexperti, & parum attentī, non percipiunt istas differentias, sed solùm ictum, atque ex solo ictu, neque vehementia rectè potest dignosci. Itaque prædicto modo dignoscitur debilitas vitalis cordis, & arteriarum. Quod, ut supra tetigi, nō solùm existimo, esse verum in pluribus pulsationibus, sed in unica pulsatione; siquidem magnitudo, & celeritas in eodem motu possunt habere inæqualitatem, propter diversum statum facultatis (respectu oneris) in una parte motus, & in alia.

Undè magna debilitas existimanda, quādo magni, & vehementes pulsus à contrariis differentiis vincuntur, ut adnotavit Galen.

len. loc. cit. de præſag. ex pul. Et ob hanc cauſam pulſus exigui in febris acutis per ſudorem judicandis magnam oppreſſionem oſtendunt, & præ nimia copia, & irritatione humoris iudicationes ante tempus, & conſequenter recidivam oſtendunt, quod annis elapſis sæpè sæpiùs vidimus.

Sed antequam ab hoc puncto diſcedam, dubium non contemnendum diſſolvere decrevi. Contingit in febrientibus reperiri pulſus exiguos, & poſt vacuationes majores apparere; ratio aperta eſt Tyronibus; quia ablata plenitudine; & naturâ deoneratâ, majus ſpatium pertransit, quàm liberû eſt, & ipſa etiam potētior. Rectè dicis. Sed quare ante vacuationes numquam percipere potuiſti inæquales pulſus, & poſt illas manifeſtè apparuit inæqualitas, imò aliquando vidimus pulſum intermittentem, an aliquod inſigne, & occultum malum illatum eſt ab evacuationibus?

Reſpondeo, quod ante vacuationes erat intenſior calor, & uſus maximè adauctus, & ob id in tanta urgentia, non poterat natura quieſcere, nec pulſum rarum facere, qui ſimilatur intermittenti (quamvis talis non t) ſed tota erat intēta, ut ſatisſaceret uſui quàm celerrimè, & frequentiffimè, quamvis oncrata admodum eſſet. At poſt
F
quam

quàm per evacuationes libera existit à tanto pondere, & remittitur calor, ablatâ magnâ portione causâ, incipit natura à quocumq̃ onere derelicto gravari, & defessa (cum iam non urgeat intensus ille calor) quiescit paululùm, & videtur intermittere à motu. Quâ rationem cōsideravi in aliquibus, qui in statu naturali habeant pulsus intermittentes, & superveniente febre, non apparent tales pulsus, quod in senibus multotiès reperies, quia, scilicet, à quocumque onere lassata facultas intermittit: at ubi usus adaugetur, ad caloris præter naturam excessum, urgentiæ succurrens, amittit otium, & ad suas differentias convertitur, quod etiam in declinationibus particularibus accessionum observavi. Qui punctus ponderandus est, nè aliquis Medicus videns tales inæqualitates non putet increescere de novo aggravationem, & cogitet semper de evacuatione, forsitan ex ignoratione hujus tam necessariæ doctrinæ. Falli certè potest quisque, si reperit in vera declinatione talem inæqualitatem. Illud tamen iterùm, atque iterùm monere non desinam, ut librum de plenitud. Galen. intelligas, & fixâ memoriâ teneas, ut scias omnia signa plenitudinis, & omnium specierum illius, quæ ibidem contra Empyricos, contra Erasistratum, & alios dilucidè de-

demonstrat. Non enim scies causas debilitatis factę à gravitate, aut molestiâ humorum, nisi signa omnium plenitudinum calueris. Hic autem non sunt omnia dicenda, sed plura supponenda.

C A P. XX.

Omnium supradictorum conclusiones.

ERgò cum debiles agrotantes vario affici possint languore, ut latè explicuimus, jam obsecro, advertas conclusiones, quas in quacumque vacuandi occasione perspicere teneris.

1. In omni verâ debilitate essentiali, integra vacuatio est prohibenda.

2. Moderata vacuatio, seu mediocris, potest exerceri in mediocri debilitate, cæteris omnibus indicationibus concurrentibus.

3. In summa debilitate, nullatenus est vacuandum, neque mediocriter, neque per intervalla.

4. In magnâ debilitate, sed non summâ, si magna urget vacuandi necessitas, prædicendo prius, in quanto versetur infirmus periculo, & quantum periculum immincat, utendum est epicrasi, paulatim evacuando, & paulatim renutriendo, alimento humori peccanti apto. Teste Galen. 9. meth. cap. 10.

5. Quæ evacuatio, aut sectione venę, aut purgatione facienda est, pro ratione, scilicet, corruptelæ humorum, & prout humor corruptus sanguini commixtus, aut supernatans est, nam iste expurgatione, ille verò sectione venę expellendus, ex Galen. 9. meth. citat.

6. Debilitas, cujus causa fuit nimia vacuatio, magis impedit vacuationem, vel vacuatio fuerit ab arte, vel à natura, aut manifesta, aut insensibilis. Tales enim ægroti potius cibandi, quàm evacuandi.

7. Quando debilitas sequitur ad dolorem, aut ad morbum malignum, aut internam inflammationem, licet prohibeat fieri integrā evacuationem, tamen magis evacuandum est, quàm in ante dictâ debilitate. Et ratio est, quia hujus debilitatis causa est humoris præsentia, qui si in corpore manet, adhuc vires amplius prosterneat, atque cum ex cibi exhibitione causa mali soleat augeri, maximas noxas poterit efficere. Quod his verbis dicebat Galen. com. 48. secundi de ratione victus: *Qui ob dolorem, aut morbi acumen parum valentem habent facultatem, vacuatione interdum magis, quàm repletionem indigent, imò, qui cibum his exhibet, maximum adfert detrimentum.*

8. Hæc à cibo abstinencia intelligenda est, quan-

quando mediocritèr debilitatè apparent vites; tamen si multùm concidant, illis certè reparandis intendendum, priusquàm vacuemus. Hanc conclusionem proposuit Galen. 12. meth. cap. 1. dicens: *Ergo si concidant vires, non tamen vehementèr sint jam exolutæ, sed adhuc resistunt, ad symptoma tantùm sumus attenti, atque id quàm primùm tollere maturamus. Sin jam resolutæ vires sunt vehementèr, non modò symptoma sedare, sed illas firmare properamus.*

9. Debilitas per aggravationem quando diù perduravit, vel ità vehemens est, ut magnam spiritûs partem suffocaverit, vacuatione certè indiget, sed partitâ. Quia hoc modo oppressâ naturâ, iam quodammodò vero, & proprio afficitur languore.

10. In debilitate per aggravationem, quæ sit recens, & ob id, neque insignitèr refrigeravit, neque notantèr suffocaverit spiritum, & calorem nativum, magnâ opus est evacuatione, sæpe sæpiùs per sanguinis extractionem, nonnumquam per expurgationem. Istæ enim naturæ oppressiones sæpiùs ob multitudinem sanguinis, rarò autem sanguinis crassi, pituitosique evenire consueverunt, & solent ad extremum suffocationis deducere; quas Hyppocrat. 4. acutor. 23. dicebat, venarum interceptiones, his

verbis: *Quod autem quis repente obmutescat, id venarum interceptiones faciunt: si sano absque occasione, aut forti aliâ causâ id contingat, venam igitur brachii dextri internam secare oportet.*

II. In debilitate per aggravationem, tres gradus contemplandi sunt, ut sciamus quâdò, & quomodò sit vacuandum. Primus gradus est, quando adest pulsûs inæqualitas, & tunc audacitè extrahimus sanguinem, ex Galen. 2. de causis puls. cap. 2. Secundus gradus est, quando adest pulsûs carentia, quam Græci asphicthiam vocant. In qua si multitudo sit copiosior, quia tamen timemus, extinctos esse multos spiritus propter suffocationem, & adesse multitudinem crudorum succorum in venis, vacuationes partimur, & non ita copiosas facimus, sicut in causa decimæ conclusionis. Tertius gradus est, quando tanta est multitudo, ut in syncopes incidat homo. Tunc enim in ipsamet accessione syncopali, si spes adest evadendi ab illa, non mittimus sanguinem, sed frictionibus, ligaturis, cucurbitulis, & aliis revulsionibus utimur (in ipso inquam syncopis tempore) ad ignobiles partes retrahendo, ut transactâ illâ imagine mortis, ad vacuationem deveniamus, de qua inferiùs agendum, cum sermo sit de rebus præ-

præter naturam. Atque hæc de viribus dicta
sufficiant.

C A P. XXI.

De foetura.

INter res naturales, vacuationem impedi-
entes, enumeranda est foetura, sive uteri
gestatio, (si ita licet loqui) siquidem va-
cuatio in tali statu maximum damnum po-
test adducere matri, & foetui, partim defectu
alimenti, facultate utriusque debilitatâ,
partim motione ipsâ, foetu ab utero erradi-
cato, ut solet in purgationibus accidere.
Quare venæ sectionem videtur impedire
virtutis graria, & hac ratione ad res natura-
les reducitur ista consideratio. Nam cum
foetura species quædam sit evacuationis,
cum corpus matris sanguine inaniatur ob
foetûs nutritionem, dicente Galen. lib. de
venæ sectione adversus Erasistratum, cap.
5. necessariò ex duabus vacuationibus suc-
cumbet facultas. Nam cum hac, & matrem,
& foetum debeat alere, periculum est, nè de-
ficiat. Et ob id Hypocrat. dicebat 5. aphor.
31. Mulier utero gerens, sanguine misso ex
vena, abortit, & præcipuè si foetus grandior
sit. Quâ in parte duo expendam utilissima

in praxi. Primò, quomodo se habeat sanguinis missio in ordine ad abortum, an impediatur illum, an acceleret. Secundò, an liberius sit vacuandum primis mensibus, an postremis, vel è contrà.

Omnia, quæ dicta sunt de debilitate essentiali, verum habent etiam in gravidis, & majori indigent attentione. Nam si debilitas in aliis corporibus impedit vacuationem, quantò magis in utero gerentibus? Quæ proprias, & foetus vires respicit. Solum dubitari posset de debilitate per aggravationem dictâ: nam cum sanguis debeat sufficere pro matre, & foetu, videtur, esse necessariam magnam, & suffocantem plenitudinem, ut sanguis emittatur, aliàs non liceret; nam de plenitudine quoad vasa nullus dubitare ausus est. Petit enim statim vacuationem ad bonum matris, & foetus. Igitur de altera gravatione loquendum est.

Certum est, mulierem foetum perdere posse, aut propter motum corporis, aut animi, vel ob immodicam alterationem, aut ob inediam, aut suffocationem, aut ob peculiarem uteri affectionem, de qua alibi agendum. Ergò quemadmodum in initio, aut sensibilitèr, aut insensibilitèr facta abortire facit, ita ob immodicam repletionem

nem foetus, non secus ac mater, potest facile mori. Vidimus aliquandò puerum exire tumidum, & livoribus plenum. Quis dubitat, plethoram foetui communicari à plethora matris: Ergo, ut puer evacuetur, debet evacuati mater. Quo fit (& non sine magno medicorum consilio) ut nonnullæ foeminae sanguine plenæ, cum videant secundo, aut tertio mense abortum imminere, vacuationem non timeant, ante consuetum abortus tempus, atque cum maxima utilitate, siquidem foetus retinetur. Et hoc est, quod Hypoc. insinuavit, ad initium 4. epidem. dicens: *Acheloi uxor sextâ morbi die abortivit, sanguinea existens.* Quasi diceret, sanguine multo repleta. Et hujus rationem exhibet ipse Hypoc. mirificè certè, lib. de natura foetus (longè à principio) inquiring. *Si enim acerbatur, & multus semel veniret, genitura spirationem habere non posset, sed sanguine multo accedente, suffocaretur.* Quare affirmandum existimo, nostrum Hypoc. non rarò prægnantes per sanguinis missionem evacuassee. Sed dixit quinto aphorism. 31. abortire, venâ sectâ, quando, scilicet, plenitudine non molestante, audet aliquis talitèr evacuare.

Et ideo cum sine multitudine sanguinis, gravida evacuatur, ut sæpè contingit in mor-

morbis acutis, aut doloribus vehementibus, non pendentibus à plenitudine, sed ab aliquo alio humore putrefacto, aut calido, & acri, periculum est abortûs, ob defectum, scilicet, alimenti. Hoc respexit Hyppoc. 5. aphorif. 30. dicens. *Mulierem utero gerentem capi ab aliquo morbo acuto, lethale.* Quia febris interficit foetum, & sanguis mittendus, & tenuis victûs ratio injungenda est; quæ ambo alimentum foetui detrahunt.

Ergò uteri gestatio, sive foetura sui tutelam indicat, tanquàm res naturalis, & inter naturales, ad bonum universale speciei, & individui directa. Imploravitque manus auxiliares Medici, nè ab onere humoris tantum opus impediatur, & nè virtus illa formatrix, ut divina à Galen. conclamata, suffocetur. Accepi verba à Galen. lib. de venæ sectione adversûs Erasistratum, cap. 4. Quæ ille ad virtutem oneratam dixit: Ego ad formatricem.

Idem profitetur Aberr. 7. collig. capit. 4. his verbis: *Ego autem dico, quòd phlebotomia, quando adest repletio, quâ embrio non indiget, non est mala.* Et Avicen. 1. 4. cap. 20. Prægnans (inquit) & menstruata non phlebotometur, nisi propter magnam necessitatem.

At verò in aliis morbis acutis, quibus
con-

conjungitur plenitudo, videmus gravidas evacuari, sectâ venâ, quater, quinquès, & septiès, cum foetus incolumitate. Celsus (in hoc casu) tutò curari gravidam mulierem venæ sectione, aiebat. Quomodo verò sit intelligendum, præsentē plenitudine, esse vacuandum, inferiùs discēs, cùm de causis præter naturam agamus. Sed interrogabis, ex qua parte sanguis extrahendus est? Respondeo, nullomodo ex talo, quia esset maximum peccatum ob manifestum periculum abortus, quia vacuatio ex hac parte menstrua movet, & uterum descendere facit. Ergò nisi adsint signa manifesta foetus mortui, non licebit talem venæ operationem tentare.

Erit ergò sanguis mittendus ex brachio, & si fieri potest, ex vena cephalicâ (& non ex basilica) furtim enim sanguinem vacuat, ut in dysenteria Aëtius consulebat. Quòd si artifex non inveniat cephalicam, scindat communem, seu venam nigram, quam Hispani vocant, *vena de todo el cuerpo*; hæc enim minorem habet consensum cum foetu. Semper tamen vellem commendatos foetus: quia licet multoties foeliciter eveniant vacuationes, tamen sæpiùs nascuntur languidi, & enervati, & toto vitæ tempore macilenti. Undè non probo audaciam illorum,

In gravidis in quo casu licet sanguinē ex talo fundere.

rum, qui venam tali aperiunt, licet adsit levis etiam suspicio gravidationis. Vide quid agas; aliquando credendum est mulieribus, ut dixit Hyppoc. si ergo mulier dixerit, aliquam esse suspensionem conceptûs, non negligas, sed considera, utrum possis ex brachio sanguinem detrahere, nè foetum perdas.

Sed interrogas, an liceat sanguinem mittere ex talo, ut abortus fiat, ad liberandam matrem in periculo constitutam? Dico, non esse facienda mala, ut inde eveniant bona, & ita non licet foetum interficere, quidquid Hali Abbas dixerit. Censet enim, quod quando de morte matris timetur, nullo modo curandum est de foetu. Sed certè non omininò vera loquitur, nisi intelligas, quod quando periculosa est affectio, non adeò curandum est de foetu, ut matrem negligas: sed auxiliis certandum adversus morbum, quæ auxilia non sint prorsus certissima mortis causa foetus, aut matris. Igitur illud est affirmandum, nullum auxilium directè faciendum esse ad foetum interficiendum, ut mater incolumis servetur. Benè tamen conceditur tentare aliquid, licet cum periculo foetûs. Nam vacuatio periculum affert alterius, aut matris, scilicet, aut foetûs. At verò omissio vacuationis utriusque mortem adducit.

Noranda
ratio.

ducit. Quando ergò in istis angustiis extiterit Medicus, ut ex omissione vacuationis certissimum sit periculum mortis matris simul, & foetus, eligendum minus malum, salus, scilicet, alterius. Nam mortem foetus neutiquàm eligimus, sed non possumus illi subvenire.

C A P. XXII.

An audaciùs extrahendus sanguis primis mensibus, quàm postremis, ut docuit Hippocrates?

Aliqui putant primis mensibus foetum adeò esse tenellum, ut ex quacumque vacuationis motione dissolvatur, & cum præ imbecillitate nequeat revellenti auxilio resistere, facilè alimento destituitur.

Secundò, cùm ex quolibet mense supersit semper melancholicus sanguis nutritioni foetus inutilis, & in partu tanta sanguinis copia appareat ad magnam matris utilitatem, verissimile est, postremis mensibus copiam sanguinis redundari, qui rectè per venæ sectionem tolli possit citrà foetus jacturam.

Tertiò, calculationes quasdam machinantur, quibus nituntur colligere, ex quolibet

libet mense certam quantitatem asservari, cui addita illa, quæ ex postremis resultat; in magnam molem assurgit plenitudo, quam indicant ubera magis plena ultimis mensibus, & multorum alimentorum assumptio, nam primis mensibus, ob magnum fastidium, parco utuntur gravidæ alimento.

Sed nos, qui Hyppoc. medicinæ parentem semper colimus, illius dictis subscribere putamus, & tanquam legibus obedire. Ait ergò lib. de natura foetus: *Primis diebus exiguum sanguinem sibi assumere foetus.* Cum enim quotidie increseat, multò copiosiori indiget alimento; si primo mense, v. g. binis eget unciiis, secundo certè quatuor egebit, & proportionalitèr in reliquis. Igitur in postremis multum absumit alimentum, & ob hanc causam fame afficiuntur gravidæ, quantò grandior foetus est (ut simul objectiones dissolvamus) & fastidio cibi molestantur primis mensibus; quia multa quantitas superest sanguinis. Si autem multus adesset ultimis, non ita esurirent.

Præterea, quomodo esse verum, quod Hyppocrat. docuit, nono mense foetum exitum sollicitare ob alimenti defectum? Dicent fortassis, sanguinem detentum esse

se pravum, & cacochimum. Rectè dicunt: indigebit ergò purgatione magis, quàm venę sectione. Est enim omninò inutilis nutritioni sanguis ille, & in alienam, & pravam naturam migrabit. Itaque sanguis bonus, quo debet nutriri foetus, paucus jam præstatur à matre, ultimis mensibus, respectu magnitudinis foetus, & ob id querit alimentum. Quod verò redundat jam non est sanguis, sed pravus humor niger, aut alii ex corruptione sanguinis generati. Quo fit, ut menstrua vacuatio, purgatio dicatur, ab Hyppoc. & aliis antiquis. Ad istum verò punctum illustrandum, adsunt plura loca, Galen. 5. epidem. com. 3. ægro. 2. text. 73. & 1. epidem. part. 3. text. 21. ægrot. 4. & 1. protetic. part. 2. text. 48.

Mammas tumidas reddi primis mensibus, etiam conspeximus, & permanere tumidas, & cum aliqua lactis effigie. Non tamen valde tument, donec pepererit mulier. Undè non certum signum abundantiae existit, in ultimis mensibus.



C A P. XXIII.

*Quare Hyppoc. dixerit purgamenta puerperii
esse velut sanguis à victima.*

O Biter dicendum, quare Hyppoc. laudaverit sanguinem, quem nos pravum, & deterrimum esse pronuntiamus, lib. de morb. mulierum post medium, inquit: *Prodeunt autem puerperii purgamenta sanae mulieri sufficienter, primum sesquicmina mensura, aut paulo plura, postea adhuc pauciora iuxta hanc rationem, donec cessent. Prodeunt autem, velut sanguis à victima, si sana, velut dixi, mulier fuerit, & sana futura est, & citò coagulantur, ac purgantur, &c.* Quæ certè verba penitus iis, quæ diximus, adversari videntur. Sanguis enim victimæ, & citò gelascens optimus est, & inculpatus apparet. Equidem posset aliquis dicere, lib. de morb. mulier. non esse Hyppocratis, sed Dioclis, qui lib. de morb. muli. conscripsit, asserente Galen. 6. epidem. part. 2. text. 45. Quamvis multa utilia contineat, ita ut Galen. tantum genuinum hunc lib. adducat 4. aphor. 2.

Hunc locum sic, amice, explico. Agit summus dictator de mulieribus exactè sanis, in quibus sanguis generatus ita optimus à lie-

ne,

ne, & vesicâ fellis depuratus in uterum descendit, ut si quæ portio pravi succi remaneat, ea insensilis sit, cum multo, ac bono sanguini sit mixta, quod significare voluit Galen. 1. epid. p. 3. text. 21. cum dixit: *Mediocriter bonum nonnumquam exire, sed inculpatum haud quaquam.* Quæ sententia eo innititur fundamento, quod sit rarum invenire corpus, ita sanum perfectè, & exactè, præsertim mulierum, quæ intemperantes sunt, multoque magis gravidæ, quæ licentiam devorandi sibi arrogarunt.

- Vel dicendum (ut aliqui) sanguinem exire in puerperiis, velut sanguis victimæ, ille, scilicet, qui statim à partu excernitur, qui ex ruptione venularum propter primum impetum promanat. Procedente verò tempore, sanguis, qui excernitur in puerperio, est ille, qui toto tempore gestationis uteri reservatur simul cum secundinis. Sed magis placet prima cogitatio.

- Quod autem menstrua vacuatio, purgatio simul vocetur ab Hyppocrat. ideò quidem verum habet, quia ut plurimum simul cum multitudine sanguinis, si aliqui sunt pravi humores, etiam pelluntur, quasi electi fuissent à medicamento, quod conspiciamus etiã, finitâ vacuatione sanguinis optimi, & solâ multitudine peccantis: appa-

rent purgamenta, quodammodo biliosa, pituitosa, aut melancholica, prout fuerit mulieris cacochimia; quin & ipsa menstruatio solet esse talibus implicita purgamentis. Igitur sanguis victimæ in perfectè sanâ reperitur, ut dicit Hyppocrates.

Sed redeo ad institutum. Existimandum est (loquendo de foeminis, quæ mediocritè bonum habent sanguinem) minorem esse quantitatem sanguinis in ultimis mensibus, ob insinuatæ causas, & majorem copiam esse in tribus primis mensibus. Quare notandum maximè arbitror (ad actum curativum) quòd purgatio; sive vacuatio à partu naturali, non debet, nec solet esse tam copiosa, sicut ea, quæ debet fieri in abortu, qui contingit primis mensibus. Sit ergò diligens Medicus, supplendo vacuationes post abortum, magis quàm post naturalem partum, nisi aliud urgeat. Video enim, aliquos statim à partu magnam quantitatem sanguinis extrahere, timentes, nè cesset natura à sua vacuatione. Est ergò magni momenti ista consideratio, nam solet remanere mulier multo tempore impedita ad novam foeturam, vel ob debilitatem contractam, aut ob defectum sanguinis necessarij.

C A P. XXIII.

*De usu medicamenti purgantis in gravidis
quid sentiendum?*

DIximus, quomodò se habeat foetura, in ordine ad sanguinis detractionem, nunc quomodo se hâbeat in ordine ad medicamentum expurgans. Primò, certum est, quòd sicut sanguinis missione nullo modo uti possumus in gravidis sine magna, & urgenti necessitate, præsente, aut imminente; ita neque purgatione, imò forsan multò minùs: nam aliæ rationes sunt in usu medicamenti, quæ non cōcurrunt in usu sanguinis missionis, quia medicamentum expurgans inducit magnam commotionem in corpore. Secundò, surgendi frequentia maximè obest foetui. Prætereà tertio, quia medicamentum non caret aliquâ malâ, & venenosâ qualitate, quæ foetum attingens, poterit illum perdere. Quarto, quia ferè omnia medicamenta purgantia sunt amara: Et Hippocr. alimenta amara gravidis obesse dicebat lib. 1. de morb. Nam alimenta ingrata, insuavia, aut amara, abortum excitare, asserit. Si ergò talia alimēta abortûs causa existunt: ergo medicamenta purgantia,

G2

quæ

quæ talem habent cōditionem, infestissima erunt. Hęc itaque (inter alias) rationes Medicum reddere debent sollicitum, ut magnâ præmeditatione purgatione utatur. Quare, ut Aberroẽ 7. colligit, dimittamus, & alios Authores variis quæstionibus implicatos, placuit, in re ita gravi, & necessariâ propositiones quasdam excipere, quæ tanquam vexilla, & signa ducant Medicum, nè viam veritatis amittat. Quę propositiones (ut existimo) resolutiones sunt, & conclusiones omnium disputationum, quæ in hoc puncto versantur.

1. Prima propositio. Licet foetura impediat usum medicamenti purgantis, tamen talis potest esse necessitas, ut cogat ad expurgationem moliendam. Hęc est evidens, siquidem nil magis ex arte, quàm, ut magnum periculum vitemus, aliquod auxilium experiri. Prius tamen altâ consideratione pensandum, an ita junctæ sint indicationes purgandi, & scopi, ut nullo alio medio possit causa tanti morbi deturbari: qui punctus ad unguem explicatus est in quæstione de minorativa purgatione, crudâ existente materiâ, quàm infrâ attingemus.

2. Secunda propositio. Hyppocr. turgentiam humoris proposuit, tanquam idæam ad expurgandam mulierem gravidam apho

phorif. i. utero gerentes sunt purgandæ, si materia turget.

3. Tertia propositio. Nomine turgentia intelligenda est morio localis humoris velox, & irrequieta de parte in partem: in quo statu apertum est periculum, ne irruat in partem nobilem, & simul mater, foetusque, percant.

4. Quarta propositio. Intelligi etiam debet turgentia ipsius naturæ vitalis, quamvis humor non turgeat in actu secundo, ut explicabimus in lib. 3. hujus operis ex professo. Apparebunt enim signa naturæ desiderantis, & appetentis pelleri, & non potentis. Hanc dispositionem voco veram turgentiam, non translatitiam, quæ quâdo clucet, cū periculo vitæ, multò efficacius indicat purgationem, cujus indicationis pulcherrimæ sunt rationes inferiùs attingendæ.

5. Quinta propositio. Hęc prædicta turgentia naturæ viventis desiderantis pelleri, appellatur à nobis proprijsissima urgentia, licet alii sint urgentiæ gradus. Ostendo breviter istam quartam, & quintam propositionem. Nam docemur ab Hyppocrat. eâdem die urgentes humores purgare, quia moventur de parte in partem cum periculo vitæ, quo casu natura potens est ad illos movendos, non enim moventur à se ipsis, sed à facultatibus

tibus corporis viventis. Ergò quando ita rebelles, indomiti, & inobediētes sunt, ut nullo modo à natura viventi possint, neque alterari, neque moveri localitèr ad loca debita, quid, obsecro, faciet ars? an relinquet naturam extingui? an desiderijs, vel (ut propriùs loquar) an appetitui naturæ, & turgentia radicali, non respondebit Medicus minister illius? Et manum porriget? Equidem tentandum est auxilium, & in hoc casu non eadem dic, ut dicebat Hyppocrat. de turgentia humorum, sed illicò, nullo spectato tempore, nam illa urgentia celerius petit auxiliares manus, quia celerius periculum. Turgentia humorum subtilium, calidissimorum, acrium, mordacium, calorem nostrum exolventium, largo potu frigida detinetur, frenatur, temperatur; cucurbitulis, & frictionibus ad partes ignobiles avocatur. Vias, per quas debet purgari humor, decocto origani, & pulegii, aperiebat Galenus (vias, inquam, disponebat, non humorem) aliquas ergò dat inducias turgentia humorum, tamen turgentia propriæ naturæ, quæ vera urgentia est, nullam prorsus dilationem admittit, nullum tempus spectat, nullam preparationem, nullum aliud temperans, aut deliniens, sed solam purgationem. Talis est periculosus naturæ status, talis

lis humoris contrarietas, & præternaturalitas.

Est ista autem purgatio tam ex arte, ut non sit permittenda cuilibet Medico, sed cordato, peritissimo, & in artis operibus exercitatissimo.

Si ergò tam necessaria est ista indicatio, & tam obscura principia, à quibus debet sumi, quantò magis in prægnantibus, quæ propter foetum purgationi maximè obstant, ut magis constabit infra.

6. Sexta propositio. Licèt ista gravis necessitas Medicum possit opprimere ad exequendam purgationem, quocumque mense gravidationis, tamen minùs grave, & minùs periculosum est purgare mediis mensibus, nam postremis, & primis timendus magis est abortus. Ratio est Galenica, quia primis mensibus tenera sunt ligamenta, & cotylidones, quibus continetur inceptus foetus, & à quolibet motu facilè rumpuntur, ut fructus, seu flores arborum, si à vento concutiantur, decidunt. Et ultimis mensibus, præ siccitate franguntur ligamenta, & foetus dicitur, sicut maturi fructus. Sed dubitas, quos vocamus ultimos menses, & primos? Variè enim loquuntur Authores. Sed ad concordiam reducemus.

7. Septima propositio. Primos menses vo-

camus cum Hyppocr. primum, secundum, & tertium; postremos, septimum, octavum, nonum; ita ut minùs timenda sit coacta purgatio in quarto, quinto, & sexto, quia his mensibus mediis fortiùs alligatus est foetus: quia neque sicca, & dura sunt ligamenta, ut in postremis; neque facilè præ humiditate cedunt, ut in primis. Intentio aphorismi hæc fuit.

Undè non probo opinionem illorum, qui dicunt, septimum mensem comprehendì inter medios, & putant, dixisse Hypocrat. à quarto, usque ad septimum inclusivè. Inquit textus: *Quadrimestres, & usque ad septimum, id est, quinto, & sexto.* Quis tibi dixit, includi septimum? Et ratio, quam adducunt, tam parvi est momenti, ut potiùs nostram firmet sententiam. Inquit Mercurialis, quòd, cùm in septimo soleat natura ad bonos partus irritari, non est timenda purgatio, quia si foetus protruditur, vitalis erit. Hec est imaginatio hujus Viri, & aliorum; mihi verò non probat: nam ob eandem rationem tale opus non debet tentare Medicus, quia ante naturalem, & decretorium diem legitimi partûs, non licet naturam juvare, aut immutare. Si autem uterus, & foetus tentant partum, symptomaticè id fit, & non ex præscripto naturæ.

Neque turberis, si legas Gal. & Hyppocr.
I. epid. egrot. 13. de illa gravidâ trimestri, cui
motus fuit venter, & ejecit biliosa; videtur
enim Galen. trimestres aptas dicere ad pur-
gationē, sicut quadrimestres: sed adverten-
dum, ibi per trimestres intelligere, quę jam
acceperunt aliquid de quarto mense, sicut
puerum, qui agit principium quarti anni,
dicimus, esse trium annorum.

Illud tamen silentio non est prætermitte-
dum, quòd licet Hyppocrat. menses signa-
vit, pro purgatione gravidarum, doctrinali-
tèr locutus est pro rudioribus; nam ipse na-
turam, & speciem rei inspiciens, motum
foetus considerans, purgationem securiorē
facit, quando foetus jam formatus ad mo-
tum est idoneus, non ad motum extrà ute-
rum, sed ad motum in utero: tunc enim sig-
num est, esse sufficientis roboris, ut possit
resistere medicamento iniuriis, & fortiter
secundinas esse alligatas. Istud verò tempus
motionis, est varium, nam sequitur ad for-
mationem peractam: formatio autem ali-
quandò citius, aliquando tardius perficitur,
ut ipse docuit Hyppocr. Ergò sentiet gravi-
da motum foetus aliquandò quarto mense,
aliquandò quinto; non est tamen indivisi-
bilis numerus dierum.

Excepto autem tempore motus in utero,
re-

reliqua tempora suspecta sunt, & timendus abortus, ut dictum est.

C A P. XXIV.

*Qualia sint medicamenta, quibus Medicus
uti potest in utero gerentibus?*

AD errores evitandos, de hoc puncto, breviter accipe necessaria. Non audias Authores, qui laudant usum cassiæ, lenit enim, & emollit vias, & simul cotylidones, quod nil deterius. Hoc damnum cassiæ aliqui timentes, miscent aliquid simul purgans, & adstringens, ut mirabolanos, aut rhabarbarum. Alii solent miscere pulverem aromatici rosati, aut sandalorum. (Ego quantum possum cassiam fugio ob ejus lubricitatem.) Sunt enim aliqua medicamenta suspecta, tamen mixta prædictis roborantibus possent exhiberi. De rhabarbaro ita ab omnibus laudato, dubitant aliqui, nam (ut dicunt) movet urinas, & ex consequenti menstrua. Secundò, quia ob suam amaritudinem maximè nocet gravidis, ut superius dicebam ex Hypocr. Sed certè non existimo, hanc rationem esse sufficientem, ut necessarium sit, rhabarbarum non exhibeamus. Non enim est recensendum hoc medicamentum inter pro-

propria diuretica, neque inter urinam moventia, ut quis potest perspicere à sufficiēti partium enumeratione. Nam propriè diuretica excedunt rhabarbarū in calore, & siccitate: & ita attenuant, & extrahunt partes tenues, & aqueas sanguinis, ut remaneat sine sero crassus, spissus, melancholicus, densatus, ita ut exuperet multa quantitas feri (sicut in coagulatione lactis) quæ trahatur à renibus: hæc sunt proprijsimè diuretica. Quis tamen audeat tam contra sensum opinari, ut dicat, rhabarbarum hoc modo movere urinam, cum ejus siccitas, & caliditas nunquam talem producat effectum? Non quidem sunt talis intensiōis, undè nunquam enumeratum est à Galen. inter talia medicamenta.

Præterea, non movet urinas, præstando copiam ex se ipso, ut faciunt melones, pepones, & semina illorum, quia non talem habet humiditatem: ergo non movet urinas, neque secundo, aut primo modo. Tingit tamen urinam suo colore, aut quia aliqua tenuis, & vaporosa substantia ipsius per illas vias distributa fuit, aut aliqua portio bilis per illam regionem à natura fuit expulsa. Medicamenta purgantia, quæ aliquā vi tractrice pollent, non ita sunt limitata, ut unam tantum circūscribant regionem: trahunt

hūnt enim humores ad vias ductuū, & natura maiorem partem crassioris humoris per ventrem transmittit, aliquam per urinas, sequens multoties pondus ipsius humoris, aut levitatem. Unde experientiā didici, omnia medicamenta purgantia urinam aliquomodo immutare: ergo rhabarbarum, cum habeat partes roborantes, & adstringentes, firmabit cotylidones, & humores peccantes, si biliosi sunt, optimè deducet, quamvis aliquid natura moveat ad urinas, vel portio tenuis medicamenti renes atringat.

Sed quamvis libenter concederemus, rhabarbarum urinam concitare, non inde sequitur, uterum ad abortum irritare, aut menses movere: nam præterquamquod adstrictio illius est manifesta, tamen in rigore loquendo, & medicamentorum naturas contemplando, non valet consequentia, movet urinas, ergo & menstrua. Hanc doctrinam, disce à Galen. s. de simpl. med. fac. cap. 22. Itaque rhabarbarum ob suam adstrictoriam, & corroborantem vim, potest tempore necessitatis gravidis exhiberi. Quod verò nobis obijcit Heurnius, amaritudinem timens, nil obstat, quia Hyppocrat. prohibet generaliter usum alimentorum habentium insignes qualitates; nam distribu-

buta talia alimenta, necessum est, ut uterum irritent, aut foetum alterent. At non est æqualis ratio de medicamento amaro, & corroborante, nam quod posset turbare amaritudine, firmat adstrictione. Prætereà, solo uno die contingit tali uti medicamento: at alimenta insignis qualitatis acris, aut amaræ, continuitate nocerent; aut saltem quatenus alimenta mixta aliis, usque ad foetum devenirent ad maximum damnum illius: rhabarbàrum neutiquam, sed simul cum humore pellitur extra corpus, virtute confortatâ derelictâ, in quo eventu majus videmus commodum, quàm damnum.

Alii utuntur mannâ, aut sero, aut tamarindis, aut syrup. rosaceo ꝑ. infus. rosarum rubrarum, quæ medicamenta non cognovit Hyppocrat. saltim omnia: quamvis si attentius ejus libros evolvimus, levissima purgantia aliquando illi fuerunt in usu, lac asininum, mercurialis herba. Possetque aliquis existimare, non semper præcepisse Hyppocrat. uti efficacibus illis medicamentis in gravidis, quantumvis turgat humor. Nam licet species turgentis humoris petat ex se speciem trahentis medicamenti, tamen ratio, & experiëntia ostendunt, quòd dato levi medicamento purganti, ad ventrisurbationem sequitur humoris (peccantis in venis)

nis) decursus: tam certè mobilis est, ut ubicunque vacui adsit capacitas, illuc fluat, & ita sic talia purgantur, qualia oportet, partim leviter tracta, præ mobilitate excurrentia, siue succedentia, naturà inter has difficultates ad regionem, per quam vocatur, aspirante, & ita suspicor, Hyppocrat. non semper usum fuisse calidissimis medicamentis in utero gerentibus, sed aliquando mitissimis suo tempore cognitis.

Ultimò, advertendum est, non esse tantam quantitatem medicamenti adhibendam prægnantibus, sicut in aliis. Primò, quia debemus vitare, quātum possumus, inflationem ventriculi, ne uterus comprimatur. Secundò, ut faciliùs actuetur. Tertiò, quia si natura desiderat expellere (ut dictum est) in verâ turgentia, & in magnâ urgentia, manu ducente solum indiget: sic enim completa erit purgatio. Quartò, quia in gravidis periculosus admodum est fluxus ventris: dicente Hyppocrat. 5. aphor. 34. *Mulier in utero gerenti si alvus plurimum profluat, periculum est, nè abortiat.* Equidem magis timere debes hoc periculum, quàm quod potest sequi ad sanguinis detractionem, quia ut dicebat Galen. 2. acutor. post ebibitum pharmacū, non est in nostra potestate purgationem sistere. Ob id ergò hoc consilium maxime pro-

Probavi, ut nunquam gravidas eradicativè,
& una vice purgarem, sed partitis vicibus,
& miti medicamento, & interim renutrien-
do. Hæc certè est lex conservationis foetus,
& matris. Semper tamen uteri corroboran-
di diligentia habenda: Umbilico igitur ap-
plicandum aliquid, aut frustum carnis assæ
cum pulv. corallor. & rosar. aut panis recens
imbutus succo cidoneorum, & menthæ cum
eisdem pulveribus, &c. An verò major fa-
cultas requiratur ad purgationem, quàm ad
sanguinis missionem, non mediocris est dif-
ficultas; agitur tamen ob omnibus Au-
thoribus. Resolutio nostra ex variis Galeni
locis apparet in tractatu proprio de purga-
tione, & sanguinis missione, ubi probatum
est, majorem virtutem requiri ad sanguinis
missionem: tamen magis debere nobis constare
de virtute necessariâ ad purgationem:
igitur hæc conclusio loco citato declaratur.
Posset autem aliquis dubitare, an purgatio
per vomitum sit magis proficua, & secura
in gravidis, quàm per infernam alvum? Cui
respondit Avicen. 4. 1. c. 11. in postremis
verbis: *Faciendum non est, ut prægnans vo-
mat; quia superfluitates corporis ipsius in eâ
non egredientur, & vomitus, & labor
eam ad aestuationem perducit: faci-
endum est igitur, ut quiescant.*

C A P. XXV.

Lactis generatio inter res naturales numeranda, aut moderatur, aut impedit vacuationes.

ANtequam ad res nō naturales deveniamus, oportet non inutilem considerationem inferere. Video Medicos vulgares præcipere vacuationes, nutricibus, & his, quæ lactis generationi incumbunt, tam intrepide, quasi nullum esset impedimentum. Galen. certè de venæ sectione adversus Erasistratum, cap. 5. lactis generationem genus quoddam evacuationis nominavit. Si ergo vacuatio est, tantum oportet de vacationibus artificialibus auferre, quantum per lactationem inanitur, ut ex utraque vacuatione compleatur perfecta indicatio, ut monuit Galen. 9. meth. cap. 5. Igitur nutrices, aut nullatenus, aut parcè evacuandæ, quod prudentè intelligendum est, nisi talis sit vacuandi necessitas, ut lactatio sit postponenda, ad idque, quod urget, concurrendum. Tamen si nurrix, aut ob nimium amorem pueri, aut quia ille alias nequit mammillas arripere, sibi puerulum conjunctum habet, ut etiam contingit in pauperibus: in hoc casu, si necessaria sit vacuatio ex arte, prædicta consideratione est exercenda, quando morbus aliis nō cedit auxiliis, quæ
lia

lia sunt victūs ratio, balneum, frictio, potio-
nes temperantes, leuiuscula subpurgatio.
Hæc de lacte breviter dicta sint. Nam lōgum
poteram contexere discursum contra Mar-
tianum, qui ex mente Hyppocrat. vult, lac
generari ex alimentis, quæ in primâ stabu-
lantur regione, antequam ad jecoris tran-
seant officinam: tamen quomodò debeant
explicari Hyppocratis verba, non est hujus
lōci; existimamus tamen, esse falsam senten-
tiam hujus Authoris.



LIBER SECUNDUS.

*De rebus non naturalibus impediētibz
magna auxilia.*

C A P. I.

De Acre.

Sed iam ad sex res non naturales accedamus, quia possunt impedire evacuationes integras, quas affectus species postulat. Quædam impediunt in quantum virtuti officiunt, aut vacuationi contrariantur, ut aer calidus, motus, & vigilia, vehemens gaudium, aut inania, quædam effatu digna, ut menstrua. Quædam verò, velut causa, sine qua non appellata; quoniam si prius non auferatur, nequit vacuatio prodesse, aut rectè fieri, ut repletio, aut ventris, aut intestinorum, aer frigidus, metus.

De ambiente prius, pauca, & necessaria. Hyppocrat. & ad sanguinis missionem, & ad purgationem, aerem ambientem, ut impedimentum, consideravit: Nam lib. 6. epid. part. 3. text. ult. dicebat: *Tempus impedire sanguinis extractionem.* De purgatione satis tritus est textus: *sub cane, & ante canem, &c.* Notissimæ sunt rationes hujus Hyppocrat. præcepti, & plura Galen. loca, quæ consultò præmitto. Cum enim virtutis custodiâ sit semper præ oculis habenda, nullus dubitat quantum laudatur natura à sanguinis extractione in vehementi aeris caliditate, exolvitur siquidem spiritus, & in diaphoreticos, & lethales sudores devenit eger. Quod non solum intelligendum est de statu præsentis (ut rectè docuit Galen.) sed de futuro. Si enim hodiernâ die tēperatus est aer, & spectas fervorem æstivum, timere debes vacuationem: non quidem fidem debes adhibere dici temperato, qui solet inter æstivos incidere, cum spectes tempus calidissimum, ubi defessa virtus ex vacuatione fatiscit, & exolvitur: quod adnotavit Galen. 9. meth. cap. 5. lib. de sanguin. miss. cap. 14.

Sed certè mirandus Galen. nil intactum reliquit, lib. 2. de composit. secundum locos, cap. 1. considerandam docuit domum egrotantis pro auxilio exequendo in curatione.

Undè monemur talem esse situm cubiculi ægrotantis, & ita artificiosè dispositum, ut ambiens non impediat evacuationes necessarias. Nam si hyberno tempore domus, aut camera meridionalis sit, & à ventis Aquilonaribus libera, & debito igne calefacta, ut apud divites videmus; æstate vero, humilia domicilia crassis parietibus obducta, Septentrionem respirantia, sine dubio, nullâ ratione habitâ temporis, aer pro vacuatione corrigitur.

Aliam considerationem induxit Avicenna, cap. 20. 401. parùm esse aperiendam venam tempore calido, ne spiritus multus effluat: quæ sententia Avicenna temperanda est, nam si humores peccantes essent crassi, quomodo per angustum foramen exire possent? Intelligentia est ergò, si humores tenues sint, exhibunt, & minùs de spiritu exhalabitur. At ne Medici audacitèr evacuationes imperent faciendas nullâ habitâ temporis ratione, audent, obsecro, duo Galeni. loca, & tenacitèr memoriâ teneant, lib. 1. de art. curativ. ad Glauc. cap. 14. *Ipsa prætereà aeris temperatura loco accidentis cujusdam habenda est, quando exquisitè calida, ac sicca fuerit, qualis est tempore medio inter canis ortum, & arcturi. Atque ideò omnes, quibus Medici nihil omninò de temporum statu cogitantes sanguinem abs-*

tulerunt, interierunt. Si etiam valde frigida fuerit, tunc quidem sanguinem mittere est formidandum, cum non ignoremus, non parva ex similibus sequi pericula. Alter locus est 4. de ratione victus, text. 19. in fine com. ubi complens Hyppocr. textum, addit scopū sumptum ab aere ambiente, his verbis: *Verum ut nihil desit, adjiciam & eum, qui ab ambiente nos aere desumitur, scopum. Cum fuerit abunde calidus, & siccus, ita ut citò, ab eo corpus evaporetur. Nempe tunc à sanguinis missione abstinemus, etiamsi morbus magnus fuerit, vigensque ætate homo.*

Certè qui hæc legit, quomodo tempore æstivo, & in ista tam calidâ Matriti regione, præcipuè hoc anno, tam audacter mittit sanguinem? Quid mirum, quod multi interierint, ut dicit Galen. sed quid mirum, si tantum aberrant multi, ut mittant sanguinem solius refrigerationis gratiâ? Sed de his alibi.

C. A. P. II.

An vene sectio periculosior sit purgatione in calidissima aeris constitutione.

Posset quis in controversiâ vertere quod propositum est, nam apud Hyppocrat. æquo pede utrumque auxilium currere videtur, ut supra tetigi, ex aphor. *sub carne, &c.*
&

& 6. epi 1. part. 3. text. ult. Sed quod ego sententio uno verbo exprimam.

Quod quaeritur, est, an in morbo exposcente sanguinis missionem in aestate, timenda adeò sit venæ sectio, ac in morbo exposcente purgationem, eodem tempore timeatur expurgatio?

Respondeo, quòd si de validis, ac calidis medicamentis est sermo, periculosior est purgatio, quàm venæ sectio. Nam purgatio triplici nomine nocet, & quia vacuatione debilitat, & quia commotione fatigat, & ultimo, quia calore immodico inflammat. At venæ sectio unicâ ratione timetur, scilicet, quia vacuatione debilitat.

Tamen si de levi vacuatione loquamur, quæ blandis perficitur medicamentis, tantum abest, ut noceat, ut potius loco venæ sectionis, cam in aestate exerceamus, quia, ut docuit Galen. lib. de venæ sect. contra Erasistrat. cap. ult. quodammodo minuit plenitudinem levis purgatio. Quin etiam, & medicamenta levia multa sunt, quæ quietè evacuant, & simul temperant ardorem, ut scorum, cassia, &c. Sed interrogas de coelestibus aspectibus, an impediant evacuationes? Ad aeris enim constitutionem pertinet ista consideratio. Sunt aliqui ita addicti Astrologiæ, ut nil sine observatione Astrorum

exequantur. Respondeo, Franciscum Vale-
fium omni laude dignum (ut alia multa te-
rigit foeliciter) ità circà hanc rem decrevis-
se, quid sentiendum sit, 7. lib. cōtrovers. c. 18.
Amice, obsecro, nè, quando curationibus
morborum incumbis, aliquid cogites de as-
tris, sed si necessitas postulat, exequere auxi-
lium. Quando verò non curationi, sed præ-
cautioni invigilas, elige tempus, quod tibi
videtur magis aptum, fugiens plenilunia, &
novilunia, & solstitia, & quidquid aliud tibi
offerunt Astrologi. Ab astris sumitur indi-
catio, libentè admitto; sed intelligendum,
quandò non est alia major necessitas. Nam,
ut sapiens dominabitur Astris per actus li-
beros voluntatis, & rationis, ita natura af-
flicta, & morbo oppressa per auxiliares ma-
nus docti Medici dominabitur, & morbo, &
stellis. Incenditur domus, & tu patulus ele-
vas figuram, ut decernas, an conveniat mit-
tere aquam ad extinguendum ignem? Spec-
tas, ut transeat plenilunium, aut solstitium?
O vanitas perniciofa!

*INTER VER ET AUTUMNUM CON-
troversia ad evacuandum.*

A Vicen. 4. 1. cap. 5. ita ait: *Et scito, quòd
tempus, quo major canis ascendit, & fri-
goris fortis, non est tempus sumendi medicinà:*

medicina enim in vere, aut autumno est bibenda. Et ver quidem est, cum nives de montibus cadunt; & post ver quidem venit æstas, in qua non est sumenda nisi res subtilis; Autumnus verò est veri contrarius. Textus est apertus: Vetat medicamenta fortia in diebus maxime calidis, & frigidis: medicamenta verò subtilia, id est, blanda, cōcedit. Elegit autem ver, & autumnum, ut meliores anni partes, ad vacuandum; sed non distinguit inter illas, imò dicit, autumnum esse contrarium veri, quibus verbis videtur excludere.

Dico, quòd si vires spectemus, quæ necessariae sunt ad vacuandum, aptius tempus existimandum vernale, in quo vires maxime florent. In autumno enim vires non ita valent, tum ob illius inæqualitatem, tum quia sequitur ad æstatem, quæ calidum maxime exolvit. Igitur firmiores facultates habemus tempore veris, & propter propriam aeris temperiem, & quia collectum calidum invenit ex hyeme præteritâ. Igitur ad purgationem, & venæ sectionem eligibilius est tempus veris ob rationem dictam. At si idæas humorum contempleris, ad purgationē autumnus aptior censendus, quàm ad venæ sectionem, quia sunt cumulati varii humores pravæ qualitatis ex victu inordinato, & potu in æstate, & ob inæqualitatem

autumni, quæ vario modo, & præternaturali disponit humores. Dixit autem Avicenna autumnum esse veri contrarium (existimo) ob dictas à me rationes, & quia sicut ver vitalia principia suâ temperie roborat, ita autumnus frigidus, siccus, & inæqualis illa debilitat.

C A P. XXIII.

An ratio ambientis cogat æstate per superiora, hyeme per inferiora purgare?

ETiam ad discursum de rebus non naturalibus pertinet ista non inutilis cogitatio. An, scilicet, tempus hyemale impediat purgationem per superiora, & tempus æstivale impediat motum per inferiora? Oritur ratio dubitandi ex variis locis Hippocrati, quibus videtur contradictionem involvere, 4. enim aphor. 4. dicebat: *Medicari æstate superiores magis, hyeme vero inferiores;* & aphor. 6. *Graciles, & facile vomentes per superiora caventes hyemem, vomentes vero difficulter, & mediocriter bene carnosos per inferiora caventes æstatem.* At verò, lib. de salubri diætâ, text. 5. *Sex menses brumales vomere precipit, & reliquo tempore per inferiora evacquare.* Hanc disensionem Galen. dirimit in com. hoc modo: Humores in morbo præ-

fenti esse purgandos per eam regionem, per quam repūt; quare cum multa pituita adest in ventriculo tempore hyemis, & multa copia bilis à vesica fells tempore æstatis, tendit ad intestina; ideo per vomitum esse evacuandos hyeme, & æstate per clysteres, eos, scilicet, tantum succos, qui per tales feruntur regiones. At verò ubi præcautionis gratiâ à toto corpore expurgamus, per contraria loca evacuamus, ut facit in aphor. Quod autem Hypp. non de eodem modo vacuationis loquatur in utroque textu, constat, nam lib. de salub. diæt. vomitum, & dejectionem provocat sine medicamento purganti; in aphor. verò utitur medicamento expurganti, quia, scilicet, in aphor. vacuationem à toto corpore intendit, at in lib. de diæt. ea solum educere, quæ in ventre continentur. Sed quamvis Galen. perstet (& alii Authores) in defensione; aut explicatione Hypp. securius existimo, quando totum expurgandum est, ut mitiora medicamenta trahentia, & verè purgantia, hyeme possè dari; deiectionia, seu per infernam alvum purgantia, æstatis tempore. Ratio est, quia si humor contentus in venis biliosus est, facile trahetur vi medicinali ad ventrem inferiorem; per quam certè regionem minus inflammatur æger: cum enim motus, qui fit in vomitu, calefaciat,

ciat, & medicamentum trahens expurgans per vomitum sit calidius, quàm deiectorium crudele præsidium arbitror æstate humores per supernam ducere regionem. Ergo tam hyeme, quàm æstate per inferiora trahendus humor, nisi suâ sponte bilis ad ventriculum confluat: præsertim cùm bilis suâ naturâ superiores regiones invadere, consueverit, ac proinde ad inferiores partes revellenda est. At si pituita, aut melancholia redundet in corpore, ac venis, contrariâ ratione sæpè per vomitum vacuare melius est, præcipuè hyeme. Primò, quia cùm ex sua naturâ soleant tales humores crassi ad inferiora descendere, gravissimis morbis materiam præbent. Fient enim lapides, uteri obstructions, colicæ, podagræ, abscessus, & alia plura mala. Igitur jure optimo revellendi tales humores per vomitum. Si autem curationem febrium chronicarum contempleris, ferè omnes Authores invenies consulentes vomitum. Et Avicen. 4. 1. cap. 11. & 13. quòd non solum intelligas, id fieri ad vacuationem eorum, quæ circa ventriculum existunt, sed etiam ad totum corpus à coluvie humorum liberandum. At quando in superioribus partibus morbus timeretur, aut jam adest, per inferiora vacuandum humorem volumus, cujuscumque sit nature. Nam

in.

indicatio à tempore desumpta imbecilla est, ubi prædicta repugnent : repugnant autem vehementer revulsioni indicatio, & calefactionis motus jam dictus.

Possèt tamen alitèr Hyppoc. interpretari, ut vocem illam Græcam pharmacenin, id est, purgare per superiora, non accipiat pro usu medicamenti trahentis, & purgantis per superiora, sed pro quacumque vomitûs provocatione (est enim magnum discrimen) ita ut velit Hyppoc. in morbis æstatis biliosis, vomitum provocemus, ubi præsertim bilis eò inclinaverit, & cognoscas, ex nausea, amaritudine oris, & anxietatibus. Sic vera dixit, & hoc consilio solemus uti. Quãvis (ut verum fatear) verbum pharmacenin nunquam tali modo Gal. fuit interpretatus. Quod si ita Hyppoc. intelligere velis, omnia patent. Siquidem semper quò vergunt humores, per convenientem regionem evacuandi. Hyeme ergò pituita solet ventrem in sanis opplere, ætate verò venter inferior bile repletur in sanis, in ægris etiam & superior : quòcumque igitur vergat, eò vacuandus medicamento, & tempori, & morbo apto: non tamen necessario medicamento attrahente vomitorio.

CAP. IV.

De inanitione, & repletione.

INter res non naturales inanitionem, & repletionem enumeravimus in superioribus: sunt quidem aliquę, quę impediunt, aut retardant executionem istorum auxiliorum, de quibus agimus. Cibus nōdū coctus, aut fæces in intestinis si abundant, detinent venæ sectionem. Nam si fieri potest, prius deturbandę fæces, & cibus proximē ingestus coquendus, & postea ad magnum auxilium accedere oportet, nisi urgeat talis necessitas, ut ordinē invertat, ut magnus catus ab alto, sputio, aut vomitus sanguinis, angiosa suffocatio, & alia similia. Si enim facili, & breviter, balano, aut clystere possint intestina mūdari ante vacuationem, sin minūs, satius est ad id, quod magis urget, obviandum accedere, & postea ad ventris providentiam deveniendum. Repletio autem cruditatū in regionis inter res præter naturam enumeranda, de qua inferiūs agemus. Sed ad inanitionem menstrua purgatio meritō reducitur, tanquam evacuatio, quæ inter res non naturales recensetur, siquidem modò naturalis, modò præter naturam existit: quomodo ergo impediat vacuationes ab arte, declaremus.

C A P. V.

*Menstrua vacuatio (inter res non naturales)
potest impedire evacuationes.*

GAL, lib. de venæ sect. advers. Erasistr. cap. 5. menstruam purgationem sub inani-
tione, videtur, collocare; unde videndum est,
quandò, & quomodò impedire valeat eva-
cuationes ab arte, aut illas metiatur. Hæ-
rent, & dubitant Medici etiam periti, in hac
re: Primò, quia duabus vacuationibus debi-
litatur. Secundò, quia fortassè una vacuatio
alteram impediret. Undè aliqui, dùm men-
strua fluunt, aliam vacuationem tentare re-
formidant, etiam in morbis acutis: cùm
multotiès in perniciem ægrotantis eveniat
menstruatio, neque morbum finiens, neque
aliis remediis locum præbens: punctus ergò
iste stricte comprimendus, sed claritate, quâ
potuero.

Video multos, qui indistinctè in suppres-
sione menstruorum sanguinem mittunt ex
brachio, propter quandam sententiam Ac-
tij. Ergo ad rem (ut sine periculo ægro-
tantis ab aliis evacuationibus abstineamus,
præsente muliebri evacuatione.) Primò,
inspicere oportet, an purgatio hæc præ-
sens sit, aut jam jã eruptura. Secundò, an ubi
præ-

præfens est, eâ mole sanguinem à corpore demat, eoque impetu, ac celeritate, qualem morbi ipsius acuties, magnitudoque desiderat. Tertiò; quem locum possideat affectio, quamque celeritatem secum adducat. Si enim non adsunt menstrua, sed imminēt, & morbus inducias præbet spectandi, certè differri potest evacuatio, si morbus ita parvus est, ut in evacuatione menstruorum speremus auxilium.

At si major morbus est, nec inducias pollicetur, audacitè vacuare oportet. Minuendaque est vacuatio pro ratione futuræ menstruationis, quam metiri debemus ex aliis præteritis menstruis. Nam si speramus, naturam largè evacuaturam, moderatè incipimus, nisi aliud urgeat.

Si autem unica sola vacuatio est necessaria, ea ex talo fieri debet, nè vacuatio, quæ speratur, cohibeatur. At verò, si talis morbus est, ut intelligas, plures vacationes esse necessarias, si copiosissima adsit sanguinis abundantia, primum quidem ex brachio, & illicò ex talo poteris vacuare, ut placuit Aetio, cujus sententia explicanda breviter, ne error committatur. Absolutè enim falsa est, nisi quibusdam adnotatis.

C A P. VI.

Aetij sententia explicata de vena secanda in cubito, ut profluant menstrua.

SI proponam ipsa verba Aetij, non ita intrepidè venam brachiis secandam decernent Medici, sed juxtà methodi universalis leges, & secundùm doctrinam traditam, de vacuatione, & revulsione. Ergo Aetius lib. 16. cap. 59. ita pronuntiat: *Quæ plenitudinis causâ non purgantur, congruo menstruorum tempore magis gravantur, doloresque circa lumbos percipiunt, flatuque replentur. Quem saltus, distensionesque, & errores totius corporis necessario consequuntur, sed præcipuè insigni venarum tumore dignoscuntur: atque istæ quidem copiosâ sanguinis missione sanantur; cubiti igitur, ac malleoli venas secare oportet. Deinceps evacuato sanguine, quæ superius memoravimus, potiones, & fomenta locis adhibendo, &c.* Ita Aetius; obsecro, ut contempleris verbo ad verbum hujus viri sententiam, & clarissimè invenies depictam plenitudinem ingentem quoad vasa. Ut igitur venam cubiti scindere præcipias in hoc casu, non quælibet plenitudo sufficit, sed ad vasa, & hæc magna. Habet autem ista plenitudo quandam proprietatem peculiarem, nam propter tumorem venarum,

&

& tensionem partium, non potest fieri compressio (compressione enim fit expulsio) sunt autem omnia vasa impedita, atque cum vacuatio menstrualis incipiat à partibus supremis ad infimas, ab eis, scilicet, quæ sunt suprà septum transversum ad eas, quæ sunt infrà septum, consequens est, ut partes mandantes prius pellant; non possunt autem pellere, nisi comprimantur, nec possunt comprimi, nisi vacuentur. Ergò in tam magna plenitudine rectè Actius incipit à sectione venæ cubiti, quia ad originem causæ concurrit; tamen hoc non in alia plenitudine audet, sed in prædicta. Pro cuius majori claritate, primò, ponderandum est unumquodque signum propositum ab Actio: horrores totius adsunt, gravitas, saltus, distensiones, dolores per totum corpus, & præcipuè tumor venarum non quilibet, sed insignis.

Secundò ponderandum est, quanta sit, Actii sollicitudo ad venam tali secandam: non enim interponit tempus inter unam, & aliam sanguinis missionem, sed dicit: *Secandam esse venam cubiti, & malleoli*, ut saltem cogites, statim, quam brevissimè ad talum devenire; tam est efficax indicatio, quæ sumitur à parte, per quam solet fluere humor vacuandus; sed prius proposuit

venam cubiti, inspiciens rationem à me suprà allatam, ut quis posset suspicari, non esse tempus intermedium, sed simul illas evacuationes esse faciendas, secundum Aetii sententiam, ut jacer, interpretatam.

Tertiò, oportet hæc omnia in promptu habere, ut facias firmum & utile iudicium, nam posset contingere, ut suffocaretur mulier, sanguine misso ex brachio, concurrente ad præcordia sanguine ex partibus inferioribus, convocato. Quapropter notavi attentius alterum locum Aetii, eodem, lib. 16. cap. 79. in fine: *Promolestiæ verò magnitudine, si agram adolescentem, & sanguineam nacti erimus, deliberabimus, an cubiti vena secanda sit, postremò, quæ menses provocant, propinabimus, & pessis mitioribus utemur.* Attende verba gravissima. Priùs cogitat, ut decernat, an cubiti vena secanda sit. Nonnè sufficit, quod sit adolescens, & sanguinea? Neutiam, sed recogitat, an magnitudo causæ talis, & tanta sit: qualis hæc erit? sine dubio illa erit dispositio, quam suprà, cap. 59. referebat; insignis venarum tumor, dolores, gravitates totius corporis, &c. Itaque de hoc dubitat, an sint talia signa, vel non, & ideo dixit: *Deliberabimus, an cubiti vena secanda sit.* Hæc pro sententia Aetii. Vide nunc quàm facile exequeris, quod

quod Aetius inter manifesta illa signa dubius cogitat.

Hæc dicta sint de vacuandis mulieribus nullo affectu particulari oppressis, sed universali illâ plenitudine gravatis, quam depinximus, aut febre affectis, quæ universalis morbus est, aut quando partes infra septum transversum laborant, quæ aliquid suscipiunt à supremis, ut dictum est.

At verò, quando aliquis morbus particularis adest, ut phrenitis, angina, pleuritis, pulmonia, hoc opus, hic labor, hæc occasio errandi, sed Deo dante, omnia clarescent.

CAP. VII.

Si affectus gravis supra septum transversum partes occupat, imminentibus, aut fluentibus mensibus, quid faciendum?

ANtequam sententiam nostram proponam, locum Galen. recitandum duxi, nunquam oblivioni tradendum, lib. de venæ sect. adversus Erasim. cap. 5. in hunc modum fundamentum jecit nostræ conclusionis: *Velim, itaque, audias jam veritatem ipsam, me præcone tibi denunciante: quod mulier, si rectè expurgetur, neque podagris, neque articulorum doloribus, neque lateris inflammationibus, neque peripneumonitis, capiatur: sed neque epilepsie, neque apoplexie abnoxia sit,*

aut spirationis, vel vocis ablatione, rite purgata, ullo tempore infestetur. Num verò menstruis fluentibus, aut phrenitide, aut lethargis, aut convulsionibus, vel tremoribus, rigoribusvè, mulier aliquando correpta est? Num etiam, vel melancholia laborantem, aut mania vexatam, aut quæ ex thorace spuerit, vel vomeret ex ventre sanguinem, aut cephalæa laborantem, aut synanche præfocata, aut aliquibus, id genus, magnis, & vehementibus affectibus impetitam, cui menses rectè excernerentur, quandoque conspexisti? Verùm his rezentis, eam cuilibet malo implicari, facile est, huicque rursus evacuationes medentur. Hæc Galen. aurea verba, sicut, & totum illud caput s. contra Erasistratum aureum est. Adverte, omnia mala, quæ refert, affectiones, esse particulares partium supernarum, quæ in quantum particulares, & magnæ, petunt vacationem ex vena propinquiore. Tamen cum in eodem capite ex Hippocrat. refert, non solum ad causam deveniendum, sed ad principium causæ, ad occasionem, & ad causam occasionis, totum scopum convertit ad excitandas, & promovendas, menstruationes, quia existimat (fluentibus vel non fluentibus mensibus) sanguinem illum, qui debebat expurgari, esse tantorum malorum causam. Ità attentos nos reddit

ad sollicitandas ex talo sectiones venarum. Quamobrem non te fallat urgentia mali: lethalem errorem facies, si in prædictis affectibus (jam imminetibus, aut erumpentibus menstuis) sanguinem mittis ex brachio: impetus enim humorum ad uterum in illo principio morbi, sequendus est, ut ex talo raptus sanguis non petat superiora; ex brachio verò revocatus ad superiora contra naturæ impetum causam mali augebis proculdubio, & mortem accelerabis. Ergo prima vacuatio semper facienda ex talo, in illo principio principiante, ut loquuntur in scholis.

Atque ne contradictionem invenias in nostris scriptis, memini me lib. 3. Avicennæ cum agerem de curatione affectuum capitis, ponderasse, quod Avicenna venam illic secare docet: quare non venas totius, communem, sive nigram, aut basilicam? Sed certè ibi loquitur de affectibus, quando nulla præsens, aut imminens complicatur vacuatio desiderata à natura consueta naturæ, ad cuius defectum, aut imminutionem, sequuntur capitales morbi. Undè ut omnibus indicationibus satisfiat, illa prima evacuatio fit à parte, scilicet, à cephalica, ne pereat ager, & statim, aut quàm brevissimè fit à vena totius, aut à basilica, ut misceantur, vacuatio, derivatio, & revulsio,

fio, tam est celerrimum mortis periculum, ut non possit spectare natura revulsionem, & derivationem, & postea vacuationem à parte. Sic igitur sublevatur pars, deposita aliquâ quantitate humoris contenti in venis circa partem, & ita non perit homo, & statim impedis per revulsionem, quod fluit de novo; & poteris hoc modo optimum finem consequi. Et hæc est ratio, quare Avicen. incipit à sectione venæ particularis. At verò in præsentī casu, de quo agimus, licet affectus sit particularis, existimamus, esse incipiendum à sectione tali, quia humores sunt, aut deberent esse actualiter in motu, ut tendant ad uterum ex intentione, & appetitu proprio naturæ: Ergo ad partem affectam illos retrahere esset omnino periculofum. Continget autem tibi multoties, ut unicâ, aut alterâ vacuatione factâ à talo, liberetur mulier ab urgentia mali particularis, capitis, gutturis, aut pleuræ. At si post istas vacuationes morbus urgeat, accede ad vacuationes particulares cum magna sollicitudine menstruorum, per frictiones continuas, cucurbitulas, ligaturas, balnea, & hæc (vide obsecro) in actu sanguinis missio- nis à brachio, antea, & postea. Quidam peritus, & doctissimus, præcipiebat, dum sanguis è brachio extrahebatur, pedes, & cru-

ra in aqua calida decoctionis camomillæ, & artemissæ immitti; & cum eisdem herbis, & aquâ simul trahi usque ad ruborem. Alii, valente virtute, non dubitant uno die duas exercere vacuationes, quamdam ex talo, aliam verò à vena propinquâ. Sed quando imminentibus, aut fluentibus mensibus, tanta hujus vacuationis sollicitudo est, quid dicendum, si à partu morbus aliquis acutus enixam corripit? Equidem in præcedentibus dicebamus, primam saltim vacuationem esse ex talo. Tamen post partum, non solum primam, sed alteram, atque alteram. Hoc explicandum.

CAP. VIII.

Fernelius (ne occasio sit errandi) explicatur.

Fernelius in hac re Tyronibus occasionem dedit errandi, nam lib. 2. meth. agens de venæ sectione, cap. 7. curationem incipiendam dicit à sectione venæ brachii, & postea ad venas accedere inferiores. Hæc autem sententia absolutè, ut jacet, displicet profectò, quia si exequatur talis vacuatio, evenient uteri elevationes, & suffocationes super naturam partium, recurrentibus humoribus ad partem affectam, qui incipiebant fluere per loca consueta menstruationis; & hæc indicatio est prima, & universalis.

versalis, quæ debet præcedere, ex natura indicationis à causa, & à motu istius (ut respondet rationi Fernelii.) Cum igitur causa, quæ fuit ad partem affectam, sit quæ debet fluere, aut quæ etiam fuit ad locum menstruationis, oportet certè illam dirigere, & vocare totam per uterum: quia natura faciliùs pellet per consuetam regionem, & deferet aliam incaptam symptomaticam viam, quoniam melius desiderari potest. Pellere ad pleuram, aut fauces, vel ad cerebrum, tempore menstruationis, symptomaticum omninò est; pellere ad venas uteri omninò naturale: ergò credendum est, vacuationem ex talo expeti, & amplecti à natura, & affectam partem citius liberari. Undè Fernelius non facit primam evacuationem ex brachio, nisi ad præsentiam copiosæ plenitudinis, ut declaratum est ex mente Aetii, quæ vehemens copia, si contingat cum urgentia, potest primò vacuari per venam brachii; ut dicit Fernel. & secundò per venam tali, ut supra dicebam. Ubi servanda est doctrina Avic. cap. 20. 4. 1. ex mente Galen. interponit enim unam horam inter duas evacuationes, itaque in isto conflictu magnæ, & ingentis plenitudinis, mensibus imminentibus, poteris venam secare in brachio, & transactâ unâ horâ, secare in talo: vel secundum gradum

urgentia, & fluxûs menstrui, primam facere ex talo, & transacto simili spatio, alteram ex brachio; semper tamen incumbendum magis evacuationi per inferiora. Sed præcipue in enixis magna differentia est in ha re. Afficitur morbo acuto mulier, imminenti-
bus, aut fluentibus mensibus; alia post partum afficitur etiam morbo acuto; interrogo, quam differentiam conspicias ad evacuandum? Eris nè equè sollicitus ad secandas inferiores venas, aut ductus urgentiâ acutiei morbi, utramque mulierem evacua-
bis primò ex brachio; postea ex talo? Equidem licet in re hac difficili multum debeam tribuere prudentiæ medici, qui ponderare debet causarum exuperantiam, & gradus urgentiæ, tamen asserendum constanter existimo, enixas non unicâ vice, sed secundò, tertio, & quarto, & ulterius, si opus est, esse vacuandas ex talo, quantumvis videatur acutus morbus. Certè non est credibile, quàm perniciosus sit retrocessus sanguinis puerperii ad partes superiores; multò magis lethalis, quàm menstrualis ejus mulieris, quæ non peperit. Consultò relinquo varias rationes, & authoritates in re ita apertâ.

Ergò enixa pluriès vacuanda ex talo, ante quàm ad superiores venas recurras. Quod
fi

si coactus sis ad venas altas secandas, multò major diligentia præstanda est in frictionibus, balneis calidis, curcubitulis, ligaturis, & aliis, quæ crura continuè exerceant. Etenim numquam securè evacuatür ex brachio enixa, usque dum per quadraginta dies sufficienter fuerit expurgata: brachiorum via coacta est. Neque fidendum, quòd cessaverit purgatio uteri; nam quæ relinquuntur à partu, non ex venis brachii, sed ex talo per venas uteri petunt evacuari. Quòd si medici hanc indicationem facile deferunt, putantes, sufficienter esse purgatam mulierem, ad noxas incemendabiles devenient.

Illud autem silentio non est prætereundum, si in evacuationibus symptomaticis (quamvis omninò symptomaticæ sint) debemus spectare parumpèr, ut videamus quid utile, aut inutile ferant, quomodo se habeat natura, an forsàn debilitetur, an commodum aliquod percipiat? Quare non spectabimus, cum naturalissima apparet evacuatio menstrualis, enixæ, aut non enixæ, in qua non solum sanguis superfluous, sed tres alii humores pravi expurgantur per desideratam, & convenientem regionem, quo tempore, simul fit sanguinis missio, & expurgatio, quæ duo opera nunquam unico

au-

auxilio potest ars perficere, nisi forsan naturam imitando, pervenas tali sectas, quando segniter, aut diminutè procedit. Quod licet multis locis Hypp. & Gal. sit præceptum tamen eleganter lib. de sangui. mis. contra Erasist. c. 4. hæc ait: *Cum didiceris quæ probè ab illa perficiuntur, semper addito eo, in quo illa deficit, facile ei adjumento esse poteris; rursus si ipsa nil penitus movet (id quod quandoque morbosarum causarum vehementia superata patitur) tum ego illud omne suggerere enitar, &c.* Est igitur inferior vacuatio in enixis summoperè sollicitanda, si natura, aut tardè, aut diminutè expellit, hinc enim mala superiorum partium nutriuntur, ut ex Gal. dixi: Qua in parte oportet contra obstetrices, & vulgares medicos advertere, non esse accidentia puerperii calidis mitiganda medicamentis, aut alimentis: putant mori veri meliùs menstruam purgationem, sed falluntur proculdubio, nam vel adfit morbus acutus, vel non adfit, solent promoveri similes vacuationes, non ita calidis rebus, sed potius temperatis, & non nil frigidis: nam uterus ex labore partûs ferè dilaceratus facile à calidis inflammari potest. Atque cum dolores, quos enixa patitur, excitentur à sanguine calido exeunte, potius quàm à frigore: apertum est, non calidis, sed

mag

maximè temperatis, & potiùs ad aliquam frigiditatem inclinantibus, debeat medicus uti. Undè Avicen. aquam hordei aliquando concedit. Nos verò victum tenuem, & aliquando, si opus est, mediocrem sed facilem concoctu exhibemus, & juscula ex aviculis cum petroselino, & capil. veneris, vinum, & aromata, & alia calida prorsùs interdicentes.

Sit ergò ultima conclusio; menstrua purgatio (si rectè fit) regulariter loquendo, aliam impedit; si imperfectè, semper per eandem regionem aliam petit, multò magis in enixis. Si urgeat multùm peculiaris morbus in partibus suprà septum, prima à talo incipienda, & statim ad venam superiorem, & iterùm ad talum. At in enixis, non una solùm detractio, sed altera, atque altera securior ex talo, quamvis interveniat aliqua ex vena superiori propinquâ parti affectæ. Sed præ oculis habendum illud consilium, quod tot locis nobis relinqui Galenus, tantum esse auferendum sanguinem, quantus deficit ex menstrua purgatione, ut ex artificiali, & naturali fiat illa, quæ necessaria est, neutiquam liberalior, flaccescant enim vires, & morietur mulier; itaque conjectandum semper in hoc morbo pendente ab humore, quot uncie evacuandæ, y. g. eva-
cua-

cuare necessarium est (inspectâ plenitudine, & sævitiâ morbi) quinquaginta uncias; ergo si natura evacuat 25. debes evacuare alias 25. ut ex utraque vacuatione finis optimus consequatur; hunc terminum non debes excedere: habet autem latitudinem, nam quædam mulier minùs, quàm alia, menstruat, una magis sanguinea, quàm alia.

Notandum.

Est autem dignissimum consideratione quod supra tetigi, quàm facilè medici relinquunt inferiores venas, certè cum manifesto periculo: putant qui segniter ista contemplantur, quòd, transactis quadraginta diebus purgationis, facilè possunt evacuari per brachia. Magnum deliramentum, cùm non omnes mulieres habeant eundem terminum purgationis, neque easdem vires expulsivas: aliæquæ debiles sunt, & retinent aliquid superflui: & putat medicus, conclusam fuisse purgationem uteri, & quærit venas brachii, & miserè moritur infirma accidentibus morbi acuti, & accidentibus uterinis; ab utero siquidem morbi causa incipit, & nutriebatur, sed latebat pars mandans, quia putabat Tyro, morbum nullam cum utero habere connexionem. Si potest febris ardens ex uteri affectione proficisci, nonnè aliæ species febris? & aliæ inopinatæ

ter.

terminationes ad mortem enixæ, & medi-
ci dedecus?

CAP. IX.

*Quomodo motus localis corporis se habeat in
ordine ad vacuandum?*

Motus inter non naturales causas enu-
meratur: videndum ergò quomo-
dò impediatur vacuationes, aut si forsan ad
illas disponat. Primò, illud certum est in fe-
bribus acutis, calidorumque succorum re-
dundantiâ, motum localem corporis sum-
moperè vacuationem impedire, & præcipuè
qui immodicus est; resolvuntur enim vires,
& humores aridi, & biliosiores redduntur,
& furentes; ad vacuationem autem omnis
perturbatio, siue corporis, siue animi fu-
gienda est.

Secundò, vulgaris error notandus est, quo-
rundam (è plebe) qui aut febrientes, aut non
febrientes, adeunt domos scindentium ve-
nas, ut per venæ sectionem evacuentur, qui,
quam primum vacuatio facta est, in propria
se conferunt domicilia, antequàm sangui-
nis motus sedetur; undè non pauci in animi
deliquium incidunt in ipso itinere, ita ut
semimortui à prætereuntibus in lectum ad-
ducantur. Quamobrem meo iudicio non
solum motus præcedens, sed etiam subse-
quens

quens maximè considerandus. Et ob id Avicenna. agens de removendis nocumentis, quæ accidunt ex regimine sanitatis, tract. 1. cap. 3. dicebat: *Venæ sectionem non debere fieri post motum*; & paulò post subdit: *Et postea succedat ei quies*. Quod etiam docuerat, 4. 1. cap. 20. Quod verò cuique medico poterit accidere, libenter referam (nam mihi sæpè accidit.) Accedunt aliqui interrogantes, quid faciant in hoc casu: nam est illis necessarium statim iter agere, quod neutiquam possunt excusare, & alià ex parte indigent venæ sectione, aut quia plenitudine magnâ, & febře laborant, aut incipiente alio morbo. Quid respondebis, obsecro? Quid ergo responderim, dicam? Venam quidem incandam esse, ob morbi speciem, tamen propter iter futurum, à tali auxilio abstinendum, ne in ipso itinere, aut syncope, aut phrenitide, aut alio periculoso superveniente affectu periclitetur æger: nisi post vacationem tanto tempore quiesceret, quo possem exactè percipere, an talis sit dispositio, ut ratione itineris majus non incurrat periculum?

Pro cuius majori claritate notandum est, aliud esse agere de recrementis, quæ quotidie generantur in nostris coctionibus, & de illis, quæ citrà magnam febrem in valetudine

nariis, aut in febribus longis necessario succrescunt. Aliud verò est loqui de excrementis putridis, quæ ex vi intensæ, & acutæ febris resultant. Nulli dubium potest esse, quòd excrementa primi generis melius peluntur, intercedenti motu locali corporis, quàm alio auxilio: quod breviter docuerat Galen. 3. Aphorism. tex. 15. his verbis: *Nam in siccitatibus superflue humiditates dissolvuntur, per imbres autem intra corpus collectæ putrescunt, nisi quis singulis diebus collectas exercitiis, expurget. Quæ enim fit per balnea, evacuatio parva est, & solum ferè cutem evacuat. Quæ autem sunt per carnem, & solidiores partes dispersæ superfluitates, haud sufficienter balneis evacuantur, &c.* Præfert igitur Galen. motum localem, aliis auxiliis, ad excrementa deturbanda: quod non solum in sanis intelligimus, esse verum; sed in ægris, qui possunt citrà damnum exerceri, & sine metu intensionis febrilis; & in valetudinariis, Non quidem expedit ad medicamenta purgantia confugere, quando motus localis expulsionem excitare valet. Itaque neque balnea, nec aliud artis auxilium putrida excrementa evacuat, sicut motus; igitur solum inspectâ putredine, & recrementis ex illa resultantibus, nullum damnum, sed commodum potest consurgere ex motu. At

si ingens calor adsit, si iudicium aliquod spectatur, aut symptoma aliquod timetur grave, proculdubio motus prohibendus est. Quod verò de sanguinis missione dixi, idem de purgatione intelligendum.

CAP. X.

Quòd motus localis vacuationem humorum crassorum, & frigidorum, non solum non impedit, verum iuvat, ex mente Hypp. & Galen.

Diximus de motu in calida dispositione, nunc de illo aliqua adnotanda, quando humores adsunt ita crassi, glutinosi, & quasi frigore gelati, ut fluere nequeant, nec ad vias naturales expurgationis, nec ad artificiales ab arte inventas. Apertum quidem est, neque per venæ sectionem, neque per medicamentum trahens tales humores evacuari posse, cum sint ad fluxum inepti; igitur motus localis maximè iuvat, & disponit, attenuando, calefaciendo: quàm doctrinam adnotavit Avicen. 4. 1. cap. 20. ex mente Galen. lib. de venæ sec. cap. 21. Si autem æger jacet in lecto, & motum aggredi non audet, aut ob aliam rationem non expedit, certè in hoc casu frictiones leves linteis calidis exequenda ante vacuationem. Et quibus balnea sunt consueta, etiam maximè pro-

profunt; fundunt enim sanguinem, & ad exitum habilem reddunt, undè in morbis melancholicis, maximè probo usum balnei, & post balnea, si opus est, sanguinem detrachere decerno, quia attenuatus humor, & aliis mixtus, melius concurrit ad locum scissuræ, & melius exit; quod intelligendum est, nisi adsit plenitudo magna, quæ prius poscat deponi. De purgationibus dixit Hipp. lib. 4. aphor. 13. *Cùm biberi quis helleborum ad motionem corporis ducere magis, ad somnos verò, & quietem minus, indicat autem navigatio turbari motione corpus.* Et Gal. in com. inquit: *Quies siquidem in eodem statu conservat, motus verò transmutat, atque alterat corpus.*

Eâdem ratione video aliquos medicos, spectantes motum humoris, in quartana, & *Nota.* morbis melancholicis, ad medicamentum purgans propinandum, asserentes. ita factum fuisse ab Hip. lib. de Affectionibus, & 5. Epid. de qua re alibi.

Similiter ante expurgationem, solet Hippocrat. balneis uti. 6. Epid. p. 5. text. 29. & Galen. in com. lavandos esse ægros docuit sapè ante veratri sumptionem, nonnùmquam post assumptionem.

Imò non solum ad veratrum sumendum, sed etiam ad sanguinis missionem exercendam, quando sanguinis crassus est,

utilem putavit Galen. usum balnei, in eodem com. ut etiam de motu nuper dicebam ex mente ipsius.

Quòd autem motus moderatus sit utilis ante vacuationes humoris crassi, quando non adest febris talis, quæ motum istum non impediat, colligi potest ex Hippocrat. & Galen. 6. Epid. p. 3. context. 31. *Prodicus febrientes interficiebat cursibus, luctationibus, fortibus calidis: malum febriculosum inimicum fami, circuitibus multis, cursibus, frictionibus, &c.* Si hæc verba Hippocrat. contra Prodicum rectè introspicias, videbis nostram mentem esse Hippocraticam. Diximus, nimium motum localem esse omninò perniciosum, aliquem tamen esse proficuum. Ita dicit Hippocrates febrem inimicam esse circuitibus multis, quasi dicat, paucos circuitus prodesse: exiguus motus etiam à Galen. conceditur, lib. de sangui. missio. cap. 21. Avic. 4. 1. cap. 20. Galen. 6. Epid. p. 1. comment. 6.

Illud autem, quod suprà insinuavi, semper memorari debes; non dicimus, motum esse proficuum ratione febris, sed ratione vacuationis, quando tales humores ad futuram vacuationem per motum securè attenuantur, aut concitantur. Nam aliter securus non esset motus, potius desiderant medici

dici quietem humorum crassorum, ut coquantur, nisi adeò rebelles, aut hærentes sint, ut motum desiderent: quod luculentè docebat Galen. ex mente Hippocrat. 6. Epid. p. 1. com. 6. his verbis: *Exercitationes conducere arbitratur Hyppocrates tanquam multitudinem vacuantes, & pituitosum, crudum, crassumque omne ad maturitatem ducentes, & attenuantes, & corporis omnes particulas roborantes.*

Quod in febribus longis pendentibus à magnis obstructionibus lienis, aut hæpatis, quotidie experimur, quantum valeat motus ad febrem tollendam, ablata causâ obstructionis, & colore ad nativum reddito, ut in curatione febris albæ, aut morbi virginei comprobatum est.

Unde hæc forsitan est ratio, quare inter antiquos medicos consuetudo invaluit, ut ad misionem sanguinis in mulieribus ex pede, meliorem horam putent vespertinam, seu circa crepusculum, ut promoveantur menses, nimirum, calore, & motu totius dici humores crassi minùs inhærentes, & quasi vinculis soluti melius descendunt ad inferiora: quod Jacobus de Partibus observatum reliquit. Sed hæc de motu corporis sufficiant.

Nota.

K 2

CAP.

*Quod motus animi, maximè vacuationes
impediat.*

Diximus de motu corporis, sed magnum pondus habet consideratio hæc, quia divinior.

Gaudium expandit spiritum ad externa, cor frigidius relinquit, si mortem hoc pacto vidimus, aut legimus accidere, quanto magis timenda est vacuatio, quæ etiam depauperat spiritum: Ergo si necessitas urget, prius sedanda talis affectio, ut cor ad statum pristinum reducatur, recuperatis spiritibus, ut valeat vacuationem tolerare.

Ira, licet non soleat, ut gaudium, interire, sed multos non valde animosos debilitare potest: & certè si vacuatio artis accederet, accederet etiam animi deliquium. Non igitur tibi contingat, iratos vacuare.

In timore, quis audet aut sanguinem detrahere, aut expurgare? Nam metus propter debilitatem, quam potest inducere, etiam ob subitum ad interiora humorum recessum, valet vacuationes impedire, si medicamentum eo tempore assumeret, mortis manifestum periculum ex suffocatione accidere posset. Præterea, videmus in his, qui timent, venam sectam nihil sanguinis con-

cedere, aut si quis fluit, non qui fluere debet, sed tenuissimus: quo fit, ut statim iubeamus venam claudere, donec metus omnino recedat. Et forsani hæc est causa, ob quam Galen. ob timiditatem quandoquæ venam non secatur; 9. Meth. cap. 5. Tamen adverrendus locus: nam dicit: *Quod si propter medicæ ignorantiam, vel ægri, aut propinquorum timiditatem vena non secatur, &c.* Ubi non loquitur (ut suspicor) de affectu timoroso, de quo hic loquimur, sed de renitentia ægri, & propinquorum, ob suspensionem, nè malè habeat ex sanguinis missione, propter diffidentiam, quibus ignorans medicus, & rudis, nescit philosophicè ostendere rationes, & causas evacuandi; his enim rectè declaratis (& periculo explicato, si non vacuetur) statim ager amittit metum, & spe firmatur: tamen aliter se res habet; nam medicus rudis (ut vocè Galenicâ utar, in eo cap.) vincitur facile rationibus ægri, & propinquorum; & ob id dixit loco citato, propter timiditatem ægri. Si medicus sciret illum animi affectum depellere, ortum ex falsa quâpiam opinione, certè non præteriret occasionem vacuandi.

Tamen maximè notandum est, talem posse esse egrotantis, & propinquorum timorem, ut, prædicto eventu, liceat ad alia

auxilia transire, ut ibidem facit Galenus. Sequaces enim Erasistrati vociferabant, & dicebant, aliquos fuisse mortuos præ timore, ante venæ sectionem, alios periisse in ipsamet sectione (ut refert Gal. de venæ sectione adversus Erasistrat. cap. 2.) ad explodendam omninò sanguinis detractionem.

Igitur omnia prius sedanda sunt, etsi quæ virium iactura ex metu orta fuit, prius reparanda.

De tristitia idem philosophandum, interna urit, exsiccat etiam ossa ipsas; si diuturna est, si recens, suffocat, & utroque modo debilitat vires: ex pulsibus quidem tristitiæ, & timoris colliges quantum tales affectus vacuationes impediant, aut retardent.

Inter animi affectus amor locum obtinet, qui, in quantum amor, nil habet in hoc capite ad medici contemplationem. At quatenus nunquam sine aliquo motu appetitus hominem tenet (loquimur de amore sensitivo, quo mortales agitantur) apertum est, secundum illum motum, quo inflammatur, posse impedire vacuationes, nam aut in calore, aut nimio gaudio, aut frigido timore, aut desperatione, aut aliis animi perturbationibus, miserè concutitur animus, in quo casu idem asserendum, ac de singulis diximus affectibus.

De raptu, & extasi attentius philosophandum, ut dicemus in tractatu de divino in morbis ad libr. Hippoc. de morbo facio. Nunc sufficit dicere omne auxilium impedire. Vidimus in quodam raptu putasse assistentes, esse apoplexiam, & sanguine misso (mirum) poterat anima evolare. Tamen ex tali vacuatione in magnam devenit æger debilitatem, & plures morbos. Sunt quidem maximi momenti istæ considerationes, quamvis parvæ aliquibus videantur.

CAP. XII.

De somno.

Somnus exiguo tempore mihi videtur impedire venæ sectionem; nempe non statim à somno mittendus sanguis est (nisi aliud urgeat) sed aliquo interposito spatio, ut humores ad interiora per somnum moti expandantur, possitque rectius venæ sectione vacuari. Quod Galen. optimè advertit, lib. de sanguin. mis. cap. 20. dicens: *Cum autem nil hujusmodi, aut urgeat, aut prohibeat, præstat manè venam incidere, non protinus ex somno excitis, verum circiter horam unam jam antea vigilantibus.*

Sed meritò dubitas circa locum Galen. lib. de optim. sect. ad Thras. c. 48. ubi contrariam sententiam videtur proferre, ait enim:

Nonnullis conferre ante venæ sectionem dormire. Sed adverte, non esse contradictionem in dictis Gal. sed consonantiam: nam potest somnus conferre antè venæ sectionem (quādo aliud non urget) nonnè potuit superflua vigilia precedere, aut quid aliud, quod virium restorationem per somnum petat? Ergò, Gal. lib. de sanguinis missione loquitur, dùm aliud non urget: Sic, melius est vigilantem egrum tenere, per illud tempus à Gal. signatum. Sed quando sermo incidit de somno, utile erit explicare, an liceat post venæ sectionem dormire, etsi extrà institutum videatur.

CAP. XIII.

De somno post vacationem.

EX natura somni elicies primum decretum in hac re; nam cùm in somno recursus fiat sanguinis, & spiritus ad viscera, apertum est, quòd si in partibus internis multitudo humorum adfuerit, aut putredo, aut fluxio quæpiam, aut paulò post timeretur, somnus post vacationem maximè nocebit: equidem si adest multitudo sanguinis, aut putrescentium humorum (quod maximè debes notare) ex retractione suffocabitur calor, quo fiet, ut augeatur putredo, & pulset alia de novo.

Quare in internis inflammationibus, aut
in

in fluxionibus ad viscera, pessimus est somnus, quin etiam, & in pestilentibus affectibus, & venenosis, in quibus afflicta natura saltim principatum cordis desiderat à tali malo liberare (concurrit enim semper venenum ad cor) in his quidem maximè timendus somnus post vacuationem.

Quo fit, ut in quibus speratur aliqua accessio, suspectus etiam sit post venæ sectionem.

Sed quando post sanguinis missionem timetur debilitas, aut magna resolutio, ut in calidis, & siccis, tum temperaturis, tum temporibus, & regionibus accidere solet, permittendus somnus est.

Secundò potest permitti, quando vena secatur propter dolorem existentem in parte externâ, sedat quidem talem dolorem somnus, ut dicebat Avic. 4. 1. cap. 30.

Tertiò, si humor, qui relinquitur post venæ sectionem, paucus est, & per somnum evinci potest.

Quartò, si puer est, & crudis abundat; somnus in pueris multos finit morbos.

Quintò, si fluxio aliqua ventris, aut sanguinis adest.

Sextò, in morbis melancholicis, & maniacis, in quibus prædominat siccitas. In his casibus ex arte somnum permittimus. Quamvis
duo

duo sint, quæ persuadeant, non esse dormiendum, primò, metus, nè ligatura solvatur, & multus effluat sanguis, ut adnotat Fernelius; secundò, propter membrorum contractionem, ut ait Avicen. 4. 1. capit. de phlebot. tamen major est utilitas, quæ ex somno sequitur. Possumus præterea venam securè ligare. At contractio membrorum accidit, in primis relatis casibus in multitudine internarum partium, in putredine, &c. Sed in sex ultimis neutiquam accidit, aut ita est perexigua, ut nullius sit momenti. Causa contractionis membrorum post venæ sectionem est (ut arbitror) insinuatæ, Avicen. enim ait. *Quia inter phlebotomiam quoque, & secundationem, non est dormiendum, ne cum sanguine expellantur superfluitates, quæ attrahuntur, propterea quod humores per somnum ad corporis profundum trahuntur, &c.* Hæc Avicennæ.

Loco citato.

Quarè cum ex venæ sectione humores sint commoti, somno accedente, velocius concurrent ad interna, & viscera gravantur. Igitur quando aliquis ex se prædictis casibus non urget, non convenit dormire post venæ sectionem, sed spectare per unam integram, aut duas horas, ut sanguinis motus sedetur.

Quando autem multitudo tota vacuata est,

est, ut in synochis, in quibus Galen. tam profusas faciendas præcipit vacuationes, somnus laudabilis est. Dormiebat ille juvenis (9. Meth. 4 c.) neque fricatus, & abstersus linteis sentiebat, neque vocatus. Galenus relinquebat, neque sinebat excitari, & pluries illum visitabat; ille autem dormiebat, cum magno virium proventu. Continetur enim iste somnus relatus à Galeno in nostris sex casibus in primo, & tertio.

Diximus in sexto casu, concedi somnum in delirantibus, maniacis, aut phreneticis, non solum quia remedium affectus est, cum somnus humectet, & ob id delirium ex siccitate, & calore ortum sedat, sed etiam quia tales infirmi solent, delirando, ligaturam tollere. Quare rectè Avic. animadvertit, quod in his affectibus, & in illis: *Quos per noctem, aut horam dormiendi oportet evacuare, scissura venæ sit angusta. 4. 1. cap. 20. & ob id 1. 3. tract. 3. cap. 3. dicebat: Et oportet ut sit cautela in ligatione vitæ super ipsam, ita ut sit firmata, quam motus ipsius, & agitatio irrationalis non solvant, &c.* Quando ergo Avic. *Lib. de* dixit: *Et post phlebotomiam succedat quies, remota non dormiat, quantum ei fuerit possibile: vend.* intelligendum est, nisi aliud indicans sit, *nocu.* quod petat somnum.

De purgatione ferè eadem est ratio, nam
post

post purgationem inchoatam non oportet dormire: stabit enim, aut cessabit purgatio, & aliâ ex parte humores ad interiora concurrent, quo nil infœlicius. Consuevimus verò post exactam, & perfectam purgationem somnum concedere, sicut Galen. post longam sanguinis detractionem, ad humectandum corpus, vel à medicamento exsiccatum, ad reparandos spiritus deperditos, somnum concedit.

CAP. XIV.

De vigilia.

DE Vigilia loquimur, quæ merè res non naturalis est: non de illa, quæ morborum, & causarum præter naturam est soboles. Nam hæc potius petit vacuationem, non ut vigilia, sed ut oritur à causa humoralis caput distemperante, de quâ infrâ agendum est. Tamen vigilia, quæ alias causas sequi potest, sine dubio vacuationem impedit, aut retardat, aut maximè moderatur. Nam si aliquis, aut propter nocturna studia, aut aliam quampiam sollicitudinem insomnis est, aut ob aliud impedimentum, ista vigilia à causâ procathartica non tolerabit vacuationem, ut meritò dixerit Gal. lib. I. ad Glauco. cap. 14. vigiliam posse impedire vacuationem, sicut aer: quod Galen. significat.

care voluit, quando eodem, lib. cap. de febribus cum accidentibus, dixit: *Ita etiam si vehementissima vigilia, aut dolor intensus egrum vexaverint, cavenda sunt subita, & multa vacuationes, &c.* Quòd de purgatione hoc etiam sit intelligendum, apertum existimo.

Sed intelligenda sententia Gal. quando cò vigilia devenerit, ut vires fregerit, quo casu prius oportet auxiliis, quæ somnum inducant, & vires reficiant, agrum levare, & postea evacuare.

Tamen si malum ita urgens est, ut celerimum exposcat auxilium, prudentia medici maximè necessaria est, ut vacuationem mensuret, secundum statum virium; inspicies non solum præteritam vigiliam, sed futuram, quæ timetur. Parcè ergò vacuandum, semper vires reficiendo ante vacuationem.

CAP. XV.

De usu venereorum, quem inter res non naturales medici referunt.

USum venereorum inter res non naturales medici recēsent, quia si (ut ipsi putant) aliquando juvat, tamen ita solet vires dejicere, ut magna auxilia impediat. Et ob id Avicen. lib. 3. fen. 20. cap. 11. dicebat: *Coitus evacuat de substantia cibi postremi, quare*

re debilitatem affert, cujus simile alia non afferunt evacuationes, & evacuat de substantia spiritûs rem plurimam, &c. Quare non mirum, quòd lib. de removend. imped. cap. 3. prohibeat venam secare post coitum.

Sed pro Avicenæ explicatione animadvertendum est, perniciosam esse multorum audaciam, in extrahendo sanguine his, qui post coitum infirmantur. Apparent autem aliquando pulsus validi, enitente natura debilitatem profectam ex penuriâ spiritûs reparare magnis tractionibus aeris, & sanguinis, ut spiritus generetur. Putat verò inexpertus, esse fortes dilatationes, & oriri à robore virtutis, atque, cùm necessum sit, aliquas esse debiles, & impares, confundit inæqualitates pulsûs ex coitu, & inæqualitates ex vi morbi; qua in re magnus latitat error, ita ut viderim plures infirmos post coitum morbo correptos, ad lethalem statum, & ad mortem devenire, ex solâ sanguinis deductione. Est ergò maximè ponderandum, qualis, & quanta sit debilitas, & qualis ægri temperies, & quem gradum urgentiæ morbus obtineat. Sunt equidem aliqui, qui facile veneris evacuationem tolerant, sed præcipuè tempore hyemis, quando corpora minus effluunt per cutem qualia sunt calida, & humida, hæc siquidem minus à coitu debilis

bilitantur; tamen magna debet esse imbecillitas, ut impediat magna auxilia, dicente Galen. lib. 6. de sanitate tuenda: *Nonnulli sunt qui usque ad senium citra noxam venere utuntur.* Hos dicit calidæ, & humidæ naturæ; quod si huic temperaturæ accedat cutis densitas, minus coitus noxam sentiunt. Quod aliis verbis dixerat 6. de morb. vulg. par. 2. com. 26. inquit: *Solos eos juvare, qui fuliginosas, & fumosas obnaturalem intemperiem transpirationes habent.* Tamen notandum ex prædictis locis, & 8. meth. Quod sicut coitus minùs debilitat relata corpora, ita maximè calida, & sicca, quare dolendum est (& maximoperè fugiendum) quàm sine discrimine tempore æstatis in morbis acutis, complexione calidâ, & siccâ, post diffusam, & lascivam vitam, sanguinem mittunt Tyrones medici, dicentes: morbus acutus est urgentia magna. Ergo oportet hæc omnia, & alia multa altâ consideratione recogitare. Renuit calida, & sicca complexio vacuationem veneream, ab eaque impensè debilitatur. Rursus ab ambiente, rursus à copia humoris biliosi, non à sanguine (ut multi putant.) Igitur extractio sanguinis lethalis solet esse in prædictis causarum combinationibus. Quis dubitat? Imò non dubitat audax, & qui non audit. Vide quâtâ cautione, quàm paulatim, quàm

raro talem vacuationem debes exercere.

Sit ergo conclusio : qui coitum exercuerunt biliosi, aut debiles, tempore æstivo, aut inedjam passi, prout plures, paucioresvè resolutionis causæ veneri accesserunt, plus, aut minus vacuandi : quinimò talis esse potest status causæ morbosæ, & morbi acuti, & vitium, ut alterantibus, & clysteribus, magnam curationis partem perficiamus, naturâ interim se paululum reficiente, & levante ad alias vacuationes perferendas.

Sed dices, Avicenam post coitum sanguinis missionem præcipisse, lib. 3. fcp. 1. cap. de dolore capitis ex coitu; sed lege attentè textum, nam dicit: *Si adsit multa vaporatio, & effusio totius corporis ad cerebrum, contingit, ut motu coitus agitetur plenitudo, & caput recipiat, quod molestet.* Igitur in isto casu magis est quod agitaturn remansit, quàm quod debilitatum apparet. Sed certè rem infinitæ varietatis non possumus ad normam determinatam redigere; plura sunt iudicio periti artificis relinquenda, qui vires contempletur, naturam causæ, & illius motum, futurum exitum, & alia innumera, quæ inferius sunt explicanda, cum de causis præter naturam agamus. Sed antiquitas audaces in evacuando coercet. Regulæ igitur servandæ in hoc casu, declaratæ sunt.

CAP. XVI.

De cibo, & potu.

Cibus, & potus ad repletionem reducuntur: de cibo autem sub ratione cibi aliquid suprâ insinuavimus in ordine ad vacuandum: Si autem corruptus cruditatis species constituat, infrâ habebit locum, cum de rebus agam præter naturam. De potu, illud solum adnotare decrevi, impedire vacuationes, si frigidus sit, humores enim refrigerans ad motum reddit ineptos. Quamobrem ubi multus potus aquæ frigidae, aut vini præcessit, Avic. *Sanguinem non evacuat, quia aqua frigida sanguinem densat, vinum agit humores omnes.* Equidem inter causas infaelicis exitûs multorum morborum enumerandus est, tam largus aquæ frigidae potus, & usus nivis. Nam cum urgeat necessitas vacuandi, nec tempus spectandi præstet inducias, ut humores ad sanguinis missionem, aut purgationem præparentur, necessarium est, ut condensatis manentibus humoribus in cavitatibus internis, educantur tenuiores, & fluxiles cum incredibili agrotantis damno.

*Lib. cit.
de re-
moven.
imped.
c. 3.*

Tamen licet Avic. dixerit frigidae aquæ potum, & vini copiosi impedire vacuationes, non æquali modo intelligenda sententia: nam aqua frigida nil habet boni ad vacu-

cuationem ob rationem dictam, vinum aliquo modo potius indicat, quam impedit. Hæc generaliter dicta sunt, & agendo de vita ante actâ.

At in particulari sunt aliqui, qui aquam tribuunt frigidam ante vacuationem, melius tamen facient, si in biliosis, & calido tempore (si necessaria est sanguinis detractio) utantur paucâ aquâ, cum aliquid de succo granatorum admisceatur, sic foelicitè tolerat natura, & roboratur. At in contraria temperie, & tempore, biscoctum vino imbutum, aut aliquid aliud roborans, & attenuans, utiliter exhibendum. Quod ad sanguinis missionem habere locum potest, ad purgationem neutiquam, cum melius sit ad

Nisi aliud ur- medicamenti purgantis sumptionem ventriculū esse jejunum.
geat.

Conueniens autem erit, ut si aliquis fuerit evacuandus per sanguinis detractionem, & aquâ frigidâ fuerit usus, roboretur prius medicamentis ventriculo applicatis, quæ simul calefaciant, & roborent. Quod autem de potu aquæ frigidæ in hoc loco dixi, intelligendum paulò ante vacuationem: tamen alia major consideratio exurgit, quando prima regio usu nivis frigescit, de quo puncto infra, quando de prima regione disseram.

De rebus naturalibus, & non naturalibus, quæ valent impedire venæ sectionem, aut purgationem, dictum abundè existimo. Nunc ad rem difficillimam, arduam, & omnibus viribus contemplandam (favente Deo) accedimus. De rebus, scilicèt, præter naturam, quæ eadem vacuationes impedire possunt.

LIBER TERTIUS.

DE REBUS PRÆTER NATURAM
impedientibus magna auxilia.

CAP. I.

*De causis humoralibus, impedientibus
vacuationem sanguinis.*

Dicebamus, tria esse genera rerum præter naturam, vel differentias; nam quidquid humanæ naturæ contrariatur, aut est causa morbi, aut morbus, aut accidens, quod consequitur. Atque cum de vacuatione institutus sit sermo, apertum est, nomine causæ non intelligi causam aliquam externam, quæ vacuationi non subjicitur, neque incorpoream, qualis est affectio animi. Agendum ergo est de hu-

moribus, ex quorum perfectâ moderatîone in activis, & passivis sanitas dependet, & morbus multiplex ab illorum ametriâ.

Cùm omnis vacuatio (de qua agimus) culpabilem humorem respiciat, clarum est, quòd qualis fuerit humor, & qualis locus, in quo oberrat, talis erit vacuatio. Priùs ergò de causis humoralibus in ordine ad sanguinis detractionem, deindè de impedimentis ad purgationem, & ultimò de flatibus, aliquid dicam, quatenùs impedire valeant.

Proponamus leges, & statuta à Gal. à quibus Avic. & omnis antiquitas numquam discessit. Ergo 4. de sanitate tuendâ capit. 4. sic statuit: *Humores alii priusquam ad exitum sanguinem perveniant, veluti semicocti sunt: alii prorsus incocti, crudique, alii paulò absunt à sanguinis formâ: Rursus alii sanguificationis velut altera pars, qui utique caloris excessu, proveniunt (quorum alii paululum, alii plus, alii plurimum à sanguine recesserunt) ubi paululum, vel citra sanguinem restitutum, vel ultra, processum est, audacter mittendus sanguis est; ubi plus, consideratiùs agendum; ubi plurimum, in his multis omninò mittendus est. Hec ille. Hoc statutum angustioribus verbis confirmat. 6. Epid. part. 3. cap. 43. dicens: Expedi aliquibus eorum, qui sanguinem*

nem expuunt, sanguinem detrahi, quibus scilicet copiosus est, & nondum insigniter ad alberius humoris naturam conversus; non detrahendus est autem in quibus jam mutatus est, & c. Istam Galeni legem confirmat Avic. c. de phlebotom. 20. 4. i. illis verbis, à nobis propositis in principio hujus operis. Istam tam antiquam, tam solidam, & salutarem doctrinam video hoc tempore oblitam, & desertam. Ego pro viribus conabor illam dilucidè explicare, & pro tam necessariâ, & publicâ causâ elegi scholasticum morem. Sic omnium animi, & ingenia quiescunt, si rationes contrarias audiamus, & dissolvamus.

CAP. II.

Est difficultas, an aliqui humores intra venas impedire, aut omninò prohibere possint sanguinis detractionem?

Primò probatur, quòd venæ sectio conveniat quibuscumque humoribus intra venas existentibus, nam aperto foramine, exire debent necessariò: ergò quocumque modo humores peccent, deturbari possunt per sanguinis missionem.

Secundò, quia si ob aliquam rationem humores intra venas impediunt sanguinis

missionem, ea est, quia distant à natura sanguinis, & ex consequenti cum ista vacuatio sit universalis, omnes evacuabit tam malos, quam bonos, meliusque erit medicamentum expurgans. Hæc videtur communior ratio pro istâ sententiâ; tamen non convincit, imò potius, quamvis distent humores, & alienati sint, exhibunt per venæ sectionem, ut apparet ad sensum in vasis extrinsecis. Medicamentum autem licet trahat pravyos, hoc fit cum maximâ commotione, quæ commotio maximè fugienda est, præcipuè in febribus; ergò sanguinis missio in quâcumque cacochymia erit ex usu, atque adeò nullus humor, aut crudus, aut putridus, dummodò sit intra venas, valet impedire venæ sectionem.

Tertiò efficaciter arguitur: morbus magnus, & virtutis robur, sunt scopi sanguinis detractionis: ergò his scopis apparentibus, non est, cur possit impediri sanguinis evacuatio; sed humores præter naturam, maximè distantes à natura sanguinis (v.g. biliosi, aut crudi, aut maligni, aut adusti, aut putrefacti) possunt causare morbum magnum intra venas existentes, præsentē virium robore: Ergò exercenda est sanguinis missio, atque idcò humores, propter distantiam à sanguine, non valent impedire talem vacuationem.

Con-

Confirmatur: nam in febribus ardentibus ex præcepto Gal. sanguis mittitur etiam ad animi deliquium; sed exquisita febris ardens à solâ bile incensâ, aut putrescente, (distante à sanguine) progignitur; ergo sine peccato sanguinis, debet vena secari, neque humores, aut suprà, aut infra sanguinem valent impedire talem vacuationem. Et ex consequenti sententiæ illæ Galeni supra adductæ, & Avicennæ non habent locum in acuto morbo pendente ab humore separato, & segregato à sanguine.

Solet responderi ad istas rationes, quòd quando sinceri humores seorsum à sanguine putrescunt, aut præter naturam inflammantur, aut malignâ qualitate afficiuntur, non possunt constare vires, quia natura in tam alienâ humorum conditione, non potuit rectè nutriri, & ex consequenti debilis erit, neque tolerare poterit sanguinis evacuationem.

Sed efficacitèr contrà istam responsionem insurgit ratio; concedunt omnes, morbum magnum posse oriri ab humoribus distantibus à sanguine, sive à solitariâ caco-chymiâ, nullo modo peccante sanguine: tunc sic; sed in tali statu possunt vires constare: ergò mittendus sanguis est: quod est expressè contra textus supra positos. O-

ditur: quia Gal. 1. aphor. text. 17. docet, posse conjungi virium robur cum humorum corruptione, ut in principio diximus hujus tractatus. Loquitur apertè Galenus, meo judicio, de humoribus intrâ venas (ut tacitè objectioni respondeam) non de cibis corruptis in ventriculo, nam deliramentum videretur, onerato ventriculo pravis succis, hominem saginare multis, & frequentibus alimentis; sed ista dubitatiuncula, non est ad rem. Probatum enim existimo autoritate Gal. conjungi virium robur cum magnâ

In hoc opere l. 1. c. 2. cacochymiâ: ergo si adsit magnus morbus, conveniet sanguinis detractio, adsunt si-

quidem scopi. Quia in omnibus febribus putridis jubet Galen. mitti sanguinem, ut levatâ naturâ, reliquum superet; per putredinem autem fiunt humores distantes à sanguine: ergo isti non impediunt, sed poscunt talem evacuationem.

Quia nullo modo meliùs tollitur obstructio in putridis, quàm sanguinis missione: est autem obstructio comes putridarum.

Quia detractio sanguinis in eadem portione relinquit humores, quia equalitèr vacuat; ergò non est periculum, ut extrahatur sanguis bonus, & remaneat malus humor: quæ videtur ratio Fernelii.

Quia

Quia ventilatio impedit putredinem; sed per sanguinis missionem fit magna humorum ventilatio : Ergo.

Quia revulsio à foco putredinis magnum auxilium semper fuit in febribus putridis; hæc autem revulsio rectè fit sanguinis missionem.

Aliæ plures Galeni sententiæ in methodo, & alibi possent adduci pro istâ parte; sed utilitati, & brevitati incumbo. In tam gravi negotio non decrevi conclusiones statuere, nisi prius notabilia quædam, & fundamenta proponam ex antiquâ Philosophiâ Hipp. & Galen.

CAP. III.

Notabilia pro conclusione stabiliendâ.

Primò norandum, massam sanguinariam esse quoddam quasi mixtum ex quatuor humoribus, compositum, & contemperatum, à sanguine, præcipuâ ejus parte, denominatum: in cujus contemperatione, & partium unione, posuit Hipp. lib. de naturâ humanâ, sanitatis causam, in illius intemperamento, & segregatione causam morbi, & doloris.

Non tamen ex istâ sententiâ potest probari, humores esse tantum virtualiter in massâ sanguinariâ, ut opinatur Fernelius; nos eam exquisitam mixtionem, quæ ducit
ad

ad formarum corruptionem, negamus. Sed volumus misceri, & temperari, & in ordine ad sanitatem convenire humores, quamquàm formas proprias substantiales contineant: Sic enim docuimus in tractatu de humoribus. Tamen quam sententiam sequi studueris, non est ad rem, de quâ agimus, nam quomodocumque certum est, quòd calore præternaturam agente, aut aliâ qualitate contrariâ, potest amittere massa sanguinaria illam conditionem debitam, & mixtionem (quævis illa sit) quâ inter se unitur, & quâ subdita est membris solidis, & virtutibus nostrum corpus gubernantibus.

Inservit tamen multum (ad declarandam doctrinam istius notabilis) status elementorum in mixto; nam sicut per putredinem mixtum dissolvitur in ea, ex quibus componitur, ita similiter massa sanguinaria cum alteratur, & corrumpitur, dissipatur, & apparent humores effrænati, & cum sinceris formis, ut fex vini, & spuma, & id quod viride in vino nominatur. Bilis contempta, sanguine, & pituitâ, non ita pallida amara, nec calida existit, separata tamen à prædicto consortio, calidior evadit, amarior, pallidior, irritat, mordet, pungit, & ut dicebat Hyppoc. loco citato, dolorem infert membro, ubi segregatur, & membro ad quod tendit.

- Secundo notandum, quod ista separatio humorum, quæ fit à causa præter naturam, pernatantis potest esse, ut impediat sanguinis mixturem. Sed si dubitas, quando, aut quem gradum separationis debent habere humores, ut impedian talem vacuationem, respondeo, quod ista separatio debet esse usque ad supernatantiam. Aliqui obijciunt nobis, vocabulum hoc (supernatantia) esse barbarum, neque Latinum, neque Græcum, neque talem dispositionem reperiri posse in humoribus; sed ego libenter fero, dummodo meis studiis aliquid conferam bono publico. Supernatantes humores vertit Hermanus Campensis, eodem modo vertit Trincabellus. Gal. in com. lib. Hypp. explicat, *supernatans*, id est, *impermixtus*. Humor igitur ille, qui debet esse mixtus, & temperatus aliis, & contra proprias leges naturæ superfluit, incapaxque redditur, ut permisceatur, iste talis dicitur supernatare, verbis Gal. lib. de nat. human. Hypp. text. 23. *Pro abundante intellige nunc dictum supernatans, aut si mavis id, quod non est cum ceteris omnibus commixtum, supernatans puta appellatum*, Non barbarum est vocabulum, quo etiam Plinius utitur, lib. 24. Aqua supernatans spongiis tollitur (pudet de nomine agere:) humores debent mergi ad invicem in massa

lan-

sanguinariâ; ille, qui non mergitur, elegantè dicitur supernatans.

Igitur terminus ad quem istius separationis talis esse debet, ut impediatur prorsus vacuationem sanguinis, nam humores peccantes, & morbum facientes, ita separantur ab optimo sanguine, ut jam non sint capaces mixtionis, sed segregati à natura, aut tendunt ad cavitates vitales. (ut in morbis lethaliibus) aut ad ventriculum, aut ad caput, &c. Quod communiter video in tenuibus humoribus, & biliosis. Alii verò ita crassi sunt, aut densi, aut glutinosi, ut tanquam fæces, &crementa gravia adhæreant parietibus vasorum, ibique infinita mala efficiant, & communicent cordi; contingitque in talibus, ut sanguis extractus nil mali habeat, sed quasi victimæ, ut ajunt. Aperitur vena (proh dolor!) humores peccantes non possunt exire, quia alii adhærent, aut gravitant, aut præ densitate torpescunt; sanguis verò pulcher, & vividus, qui diligenter custoditur à natura pro cordis subitentaculo, exit necessario, & necessario labefactatur æger. Qui funestus casus quotidie accidit (ut supra tetigi) in his, qui liberalitè, & ventri, & veneri indulgent. Ventri quidem, quia longis potionibus, & frigidis, & conviviiis inserviunt; veneris nullum modum obser-

vantes,

vantes, sed pro ratione voluntatem, aut voluptatem sequentes, & præterea in illis contingit, qui licet temperati sint, & à libidine abstracti, pravo victu usi sunt, aut intemperativis corporis, vel animi motibus agitati.

Est tamen pulchra animadversio, quòd ista segregatio humorum à duobus causis potest oriri, quarum unaquæque varios sortiri potest modos, aut differentias (utcumque volueris nominare; dummodo res intelligatur.) Primò possunt separari ex vi putredinis, ut dixi, & ex omnibus illius causis, quæ plures sunt, & ex omnibus causis malignæ qualitatis, aut corruptelæ. Nam massa sanguinaria omnibus modis corruptionis subjecta est, putredini, uestioni, congelationi, retractioni, veneno, malignitati, & cuilibet alii contrario, quod primis, aut secundis adversatur qualitatibus, & earum modis. Secundò, tales humores possunt separari, & supernatare ex ipso principio suæ generationis, quia jecur author quatuor humorum talibus intemperamentis affici potest, ut generet humores separabiles, & alienos à consortio sanguinis, difficulter miscibiles, imò nunquam miscibiles, ut in hydropico, aut aliis affectibus hæpatis. Tales humores non supernatant, neque adherent, aut gravitant, quia per novam putre-

Nota.
di.

dinem separari fuere. Sed quia in exordio suæ generationis ab hepate mutuarunt talem disconvenientiam; atque cum humores præter naturam possint etiam extra jecur generari (ut alibi docuimus) supernatantia ab illis certè partibus exordium sumet, quia multæ species pituitæ non naturalis à ventriculo distemperato proficiscuntur, quia & aliquæ species bilis. Vide jam quàm plura sint, & varia principia supernatantiæ.

Rursus hæc separatio differentias potest habere, secundum differentias, & species humorum peccantium, & penès majorem, aut minorem irritationem naturæ. Pro cuius majori claritate perpendere oportet, supernatantiam non esse turgentiam, aut turgentiae speciem, ut aliqui docti insinuant. Distant certè. Explico. Existimo, quòd rota massa sanguinaria (ob multitudinem ad vires, antequam sint signa supernatantiæ) potest turgere, aut esse causam turgentiae naturæ, ut suo loco dicendum est. Ergò aliquandò potest dari aliqua turgentia, sine supernatantia. Si vires totam massam commovent hùc, illùcque, antequam suscitetur putredo, quæ humores separaret, nonnè talis diceretur turgentia sanguinis? Quis dubitat? Rursus supernatantia datur multoties, sine turgentia, ut in
sc.

febris merè putridis, & longis, & aliis morbis pendentibus ad humoribus sinceris non turgentibus: ergo supernatantia, & turgentia res sunt distinctæ, siquidem una sine aliâ esse potest.

Sed advertendum, quòd omnis turgentia bilis, aut pituitæ, aut melancholiæ separatim, aut simul, incipit à supernatantia (non loquimur nunc de sanguine, ut nuper dicebam) itaque in hoc casu omnis turgentia fundatur in humoribus separatis jam, & solutis à consortio sanguinis, & talis turgentia habet conjunctam supernatantiam (qua nunc vocamus) sed non è converso: ratio est aperta, nam nunquam turgent prædicti humores, nisi quia supernatantes, & separati à sanguinis debito consortio, & vim inferunt virtuti expultrici membrorum, quæ virtus in varias illos movet, & agitat partes, ut ab illis liberetur; ergò supernatantia semper præcedit turgentiam, & illam concomitatur. Undè, asserendum est, istam separationem esse viam, & tendentiam in turgentiam. Vide quantâ sollicitudine ista principia debeas ponderare.

Multoties contingit in morbo febrili, aut sine febre, mortem repentè evenire, neque medicus præsensit, neque assistentes, quid hoc sit. Quia humores isti separati iterum,

atque iterum misso sanguine, non exhibant, sed manebant magis, indomiti, & supernatantia mutata fuit in turgentiam, aut, ut melius loquar, supernatantiæ supervenit turgentia unico, aut altero motu ad cor, aut aliam partem principem directo (quia vires debiles erant.) O miserandum accidens! quia fuerunt occulta primordia turgentie, quæ latitabant tanquam in seminario, in illa quæta, & fallaci supernatantia; ideò nunc experiris funeralia lethalis turgentie, quæ aut metastasi, vel, ut dixi, unico solo, & funesto motu elucescit.

Multoties vidi (neglecta purgatione talium humorum in febribus continuis) miserandos eventus: omnes indicationes volunt aliqui adimplere per sanguinis detractionem.

Itaque incipiunt humores turgere à supernantia, tanquam à termino à quo, nam per illam redduntur acriores, mordaciores, molestissimi, ita ut nulla pars vivens, aut sentiens, illos tollerare possit, & hinc incipit actus secundus turgentie.

His suppositis, elicimus conclusionem. Supernatantia præcipuè, ut talis est, impedit sanguinis missionem. Hæc ostenditur

Con- authoritatibus Galen. & Avicenn. supracita-
lusio. tis, quas ut leges habemus, fundatas in doctrina

trina Hippocrat. & ratione probatur; nam ista separatio humorum solitariè, & præcisè sumpta, nil aliud dicit, quàm præsentiam humorum separatorum à sanguine, propter pravam aliquā qualitatem putredinalem, aut alterius naturæ, repugnantem consortio sanguinis, aut ita exorbitante quantitate, ut nullam habeat proportionem, ut possit misceri, subagi, & coqui; sed tales humores per se indicant attemperationem, & correctionem, aut purgationem electivam; *Si possunt corrigi, aut temperari.* ergo sicut petunt vacuari hac specie vacuationis, ita renuunt, & impediunt sanguinis detractionem.

Sed dices, non esse efficacem rationem: petunt purgationem; ergo impediunt sanguinis missionem. Adverte, obsecro, vim rationis; nam dico, quod isti humores ita indicant talem auxilii sortem, ut nequeant auferri per sanguinis missionem. Pater, quia illa separatio fit prædictis (supra) modis, ex vi causæ præter naturam putrefacientis, aut alio modo corrumpentis, & separantis istos humores à consortio, & miscella sanguinis. Addo nunc, & ex vi facultatis segregantis bonum à malo, quæ duplex est, expultrix mali, & attractrix boni. Itaque ut incipiunt humores separari, etiam incipit naturâ, quod nocuum est, avertere, & quod optimum,

mum, in mixtione debita retinere: simul-
 que regiones respiciens, ad quas humor me-
 liùs inclinatur: & sic videbis tenues ad caput
 aliquandò tendere, aliquandò ad ventricu-
 lum per vomitum. Crassi, aut adherent va-
 sis, aut inferiora petunt: undè solèo dice-
 re, quòd supernatantia est principium, sive
 terminus à quo turgentia, & urgentia, ut
 per se patet, nam omnia ista sequuntur ad
 tales, vel tales qualitates humoris, hoc, aut
 illo modo infestantis: ergò cum vergentia,
 turgentia, & urgentia ab humoribus acri-
 bus, & pravis purgationem expostulent, re-
 pugnant necessariò sanguinis missionem,
 quia natura talium humorum, & natura vi-
 vens, simul sequuntur regiones, ad quas
 inclinant, certè satis diversas à scissura ve-
 næ: & in hoc sensu tales humores impediunt
 sanguinis detractionem, quia neque pos-
 sunt, neque debent exire per venam scissam:
 ergo extracto humore non peccante, nulla
 erit conferentia, neque tolerantia, nullaque
 vitæ spes. Nam extrahitur sanguis, qui non
 peccat, & remanet causa morbosa integra,
 & cum debiliori virtute: Ergò rectè dictum
 est, quòd supernatantia propriè dicta im-
 pedit apertionem venæ.

Hanc existimo fundamentalem rationem
 illius sententiæ Galeni supra recitatæ. de

sanitate tuenda, cap. 4. & 6. epid. part. 3. comment. 43.

Undè si contrariorum contraria est ratio, cum humores separati minentur magnos, & perniciosos motus, ita quando cum sanguine mixti quiescunt, & mitescunt: ut colligi potest ex ipsa ratione contrariorum, & Galen. insinuat. 4. de sanitate tuenda, c. 2.

Tamen, quia ea, quæ dicta sunt, videntur aliquantulum universalia, & Medicus particularia petit, audias pauca verba circa singularia.

CAP. IV.

De unaquaque cacochymia per se.

CUM tanta diversitas sit inter separatos biliosos, pituitosos, melancholicos, & serosos, &c. dubitas meritò, quem modum in his servare debeas? Rectè interrogas, præcipuè cum sint aliqui textus Galeni & aliorum, qui non mediocrem habent difficultatem.

DE BILIOSA SUPERNATANTIA.

Trallianus explicatur:

PRIUS de ista dicendum, quia humores biliosi multò citius, & frequentius separati sunt ob suam caliditatem, & acrimoniam simul cum levitate: quod etiam serosis contingit, postea pituitosis, tardiùs melancholicis. Dubitas ergò, quia in biliosa

supernatantia æquè extrahitur sanguis, sicut in plenitudine sanguinea. Nam Trallianus, author gravis, dicebat lib. 12. cap. 2. itaque febres ex putredine, & sanguinis redundantia ortę venę sectione curari debent: non tamen minus etiã his, qui à bile infestantur, sanguinem detrahens, siquidem turgens ad purgationem idoneus; crassior, & copia tibi peccare videatur. Locus difficilis Tral-

Verba Tralliani. Nam videtur æquales facere indicationes ad mittendum sanguinem in biliosa, ac in merè sanguinea redundantia; quod non solum est contra ea, quæ diximus, sed adversus fundamenta Galeni, quæ in principio jacta sunt.

Respondeo; Trallianum non velle, indicationes esse equales omninò, quoad quantitatem sanguinis extrahendam, sed quoad genus auxilii. Explico: Detrahendus est sanguis in abundantia sanguinea, detra-

Præceptum nostrum. hendus etiam, quamvis simul redundet bilis cum sanguine, sed in hac non ita copiosè, ac si non redundaverit; quia illud præceptum est semper perpetuum, non tantum esse quantitatem sanguinis extrahendam, quando alii humores à massa deflectunt, aut ipsa massa infecta apparet aliis humoribus: exempli gratia, in tertiana exquisita, quamvis adsit redundantia sanguinis, mittendus

certè, non tamen ita largiter, ac si non fuisset morbus biliosus. Quando ergò dicit Trallianus, in biliosis non minùs mittendus est, loquitur de genere auxilii (more Hispanico) non de quantitate. Equidem sequentia verba Tralliani nostram explicationem insinuant, subdit enim: *Nam perspiratu discutere materiam ita latitantem, & putrescentem, concludit, quippè minor efficitur, &c.* Hæc certè causalis planè demonstrat mentem authoris, scilicet, mittendum sanguinem, non tamen multum, sicut quando sola sanguinea viget plenitudo: & licèt priora verba illius videantur obscurà, tamen nil aliud indicant, quàm docere, quòd quando complicatur abundantia sanguinis cum aliqua specie cacochymiae intra venas, quæ purgationem postulet; potiùs incipiendum à sanguinis detractiōe. Trallianus enim, quando sola bilis sine abundantia sanguinis infestat, purgationem faciendam docet, lib. 12. cap. 3. Maneat ergò verum, supernatantiam biliosam, quantum est ex se, impedire sanguinis misionem; si verò conjuncta sit cum sanguinea, licèt non impediat, moderatur tamen, temperat, & minuit quantitatem: doctrina certè Hippocrat 6, epid. in illo celebri textu: *Impedimentum in his, qui sanguinolenta expuunt, anni tempus, pleuritis, bilis,*

6. Ep.
part. 3.
Text. 40
Verba
Hippoc.

Quasi dicat: quòd , & si adsit morbus venæ sectionem exposcens , bilis multa , & præcipuè supernatans , impedit, integram fieri, temperat, & minuit quantitatem : ob quòd dicebat Avicenna, cave nè ægrum ducas ad unum extremorum , vel ad crudorum frigiditatem, aut biliosorum effervescentiam. Quæ duæ sententiæ Hyppocratis , & Avicennæ conveniunt verbis Galeni suprà citatis. Convenit his, qui sanguinem expuunt, &c. Quantum verò delirent, qui ob solam refri-

6. *Epid.* generationem sanguinem extrahunt in biliosis,
par. 3. explicabo inferius in responsionibus ad ar-
m. 3. gumenta.

CAP. V.

De serosa supernatantiâ , & pituitosâ , ubi de Hydrope.

HÆc species cachochymiae notissima est in Ascite, in quo morbo magna copia serosæ , & aqueæ humiditatis exundat, & pauca quantitas sanguinis. Quis autem non videbit, morbum esse magnum, & omnibus modis esse perniciosum, & lethale sanguinem extrahere, etiam in paucissimâ quantitate. Habituali intemperie hæpar afficitur, vires debiles sunt, quod etiam in Leucophlegmâtia animadvertendum, in qua magnus etiam recessus à naturali statu, & paucis-

cissima sanguinis quantitas conspicitur: & ob id dixit Galen. lib. adversus Julianum; Hydropicum jugular, qui sanguinem mittit.

Licet obiter notandum, aliquandò posse mitti sanguinem in Leucophlegmatia, sive Anasarcâ; non tamen in Ascite, aut Tympanite. Aliqui medici non dubitant de ista vacuatione, in dicto casu Anasarçæ, si ad aliquam suppressionem sanguinis superveniat, aut menstrualis, aut hemorrhoidalis, aut è naribus, &c. Sed obsecro, mirabilem Galenum audiant, numquam deserentem, quas proposuimus supra, indicationes. Quartò igitur de ratione victûs Hyppocratis, textu centesimo, & undecimo, jam propè finem libri, loquens de Anasarcâ, sic ait; *Nempe hic solus cum incipit, eget interdum sanguinis detractiōe, cum, scilicet, ex retentione, vel hemorrhoidis, vel muliebris, vel ex quâpiam, quæ ita plethorica sit causâ, inceperit; Tympaniam verò, & Ascitem nullus per sanguinis missionem sanare est ausus, &c.* Certè tantillum immorabor his Gal. verbis explicandis pro optimâ praxi.

In primis jam vides, quàm consonè loquatur suis principiis: semper proposuerat, indicationem ad sanguinem mittendum desumi, non à morbo, sed ab specie causæ,

quæ cùm sanguis est, audacter mittendus; si verò à natura sanguinis deflectit, & in alienam separatam, & supernatantem naturam fuerit permutata, ad pensum, & gradum permutationis, & alienationis, permutatur indicatio: & incipit apparere necessitas expurgationis, & obscurari indicatio sanguinis missionis: tantumque incrementum potest prædicta separatio, & alienatio à natura sanguinis, ut unam guttam extrahere (si possumus sic ponderare rem hanc) sit ægrum jugulare. Textus præsens id testatur. In Typanie, & Ascite, quia materia peccans, & causans morbum magnum, ita exorbitat, & aliena est à natura sanguinis, neutiquam iste mittendus est, nisi consultò volueris hominem jugulare. At in Anasarcâ, vel Leucophlegmatiâ diversa res est ob duplicem rationem. Primo, quia humor peccans distat à sanguinè, sed non ita sicut flatus, & aqua. Secundò, quia si mitti debet, id fit quando talis morbus accidit ob suppressionem alicujus evacuationis sanguinis, & non aliter: Tunc recta curatio ducit ad causam, & causæ principium, & quærit regionem illam, per quam talis sanguis solebat evacuari, qui detentus, obstruens, & calorem suffocans, morbum frigidum tandem efficit.

Sed quando, dices, talis vacuatio exercenda

da est? audi, obsecro, Galenus clarè prædicat; tentandam vacuationem, cùm incipit morbus, non postquàm jam inveteratus est, neque in statu, neque in augmento, sed quando incipit. Quid est, quando incipit? Respondeo. Aut in ipso primo insultu, recenti suppressione illâ evacuationis, aut quatuor, vel octo primis diebus, vel tempore statuto cruditis. Quid hoc? An in hoc morbo, hoc est peculiare, ut si omittatur in principio sanguinis detractio, postea non possit effici? Vide, obsecro, quàm religiosè Galenus suam doctrinam, & leges artis insequatur: in principio hujus morbi moderatè potest mitti sanguis, & non largiter, quia probabile est tunc temporis, non esse omninò permutatam massam sanguinis ad alienam naturam, postea verò jam aliud rerum status, jam alia humoris dispositio, alius modus virium, propria, & simpliciter cacochymia censenda, purgationem petens, calefactionem, fomenta, jam habitus refrigeratus; meliùs sperare poteris menstrationem suppressam, aut aliam vacuationem, adhibita unâ, & alterâ purgatiunculâ, & renutritione optimâ, evacuatâ frigidâ, & crassâ, & obstruente materiâ, quàm depositâ portione sanguinis, qui maximis de causis

est

est in corpore necessarius. Hæc igitur est ratio, ob quam Galen. in principio audet moderatè sanguinem detrahère in Anasarca, & non in alio tempore, scilicet, antequam insigniter sanguis fuerit mutatus, nam postea nullum locum habet talis vacuatio, nisi in ægri perniciem.

Ergò humores tales purgationem postulant. Iam legisti, quòd nullà spectatà morà serosos in principio, sine ullà dispositione præhabitâ purgare docuit Galen. lib. quos, & quando, quia supernatantes cum sint, & nullius coctionis capaces, medicamentum requirunt; Leucophlegmatia verò prædictâ cautione tractanda est, quando ad suppressionem sequitur: & humores, quia initia habent aliqua sanguinis, suo modo disponendi. Tamen, an præparandi sint humores serosi, & aquei, inferiùs attingam.

CAP. VI.

Melancholica cacochymia an impediatur sanguinis emissionem?

Restat, ut de cacochymia melancholica dicamus, quatenùs impedire profus, aut modum imponere potest vacuationibus prædictis.

Est autem distinguendum, sicut in aliis diximus, nam licet melancholia superflua,
sic

fit mixta sanguini (& solet melancholicus sanguis appellari) & hac ratione in aliquo affectu indicet vacuationem sanguinis: tamen prudenter agendum, quia, ut diximus, jam incipit apparere purgationis indicatio; & ideo cautè, & moderatè sanguis extrahendus. Vidimus plura, & maxima mala ex frequenti vacuatione in melancholicis, undè Avicen. 4. 1. cap. 20. sanguis (inquit) melancholicus facit, ut frequens minutio sit necessaria, quæ in præsentem quidem alleviat, sed in senio pervenitur inde ad malas ægitudines, ex quibus est Apoplexia. Quem textum ferè eisdem verbis repetit, part. 3. tractat. 5. cap. 12. Et si enim ratione crassitudinis oporteat sanguinem mittere, quia nequit natura humorem ita crassum evincere, ut docuit Galen. lib. de sanguin. mis. cap. 10. tamen necessarium est, calidum innatum refrigerari in absentia spiritûs exhausti. In præsentia melancholici succi non potest esse copia spiritûs ob contrarias, quibus pollet, qualitates; ergò remanere debet frigidior totus corporis habitus, & ad ulteriorem melancholiam paratus.

Undè quando Galen. in redundantia sanguinis melancholici suadet sanguinis mis. sionem, ut in curatione lapidis renum, 6. epid. & in curatione melancholiæ morbi lib. de

de locis affectis, interpretandus est de moderatissima vacuatione. Elegans locus id insinuat lib. de sanguin. mis. cap. 10. dicens: *Ceterum in redundantia humoris melancholici sanguinem mittere præstat, aut certè omnino medicamento uti etiam bilem expurgante.* Quid clariùs potuit dici? Existimavit juxtà artis leges, non posse melancholicum succum, sine maximo damno per sanguinis vacuationem extirpari, & idcò proposuit expurgationem, tanquam adequatum melancholicæ supernatantiæ auxilium. Hæc loca magistralia Gal. oportet memoria tenere, ubi Gal. agit ex professo de vacuandiratione, & alios textus circa res particulares, qui si contraria docent, per prædictas leges, & statuta, corrigendi, & temperandi, quod in præsentī nobis contingit.

CAP. VII.

Locus Galen. ex 3. de locis affect. de curatione melancholiæ explicatur.

ADversus dicta extat Galen. 3. de locis, agens de melancholia morbo, ubi curationem, misso sanguine copiosè, exercet, & ait, quòd si tenuis exierit, supprime statim; si verò crassius, relinque, ut largiter exeat. Quæ

Quæ sententia audaces facit Medicos in hac re, & videtur Gal. sui oblitus.

Respondendum, Gal. loqui juxta præsentēs occasiones, & causas morborum, nam qui totum illud caput legerit, inveniet tentativam vacuationem facere, ut sciret, an totum corpus refertum esset sanguine melancholico, & consequenter ad cerebrum mandare similem succum. Est alia curationis norma, ubi enim cerebrum patitur per consensum, semper transmittentes partes evacuamus; ergò sanguinis missio, quæ non convenit cerebro per essentiam affectum, convenit certè laboranti per consensum à toto. Species autem causæ talis est, ut queat partim tali vacuatione deturbari, quia plethora est melancholica, aut ad vires ex mixtione multæ melancholiæ cum multo sanguine: itaque in hoc casu non propriè supernatat melancholia, quia licet abundet, mixta tamen est à prima generatione, quod maximè notandum in hoc loco. Refert Galen. victum præcedentem fuisse omninò melancholicum, & continuò talem sanguinem fuisse generatum, quem finit fluere (intellige pro virium, & multitudinis ratione) sicque cerebrum à tanto malo liberat. Tamen si sola melancholia supernataret separatè, sanguine existente in illâ debitâ
quan;

quantitate, & bonitate, quam exoptat natura, proculdubio non mitteret sanguinem, sed balneo, & alimentis boni succi negotium perageret. Ipse quidem se gloriatur, melancholiam morbum hoc modo curasse, & suos amicos testes facit. Ubi notandum, nullam vacuationem exercuisse per medicamenta purgantia, neque per sanguinis missionem, sed certè loquebatur de melancholia incipiente à parvâ causâ, quam minoribus tentabat auxiliis destruere. Quantum verò præstet balnei usus, in hoc morbo, & ad ipsum, & ad causam, explicare, esset ab instituto recedere. At si de evacuandiratione in affectibus melancholicis desideras exactam, & antiquam doctrinam habere, lege librum eruditissimi Alphonsi de Sancta Cruce, venerandi parentis nostri, de melancholicis morbis, & illorum curatione. Videbis fluentia clarissima ab antiquissimis fontibus corrivantia, & ab Universitate illâ Parisiensi toto Orbe celebratissimâ, emanantia, quam pater meus, matrem, & magistrum agnoscit, ut suis testatur scriptis.

Ergò hic finem impono, eadem conclusione propositâ, ac in superiobus. Separatam melancholiam esse purgatiurculis expellendam, mixtam verò cum sanguine, sanguinis detractione evacuandam non latè-

gè, sed cautè, ut dicebat Avicen. & statim ad purgationem accedere. Ergò locus Gal. nil contra ipsum Galen. innovat.

CAP. VIII.

Quòd licèt vitium in ipso sanguine cognoscatur, antequam omnino separentur humores, non ob id sanguis copiosè vacuandus.

PLURA diximus de supernatantiâ completâ humorum; pauca de statu sanguinis, quando ex illius affectionibus incipiunt seminaria, sive exordia cacochymicæ. Ergò in isto capite de sanguinis mutatione dissero, antequàm terminus ad quem sensibilibus demonstretur, novæ supernatantiæ.

Nil magis receptum, quàm largiter vacuare, quando suspicio est putrefactionis, aut malitiæ sanguinis; & licèt ut multoties contingit, infœlices sint exitus, medicus tamen gloriatur, omnia possibilia auxilia fuisse proposita, quia nulla dies, neque hora sine linea, multis vacuationibus celebratis, quibus extrahebatur sanguis pessimus, malignus, venenosus. Putantque laici illas vacuationes fuisse ex arte, & defecisse ægrum ex vi morbi, non ex alia causâ. Vidcamus, an vitia particularia sanguinis

nis etiam incipientia, impediunt omnino, aut mensuram imponant venarum vacuationi.

Sit prima propositio. Putrefactio sanguinis (commune vitium) non impedit sanguinis detractionem, sed poscit, non tamen ita largiter, ac cum sine putrefactione calefcit. Hæc est evidens ex doctrina tradita. Nam materia peccans est sanguis facile per venas vacuandus, nullo modo subditus medicamento expurganti, neque alterantibus cohibendus. Nota, quod dixerim *putrefactio sanguinis: non putredo*. Nam per putrefactionem, intelligimus ipsum fieri putredinis, per putredinem ipsum terminum. Quando ergo putrescit sanguis, audacter vacuamus, antequam ex toto putrescat. Est tamen hæc notabilis differentia, quod in febre putrida ex sanguine putrescente, non mittimus sanguinem, usque ad animi deliquium: tali enim vacuatione utimur in synocho magnæ plenitudinis, antequam tam nobilis humor putrescat, tunc adsunt indicantia exposcentia, & nulla impediencia: At verò quando putrescit, non est possibile, vires ita constare in præsentia, & in posterum. Secundò, cacochymia est parata in exordio: itaque largiter evacuamus, sed non ad animi defectum. Quod etiam Gal. fecit, siquidem

illos duos ægrotos, synochâ laborantes, alterum evacuavit usque ad animi deliquium, quia sine putrefactione sanguis multum incalescebat. Alium verò putridâ affectum vacuavit quidem, sed non ad extremum. Hanc ergò mensuram imponit putrefactio *in fieri*.

At putredo *in termino*, magis limitat quantitatem, & gaudet multiplicatione numeri, & repositione melioris succi. Alitur natura sanguine, sed non putrido: ergò non est possibile, vires esse robustas ad largas vacuationes, quando alimenti adest penuria. Quæ doctrina intelligitur de putredine sanguinis conjuncta cum putrescentia alterius. Hoc modo coherentia docemus nostris conclusionibus, & Galen. & arti. Ostendo. Quia putredo, ut putredo est in termino, nullum aliud habet auxilium, pro vita patientis, quàm ut expurgetur. Quia putredo ista omninò corruptum, & dissolutum relinquit sanguinem, & ex consequenti supernatant partes separatæ sub alia forma, & ampliùs, ampliùsque separantur à virtute viventis ad expulsionem per commodas regiones: ergo ut sic tamquam impedimentum existit sanguinis missionis, atque adeò, illud, quod propriè est in fieri, postulat venæ sectionem, quando sanguis

N

non

non amisit suam formam. Undè notabilis error illorum animadvertitur, qui quantò deteriore, & infectum sanguinem vident in vasculis, tantò copiosiore præcipiunt evacuationem. Maneat ergò stabilitum, quòd putredo sanguinis in termino ad quem, habet se ut nova complicata caco-
chymia, quæ hac ratione aliquo modo impedi-
ebat, sed quia juncta est cum sanguine putrescente in fieri, ideò antecedit venæ sec-
tio; sicut dicebamus de biliosa superna-
tantia juncta cum plethora, aut cum plenitudine ad vires. Et ob id eleganter Gale-
nus exhibet rationem, ob quam sanguinem mittit in istis febribus, dicens, ut lavata natura concoquat concoquenda, & expel-
lat pellenda: Quid expellet? Certè putridum in termino; quia hoc genus humoris nul-
lius beneficii est capax, quia accessit ad ul-
timam privationem, à qua non est regres-
sus, reliquum est ut foras mittatur. Quid con-
coquet? Sine dubio poterit suo vivifico ca-
lore ab anima gubernato, unire quod se-
pari incipiebat, sanguinemque suum recti-
ficare, nè ulterius putrescat; quod opus vi-
tale (ut existimo) in naturalibus edocuit mi-
rus ille Galenus ponens exemplum in vino
accescenti. Quod jam acetum factum est,
ad antiquum statum recurrere non valet:

at quod accescit, medellam suscipit, & ad integritatem revocatur pristinae bonitatis. Sed dices, si quod putrescit, potest coqui, ut quid vacuatur? Dico, quod non attendis dicta Galeni, & cogis nos ad extendendum sermonem, quando aspiramus ad brevitatem. Evacuamus, quia tantam quantitatem putrescentis sanguinis non potest natura unire, & coquere, levata potest. Et ita vacuatio hæc respicit id, quod putrescit, tamquam si fuisset jam putridum, quia si non exequitur, totum putrescet, & respectu huius est præcautoria, & respectu multitudinis est vacuatoria.

CAP. IX.

De vitio sanguinis pestilenti, maligno, aut venenoso, an impediatur sanguinis missionem, & quo modo?

Antiqui sub vitio sanguinis plura intellexerunt, quæ forsan non ita distinctè tradita invenies, sed obscura, & confusa: nostri laboris erit (Deo favente) in tam gravi negotio, obscura illustrare, confusa distinguere.

Multa sunt communia, pestilenti, malignæ, & venenosæ qualitati, quæ sub unica contemplatione comprehendi possunt ad præsens institutum, quatenus impedire valent vacuationes, aut temperare.

Separemus certâ ab incertis. Tres qualitates nobis proponuntur, pestilens, maligna, venenosa, quibus solet esse communis altera, quæ dicitur contagiosa. Pestilens aliquando statim elucet, lethalisque est; aliquando verò latitat in principio, maligna etiam in principio occultatur, & postea serpit, & insurgit; venenosa prout naturæ ejus fuerit, aliquando statim, aliquando sicut maligna manifestatur in augmento, aliquando in statu, & multoties in declinatione falsa, & fraudulenta (non loquimur nunc de ephimera pestilenti.) In omnibus his dispositionibus, febre acuta comitante, si adfit aliqua plenitudinis species, etiam mediocris, viribus sufficientibus, numquam dubium mihi fuerit ad extrahendam moderatam sanguinis quantitatem, partitis vicibus, ut Galenus faciebat in vitio, & corruptela sanguinis, renutriendo, & reparando, & contemperando, medio alimento, corruptionem ipsam. Suppono, qualitatem humori inhaerere, ut in causa. Neque ob hoc dico, corrumpi primariò humores, ut statim dicam.

Numquam cogitavi de purgatione in principio minorativâ, aut aliâ, ut absurdè faciebant quidam medici, quos latè destruxi in meo opusculo de peste Vallisoletana, nisi

nisi forſan prius ventris partes abſtergere, eſſet neceſſarium. Cùm enim natura deſideret ad emunctoria in ipſo principio inimicum depellere, ab internis ad externa, quod nititur in omnibus humoribus venenofis, taliter infectis, & ſic carbunculos, parotides, puncticulas, & alia exanthemata ſollicitare, magnus error eſt, in hoc caſu, medicamentum tribuere, quod à circumferentiâ ad centrum moveat: quando ad ambitum inclinatur, inclinatur ſtatim à principio morbi Ergò dubium eſt de venæ ſectione, in præſentia iſtarum qualitatũ; dubium, inquam, apud aliquos, ſed illorum dubium utinam temperaret audaciam aliorum, qui in iſtis febribus ita ſanguinem effundunt, ſicut in putridis, & ſynochis.

Dico ergo quando Iacobus Pons Lugdunenfis, qui nuper de ſanguinis miſſione ſcripſit, probare conatur, non eſſe mittendum ſanguinem in iſtis tribus febribus, uſque dum compeſcatur qualitas illa venenofa, maligna, aut peſtilens, quia per iſtam vacuationem accidit, ut qualitas repat ad cor. Nam ſanguinis miſſio movet venenum ad interiora, quod videmus in rabie: ſi enim hominem morſum à cane rabido evacuamus, venâ ſectâ, ſtatim illud venenum tenderet ad interna: idem in carbunculis, & lue

venerea, in aliis malignis, & pestilentibus dispositionibus, quia inanitis partibus confluit ad interna replenda, nè detur vacuum, sanguis ille infectus, & cor apprehendit; ergò non est mittendus.

Præterea, quia non valent vires. Ultimò adducit experimenta pestis in illa Provincia observatæ, in qua moriebantur omnes, qui per venam sectam evacuabantur.

Conclusio.

Parui momenti sunt objectiones istæ: conclusio est firmiter tenenda. Quod si istæ qualitates resident in massa sanguinariâ, ut frequenter contingit, non impediunt sanguinis effusionem, sed mensurant, quatenus latenter frangunt vires cordis. Nam licet à principio morbi uti debet medicus antidotis, alexipharmacis, & selectis alimentis medicamentosis, tamen si relinquit ipsum humorem, in quo subiectatur maligna illa, aut venenosa, aut pestilens qualitas, nulli dubium, quin citius cordi communicetur, & intensius. Ostendo istam conclusionem ex vi principiorum artis, contra istum opinantem: quia urgens indicatio locum habet primum in arte, reliquo non neglecto; sed revulsio, & retractio humoris venenosi, aut maligni, urget primò, ne decumbat in cordis substantiam, cum quâ habet naturalem antipathiam: ergò statim à revulsione est incipien-

tipiendum; sed hæc non per purgans medicamentum; ergò per venæ sectionem.

Secundò, si venâ sectâ, confluunt humores ad interna per ramulos venarum internarum, ut dicit ista opinio, certè non erit mittendus sanguinis in pleuritide, aut alia internâ inflammatione.

Præterea, supposito quod ista qualitas hæreat massæ (nam potest alibi) debes vacuare massam sanguinariam, quia hæc est brevior curatio, & securior, sicut putrescentem vacuas, quare non venenatam, malignam, aut pestilentem? Non potest stare differentia nisi in modo, & occasione, & in mensura quantitatis.

Debeo igitur dissolvere positas rationes. Dico ad primam, quòd, sectâ venâ, omnes humores venarum moventur ad orificium, successione necessariâ corporum fluentium, aliter non fieret, tollendaque esset omnis revulsio. Si ergò sensus demonstrat, humores revelli ab internis ad venas externas, ergò fluunt humores ad locum venæ sectæ, & ita quantum ad hoc, non est periculum concursus qualitatis venenosæ ad interna, quia istæ qualitates non habent motum proprium, sed moventur ad motum subjecti, in quo sunt, scilicèt, sanguinis. Cum ergò humor non fluat ad internas partes, se-

etâ vena brachii, neque ipsa qualitas. Ubi notare velim (ne in nostris dictis contradictio reperiatur) quod supra dixi, sanguinem fundi in biliosa supernatantia, quia (inter alias rationes) bilis subterfugit exitum, & exit sanguis laudabilis, ipsa verò furit, & movetur ad alias partes. Sed hoc ratione solius missionis sanguinis non potest contingere in his qualitatibus, de quibus agimus, quia istæ, per se loquendo, non sunt loco-motive, sed suo modo corrumpentes, & destruentes mixtionem vitalem cordis, quasi fuissent primæ qualitates intensæ. Ex quo sequitur, quod non possunt levitare, aut gravitare, id est, non possunt movere localiter humores versùs interna: sicut levitas facit in humore bilioso, qui denudatus à crassis, subterfugiens locum scalpelli, solet petere caput, aut adire præcordia, sicut pituita, quæ hæret, & melancholia, quæ gravitat, ut suprà declaravi. Restat ergo, ut malignæ qualitates moveantur localiter ad motum humoris, in quo sunt, versùs venam ruptam, quando sanguis extrahitur.

Sed notandum, quòd istæ qualitates talis sunt conditionis, ut etiam possint operari per partium continuitatem usque ad interna, & ita, quamvis non moverentur huc,
il-

illucque humores, contingit communicari cordis humoribus in ejus ventriculis existentibus, & tandem substantiæ ipsius.

Quo magis convincitur, ut quàm citissimè si in humoribus est talis qualitas, extrahantur humores, nè communicetur solidis partibus cordis.

In lue venerea, aut bubone Gallico, si adfit species causæ indicans, mittendus sanguis ex vena, quæ ducat humorem ad inguina, ubi est tumor, ut crescat, & suas terminationes querat. Inscius verò, apparente tumore, nil de illo curat, sed talum relinquens, aperit brachiales, & cogit naturam mutare regiones.

In bubone Gallico ex qua vena mittendus est sanguis.

In morfu canis non confluit virus ad interna, quia humores illuc tendunt ipsa enim venenosa qualitas per continui alterationem serpit modo prædicto: vel tollas sanguinem, vel non tollas, tangit citius intima, sanguine misso, quia pauciora corpora invenit, quibus resistat, & ita pervenit ad interna: undè error est in morfu canis sanguinem detrahare ex vena. Sed tota indicatio vertitur ad virulentam substantiam per partem sugendam, & trahendam, quia qualitas rabida à solidis inceptit, & continui-
tate partium ad principes devenit. Nos verò loquimur de qualitate malignâ, quæ pri-

Error est sanguinem detrahare ex vena in morfu canis re-

mana

nam antipathiam in humoribus demonstrat, respiciens cor.

Debilitas virium talis potest esse, ut prorsus impediat missionem sanguinis, & talis, ut parumpè consentiat, de quo puncto plura diximus in superioribus, agentes de debilitate.

Restat dicendum, quare multi moriebantur, si per venas evacuabantur. Audi, quæso. Quæ hucusque dixi de istis qualitatibus, intellige residentibus in massa sanguinis, & præcipuè in quarto humore sanguine, hic facillimè ista mala suscipit, & prius quàm alii humores, nam & ob alias communes putredinis causas, veneni induit naturam, ut semen, & lac. Didicisti hoc ex Galen. lib. de locis. Atque cùm hoc ita sit, non aberraret, qui talem sanguinem ita infectum prudèter evacuet, semper vires inspiciens, & reparans, usus Galeni consilio multis in locis: hoc tamen non ita iriictè intelligas, ut semper sanguinem fundere debeas per venas. Contingit enim in his febribus aliquando vires statim flaccescere, & melius erit per cucurbitulas scarificatas sanguinem infectum ad cutem revocare, quam regionem solet tentare natura in omnibus venenis, corde se per arterias totius corporis exonerante.

In omnibus venenis solet natura cutem tentare.

Apparent puncticulæ lividæ, & maculæ, *docum*
quæ etiam solent esse assumpti veneni sig- *Phil. II.*
na. Vidi Vallesium illum magnum, ante ve- *adi-*
narum vacuationes statim totum hominem *vit Val-*
scarificasse, ne virus ad intima serperet. *li sole-*

At quia qualitas malefica, non solum *tum.*
quartum, & selectum humorem, sed aliquā- *Obser-*
do solam bilem flavam, aut atram, aliquan- *vatio*
do pituitam, & ferosam molem solet ag- *Valesii*
gredi, intacto sanguine (mirum dictum) aliā *de cu-*
quidem viâ incedendum, quam propalare, *curbi-*
esset, de febrium scribere curatione: solum *tulis*
hæc dixerim, ut intelligamus mori plures, *scarifi-*
ut Lugdunensis refert in illa peste, quia for- *catis*
san alii humores peccabant, adeo alieni a *per to-*
sanguine. Iste autem in paucâ quantitate *tū cor-*
existens, evacuatus per venas, mortem acce- *pus ad-*
lerabat, quia hoc est commune damnum *hibitis,*
omnibus vacuationibus naturæ, & artis, ut *ante*
si non evacuentur talia, qualia oportet, nul- *venas*
lla tolerantia, nulla conferentia. *vac.*

Sed erit alia ponderanda causa? Erit qui- *Quare*
dem; nam qualitates venenosæ, & pestilen- *in Lug-*
tes, seu quocumque modo malignæ, nondum *si*
humores, sed spiritus, non venas, sed arte- *peste*
rias, solent invadere, imò, & carnes: in quo *plures*
eventu, neque evacuationes per venas, ne- *morie-*
que purgationes prodesse possunt, quia ne- *batur*
que peccat sanguis venarum, neque alii hu- *misso*
mo- *sanguin.*

mores. Quid miraris, quòd plures moriàntur? agitas causam, quæ non peccat. Debemus ergò inquirere, ubinàm sit pernitiòsa qualitas; nam si est in solo spiritu vitali, si in animali, aut si forsan statim in parte solidâ cordis firmatur, quid prodest sanguinis missio? prodest ad mortem citissimam. Sed relinquamus hæc omnia, tam necessaria, quàm difficilia, quia non pertinent ad istum locum, sed ad lib. de febribus.

CAP. X.

Objectiones primo loco propositæ dissolvuntur.

Nunc quiescet animus, si argumenta priora, & dubitationes aliquas dissolvamus.

Ad I.

Putabas indistinctè, omnes humores, & æqualiter, exire per venam sectam. Fernellius hujus erroris occasio fuit, quia dixit, in æquali proportionem remanere humores post venæ sectionem; aliud autem agebat Fernellius, & non legisti attentè; occasionem dedit, concedi, sed debebat se ampliùs explicare, ut non errares. Igitur quando massa æqualiter putrescit, æqualiter exeunt humores, & æqualis remanet proportio. Tamen si putridus unus humor est, & reliqui intacti, sensus demonstrat, quòd si talis hu-
mor

mor est verè separatus per putredinem à consortio sanguinis, pauca quantitas illius exit per venam sectam, & sanguis in majori portione: ergò post evacuationem, etiam remanebit inæqualis proportio, quia manet minus de sanguine, & multum de humore putrido. In tertianis exquisitis, & morbis purè biliosis quotidie hoc cernimus, si sanguinem extrahis, videbis in vasculis majorem portionem sanguinis, quàm bilis. Quare hoc? quia refugit bilis ob suam supernatantiam consortium sanguinis, & mutans locum, confluit ad ventriculum, vel ad aliam partem, exitque vividus ille fluor sanguineus, & quæ erat tertiana, transit in continuam, & continua in acutam. Quare? quia post missionem sanguinis non ex arte factam, bilis relicta est in corpore major in quantitate, mordacior in qualitate: sanguis verò, qui erat ejus contemperamentum, effusus est inculpatus.

Et hoc est quod Avicena dicebat: *Cave, ne ad unum duorum agrum perducas, vel biliosorum effervescentiam, &c.* Sed part. 4. tractat. 2. cap. 7. agens de febre putridâ, studensque crassum, & viscosum succum redundantem evacuare, verba quædam profert mutuata, ex Gal. doctrinâ, sed memoriâ retinenda. *Et consilium meum in phlebotomia*

nia est, ut dimittatur quantum possibile est. Si autem non est, tunc multiplicatio numeri est melior multiplicatione quantitatis. Oportet enim, ut non evacuetur multus sanguis, quoniam vacuat multum de eo, cujus non est necessaria vacuatio. Doctrina expressa Gal. ex 4. de sanit. tuend. sæpius citato, ubi ait: Inspicere autem quantitatem conveniet, ut v.g. Si bonus sanguis exiguus sit, reliquus verò succus plurimus, in his abstinendum à deductione est, &c.

Ergò argumentum nil conficit, nam nunquam probari poterit, quòd humor peccans separatus, & supernatans, & maximè distans à sanguine, exit per sectionem venæ, relinquens eandem proportionem. Nam, ut ostendimus, fluit major quantitas boni, & minor, aut nulla mali humoris; quia talis supernatantia non solum distat quantitativè à sanguine, sed loco.

Ad 2. Ad secundum patet ex dictis. Sed rursus dico, quod cacochymia mixta sanguini non impedit venæ sectionem. At si omninò est separata, & sanguis inculpatus manet, sine dubio renuit talem vacationem, imò prorsus impedit.

Neque objicias, fundamentalem illam sententiam Gal. ex 4. de sanit. non esse ad rem, quia ibi agit de sanitate tuendâ, hic agi-

agimus de morbis. Atque adeò si morbus fuerit magnus à sola cacochymia, exposcet venæ sectionem.

Respondeo, Galen. sibi consona loqui, nam similes sententias adduxit ex metho-
do, & alibi, quando agit de morbis curan-
dis, nam principia artis, & sanis, & agris
sunt communia, sanis ad præcavēdum mor-
bos, & conservandum optimum statum,
agris ad recuperandum sanitatem. Univer-
sale principium artis tale est, materia pec-
cans est educenda; quæ non peccat, & neces-
saria omnino est ad vitam, relinquenda est;
aliàs mors spectanda. Hoc principium om-
nibus corporibus est commune. Si ergò ca-
cochymia est verè supernatans, non mixta
cum sanguine indicabit purgationem,
quamvis morbus sit magnus; non venæ se-
ctionem, quia peccans materia debet eva-
cuari, non alia.

Nota.

Commotio verò à medicamento, mino-
ris momenti est, respectu utilitatis, quæ
consequitur.

Tertia objectio etiam dissolvitur ex dictis.
Negamus, quòd morbus magnus, & virium
robur indicent venæ sectionem, pertinent
ad scopos, sed non sunt indicantes: in hoc
enim video magnam fallaciam inter medi-
cos: confundunt scopos cum indicationi-
bus,

Ad 2.

bus, differunt tamen quàm maximè: indicationes vacuandi hoc, aut illo auxilio, sumuntur ab specie causæ humoralis, & à modo illius: hæc circumscribit auxilium: alia, quæ contemplaris (præter speciem causæ) non indicant speciem remedii, sed imponunt modum, remedio ipso jam invento per indicationem. Virium robur, morbi magnitudo, ætas, tempus, aer, regio, scopi sunt quidam magis necessarii, & propinqui, alii remotiores, & minus moderantes auxilia.

Ergò si adsit morbus magnus, & virium robur, quid ad rem? Adsunt scopi generales, sed non adest species causæ humoralis, quæ indicet hoc, aut illud auxilium magnum: & ex consequenti si adsit species supernatantis humoris alieni omninò à naturâ sanguinis, adest indicans purgationem, ut multis locis edocuit Galen. cum Hyppoc. satis apertè, ut statim dicam.

Quartum argumentum de febre ardenti nullam habet efficaciam, asserimus constanter, non esse mittendum sanguinem in febre ardenti, purâ, & rigorosâ, in quâ sola bilis omninò separata peccat, sanguine non peccante, neque quantitate, aut qualitate, solum ergò attemperatione, & purgatione curatur. Idem asserendum de febre ardente à pituita falsa, aut à sola melancholiâ torrefactâ,

factâ, aut putrefactâ circa cordis vasa, quam
admittit Avic. Tamen si tales humores mix-
ti sanguine peccant, sanguinem detrahes,
quia jam adest species causæ expofcentis,
ſcilicet, ſanguis, aut multus, aut infectus alio
humore. Dicas, obſecro, an inveneris ali-
quem locum in Galeno, in quo doceat, fun-
dendum ſanguinem in tertianâ exquisitâ? Nullum
certè invenies, quamvis ex profeſſo-
illam curat, lib. 1. ad Glauc. Quia inſpectâ na-
turâ causæ, purgationem tantum perit, &
temperationem, ſicut ardens ex bile. Et ita
tam frequenter contingit medicis, ut dupli-
centur tertianæ ſimplices, & fiant graviſſi-
mæ ob ſanguinis defectum, & exuperantiam
bilis. Nos niſi videamus ſigna miſcellæ, aut
abundantiæ ſanguinis, aut imminentis ma-
joris mali, abſtineamus à tali vacuatione. Un-
dè Gal. 1. Aphor. 22. agens de ardentibus fe-
bribus, & magnis doloribus, mittendum eſ-
ſe ſanguinem, numquam dixit: *Sed vacuan-*
dum uſque ad animi deliquium, factâ priùs con-
ſideratione, an effundere ſanguinem, vel pur-
gare conveniat. Equidem iſta præcepta philo-
ſophiæ principiis fundata nunquam deſeren-
da. Si Galen. incipiente magnâ inflammatio-
ne, aut dolore vehementi, cogitat priùs quid
agendum, an mittat ſanguinem, vel expur-
get: ergò ſumit ſpeciem vacuationis non ex

Galen.
nullib.
docuit
sangui-
nem ef-
ſe mit-
tendū
in ter-
tianâ
exqui-
ſita.
Conſi-
lium
Aucto-
ris.

morbo; sed ex specie causæ, semper puram cacochymiam expurgando, semper sanguinem multum, aut vitiosum effundendo.

Quando verò dixit in ardentibus febribus mittendum sanguinem usque ad defectiōnem, attende, quòd loquitur secundum traditam doctrinam, quia in illis invenit speciem causæ exposcentis: diximus enim supra, quòd duo illi juvenes curati à Gal. ille qui evacuatus fuit ad animi deliquium, laborabat febre ardenti syncho, sed non putrida. At verò alter syncho putrido, in quo non est ausus ad deliquium animi pervenire, quia jam incipiebat cacochymia apparere, tamen abundè vacuavit.

Quintum argumentum nil contra nos concedimus, posse vires constare cum magnâ cacochymiâ: an ob id effundere debes sanguinem, nisi adsit species talis causæ? Sola ergò cacochymia indicabit purgationem, mixta verò cum sanguine non impedit sanguinis missionem, sed impedit copiosam. Quæ doctrina habet latitudinem, si major est plenitudo, quàm cacochymia; aut è contra; erit ergo mensuranda quantitas, hoc, aut illo modo.

Sextum confirmat dicta, nam quando dixit Galen. *Levatâ enim naturâ, &c.* clarè insinuat, loqui de oppressione, & onere natu-

ræ, non ita de sola qualitate cacochymix.

Ad septimum, obstructio tollitur, prout fuerit causa, si multus, aut vitiosus sanguis, illius detractione, si crassi, & pituitosi, aut similes humores, nequaquam missione sanguinis, sed incisione, apertione, attenuatione, tandem abstersione, & purgatione.

De ventilatione quærit octavum argumentum, credens, omnes febres admittere sanguinis detractionem, quia ista vacuatio ventilat, & frigefacit. Magnus error. Dicimus, nunquam esse fundendum sanguinem, ventilationis gratiâ, nisi alia causa per se exposcens adsit. Prius magnus artifex respicit quod est per se, deinde in quod secundariò sequitur, non è contra. Vis refrigerare? Placet: refrigera. Sed non cum majore damno, missio vitæ thesauro. Refrigerare per se, dà aquam frigidam. Non id potest? Refrigerare ex accidenti, si adest species causæ subdita venæ sectioni, quia quod est per se, præcedit necessariò id, quod ex accidenti; si non adest causa per se, cum tuâ refrigeratione, agis ad mortem. Sed dicas, obsecro, calidissima est bilis præternaturam, quare non purgas illam, ut refrigeres totum habitum corporis? Semper nè refrigerare promissisti per venæ sectionem? Non vides illas refrigerationes totius corporis, ad quas

Hyppoc. deducit 23. Aphorism. 1. sectionis, refrigerat quidem per dejectiones, non per venæ sectionem. Quare non cogitas de refrigerando corpore, expulsa bile? Semper amicus noster sanguis culpandus, cum non sit calidus sicut bilis præter naturam? Valeat ista evacuatio sanguinis ob solam refrigerationem, recedat ab usu. Quod si attentè legas loca Gal. quibus ventilationem inducit, invenies aliam antecedere indicationem, ventilationem esse comitem, & non primariò indicantem.

Nonum argumentum petit longam tractationem de foco putredinis, propriam, lib: de febr. uno verbo respondeo. Revulsio à foco putredinis facienda, libenter concedo: sed quis te docuit revulsionē semper per venæ sectionem, cum multoties debeat fieri per medicamentum expurgans, juxta idæam humoris peccantis. Puerilia sunt hæc, tamen de his iterum agendum inferiùs.

Actum est jam de humoribus intra venas existentibus, qui valent impedire, aut mensuram imponere magnis auxiliis.

Sed antequam ulteriùs procedamus, de flatibus aliquid dicendum, ut promissi superiùs.

CAP. XI

Quando flatus impediunt, aut poscant venæ sectionem.

CUM flatus in qualibet nostri corporis regione generari possint (quamvis circa ventrem magis, ut dicebat Hypp.) necessarium est aliquid dicere de illo, antequam ad alia transeamus.

Flatus propter varias causas suæ generationis, vario modo impedit, aut admittit vacuationes: nulli dubium, quin si in toto corpore ex abundantia multorum humorum frigidorum, calore diminutè agente, elevatur copia flatûs, impedire debet sanguinis detractionem, & purgationem. Rursus, si flatus accidit propter incoctionem ventriculi à superante frigore, impedit etiam, nisi aliquid urgentius molestaret.

Tamen, cum flatus sæpius accidat, quia pituita alicui membro calido accedit; aut à melancholico succo detento, & calefacto, ut in lienosis, aut obstructis foeminis, certè in tribus casibus non impedire venæ sectionem, sed potius admittere, existimo. Primò in retentione menstruum melancholicorum videbis ingentes rugitus flatulentos, qui

qui sanguine misso ex talo removentur. Secundò, in quibusdam lienosis, quibus melancholicus succus sex sanguinis cum ipso sanguine abundat, & circa lien calefcit, & flatu calidi generantur, ut vidi in aliquibus hypocondriacis. Tertiò in aliis hæpaticis, qui ob nimiam jecoris caliditatem, non solum calefaciunt proprium sanguinem, qui est nutrimentum hæpatis, sed ante tempus trahitur chylus, & rapitur cum quantitate pituitæ, & in illis venulis mesaraicis, & juxta jecur, ex crudo chylo, & pituitâ eleuantur flatu. In istis tribus casibus sine dubio non impeditur vacuatio, sed petitur, ut demonstrat eventus, tales lienosos, hæpaticos, & obstructos, sanguine misso, liberari, peccante semper cacochymo sanguine, qui detinetur in partibus prædictis. Undè Hyppoc. 2. de morb. prop. p. 5. text. 11. dicebat: *Ventositatem venæ sectio soluit.* Hæc interpretatio facilis est, & vera, non est recurrendum ad ambages Jacobi Esteve Valentini, qui verbum Græcum *Amient*, transfert subventaneum, & statim discutit ad obscurum, & infœcundum feminis fluxum, quem dixit sanguine misso sanari. Melius noster eruditissimus Vallesius *Flatum ex Hyppoc. lib. de flatibus, multarum sanguinis perturbationum esse causam, & consequenter levare, sanguine extracto.* Rectè qui-

Nota.

quidem, sed cum videam plures flatus a causa calida, ut dictum est, in qua, & sanguis melancholicus fervet, recte dixit Hippocrates: *Flatum solvit sanguinis detractio.*

CAP. XIII.

De humoribus, quæ in prima regione possunt impedire venæ sectionem.

Relictis aliis divisionibus corporis humani, divisionem sequimur, quæ pertinet ad vacuationes moliendas.

Prima ergo regio continet ventriculum, intestina, mesenterium, cavam jecoris, & dienis, pancreas, hypocondrium dextrum, & sinistrum; tandem omnes partes usque ad gibbam hepatis exclusivè, & versus sinistram, usque ad lien: in qua tunicæ molliores, & aliæ duriores, & glandulosæ particulae. Habet rursus ventriculus proprias tunicas; & tres regiones, imam, quæ fundus dicitur, mediam, & supremam. Intestina multiplicia, tenuia, & crassa, superiora, media, & infima. Sunt autem in istis locis, tot latibula, & cavitates, ut nemini possit esse dubium, multos humores, & varias excrementorum species in illis posse cumulari, aut quia ibi generantur, aut aliundè transmittuntur.

Clarum est, quòd qualibet res præter naturam ibidem potest generari: quamvis quatuor humores naturales solius hepatis germina dicamus.

O, quot genera febrium fortiuntur causam existentem in latibulis hujus primæ regionis! & medicus dummodo clystere elucrit intestina, aut alter diligentem leviter purgaverit, statim iterum, atque iterum sanguinem mittit, & nunquam cessat à sanguinis detractione, putans causam, & focum putredinis (ut communiter loquitur) esse in venis totius corporis, aut majoribus. Nonne poterit esse origo in partibus hujus primæ regionis? quas non potuit mundare leniens medicamentum, quia fortiter hærentes humores, aut antiquas cruditates non potuit eradicare, aut (quòd à nemine video ponderatum) quia humores præternaturales ibidem geniti, non cedunt nisi eligenti medicamento: sunt enim biliosi, pituitosi, melancholici, & tandem incoctiles. Quis dubitat, quin purgatio fuerit irrita, si solum lenitiva fuerit. Sine dubio sic contingit, & morietur æger, quia prima regio non fuit mundata, ut oportebat, & sanguine extracto, contingit unum duorum, aut venæ sugunt incoctiles humores, aut quia non potuerunt sugere præ imbecillitate, aut quia resistentia

gru:

crudorum talis fuit, ut in eodem loco mantes, perniciosâ qualitate acquisitâ, os ventriculi miserabiliter torquerent, & cor simul affligerent usque ad mortem, acutâ febre excitatâ, nullaque profint remedia, quia non attingunt ipsam absconditam, & hæsentem causam.

Sed dices, adest inæqualitas pulsûs, cum febre continuâ; ergo est putrida, cujus causa in venis commoratur. Adfunt anxietas, inquietudines, lingua nigricans, sicca, aspera. Quid ergo debeo attendere ad primam regionem, cum omnia hæc signa sint febris profectæ ab humoribus venarum? Ergo posthabita prima regione, detraham, atque detraham sanguinem. ¶ Audi; collige vires ad percipienda, quæ dicturus sum. Non sis cervicosus, nec contumaciter hæreas propriæ opinioni, præcipuè quando laboras pro salute, & vitâ. Detestor medicum durum, & indocilem. Multoties mihi contingit audire meos discipulos (ipsi sciunt), & cogito, quod Deus potest illis dare aliquid lucis ad operandum, quod mihi denegat ob meam superbiam; dummodò infirmus liberetur, utar cujuscumque consilio.

Solvam igitur istam difficultatem, qua potuero, claritate, quibusdam conclusionibus propositis.

Primò, certum est, omnia signa febris humoralis putridę venarum posse reperiri in febre à cruditatibus primę regionis putrefactis, aut uctis, aut alio modo depravatis, aut in alienos humores conversis. Pulsum enim adesse inæqualem tamquam certo certius assero. Gal. id docuerat, 3. de præf. ex puls. c. 16. nam si dicit ex multis cibis ingestis, inordinatum, & inæqualem pulsum apparere, consequenter ex aliis speciebus cruditatum, aut humorum præternaturalium in prima regione generatorum, pulsus erit inæqualis. Est ostendo, quia omnes causę inæqualis, & inordinati pulsus, quę reperiri possunt, affectis venis totius corporis, possunt etiam reperiri in febre à prima regione, in ea enim possunt esse causę inæqualiter gravantes, inæqualiter distemperantes, inæqualiter obstruentes, inæqualem dispositionem producentes in corde, & arteriis. Velocitatem verò, & magnitudinem pulsus aperte proposuit Avicenna. erit ergò pulsus magnus celer, & inæqualis, & multoties non magnus.

2. *Con-* Præterea secundò certum est, in causa adu-
el. stā, & nidorosa apparere urinam rubram similem ei, quę in synocho. Nam sufficientes causę sunt ad illam tingendam, aut mixture alicujus portionis biliosę, aut inten-

fione caloris; id enim clarè docuit Avicenna agens de ephimera ex cruditate.

Tertiò certum est, multoties esse linguam aridam, & nigram, quia tunica ventriculi tantoperè distemperata, & fuliginibus nigris ex ipsomet ventriculo, & aliis partibus primæ regionis elevatis, linguam aridam, asperam, & nigram reddere valet. Similiter aderit rubor faciei, dolor & capitis, difficultas respirationis, septo transverso compresso.

Hęc cum ita sint, magnum periculum imminet, imò certa vitæ desperatio, si tam magno impedimento existente, sanguinem detrahas, non cognitâ exactè specie cruditatis, à qua febris oritur, tam similis humoralis venarum. Signa febris putridæ calor intensior, inæqualitas pulsûs, cum frequentia, & celeritate, urina, rubea, dolor, & gravitas capitis, inquietudo, anxietas, fastidium cibi: omnia hæc reperiuntur in febre, ex cruditate, de qua loquimur: quam cum non distinguis à putrida venarum, detractò sanguine, auges mala, & jugulas ægrotantem. Igitur cognito isto impedimento, neutiquam convenit ad scindendas venas properare. Nam si talem materiam venæ sectione vacuare tentares, manifestum esset deliramentum, & prius mortem ægri videres, quàm exitum

*Hist-
ria no-
tabilis.*

talium cruditarum per venas : si consideres
viam arctissimam, & circulos ab ista regio-
ne usque ad 2. Referam quod mihi contigit
28. die morbi gravissimi, vocatus inveni, pe-
ritum medicum strenuè se gessisse in ejus cu-
ratione, & multas, & copiosas sanguinis
vacuationes exercuisse, & interdum cucur-
bitulas scarificatas : erat autem æger studiis
deditus magnis, Regis, & Regni consiliis
distractus, & impeditus; videbatur autem
agere animam, difficile respirans, dolore
intenso dorsi, & pectoris, cum nigrâ, & aspe-
râ linguâ, pulsu veloci, inæquali, magno.
Cum autem esset paratus barbitonsor, seu
venarum artifex, ex præcepto periti medici,
ad celebrandam sanguinis detractionem, re-
tigi ventrem, & omnem primam regionem
profundè tãgens, & per omnes partes discur-
rens, mihi persuasi, ex vita antea actâ, & con-
tinuis vigiliis, & studiis, aut ex erroribus vi-
ctûs, aut aliis, acerbari magnam copiam
flatuum crassorum, & variorum succorum
crudorum, causam evidentem tantorum
accidentium, atque per dies omnes antea ac-
tos, numquam ad venas potuisse transire,
nec per tam angustas venas ne patris ad gib-
bam ejus percolari. Animo igitur alacri, iussu
si chirurgum abire, & subpurgationem pa-
rari, ex catholico, Benedictâ, & coctione

emollienti cum saccharo rubro ; clystere injecto , quater deiecit, non excrementa communia solum ex alimentis, sed quasdam melancholiæ adustæ partes , & aliorum humorum crassorum ; incepitque exclamare, tam facili auxilio , se jam, jam liberari. Peritus tamen medicus semper suspectus mihi dicebat , quòd illa lingua malignum aliquod internum inflammatorium affectum ostendebat, semperque adesse necessitatem per venas evacuandi. Aut ratio danda, quare illa lingua cum febre , hoc non indicaret. Nos verò securi de eventu, dicebamus, esse fuligines ex primâ regione , & febris adhuc ex eadem causâ, licet posset conjungi altera ex venis. Igitur ementiuntur multoties signa , quæ possunt ex variis partibus oriri, quia similitudines sunt fallaces. Natura ergo nostri infirmi ab illa subpurgatione non cessavit aliquas evacuationes molliri per ventrem , & urinas, convaluitque breviter, sine ulla sanguinis detractione. Per tot itaque dies potest durare hæc indicatio, neglecta in principio ? sine dubio potest , & misericordiâ Dei sit profectò ejus cognitio, non viribus nostris.

Sed dices, quomodo distinguam inter hæc signa ? quando affirmare potuero , signa esse febris humoralis venarum, aut continen-

tentorum in prima regione? Rectè dubitas, hoc opus, hîc labor. Respondeo, longam requiri experientiam, & meditationem, sed quid consideraverim, dicetur: hinc manuduceris, ad certiores contemplationes. Ergò cum viderem, non convenire signa istius infirmi cum affectu venarum, decrevi tangere primam regionem, & manu comprimente, sentiebam rugitum, simul cum tensione variâ, jam cedente, jam aliis partibus non cedente. Videbam, post factas plures vacuationes sanguinis, non esse temerè mittendum. Tertiò, hoc impedimentum per tactum cognitum, posse deturbari, quamvis aliquid in venis esset. Quia hoc mihi semper apertum habeo, primam regionem derelictam, aut oblitam, esse conservantem causam, aut generatricem multorum malorum venarum in progressu morbi: si conservans est, necessariò tollenda, ut causa, sine qua non; si generatrix, præcipuè indicat.

Quartò, urina erat ferè similis naturali, & aliâ ex parte, non aderant signa veneni, aut malitiæ, quamquam febris se ostendebat cum tantis accidentibus. Ergò genus venosum parum, aut nil indicat (in hoc casu) & ponderat magis læsio primæ regionis.

Quintò, consideravi, quòd in febribus
acu

acutis utimur multoties, poculis, & Alexi-
pharmacis, frigidioribus, & in tertianis du-
plicibus continuis etiam, & in aliis, præci-
pue tempore æstatis: & quamvis reserata
fuerit in principio prima regio, iterum in
codem morbo solet obstrui, & premi, tam
portionibus, quam alimentis inquinatis à fe-
bre. Et consequenter, quasi ex reliquiis, &
residuo morbi prima laborat regio, & me-
dicus solet existimare, esse reversionem, aut
recrudescentiam ipsius morbi in venis, cum
tamen sit complicatio, aut quasi terminatio
causarum præcedentium. Itaque quamvis
prima hæc regio, non laboraret à primo
morbi insultu: tamen postea potuit, aut ex
dictis causis victus, & potionum, aut ex
transpositione humorum, & metastasi; at-
que adeò, istis consideratis, audacter relin-
quendæ sunt venæ, & quærenda vacuatio
prædicta, quæ subpurgatio vocatur ab Hypp.
sub qua intelligitur alia etiam, quæ licet eli-
gat prædictos humores, quia tamen parce
exercetur, subpurgatio dici potest, quæ lo-
cum habet, quando per clysteres prædictos
non completur indicatio. Ergò satis, ut ar-
bitror, constat quantum impediât ista dis-
positio vacationem sanguinis, & quam si-
milia habeat accidentia cum febre putrida,
ad seducendos medicos.

*Sub na-
mine
subpur-
gatio-
nis a-
lia in-
tel. e-
tiam
quæ par-
ce exer-
cetur li-
cò elec-
tiva sit*

*Potus
maxi-
mè fri-
gidus,
primâ
destru-
it re-
gionē.*
 Illud autem monere non desinam hoc
 tempore, quando per totam Hispaniam
 usus nivis invaluit, & non quomodocumque;
 sed quò frigidior, & in gelu conversa, eò lau-
 dabilior potio, ut unius oris, & gutturis
 transvolans voluntas totius corporis tristi-
 tiam pariat. Non vitupero nivem, sed tempe-
 ro.

Assiduus verò usus frigidissimæ aquæ pri-
 mam regionem debilitat coctiones retar-
 dat, crassios, lentos, glutinososque succos
 reddit, & pituitam vitream generat, qui hu-
 mor ita partibus hæret. ut nullis soleat sub-
 jici medicamentis, & dolores incredibiles, &
 morbos difficiles pariat, & in febribus humo-
 ralibus solus iste humor segregatus ab aliis,
 in ista primâ regione persistens, molestias fa-
 cit tales, ut multoties credamus, esse mali-
 tiosam febrem, ob symptomata, quia calor
 parvus, accidentia verò magna elucēt. Et si-
 ne dubio fallimur, quia accidentia oriri so-
 lent ex istis humoribus, ita hærentibus, ut
 maximè vexent tenacitate, & penetratione
 simul, & cum sint difficilis incensionis, febrili-
 culam excitant quasi tepidam, & putamus
 malignam puncticularem. Existimo, esse
 hunc punctum maximè ponderandum, quia
 cum adsint etiam pulsûs inæqualitates, &
 anxietates, & calor præter naturam quasi
 par-

paruus, putat medicus, esse sanguinem mittendum, quia serpit putredo, & malignitas in venis. Et hinc infœlices eventus. Vide quanta, & fraudulenta mala ex potu frigido, & inordinato victu proficiſcantur, ita tenacia, & resistantia, ut à principio morbi iniecta perseverent: cùmque sanguis extrahatur, pejoris fiunt conditionis, & majoris periculi: Quod etiam in superioribus animadverti, agens de humoribus craſſis, & lentis venarum totius corporis, quia non ſolùm in prima regione, de qua nunc loquimur, ſed in ſecunda difficiles, & mali eventus pariunt diſpoſitiones, ſi per venam ſectam tentes vacuationem. Si enim, diximus, ex venis non poſſe tales humores venâ ſectâ exire, ſine magno detrimento, quomodo poſſunt ex prima regione?

Solet autem in medicorum collegio, quando conſulunt de morbi curatione, dubitari, an primâ regione exiſtente crudâ, cum acuta venarum febre, quæ ſanguinis vacuationem poſtulet, debeat primus dies purgationi dicari, & ſecundus dies venæ ſectioni? *Dub. De purgat. in princ. febris*

Reſpondeo per aliquas propoſitiones, 1. *prima* Si cruditas levis eſt, quæ clyſteri cedat, & *regio-* parco victui, poteris ventrem eluere, & ſan- *ne exi-* guinem mittere eodem die. *ſtente*

Si ex ingestis, & pravo, atque antiquo usu rerum non naturalium, & nausea, & alia (primæ regiones gravatæ) signa adsint, quamvis febris urgeat, debes leve medicamentum exhibere, aut sacharum rosatum Alexandrinum, aut syrupum vocatum Principis,

Sanè - qui ex succo Alexandrino, & sacharo conbarum ficitur, aut syr. purgativum 9. infusionum ex rosarii descriptione Regia, addito decocto cordia-
Alexā-li sennato. Equidem non video cassiam in *drinū*, usu, forsam, quia admodum lenta, & non *synupii* radicat adherentia, & crassa, soletque move-
Princi-re multa, & evacuare pauca, quamvis Valli-
pis. soletani medici periti antiqui illam proba-
Cassia bant. Altero verò die poteris sanguinem
non est detrahère.

ex usu. Ratio est, quia licet febris urgeat, etiam purgatione temperatur, quia aufertur quædam concausa ipsius febris, & tollitur impedimentum magnum ad exercendas reliquas vacuationes. Secundò, quia præcautionis gratiâ (nè febris acuta fiat malignioris conditionis, & difficilioris curationis) oportet tantam, & herentem cruditatem deponere: erit enim causa pravorum accidentium, si intus relinquatur. Tertiò, quia opus tam necessarium non debet committi cui-libet clysteri, quantumvis acri, sed purganti medicamento, quod finem artis, &
 na-

naturę perficiat, & compleat. Ex quibus constat, non detrahi aliquid de indicatione, quam præstat acuta, & urgens febris, sed potius securius compleri: video tamen clystere purgante multos uti, cum magno periculo futuri eventus. Id ego non probor: Tyrones autem ut sunt audaces, & multa temerè aggrediuntur, uno die purgant electivè, simulque mittunt sanguinem: sed quę non faciet juvenilis fervor? quamvis possibile est tam novam urgentiam invenire.

Igitur, ut ad alia pergamus, sequi debemus consilium, Galen. 4. de sanitate tuenda, cap. 5. dicentis. *Quippè vena incisa bonum sanguinem emitti: malum verò, qui in primis maximè venis circa hepar, & mesenterium colligitur, in totum attrahit corpus.* Quę sententia non tam rigidè servanda est, ut, si aliqua se obtulerit urgentissima causa vacuandi sanguinem, non possis vacuare, ut in celeri anginâ, aut aliâ similis periculi inflammatione.

QUÆ HUMORUM DISPOSITIO *impediat purgationem?*

DIximus de superabundantiâ, vel supernantantiâ humorum; nunc opus est explicare, an talium humorum cruditas, vel alia dispositio valeat impedire purgationem.

nem? An necessario præparationem aliquam expolcant?

Magña hæc quæstio de minorativa purgatione, quam ex professo eleganter agitant omnes neoterici, & antiqui in tractatu de purgatione: ego aliqua adnotabo necessaria, forsam ab aliis relicta, & claritatis gratia, per quædam dubia procedam.

Sed jam opus est, ut conclusiones proponamus dubiis præpositis suo ordine.

Dubitare quis posset, quare cruditas humorum constituitur, tanquam impedimentum purgationis? Præcipit enim Hypp. nec ullo modo tangenda, aut movenda, ea, quæ cruda sunt. Quid habet cruditas in se, ut obstaculum sit expurgationi? Et auget dubitationem, quia experimur multoties, cruda expelli à natura, tam per merbos, quàm per sanitatem, quin, & à medicamento trahi cum patientis utilitate: ergò crudum in quantum crudum, præcisè loquendo, nullam dicit repunantiam ad expulsionem.

Dico, quòd crudum, aut potest suscipere aliquod beneficium ab arte, aut natura, aut nullo modo aliquid proficuum aptum est recipere, quod sit notatu dignum. Si aliquid potest boni recipere, retinetur à natura; retineri verò, impedimentum est ad expurgationem, quia retentio, & pulsio,
mo.

motus, & quies, se adinvicem obstant; ergo illa cruda, non sunt movenda, quæ retinentur à natura, ut aliquod ab illis commodum excipiat, sicut sunt alimenta, aut alii humores, in quibus quærit vivens, si posset, suam similitudinem imprimere, aut saltem reducere ad meliorem statum, quem vocant ad benignum. Itaque in istis duobus casibus cruditas retenta à natura contrariatur purgationi, quia ad aliquem bonum finem retinetur, & cum utilitate naturæ retentis. Ergo crudum, ut sic, non repugnat purgationi, nisi in quantum retinetur à vitalibus facultatibus; retinetur autem propter aliquam similitudinem: sed quam similitudinem, cum sit omnino dissimile in termino à quo? Dico, habere crudum aliquam similitudinem saltem genericam, aut mediam. Retinet certè natura panem in ventriculo, quamvis non sit ita similis, ut in termino medio, aut ultimo. Sic etiam humores crudi retinentur in venis, quamvis cum vestigiis putredinis (quia habent aliquas partes reducibiles ad benignum) tamen si fuissent alimentitii, quia quantum attinet (advertas obsecro) ad finem naturæ, eundem habet in alimentis, & in humoribus istis, quamvis non convertat ex toto humores malos, sicut convertit

alimentitios. At verò aliud est crudum, ita alienum, ita diissimile, ut neutriquam natura possit retentionem illius apperere, ut humor putridus in termino, venenosus, malignus, & si aliqui alii sint ob aliquam conditionem incoctiles. Isti certè, ut taliter crudi, non impediunt purgationem fieri, quia neque à natura, neque ab arte sunt susceptivi alicujus beneficii, propter remotam dissimilitudinem, & ob id non retinentur à natura: si non retinentur, non obstat purgationi, & motui locali, imò (ut dicemus) conducunt aliquid ad motum purgationis.

Sed dubitabis, quia in principiis morborum nil excernitur naturæ ratione, sed violenter ex vi causæ symptomaticæ, ut docuit Gal. 4. aphor. 22. quæ doctrina nullo alio innititur fundamento, nisi in amplexu illo generali, quo natura retinet omnia in principio morbi, tam bonum, quàm malum humorem, similem, & dissimilem, ut si posset aggredi coctionem, nam post hanc excitatur expultrix ad pellendum.

Rectè dubitas; sed adverte, hanc esse excellentiam artis ratione utentis, ut cognoscat, quando natura amplectitur inimicum invincibilem, à quo debet superari; quando verò è contra. Ipsa certè, ut determi-

nata solet esse ad unum, ignorat alterum, quo casu indiget arte. Lex communis illa est, ut retineat coquenda, sed quando inter ista sunt alia incoctilia, à quibus mortale damnum accipere debet, quid faciendum? Ipsa quidem naturali motu, licet tibi videatur detinere omnia indifferenter, si tamen habet eruditum ministrum cognoscentem humoris fraudem, cogit ad purgationem: cogit, dico, humorem, non cogit naturam, quia hæc non detinet humorem incoctilem, sed potius detestatur; detinet solum coctilem per se, in quo invenit aliquid assimilabile, alium verò ex accidenti. Atque, quòd iste sit ordo naturæ, vel (ut pressius loquar) quòd ista sit appetitio naturalissima ad expellendum incoctile, à priori quidem, quia appetitus, ut fertur in objectum sibi naturale, ita dicit fugam ab objecto omnino corruptivo. Rursus, ut dicit tendentiam in bonum, ita dicit unionem cum illo, amplexum, quietem, & retentionem illius; & ut dicit fugam, & aversionem, ita non caret mediis, quibus propellat suum contrarium. Hoc principium evidens est in appetitu intellectivo, & sensitivo: evidens quoque in appetitu naturali, tam viventium, quàm aliorum corporum; videmus siquidem, similibus jungi, & alia pellere.

In historia de plantis, & virtutibus lapidum plura invenies. Nunc ad rem: ergò natura nostra, cum illis, nunquam vincendis humoribus, nunquam dicet quietem, unionem, & amplexum; dicet tamen aversionem, & ad pellendum propensionem radicalem.

A posteriori, quia ab ævo Hyppocrat. usque ad nostra tempora, visæ sunt plures vacationes in principio factæ, adhuc crudâ existente materiâ, quæ symptomaticæ vocantur cum maxima vitæ utilitate, ut cruditissimè probat noster Vallesius, s. controversiarum, capitulo 5. Discurre per libros de morbis vulgar. & videbis, lib. 3. de morbis prop. 2. part. text. & 3. de morbis, prop. 1. part. de illo, qui habitabat in horto Dealcis, & libro 2. epidemia. 1. part. text. 9. Ergò signum est, naturam radicaliter, & in suis internis principiis appetere expulsionem illius, quod non decet, neque potest retinere. Itaque cum istis humoribus tam contrariæ conditionis, nunquam dicit quietem, neque verum amplexum. Atque ad hoc opus expulsionis, si ipsa non valet, aut ob imbecillitatem, aut ob nimiam contrarii resistantiam, indiget magno ministro. Et hanc existimo esse Philosophicam rationem, qua potest inniti minorativa purgatio. Atque

que adeò istud genus cruditatis non impedit, sed vociferat purgationem, habetque adminiculantem naturam vitalem, ut dictum est, siquidem appetit: ex quibus sequitur, in hac purgatione minorativâ medicum esse imitatore naturę.

Dubitas, quomodo potest appetere expulsiõnem humoris, quem non invenit incoctilem, & dissimilem; nam cum mixtus sit aliis, non apparet talis dissimilitudo, ita contraria, ut fundet aversionem, & dissonantiam objectivam ad appetitum; ergo non appetit natura talem humorem pellere, & nunquam erit adminiculans ad actum purgationis.

Dico: diverforum humorum mixtio, aut rudis miscella, aut aggregatio, aut juxtapositio (quodcumque volueris) non tollit actionem qualitatum inter se, & unius humoris in alium, quia si adhuc in mixtione perfectissimâ, quę excludit formas miscibilium, remanet actio, & passio inter diversas partes mixti: quid dices de diversis humoribus mixtis, servantibus suas formas? Sine dubio agent, & patientur inter se. Quare ergo non agent in partes viventes nostri corporis? Agent quidem, sed multum dissimiliter unusquisque humor per qualitates, quas habet; coctilis per qualitates mites, & domabiles;

biles; incoctilis, & alienus per qualitates rebelles; itaque natura in humores coctiles magis agit, quam patiatur ab illis, ab humore incoctili magis patitur, quam agat. Ergò falsum est, dicere humorem incoctilem non esse objectum facultatis expellentis in principiis morborum. Et ostendo præterea, quia aut separatus, aut non separatus ab aliis, semper servat eandem conditionem, & rationem excrementi; solum potest esse differentia penès minorem, aut maiorem irritationem, quam imprimit naturæ viventi, quia mixtus non ità irritat, sincerus maximè molestat.

Et hoc quidem fallacissimum signum est, apud eruditos, & eos, qui jam senescunt in artis operibus, quod maximè ponderari desidero, nisi præ claritate dicendi vilescat. Explico.

Humores peccantes in principiis morborum, sunt in multiplici differentia, sed ad præsentem dubitationem duplex modus explicandus sufficit; quidam irritant qualitatibus manifestis primis, aut secundis, quorum notitia manifesta est etiam cuilibet medico, saltem ex sensu infirmi, si ipse medicus attentionem præstet ad percipiendas acrimonias, caliditatis intensiorem, & remissionem humoris remittentis, & hæc

omnia, ut fieri possunt in principio.

Alii sunt humores, qui nullum habent manifestum peccatum, pertinens ad prædictas qualitates: habent tamen aliquam qualitatem deleteriam, qua mixtioni spiritûs, & cordis contrariantur, non per qualitates excedentes primas (ut dixi) sed per secundam qualitatem, quo casu quieti sunt humores, æger non affligitur, non jactatur, urina non turbatur, omnia videntur esse in pace: cum tamen dejectio virum vitalium se ostendat attentè inspicientibus. Si igitur illi humores in principio molestabant naturam manifestè, ad quorum expulsionem aspirabat expultrix ante coctionis aggressum, multò magis intendet in principio expellere istos, qui quantò magis in agendo occulti, tantò sunt lethaliiores. Obsecro, ut non metiaris statum facultatis expellentis, & humorum solùm penès majorem, aut minorem irritationem, aut penès inquietudinem egri, & alia accidentia. Ita ut quando non irritant, tu etiam segnis, & otiosus sis; sed debes ponderare dissolutionem vitalem, ex sola præsentia, & attractu talium humorum, quo nil terribilius dici potest. Noscit autem statutum hujus indicationis, qui in pulsibus cognoscendis diuturnos, & studiosos fecit labores, Hæc dixerim, ut appetitum

tum naturæ viventis consideremus ad expellendum quemcumque invincibilem, ad cuius expulsionem solet indigere manu ducente, & hunc statum soleo appellare naturæ turgentiam in actu primo, non enim potest exire in secundum, movendo tales humores, quia tales sunt, ut anticipent debilitatem illius, & non audeat pellere, quia non potest; imò potius fugit, & comprimit se, neque dilatat arterias, ne trahat versus cor venenosos halitus: in tanto periculo quid facies, si sanguis paucus est in venis? neque cucurbitulis ad cutem, neque clysteribus ad ventrem malignos succos vales allicere? Nonnè (si reliqua omnia assentiant) tentabis partem deponere, miscendo cordialia cum ipso medicamento? non debes spectare veram coctionem, quia prius accedet mors. Dixi veram coctionem, quia falsam multoties vidi, & cum urina bona perire ægrum. Sed quia hæc jam pertinet ad curationem febrium malignarum, non pestilentium, ad alia transeamus.

Hæc saltem dicta sint, ut discedant jam ab ore omnium frigida illæ rationes. Natura retinet; ergò non vacuandum. Non habemus illam adminiculantem, non trahit medicamentum, &c. Omnia ista argumenta procedunt ex ignorantia principiorum. ED

Est igitur purgandum moderatè, quando humores separati, licet quieti tales sunt, ut natura illos vincere non possit; & ab illis superari, multa signa habeamus: necque ullum impedimentum est cruditas, sed potius motivum, & indicatio. Quod Galen. satis clarè docuit. 4. aphorif. 1. his verbis: *Non tamen omnes quæ* (loquitur de gravidis) *hoc tempore indigent purgatione, permittit purgari: sed si materia turgeat* (inquit) *vel cogat accelerare, aut urgeat, & premat.* Sic testatur codex Græcus, ut rectè advertit Anton. Musa.

Sed dubitas quare in tam gravi negotio, non se explicuit Hippoc. in aphorism. 22. *concocta medicari*, & c. Dico, quòd Hippoc. exemplum posuit in turgenti, & non in urgente, quia perpetuum magis est purgare turgentes, non ita perpetuum purgare urgentes, quia multoties mixti sunt cum sanguine, & cédunt foeliciter sanguinis missioni. Tamen ob id non negavit, deberi purgationem urgentibus benè separatis à consortio sanguinis. Non certè novum est in Hipp. sub uno exemplo aliud intelligere, quòd habeat similem rationem ad urgens, quam similis censendus turgenti.

Præterea probatur nostra sententia: in turgentibus, expurgamus tribus de causis.

attestante Gal. 4. aphor. 10. Primò, nè robur dissolvatur. Secundò, ne febris augeatur. Tertiò, ne humor irruat in partem principem, quæ certè causæ omnes concurrunt in urgenti supernatantiâ, ut per se patet. Nam intuperabiles humores ob suam malitiam, aut aliam pravam qualitatem, nisi in principio minorentur, increfcit maximè febris, dissolvetur virtus, & pars princeps ab illa-bente humore fatiscet. Ita, ut periculum futurum, quod est in turgentia actuali, jam sit præsens in urgentia ista, de qua nobis est sermo. Loquimur enim de purgatione, ut evacuatorium auxilium est, quia de hoc est dubitatio, nam de expurgatione, ut revulsorium, aliqui non dubitant, ut est videre in tractat. de purg. Itaque asserimus, humores istos, licèt non fluant actu, sed quieti sint, esse vacuandos, propter tres illas causas, quæ in turgentia inveniuntur.

DE PURGATIONE REVULSORIA.

Sed contra illos, qui etiam negant revulsio-
nis gratiâ non esse purgandos humores
crudos, extant plures, & evidentes rationes
apud Avicenisistas, capitulo de curatione
phrenitidis, etiam ex mente Gal. ubi probatum
est in ipso primo insultu, incipientis
phrenitidis à syncera bile à sanguine segrega-
tâ-

gatâ, neque sanguine peccante, esse exhibenda
dum medicamentum expurgans. Aliqui ve-
rò ad pauca respicientès, in omnibus feбри-
bribus, & in omni incipiente morbo, revel-
lere à foco putredinis per sanguinis detra-
ctionem semper contendunt.

Neque illis sufficit autoritas Gal. lib. 1.
de compos. medic. per loca, ubi statim in
alopecia pituitam, & utramque bilem, &
idem facit in manantibus capitis ulceribus
expurgat, & l. 1. in dolore capitis, & 13. me-
thod. plures oculorum inflammationes uno
die sanasse dicit, expurgatione.

Idem Hippocrat. 4. acut. 64. Hos si ab
initio purgare volueris ante diem quintum
facito: quod in fructuris, & vulneribus fecit
& Galen. 4. method. Ergò humorum crudi-
tas nullo modo impedit, aut vacuare, aut re-
vellere, dum adest urgentia.

Sed dubitas ex trito satis loco, cruda pas-
sio non cedit, &c. Hippocrat. 4. acut. 23. ejus
verba sunt: Quicumque verò ea, quæ inflam-
mata sunt, medicamentis solvere conantur
statim per morborum initia, ii non solum
ab intenta, inflammataque parte nil adi-
munt, cum non cedat, observaturque quæ
cruda adhuc est affectio, verum quoque,
& quæ morbo resistentia, & sana sunt, ab-
sumunt, contabesciuntque, ductoque
ad

ad imbecilitatem corpore, morbus superior evadit, qui, ubi corpus vicerit, remedium non habet.

Tyrones hanc sententiam maximè contrariam putant his, quæ diximus de purgatione revulsoriâ, in phrenitide, & aliis similibus affectibus, & aliquid probat contravacuatoriam, quando licet non sit inflammatio particularis, sunt saltem crudi succi.

Sed non obstat, nec contrariatur Hipp. nostræ sententiæ, quàm ipsius esse putamus. Dico, in isto textu prohiberi purgationem in affectibus inflammatoriis hypocondriorum, non in aliis, urgente necessitate. Explico: quia in tex. 21. antecedenti, & hoc 22. expressè loquitur de inflammatione jecoris, vel aliorum partium sub septo transverso, in quibus perniciosam dicit purgationem in principio, & præferendam esse sanguinis emissionem, & ex arte quidem; ipse enim præceperat, vias debere esse patulas, ut purgentur humores, sed quomodo erunt patulae, si compressæ, & dolorosæ à partibus inflammatis? Quo pacto non increscet inflammatio, si à toto corpore fiat tractio humoris ad partes inflammatas? Est itaque insigne impedimentum inflammatio hypocondriorum, atque ita ad sanguinis emissionem est recurrendum statim.

Quia,

Quia, si aliàs esset causâ sincera, & supernatans, & omninò separata à sanguine, quæ peteret purgationem, tamen ad evitandum majus periculum, debet revulsio fieri per venas, quia neutiquam per ventrem fieri potest; revellitur etiam simul aliquid humoris peccantis. Ista fuit mens Hipp. text. 21. & 22. citatis.

At in principiis aliarum inflammationum cerebri, & thoracis temperari debet ista doctrinâ, secundum Galen. 2. aphorism. 23. *Cerebro inflammato, aut pulmone in ipso primo insultu, &c.* Aliquando opus erit incipere à purgatione (nota *aliquando*) si concurrant omnes indicationes, & scopi purgationis; tamen ut plurimum incipiendum est à sanguinis detractione. Ita Galenus, inchoantibus morbis, si quid tibi videtur movendum, move, præcipuè per sanguis missionem, nonnunquam purgatione: & idem confirmat in pleuritide descendente, 2. acut. Igitur Hippocrates consuluit, quòd sæpius faciendum est, sed non negat, quòd aliquandò sit exequendum aliud.

Sed notandum (relictis hyppocondriorum inflammationibus) quod quando Hipp. negat medicamenta purgantia, crudo existente tumore, id fecit respectu humoris

Q

con-

contenti in parte: ille siquidem neutiquam
 cedit, usque dum, aut manus chirurgi acce-
 dat, aut medicamentis solventibus exha-
 let, aut aliam terminationem suscipiat; ta-
 men respectu humorum, qui sunt, in fluxu, &
 tendentiâ ad partem affectam obsidendam,
 quis dubitat, posse aliquândo exhiberi phar-
 macum? præsertim si venæ sectio aliqua
 præcesserit, quæ venas melius disponat ad
 compressiones: Quod docuit Galen. lib. de
 ren. affe. & id fortasse insinuavit Hipp. quan-
 do dixit loco citat. 4. de ratione victus, tex.
 21. *Nam venæ sectio in his præferenda venit.*
 At post venæ sectionem imminet manife-
 stum vitæ periculum, nisi copia pravi, & su-
 pervacanei humoris expurgetur, qui neque
 clysteribus potuit deponi: in tali eventu,
 melius est periclitari cum ægroto, & phar-
 macum exhibere.

*Cele-
 bris lo-
 cus Hipp.* Et quòd hæc fuerit Hipp. mens, colligi
 potest ex lib. de medicamentis expurganti-
 bus, ubi non minùs nos reddit formidolosos
 ad expurgandum ante declinationem, & sc-
 piùs nocere, inquit. Tamen ibidem subdit:
Si die purgationis superstes permanserit, &
una cum purgatione remittat febris, sanus sit.
 Quibus verbis duo apertè insinuat, & pur-
 gationem posse fieri, & posse prodesse: qui
 locus mihi videtur singularis, ad existiman-
 dum

dum, in urgentia (de qua est præsens sermo) Hipp. pharmacum exhibuisse minorativum, nam primò agit de febribus acutis. Secundò postquam timuit, aut abstinuit à purgatione. Ait tertio (si die purgationis superstes sit æger) explicans in magno periculo constitutum egrum bibisse pharmacum, & profuisse. Ergò iniquum est non tentare istud auxilium, quod in simili periculo unicum restat.

Quod etiam docuit ipse Hipp. lib. de locis in homine, sic scribens: *Cùm enim morbus periculosissimus sit, in his periclitari oportet, si enim successerit, sanum facies, sin minus, quòd etiam alià futurum erat, id ipsum perpetiur.* Quam sententiam Celsus fere transtulit.

CAP. XIII.

Locus Hipp. expenditur lib. de humoribus.

Animadversio in Galen. Ubi multa

de purgatione minorativa.

Offerret se locus difficilis Hipp. lib. de humor. com. 2. text. 21. talia ejus verba: *Multa autem purganda sunt, eaque non propè iudicationem, sed longius; raro autem in acutis multa ducenda sunt, in delassatis verò totum.* Istum textum adduxi in scholis, cùm juvenilis disputandi fervor urgebat ad probandum

dum minorationem humoris crudi, ex mente Hippoc. Nunc maturius, & breviter ponderabo mentem Senis, & Galeni in communi.

Tres invenio propositiones in isto textu. Prima est, multa purganda sunt, non propè judicationem, sed longius. Secunda, rarò in acutis multa ducenda. Tertia, in delassatis autem totum. In quarum explicatione Gal. obscuriorem reddit sensum; ego non retorqueam, sed juxta principia, Hippoc. & Gal. explicabo. Prima propositio docet, esse purgandum multam humorum materiam, si opus fuerit, sed non circa crisim, nam esset naturam à debito fine retrahere, & sicut malum censetur, anticipari crisim, v. g. quæ debebat fieri in septimo, fieri ipso sexto, quia videtur opus potius naturæ errantis; ita medicus erraret, si circa diem crisis pharmacum exhiberet. Quæ doctrina Hippoc. illos notat, qui quasi lege conducti purgant die sexto, ignorantes, an die septimo sit aliquid à natura movendum. Ergò præcipit Hippocrates, esse purgandum (si necessaria est purgatio) longe à judicatione. Galen. hanc particulam (*longius à judicatione*) explicat à parte post, quasi dicat post criticum diem spectare debemus, quid faciat natura, si non expellit, ars debet supplere. Certè duo ha-

ber

bet difficilia sententia hæc Galen. ¶ Nam in commentario totus est in explicando ordinem facultatum respectu crisis: concoctrix perficit suum munus, & peracta coctio-
ne, insurgit expultrix, quã vocat authorem, & causam crisis; ergò si jam perfectè concocta est materia, & debet incipere expultrix, & non incipit, ut quid debet spectare medicus? Nonnè timor est, ne aut humor jam concoctus in aliquem periculosum abscessum tendat, aut nova putredine malignetur, cum ultra nequeat concoqui, neque nutrire? Ergò concocta purgare oportet, si natura uon expellit.

Quorsum ergò Galen. illam particulam (*longius à judicatione*) intelligit à parte post, id est, transeant multi dies post tempus judicationi dicatum.

Sunt quidem diversæ facultates coctrix, & expultrix, diversis utentes instrumentis, & potest esse una fortis, & alia debilis, & consequenter erit necessarium, non longius dilatare purgationem desideratam, & convenientissimam nature, ut ipsa non moveante, moveas tu horâ motûs ejus, aut paulò post.

Tamen cum illa particula (*longius*) habeat latitudinem, declarandus Galenus juxta prudentialem medici dispositionem;

Purde- ut cognoscat, quando potest spectati-
tiali re, & quantum temporis, si enim ti-
disposi met, aut recursum, aut malum abscessum,
tione aut alia accidentia, statim naturam pigram
cognos- excitet, & secundum tenorem virium con-
cit me- coctos humores purge t.

dicus Sed quare locum ita difficilem sic relin-
quan- quit? Quid est, multa expurganda? Quid est
do po- multa ducenda in acutis raro? Quid est in
test ex- delassatis totum? Ego si me non fallit assi-
pecta- dua Hip. & Gal. lectio, existimo quod in hoc
te, & textu habet etiam sufficiens fundamen-
quan- tum purgatio minorativa, quæ tam abstru-
tum tē- sam, & excellentem sequitur indicationem,
poris. ut ad solos eruditos pertineat executio;
 nec vellem medicos juvenes, sine majo-
 rum consultatione, Hippocraticum hoc
 adire remedium. Sed ad nostrum textum.

Expli- Certum est, in istis tribus propositioni-
atur bus loqui Præceptorem nostrum de morbis
propo- judicabilibus absolutè, sed cum hac distin-
sio in ctione. In prima dicit, non esse purgan-
delas- dum circa judicationem; judicantur verò
fatīs morbi acuti, aut ex decidentia tales. In se-
totum. cunda apertè loquitur de propriè acutis, si-
 quidem dicit, in acutis raro. In tertia, con-
 stituit delassatos, id est morbo acuto cor-
 reptos, & delassatos, & vexatos à lassitudi-
 nibus morbosus. Sed accedo ad primam pro-
 positionem.

Mul-

- Multa sunt purganda longè à crisi, non quidem si natura, coctis humoribus, cum damno suo quiescit (ut dictum est) tunc enim medicus vacuare statim debet. Sed (sensu Hippoc. est) si natura tardè, & lentè, aut diminutè expellit, debemus purgare, hoc tamen non possumus perficere statim, sed spectare per aliquod tempus, & contemplari, quomodo se habeat in sua paulatina vacuatione, quem fructum recipiat, an consummare valeat foeliciter, hæc autem consideratio locum habet in crisis, quæ paulatinè fiunt, & imperfectè: de his asserit Galenus, longè à indicatione esse ab arte supplendas, quia prius debemus experiri naturæ motum.

Sed quare illa prima propositio non possit intelligi de purgatione minorativa, quæ in principio morborum adhibetur, quando materia est cruda, aut ob nimiam quantitatem, aut ob pravam qualitatem invincibilem? Ostendo, posse sic explicari, nam hæc est, quam reverà nobis proposuit Hippoc. quando dixit, *inchoantibus morbis, si quid tibi videtur movendum, move*, ut etiam Galenus in com. Hæc est etiam, quæ longius solet distare à tempore judicationis, imò, & quæ si futura est judicatio, ad illam disponit, sicut de sanguinis missione

dicere solemus : ergò sicut Gal. insinuat longius à judicatione à parte post ; multò melius venit explicandus textus , longius à crisi, id est, in principio morbi ; hoc siquidem tempus longius distat à judicatione , & tantum abest, ut turbet naturam, aut distrahat, quin potius purgatâ materiâ peccante, feliciter aggrediatur expultrix incoctiles , & concoctrix coctiles.

Secundò, quia hæc purgatio, tacta in prima propositione, non versatur circa turgentibus, ut per se patet, nam vel ex mente, & explicatione Galen. solum in secunda propositione agit Hippoc. de turgentibus ; quando dicit : *In acutis raro*, quæ verba sunt ex aphor. ubi clarè agit de turgentibus cum præmeditatione purgandis , quia rarò turgent. Neque dicendum est, versari circa concoctos : patet, nam longè ante judicationem non sunt humores perfectè evicti, & cocti, coctiones judicii celeritatem , & securitatem ostendunt : præcedunt ergò. Igitur quando Hippoc. dicit , longè à judicatione est expurgandum , manifestè loquitur de cruda materia, quæ non potest coqui, si tota relinquatur viribus naturæ ; si jam incipit concoquere, & feliciter pergit, quis turbare ausus fuerit ? Ergò loquitur de tempore cruditatis , longè à judicatione.

Secunda propositio facile explicatur à Gal. (*acutis raro*) præcipit, scilicet, purgandum *in acutis*, si materia turget, raro verò turget.

Tertia propositio mutat ordinem quantum ad speciem auxilii, & quantum ad mensuram vacuandi. Loquebatur in duabus primis de purgatione, & loquitur in tertia de lassatis, id est, maximè à lassitudinibus vexatis, morbo magno correptis: indicant verò tales magnæ lassitudines magnam quantitatem humorum, vel rumpentium vasa, vel vires opprimentium (quæ sunt duæ species plenitudinis) in his, dicit, esse vacuandum totum humorem, quia plenitudo ad vasa tam magnam poscit vacuationem, imò illam exercuit Gal. ad animi deliquium. In alia verò quoad vires etiam totum vacuandum humorem, qui premit, usque dum vires victices maneant, & superiores, antequàm adveniat corruptela. Scis, quod utraque plenitudo, ut sic, & absolutè caret vicio, sed ea quæ ad vires parvo tempore durat, quin tendat in corruptionem. Ergo in utraque totum humorem superantem præcipit evacuari, in ea quæ ad vasa, ne illa mala, quæ timentur, adveniant; in ea quæ ad vires, ne corruptela incipiat.

PAP. XIV.

Claritatis gratiâ, communes objectiones dissolvuntur propter scholasticos, licet ex dictis clarescant.

Dices : natura non evacuat in principio; ergò nec medicus ejus imitator, Dico, quòd medicus optimus est imitator naturæ, & ob id purgat aliquando in principio, quia natura ipsa id solet facere, cum afflicta, & oppressa est, & hoc quidem cum magnâ utilitate. Ille aphor. famosus *in perturbationibus ventris; & vomitibus sponte factis, &c.* de omnibus loquitur evacuationibus factis à natura, aut in principio morbi, aut augmento, aut statu, & omnibus communis est una, & inviolabilis regula, ut si talia, qualia debent purgari, purgentur, censenda sit optima, & laudabilis evacuatio, quantum attinet præcisè ad talem evacuationem; ergò medicus optimus imitatur naturam in simili periculo.

Ad secundum dico, si humores sunt quieti, debent vacuari, quando fallaci quiete quiescunt; majus enim damnum succrescit naturæ ex illa falsa quiete, siquidem patitur cum vitæ periculo, & nil agit.

Ad tertium, quando purgamus humores

res ita crudos, illos educimus, non bonos. Dux concurrunt causæ, ut sic fiat, quia medicamentum malos trahit, non bonos, & expultrix malos sequitur, retentrix bonos retinet, hic est ordo naturæ.

Ad quartum dicimus, naturam esse ad-
miniculantem, quia apperentem, & turgentem in actu primo, solum deficit conditio ex parte palse, ut minoratione fiat, quod restat, magis obediens.

Ad quintum dico, humores esse trahibiles à medicamento, quamvis sint aliis mixti. Rideo, quando tales audio illationes, quasi fuissent amissæ, & corruptæ similitudines inter trahens, & tractum. Intellige, quod licet malus humor cum bono sit mixtus, trahitur à medicamento, quia attingitur à qualitate illa motiva, quæ fluit à medicamento, & hoc sufficit; attingitur malus, & alienus: bonus, quia non peccat, retinetur à viventi. Præterea, attende, quod per illam, quam vocas, mixtionem, non deperditur forma humoris, aut similitudo cum medicamento: ergo quis prohibet trahi?

Ad sextum dico, quod ut natura solet per malos abscessus in mortem tendere, ita per evacuationes, symptomaticas dictas, solet salutem recuperare, ut multi agroti apud Hippocrat. supra relati. Nos imula-

mur naturam rectè operantem, non finif-
trè.

Ad septimum, nomine turgentium, sub-
intellexit urgentes, eandem siquidem ha-
bent, aut maiorem efficaciam in indicando,
ac turgentes: nam turgentes, aut cucurbi-
tulis, aut portionibus frigidis frænamus, aut
coercemus, & fieri potest, ut clystere ad in-
ferna ducamus; urgentes verò, & fallaciter
quiescentes, sola vacuatio deturbat.

Ad octavum dico, etiam medicus rarò per
initia debet purganti minorativo uti. Quan-
do, scilicet viderit, indicationes sufficientes
ex signis multorum, aut malorum humo-
rum distantium à natura sanguinis, aut tam
malâ qualitate affectorum, ut natura non
coquens succumbat.

Ad 9. omnes contrarii textus intelligunt
extra urgentiam, cum illis urinis tenui-
bus, & nebulosis: si non adsint signa ur-
gentiæ prædictæ, non est purgandum, sed
clystere utendum.

Ad decimum, idem dico, profluvia ve-
rò sanguinis in principio, si morbus non
fit ex sanguine, recte damnat Galenus 1.
de Crit. cap. 8. At verò si morbus oritur
à causa sanguineâ, confert, evacuatâ eâdem
specie humoris peccantis: à similibus pro-
fluviiis didicit Galenus mittere sanguinem
in

in principio, ad animi usque deliquium; si verò profluvium sanguinis accidit in morbo purè bilioso, aut pituitoso, aut melancholico, erit malum, ut signum, & ut causa. Hanc regulam accipe ad omnes similes objectiones textuales explicandas, ut tantum deflectat evacuatio a bonitate, quantum distat ab specie humoris peccantis. Ad pensum vacationis mutantur vires, si vacuatur quale oportet, roborantur, si è contra, fatiscunt. Ergò si aliqua vacuatio est symptomatica, quo ad tempus, quia fit in principio, si tamen evacuat talia, qualia oportet, non est detestanda, quia causa salutis existere potest, & ideo aliquando in aliqua necessitate urgentiæ meritò imitanda.

Ad undecimum, ille locus Gal. multoties explicatus est. Omnes vacationes in principio non sunt ex lege naturæ regulariter operantis; concedimus libenter: sed quæ nunquam deficit in necessariis, providit sapienter, ut si aliquando oprimeretur, apponeret conatum ante coctionem, ut expelleret inimicum, quem tolerare postea non poteris; & ita omnes Gal. autoritates semper intelliguntur, solum attendendo vim causæ morbificæ, ut signa dant suæ violentiæ: tamen neutiquam sunt à natura merè errante, sed proficiscente in melius.

Quis

Quis dixit, quod tales evacuationes sunt opera causarum morbosarum? asserendum est (ut explicemus Gal.) esse opera naturæ vitalis læsæ, & irritatæ, sed talia qualia oportet excernentis, & properantis, etsi per labores, ad salutem. Debebat contemplari Gal. quòd ipse docuerat in lib. de morb. & sympt. cum Philosophum agebat. Coctio in nocitivo (id est, coctio, qua per febres humor putridus reducitur ad benignum) actio symptomatrica est) quia læssa à principio læssa; an ob id non habet leges naturæ? habet quidem, & ad finem bonum consequendum; & illam adjuvamus. Ità vacuatio symptomatrica, quæ per morbos fit à natura, actio est ipsius naturæ, sed læsæ, per quam si trudit quod stimulat, imitanda, laudanda.

Ad duodecesimum, de atra bile nil novum invenit Galeñ. in com. 22.4. nam existimat, quòd sicut malum est, alios humores excerni in principio morbi, ita dicendum de atra bile. Sed nos jam explicuimus, quo pacto istæ evacuationes malæ sint, & quando bonæ: forsàn atra bilis hoc habet peculiare, illa scilicèt, quæ propter igneam vim assata, & terram fermentat, & muscas fugat, inter alios humores, maximè naturam irritat, stimulat, & labefactat; quare quamvis evacuata causet bonum aliquod, sed ita dilaceratā

relinquit naturam ob effrænem conditionem, ut significet magnas internas intemperies: sed hoc non tollit purgationem artificiosam, nam artifex si tam effrænem succum debet movere, miscebit potioni, quæ roborant, deliniant, & demulceant tam acres qualitates, nè motus pejora faciat. At speramus semper majorem utilitatem, quam damnum.

Ad 13. dic, rectè Celsum dixisse, nam sanguinem mittimus, non solum in abundantia sanguinis, sed in vitio sanguinis, neque solum in vitio ejus proprio, sed etiam in illo, quod resultat ex miscella aliorum pravorum humorum cum sanguine. At purgatio semper respicit humores diversos, separatos, & supernatantes, alienos à natura sanguinis, suâ qualitate molestantes.

Dubitas rursus de foco putredinis, quia focus adest in omnibus febribus putridis, atque cum in illo sint humores putrescentes, & magna caloris intensio, cujus ratione trahit, confluantque de novo humores, sanguinis missio semper exercenda erit, nam valet vacuare aliquid, quod in foco continetur, & revellere quod fluit.

Dico, focum esse multiplicem, & varium, quia nil est aliud, quam id, quod fovet, aut conservat febrem putridam: hæc potest con-

servari ab aliqua intemperie calidâ jecoris generantis copiam bilis præternaturalis. Erit ergò focus jecur ipsum, ut contingere potest in aliquâ tertianâ exquisitâ, quæ licet septem periodis terminetur, si tamen calida jecoris intemperies duret, suppeditans materiam, ultra prædictos terminos progreditur. Obstructio est etiam focus, qui comitem habet prohibitam ventilationem, putredinem, & tandem febrem conservat. Quæ relinquuntur in morbis recidivas facere consueverunt (partes, scilicet humoris crudi non victi, qui aliquando, nec obstructionem, nec sensibilem facit intemperiem) talis humor focus putredinis est, quia in eo resident seminaria putredinis, in diem recidivæ custodita, quasi ignis confopitus, & cineribus involutus. Istæ verò, & si quæ aliæ sunt focorum differentię, solent inveniri seorsum, & simul, & in diversis corporis partibus, nam in prima, & secundâ, & tertiâ regione, quorum omnium explicatio ad libros pertinet de febribus.

His suppositis, constat, idem esse dicendum ad istam dubitationem, quod in superioribus ostendimus, semper inspiciendam speciem a thomam causæ humoralis, ut species eligaturr vacuationis. Focus solam bilem retinet? revellendam, aut vacuandam bilem, in

indicat. Solam melancholiam conservat?
(ut lien in quartanis) hanc deturbandam dicit.
Sola intemperies continuâ generatione morbum fovet? Duplici manu utendum
esse suadet, nam attemperari pars desiderat,
& productum expelli.

Crudi succi seminaria relicta, si optimo victu non possunt corrigi, purgationem exclamant. Vide jam omnes focos humorum sincerorum, citra sanguinis missionem aboleri. Sed qualis sit focus in febribus sanguineis, aut cōtinentibus, non pertinet ad hunc locum, quia agimus nunc de febribus pendentibus à sinceris humoribus citra sanguinis miscelam, quæ ex necessitate debent habere similes focos, averfantes sanguinis detrâctionem. Sed mâximè notandum, quòd licèt cœperit febris (ut sæpè contingit) cum sanguinis præsentia, tamen post ablata omnem quantitatem sanguinis peccantis, perseverante putredine, remanent jam humores ita alieni, ut focus mutatus sit: nam antea erat focus humorum simul cum sanguine, sed post plures venæ sectiones, & intensiorem putredinem, est focus sincerorum, & separatorum humorum putrescentium; ergo distingue focos, & distingue curationem.

Ad decimum quartum, dices: si focus con-

R

sistit

sistit solum in quadam ignea intemperie jecoris, quæ manutinet, & conservat accessiones tertianas, generatione continua portionis bilis præternaturalis, nonne post purificationem attemperabis potionibus utilibus, syrupis, aut apozemate facto ex arte, aut balneo partiali, aut inunctionibus, & victu attemperante. Quid habet sanguinis detractio cum attemperacione simplici, quæ debet fieri per se, & non ex accidenti? Morbos debes curare per contraria; nunquam curationem ita ridiculam invenies in medicinæ Parentibus, ut sanguine non peccante, dicant, esse attemperandum jecur, sanguine detracto. Illud saltem invenies, existentibus scopis sanguinis missionis, consequi etiam, ut temperetur corpus; hoc dico de foco consistente in sola intemperie, quia nunquam indicat per se sanguinis detractionem, nisi cum alio vero exposcente conjungatur. At si cum intemperie complicitur obstructio, clarum est, esse agendum cum obstructione simul, illam referendo, humoribus crassis tenuatis, viscidis incisis; non tamen semper pender obstructio ab humoribus exposcentibus sanguinis detractionem, atque ita falsum est, focum putredinis semper petere talem vacuationem, sed illa, quæ obstructio-
ni, & putredini contrariantur. His tamen
ab-

absolutis, expendere oportet, quid sentiendum de humoribus incoctilibus, quales sint; an aliqui verè tales dicantur.

CAP. XV.

De humoribus incoctilibus in speciali.

IN superioribus diximus, eam cruditatem humorum supernatantium exposcere purgationem, quæ naturam ita vexat, ut nisi statim aliquid deponamus, periculum vitæ immincat: quæ doctrina videtur universalis. Consonum est, videamus impedimenta particularia, quæ se tenent ex parte humorum, & primo enumerare cōvenit, & distinguere differentias humorum incoctilium, ut hinc ponderemus, an sint, aut non sint, impedimenta ad purgationem moliendam.

Primò, humores possunt esse incoctiles largo modo, ob solam quantitatem nimiam, quam dispositionem voco respectivam; quia in ordine ad vires tales dicuntur; nam si inquantur, natura foeliciter aggreditur superare quod restat, ut si tanta sit copia bilis, aut pituitæ, aut alterius humoris (qui sanguis non sit.)

Secundò, sunt aliquæ substantiæ ex propria

priâ naturâ incoctiles, ut lapides, ita tumores canerosi, aut schirrosi, non possunt concoqui, aut maturari, quia ex nativa conditione, & mixtione humores contenti sunt incapaces talis beneficii: quæ doctrina ex 4. Metheor. clarescet, non enim omne mixtum est coctile, sicut non omne est friabile.

Ad istam secundam differentiam reduco venena insuperabilia à nostrâ naturâ, & humores taliter venenatos, nam tales substantiæ non per motum proprium coctionis, sed diverso modo, aut vincuntur, aut extirpantur.

Tertiam differentiam constituo quorundam humorum talis nature, ut licet aliquem gradum coctionis recipiat, tamen ita tardè ad perfectam devenire possunt, ut prius eger ab accidentibus, & morbo periclitetur.

Quarta differentia illorum humorum censenda, qui licet superentur, & coquantur à nostro calore, tamen vapores, qui elevantur, dum coctio fit, partes principes maximo afficiunt periculo. Qui hæc non contemplantur, relinquit naturam, dicendo: agitur coctio, non est turbanda; jam vaquationes sanguinis factæ sunt; nunc quiescere oportet. O fallax consilium! Notandum ergo, quod non sufficit, ut coctio fiat, sed quod securè sine lethali damno partium principum peragatur.

Sed

Sed dicet aliquis; impediri possunt vapores, ne occupent caput, aut cor, percussivis, frictionibus, & aliis auxiliis.

Advertas, obsecro, & rem gravissimam audi. Non loquimur de morbis a toto genere salubribus, sed de his, in quorum causâ latitat pernities, & consequenter periculum vitæ; contingit ergo ut talis causa humoralis agitata per coctionem, emittat partes quasdam vaporosas, aut tenues, in quibus malitia existeret, non in mediocribus, aut crassis; medicus verò contemplatur signa coctionis in his, & non videt, tenues malignâ qualitatem elevare, & quasi in plastro ferre usque ad intimiora membrorum nobilium. Si percussivis uteris, forsan crassescant, & detinebuntur in membro, aut retrocedent ad majus damnum; si cucurbitulis, parum, aut nil proderis, nam coctionem plus retardabis, calore avvocato, & non attinges partes vaporatas, quæ internas vacuitates perambulant, & interim dum in hoc laboras, aut phreneticus, aut syncopeticus, aut lethargicus fit ager. Igitur tales humores vocamus incoctiles, in hac significatione, quia si speramus perfectum statum, & terminum coctionis, prius multò peribit ager, ob pericula, quæ sequuntur in actu prædictæ actionis coctricis: Nam licet coctio

emendat putredinem in una parte capaci,
in alia non potuit.

Sed dubitas, nam in hoc casu non oportet negotiari cum humoribus, qui coquantur, sed cum tenuibus, qui eleuantur, celebrabiturque aliqua revulsio, non tamen vera evacuatio.

Nota. Rectè dubitas, sed notandum, quod (ex arte) evacuandi sunt tales humores minorativè, & est vacuatio per se, ex accidenti verò retractio à principibus membris, quia inspicimus primò causam ipsam totalem, quæ cum periculo coquitur, & secundariò partes, quæ separantur, & elevantur, malitiam deferentes. Non equidem aliter possumus tollere prævum effectum talis coctionis, nisi minuamus tales humores, & per regiones ducamus maximè contrarias, & longinquas à partibus principibus. Quàm plures liberati sunt hoc consilio! erant satis vacuati per sanguinis missionem ante septimum. In hoc die apparebant coctiones, sed cum periculo partium principum, & in octavo, aut decimo, aut alio die securo, secundum speciem morbi, manuducebamus humorem decocto communi cordiali purganti, mixto cum syrupo borraginis. Putabant infirmus, & assistentes quotidianum esse syrupum, & ad vesperam dejectionibus
le-

levatus, salutari fallaciæ gratias agebat, & extollebat auxilium.

Alia differentia potest considerari in hunc modum, quando diversitas adest humorum, quidam efficientes febrem, qui tardè coquantur; alii verò pravi, qui solent misceri cum semicoctis, in malaquæ terribilia agrotum deducunt. Equidem humores illi ex sua naturâ coctiles sunt (illi scilicet, qui causant febrem) tamen quia cum coctio sit lentè & tardè, periculum est, ne alii praviore misceantur, ad majora damna cavenda; consonum erit, non spectare ulteriorem conctionem. Ad istas quatuor differentias, possunt aliæ (si quæ sunt) reduci.

Tamen dubium est, quid sentiendum de serosis, & tenuibus, nam Galenus statim in principio illos præcipit expurgare, lib. *quos, & quando*. Ex quo loco maximum colligimus, argumentum ad fundandam minorativam purgationem, crudâ existente materiâ, nam si humores peccantes sunt tenues, & serosi, cur non erunt evacuandi? qui punctus ut exactiùs consideretur, aliqua præmittenda sunt.

CAP. XVI.

Quas coctiones consideravit Hippoc. in humoribus?

Comprimo sermonem ad quasdam alterationes, quibus nostra temperies ab animâ gubernata, emendat, & corrigit humores discordes, & præternaturales, aut perficit alimenta in ordine ad nutritionem. Has duas coctionis differentias, primus docuit Hippocrat. nam lib. de natura pueri dicebat: *Fructus coqui adjutos à calore Solaris.* Quibus verbis illam perfectissimam coctionem, quæ maturatio dicitur, insinuat. Aliam subjunxit minùs perfectam, dicens 1. epidem: *Coctiones excrementorum semper esse bonas,* à quo Arist. mutuatus, 4. meteor. dicebat: *Coctio alia formam respicit, alia formam quandam, qualis in urina apparet, & in pure.*

Ubi notandum, victoriam hanc naturæ, quam in excrementis manifestat, nil esse aliud, quàm omnium qualitatum pravarum, quoad fieri potest, amotionem, aut reductionem ad similitudinem qualitatum residentium in solidis membris; quo fit, ut hæc coctio semper ea, quæ coquantur, dul-

co

Coret, & demulceat; ita Hippoc. lib. de locis in homine, quasi diceret: omnem alienam abigit qualitatem, & quoad licet, reddit propinquius naturæ, omne siquidem quod nutritorium est, sub ratione dulcis altere debet, ut dixerat Arist. quod meminimus, me declarasse, non quod necessarium sit dulce, sed nomine dulcis intelligendum nostræ naturæ familiare, & carens inimicâ qualitate, & incoctili, quod etiam docuerat Hippocrates, lib. 4. de morb. dicens: *Alimentum hominis debere esse leve, quasi diceret, suave, familiare, subicibile, mitigabile, quod aliis verbis explicuit 3. acutor. Malitiam coctorum tollit.*

Quam doctrinam nunquam Gal. deseruit, siquidem 2. acut. text. 44. inquit: *Cruda bilis flava admodum est, & acris, & male olens, &c.* Unde acrimoniam coqui dicere consuevit, ut lib. 1. prorret. com. 1. quod à divino Hippoc. desumpsit, lib. de veteri medicina, sic mirabiliter dicente: *Quanto autem tempore bilis elevata fuerit, & cruda, & meraca, ac in temperata, nullâ arte, neque dolores, neque febres sedare possis, &c.*

Jam vides ex Hipp. coctionem illam perfectissimam, quæ maturatio fructuum est, cui correspondet perfectio alimenti optimi, quam acquirit perfectâ assimilatione ad

nostra membra alenda. Et secundò, aliam alterationem, quæ coctio etiam nominatur, qua humores domantur, & deliniuntur, ablatis extremis qualitatibus, ad quemdam teporem, & remissionem deducti. Sed non ad ultimam illam, & perfectam maturacionem, ob incapacitatem passi, sed ad quandam mensuram, ut possint subijci facultati expultrici.

Hac doctrinâ Hippocraticâ suppositâ, dubitari potest in scholis, & consultationibus curativis.

CAP. XVII.

An humores serosi, & tenues, ex propria conditione sint apti in principiis morborum ad purgationem, nullâ spectatâ coctione, an verò impediant?

PUtant aliqui, serosos humores esse incoctiles ex propria naturâ, quia aquei, nam ut aqua non est coctilis, quia non est mixtum, sed corpus quoddam simplex carens oppositis patibilibus, quæ sunt materia coctionis; eâdem ratione & serosi humores, quia aquei. Colligunt autem ex Aristotele 4. meteor.

A posteriori etiam, quia quæ coctione subeunt, crassiora evadunt, & aqua tota in vaporem vertitur vi caloris.

3. Confirmant ex Galen. lib. quos, & quando, cap. 7. cuius verba: *At hæc omnia etiam tempus monstrabunt, siquidem inter initia morbi, tenues, & aquosos humores evacuabis: ubi tenaces, & crassi fuerint, quales suapte naturæ sunt pituita, & nigra bilis, concoctionem spectabis* Hæc Galen. Cui subscribit Aetius lib. 3. capit. 23. Si ergo initio purgandi sunt tales humores, indicium est, ex propria natura incoctiles putasse etiam Gal. qui semper cum Hippoc. clamat, expectandam coctionem.

Sed locus elegans Gal. id stabilire videtur lib. 2. de facult. nat. cap. 9. cui tit. de generatione, & corruptione succorum, circa finem, ait: *Verum seri genera omnia, quæ in succis habentur, sunt excrementa: purumque ab his esse postulat animalis corpus; reliqua vero, quæ prædicta sunt, usum aliquem naturæ conferunt, & quod crassum est, & quod tenue.* Certè latis aperte docet, omne serum quocumque tempore esse objectum facultatis expellentis, cum humanum corpus, ut sanum sit, ab illo esse liberum expositum. Quod non diceret Gal. si aliquam coctionem ferre posset, expectaret quidem, ut in aliis humoribus.

Alii Authores putant, serofos statim vacuandos, non quia incoctiles sint ex propria naturâ, sed quia tenues, & facillè trahibiles à medicamento expurganti. Hujus sententiæ fuit Rhafius, qui fuso sermone reprehenditur ab Avic. fen. 1. 4. Quamvis à Manardo omnibus suis nervis defendatur. lib. 12. epist. 1. argumentis Avic. respondente; sed hic author non vidit doctrinam suprâcitatam Hipp. lib. de vet. medic. Quam Aristot. distinctiùs explicuit. 4. meth. Ergò serum omne coctile est illâ secundâ coctione, (ab Hippoc. traditâ) domari siquidem, & mitigari potest à natura, ut alii humores alieni à sanguine, utraque bilis, prava pituita, &c. Tamē coctionem illam perfectissimam, quam fructus assequitur, adhuc alimentum subire non potest.

Igitur serum falsum, aut acre, calidum, aut putrescens, corrigi potest, & temperari, dulcedinem, aut suavitatem aliquam accipere ab arte, & à naturâ: ab arte quidem per contrariorum adhibitionem; à natura, quia ejus temperatura, calida, & humida animalium propria, semper demulcet, quæ salia, arida, & acerrima sunt.

Contraria facillè dilues. Ad primum dicendum serum non esse aquam, sed mixtum quoddam aqueum; potestque coctionem illam im-

imperfectam subire; & ob id dixerat Arist.
4. meteo. omnis humor præter aquam igne
crassescit, & cocturam admittit.

Ad secundum jam patet, quid dicas; nam
serum non est aqua, ut dictum est, & conse-
quenter non totum vaporabile, sed ut mix-
tum aqueum (sicut alii humores) corrigibi-
le, & emendabile.

Ad tertium ex Gal. dic, non indè colligi
ex illa authoritate, serosos esse incoctiles, *Ad lo-
sed purgandos, docuit citius, factâ compa- cū lib.
ratione ad crassos; tūm propter suam fluxi- quos, et
bilitatem, & maiorem obedientiam; tūm quādo.*
etiam, quia sæpius contingit tenues purgari
in principio, & foelicius purgari, quam cras-
sos: Itaque noluit Galen. legem statuere, qua
semper serosi succi in principio purgaren-
tur, sed tantum insinuavit, illorum pur-
gationem facilem esse respectu crasso-
rum. Præterea tenuium, & aquosorum
promptitudinem ad irruendum in partes
principes, reformidans Gal. consultum es-
se, existimavit, illos sæpius ante coctionem
vacuandos, crassos autem raro: quasi dice-
ret, in acutis morbis à tenuibus, & serosis
pendentibus, ab initio solemus expurgare:
in longis verò, qui à crassis, & viscidis, oriun-
tur, coctionem spectamus. Ita certè vide-
tur interpretari, *Aberroes 7. sol. cap.*
7.

At ubi spes est, tales succos tenues fore superandos (ut sapius in tertiana fit) coctio illis debita spectanda est: ergò hoc sit manifestum, serofos humores, non esse ex propria natu à incoctiles, sed ex accidenti, aut ob multitudinem, aut quia in tali loco existant, ut non possint debitum beneficium nature susceperare, ut in Ascite contingit, aut ob pravam qualitatem illis adjunctam. Atque adeò quantum attinet ad expurgationem minorativam, idem de serofis, ac de aliis dicendum, non esse spectandam coctionem illam secundam ab Hippoc. dictam, si urgeat aliquod periculum majus; quod medici prudentia metiri debet: Quis (interrogo) tempus conerit in rectificandâ aquâ hydropicorum? Quis spectat coctionem? nullus.

Sed poterunt tales humores, ut supra diximus, aliquo modo demulceri, & subagi, aut vias aperire, per quas debet fluere, nisi aliud urgeat.

Ad locum Galen. de facultat. nat. dico, nil asserre contra dictâ; est quidem omne serum excrementum, in quo convenit cum omnibus humoribus putridis alienis à sanguine; sed differt, quia facilius vacuatur, & frequentius in morbi principio ob rationes jam dictas.

CAP. XVIII.

Ea, quæ in habitu corporis, sive in tertia regione continentur, an, & quomodo impediant vacuationes?

Dices, nullam esse in re positam difficultatem, nam indicatione sumptam à situ, sicut contenta in ventriculo vomitum petunt, in intestinis, & cavâ hepatis dejectiones, in venis, & gibba hepatis vacuationem per urinas, aut venæ sectionem: ita quæ in carnoso ambitu extra venas continetur, per cutem extrahi desiderant, & ita nullum prestant impedimentum. Imò è contra sanguinis missio, & expurgatio impediēt talium humorum exitum per retrocessum ad interna; & in magna pericula devenire poterit æger.

Undè Galen. 4. de sanit. tuend. cap. 6. *Cave-
veri oportet, ubi in solidis partibus mordaci-
cia excrementa redundant, revulsum ad inte-
riora.* Quam sententiam Avicenna sequutus in cap. de phlebotomia iussit, post perfectam variolarum apparitionem abstinendum esse à venæ sectione. Sed quid sentiendum, & quid agendum sit in hac dispositione, paucis aperiam.

Humores contenti in variolis, morbilis,

tuberculis, pustulis, crisipelate, maculis malignis, & aliis quibuscumque hujus census existentes in genere carnosio, id est, extra venas capillares, per cutem evacuari desiderant, atque hæc istis est regio deputata à natura.

Atque si complicitur cum lassitudine mere ulcerosâ, quæ affectio est etiam tertiæ regionis (nullo modo læsâ secundâ) eandem etiam viam vacationis desiderant, ut quid (dicas mihi) violentia naturæ inferenda, revocatis humoribus ad venulas, & inde ad majores, adque mutato situ, de ignobili membro ad nobile?

Tamen multoties solent ista exanthemata, cum lassitudine phlegmonosa, tensiva, aut cum signis virtutis intus oppressæ complicari; quo casu venas vacuare, sine dubio oportet. Primò, quia ad id, quod magis urget, intendendum. Secundò, quia putandum est, ex venis sic repletis, foveri etiam, quæ in tertia regione molestant, atque fieri posse (ut reverâ contingit, ut neque gravata internæ partes propellant, neque externæ peculiaria excrementa derurbent; itaque in tali complicatione tertia regio oppressa, non repugnat, imò postulat venæ sectionem.

Sed maximè notandum, exire aliquando variolas, aut morbillos, ita placidè (cum

febre, aut sine illa) ut error sit veniam secare. Commoda regio est: nullum accidens urget, neque ex pulsu, aut alio signo potest intelligi latitans malum; quorsum sine ulla indicatione audet medicus turbare crism? Quæ judicantur, sincere oportet, & in hoc casu intelligendus est Avicen. quando dixit, non esse vacuandum, apparentibus variolis: atque existimans, quarto die incipere eruptionem, dicebat, post quartum non esse phlebotomandum: tamen hac nostrâ consideratione temperandus tantus author, aliter falsum diceret.

Sed dubitas, an sicut prædicta intelliguntur de sanguinis missione, ita etiam mutatis mutandis, possit intelligi de purgatione? Petis omnia, quæ supra dicta sunt de supernatantia: sed ut omnem errandi occasionem tollamus, dico breviter, quibusdam propositionibus rem coarctans.

Sanguis missus est in principio ratione indicantium, & jam impetu incipit natura pellere ad cutim; sine, obsecro, parumper, ut facimus in aliis vacationibus; ne mittas sanguinem, nec expurges, quia quando natura est in illo primo impetu, ad aliquam regionem, cum maximo periculo illam interturbas, aut debilitas, habet sufficientes vires ad maculandam cutem, & tu illas debilitas, ne

*I. Præpos.
Potissimam rationem, ob quam moriuntur plures ex febre putrefacta, assurgatur*

possit perficere vacuationem, & maneat intus venenum; & hæc est potissima inter alias ratio, quare plures moriuntur ex febriculis punctulari, quia nunquam cessas à sanguinis extractione, adhuc in ipso impetu exituum macularum, quia putas, esse vacuationem simpliciter symptomaticam, & totum te convertis ad internas partes inaniendas.

Cum vides anxietates in ista excretionem, putas, juvari naturam flebotomiâ, & moves venenum ad cor, quod à natura movebatur ad cutem.

3. *Prop.* Ergo si in altera visitatione (oportet frequentissimè visitare infirmum, ut faciebat Galen.) inveneris unam, aut alteram tantummodo maculam, & ægrum conflictari, neque frictionibus, aut cucurbitulis levare, benè vides, non posse comprimere venas ad expellendum, debesque vacuare, & statim fricare: ergo illæ maculæ, aut variolæ raræ, & parvulæ, & cum afflictione patientis, non impediunt, sed postulant vacuationem per venas, quia adhuc vires gravantur: at si non gravantur, interius quid faciendum?

4. *Prop.* Dico in senibus, & debilibus, non judicandam esse istam vacuationem cutaneam, per apertionem venarum, sed per cutis scarificationem; est in senibus cutis dura, sicut & compacta propter ætatem; convenietque scarificatio cutanea, maximè

certè timenda ægritudo punctularis, in cute clausa: aperienda ergò. Atque in debili virtute expultrice, levandus æger per attractionem ab arte. Parum pellunt internæ partes, atrahant externæ, ut impleatur dictum Hipp. secant homines lignum serrâ, alter trndit, alter trahit; sic non patientur insigniter vires, & venenata materia evertitur.

Duo mala facis, vacuando ex venis, quando debes vacuare ex carnosis, debilitas cor, & confluunt ad illud humores maligni, quia inanitæ partes necessariò recipiunt, mille rationibus Philosophicis, quas nunc fugio.

Memini, me cum Genile quæstionem excitasse, an in prædictis casibus venâ sectâ moveantur humores ad intima, an ad externa? fortiter affirmantibus aliquibus, circa scissuram concurrere, non ad viscera, & ita ad carnosum genus trahi. Sed in hoc est maxima fallacia, nam deposita omni plenitudine ad vires (ut supponimus) manent partes internæ destitutæ: & certo certius putandum, dividi humores quosdam motos ad scisuram venæ, & alios ad supplendum vacuum internum, atque cum isti pravâ sint qualitate affecti, quis dubitat, cor incidere in urgentiora

pericula? Itaque concedo Gentili moveri aliquos ad venam scissam, sed affirmo reliquos replere vacuitates internas, & hinc pericula, & mortes in casu prædicto.

6 Sed de purgatione, diversa, & clarissima ratio illucescit. Incipiunt apparere maculæ, & cum satisfeceris sanguinis missione, medicamentum expurgans exhibuisti; magnum errorem commisisti, quia licet sanguinis missio erat rationibus dictis interdicta, habebat tamen illud fallax asylum, quod movebat humores ad scissuram venæ. Tamen expurgatio facta à medicamento, nullam habet excusationem: omnino est contra artem, & contra naturam; quia adest motus ad circumferentiam, tu moves ad centrum; quando elongantur humores à corde, & visceribus, tu laboras, ut appropinquent vitæ principis.

Undè, transacto die quarto, quotidie manè, & vespere inspicienda est cutis, ut si unam solam maculam vides novam, nequam cogites de purgatione, quia solum illud signum ex parvula maculâ (si simul cum aliis) impedimentum sufficiens est ad expurgationem, quia indicat incipit motum ad cutem.

Ex dictis satis aperta manent verba il-

illa Gal. 4. de sanit. tuend, cap. 6. *Caveri oportet, ubi in solidis partibus mordacia redundant excrementa revulsum ad interiora.*

Sed dubitas, si initium eruptionis variorum, morbillorum, aut aliorum similium, complicatur cum recenti, & insigni onere primæ regionis, à nive, & variis alimen-
Dub. valde notandum.

Satis jam est de simili puncto dictum supra, & nunc dubitas, quasi non haberes medicamenta taliter primæ regioni dicata, quæ neutiquam turbant secundam, nec revulsionem illam, quam timet Galenus, concitare valeant: quando fortia clysteria non sufficiunt, non quidem si expurgatur prima regio ita onerata, revelluntur humores venarum, & partium carnosarum, sed melius natura insurgit, & melius comprimit venas versus cutaneam regionem; nam talis potest esse frigiditas primæ regionis, ut cor, & viscera comprimant, & ad syncopem deducant: quò ergò pacto, vitales facultates poterunt aliam sarcinam venarum superare, si coarctantur à prima.

CAP. XVIII.

*De morbis, qui impediunt magna
auxilia.*

SI de causis humoralibus impredientibus, aut mensurantibus vacuationes, aliquid restat, suspicor, reduci posse ad ea, quæ dicta sunt. Nunc ad morbos deveniendum, qua in parte. licet non omnes percurremus in speciali, tamen ex his poteris eandem methodum in aliis ita exercere.

Morbi, qui vacuationem valent impedire, aliàs ab alio affectu indicatam, aut sunt in intemperie, aut in compositione, aut soluta unitate: ac morbos in intemperie alios partis, aut totius statuere oportet, quare similem considerationem in his habere possumus, ac in naturalibus intemperantiis in principio hujus lucubrationis propositis.

In frigidis, & humidis intemperiebus venæ sectionem reformidamus; primò quidem cordis; secundò, cerebri; tertio, hepatis; quartò, ventris.

In calidis, ac siccis morbis purgationem magis timemus, ac præcipuè quidem venæ

ventriculi: Secundò, hæpatis; tertio, cordis; quartò, cerebri, & renum, ob primum, aut ultimum medicamenti occursum, ut supra tactum est.

DUBIUM.

De naturalibus, & morbosis partium intemperantiis.

SEd meritiò dubitas, quando est magis timenda vacuatio in naturalibus partium intemperantiis, an in morbosis. Venter Petri est calidissimus à principiis generationis (aut jecur) & Joannis est calidissimus ex vi morbi, in quo est magis timenda vacuatio? aut in eodem subiecto etiam tenet dubium.

Dico, distictionem esse necessariam, quia diversa potest esse ratio, nam si morbosam calidam intemperies augetur propter purgationem, v.g. clarum est citius tendere ægrum in mortem, ex vi morbi, quàm si illa intemperies fuisset nativa, quia hæc tardiùs adducit periculum, nam discrasie ætati-ve non ita celeriter intenduntur, ac morbosæ.

At è contra, si consideres difficultatem maximam, quam ars invenit in attempe-

randâ distemperie, & facilitatem in attemperando excessu morboſo, apertum eſt, eſſe magis timendam intenſionem naturalis intemperaturæ. Patet hæc philoſophandi ratio, adverſus ſenſibiliter morboſam intemperiem, magis adjuvantia habemus principia vitalia, quàm adverſus intemperaturas congenitas ab ortu generationis, quia iſtæ plus participant rationem habitûs difficilè mobilis.

CAP. XIX.

De frigida, & humida univerſi corporis intemperie, ubi iterum de Hydropæ.

IN ſuperioribus agentes de humoribus alienis à ſanguine, decrevimus ex mente antiquitatis, quid ſentiendum ſit de frigidis, & humidis hydropicorum humoribus: nunc reddit eadem conſideratio, quatenûs morbus frigidus, & humidus univerſalis omnibus corporis partibus communis, frigida ſiquidem, & humida intemperies, fere hydopes omnes comitatur, & ſolet præcedere. Relinquo ſiccâ Tympanitîm. Cùm igitur febris putrida complicatur, quæ miſſionem ſanguinis expoſcat, ſatis eſt aper-

apertum, quantum obest, & impediatur prædictus morbus, quamvis ratione causæ suffocantis calorem aliquando liceat venam pertundere. Tamen semper cum metu, & moderatione, licet putrida febris copiosam evacuationem exposcat. Concurrunt enim in hac intemperie duo maxima impedimenta, quæ aut tollunt, aut parcissimè mesurant vacuationem, virium, scilicet, imbecillitas, quæ necessariò cum tali intemperie conjungitur, & secundò copia humorum crudorum distantium magno intervallo à sanguinis naturâ, ut supra diffusè diximus. Igitur frigida, & humida intemperies, quæ cachexiam inducit, id est, malum corporis habitum declinantem ad frigidum, & humidum, & tandem hydropticum, venæ sectionem prohibet, quantum est de se.

Undè in superioribus satis explicatum manet, non esse mittendum sanguinem, ratione hydropis, nisi fortè sequatur ad aliquam sanguinis retentionem (qui solebat vacuari) quâ calor suffocetur, & frigescat: diximusque, talem sanguinis vacuationem felicitiùs fieri in principio, antequam ex toto habitualis factus sit morbus, & in hoc casu admittimus doctrinam Celsi, lib. 3. cap. 22. & Paul. lib. 3. cap. 47. Quam limitatio-

nem Actius etiam sequutus est, sed Avic. cap. 14. 3. tract. 4. cap. 12. de curat. cachexiæ, aiebat: *Et devitent phlebotomiam, quantum possibile est, & si fuerit necessaria propter repletionem sanguinis, aut desuper eam cum timore, & partitè in diebus tribus, aut quatuor, & cum plus est necessaria phlebotomia, & quando causa est ex retentione sanguinis hæmorrhoidalis, aut menstruorum, &c.* Quod ex Gal. mutuavit de venæ sectione contra Erasist. cap. 6. ex Hippoc. mente, 2. epid. sed videndus Galenus, lib. de tremore, rigore, & palpitatione, c. 5. Hæc volui addere ad Caput de serosâ supernatantiâ.

Aliquis ad hoc Caput reducet apoplexiam, paralyfim, tremorem, convulsionem, stuporem, cum Galen. lib. adversus Erasistrat. cap. 6. & lib. de diffe. morb. cap. 5. Videntur tamen ad morbos in compositione posse reduci, quare ad morbos in intemperie redeat ratio.

Secca in intemperantia. Frigidi igitur affectus sanguinem detrahendum impediunt, quia sanguine exhausto ingravescent, ut à removente prohibens; sanguis enim, & spiritus calefaciunt membra, & illis evacuatis, frigescunt. Eâdem ratione siccæ intemperaturæ impediunt talem vacuationem, ut hæctica, & marasmus

cor-

torridus, & alius, qui senium ex morbo à Galen. consuevit nominari, lib. de marcore, & sanguinis missionem, & purgationem impediunt, nam siccitas augetur, & vires jam debiles, debiliores fiunt.

CAP. XX.

De refrigeriis.

Quia ista complicatio multoties contingit, clariatis gratiâ, per quasdam propositiones procedam.

Omnis refrigeratio, absolutè loquendo, impedit venæ sectionem, quia hæc magis refrigerat, & morbum frigidum auget (ut dictum est) ablato calefaciente.

Tamen, in particulari loquendo, talia possunt complicari, ut non impediant venæ sectionem. Hæc propositio constat ex loco, & modo refrigerationis, & ex his, quæ sequuntur, nam si sola cutis refrigeretur, & per clausos poros non possit exire debita copia excrementorum, clarum est, incendi febrem, cui pro naturâ illius succurrendum venæ sectione (quamvis præmissâ frictione) quia quod urget est incendium internum & refrigeratio potius fuit causa caloris, detento effluvio consueto, atque adeò non impedit, sed ex accidenti indicat vacuandum; quia;

*Frige-
ratio
absolu-
tè.*

*Frige-
ratio cu-
tanea.*

quia indicat urgentius malum internum.

Tamen si perfrigeratio, non solum cutanea est, sed penetrans ad interna, & humores gelans, visceraque refrigerans, talis dispositio omnino impedit venæ sectionem per contrariam rationem duplicem. Primò, quia intemperies frigida augetur. Secundò, quia densati humores fluere non possunt ad sectam venam, quamvis aut multi, aut putridi sint: quem statum, ex pulsus coarctatione, ex relatione causæ præcedentis, & ex doloribus internarum partium, ventriculi, lumborum, & c. cum sensu frigiditatis conjunctis dignoscet.

Sed interrogas, quam ob causam frigus ante accessionem impedit venæ sectionem? Aliqui enim, aut ignorantes, aut audaces falso aliquo fundamento innixi, non dubitant in ipso principio accessionis sanguinem detrahete, & vitam cum morte commutare.

Dico, multiplici de causa tale frigus impedire sanguinis missionem, & expurgationem. Primò, quia laborat maximè æger in illa humorum commotione: sufficit, quod dicit malitia sua. Secundò, quia fugiens calidum influens ad interna, majoris boni gratiâ, ut expellat, scilicet, per loca destinata, apertâ venâ, cogitur exire violenter. Tertio,

tiò, quia illo tempore refrigerationis separatur natura bonos à malis humoribus ; malos , ut pellat longè à corde; bonos , ut amplectatur : pellit autem secundùm communem Gal. opinionem , jam receptum à vasis extra venas ; in isto verò motu sanguinem detrahère , certum est, exire optimum à venis , si quidem deturbat malos ad carnes. Quartò si ad pancreas pelluntur, ut Fernellius (in aliquibus) rectè putavit , benè vides, tunc sanguinem mittere per venas esse omninò lethale, expellente natura per vomitum, aut ventrem pravum humorem, & tentante malo artifice per venas deputatum, & syncerum sanguinem effundere. Atque, quamvis gratis concedamus , etiam exire tunc pravum sanguinem, impossibile tamè est, duos tam inordinatos motus tolerare naturam, ex quo contingere solet, ut in aliquam partem principem portio aliqua decumbat inæqualiter mota, aut virtus omninò fatiscat.

Purgationi obstant calidæ, & siccæ intemperaturæ. Primo, quia purgantia medicamenta ferè omnia calida , & sicca sunt. Secundò, quia ipsa vacuatio exsiccat.

Quandò ergò talis est intemperantia, ut integram purgationem impediat, confectari oportet, & comparisonem facere inter

De intē ter urgentiam affectūs, & damnum, quòd po-
 perātis test efficere remedium adhibitum, atque
 calidis, quando affectus urgentissimus est, noxa verò
 & mediavacuationis magna quidem, sed quæ mor-
 cam.ex-tem non afferat, læsio potius quàm mors, est
 purg. eligenda, ut aliquando dixit Galen. atque in
 Cōpara hac parte prudentia medici maximoperè ne-
 vario necessariā est; quæ recto iudicio, rectaque læ-
 xæreme ce conferre possit noxam unius cum pericu-
 dii cum lo alterius; quod certè literis nequit man-
 periculo dari, omniumque eorum, quæ sunt in arte,
 morbi, cenſeo difficillimum. Quod intelligens divi-
 literis nus ille Hipp. initio, lib. de diebus decreto-
 nequit, riis, dicebat: *Magnam artis partem esse de*
mādari his, quæ rectè scripta sunt, posse considerationem
 & profacere, ac iudicare, &c. Hoc verò indicium, si-
 inde om nelongā experiētiā, & observatione, & sine
 nium, magnā consideratione fieri non potest.
 quæ sūt Igitur conjecturā usus exactā, si intelle-
 in arte xeris affectum vacuatione non integrā, lon-
 medica go temporis spatio abolendum, existimo,
 est diffimeliùs esse morbi longitudinem eligere,
 ciliū so- quam ob ejus citam ablationem, in diffi-
 latq; me ciliorem noxam incidere, aut partis, aut to-
 dici pru tius.

dentia Interim aliis auxiliis naturam levare op-
 hoc asse portet, ut addamus, quod deficit evacuatio-
 quendū ni, quam non potuisti facere integram ob
 est. contraria indicantia, v. g. si sanguinem mit-
 tis

tis parcissimè ob frigidum cor, jecur, aut ventriculum, membra ista ante, & post vacuationem, mille quidem modis calefacere, & roborare sollicita. Quorum magnam copiam apud praticos invenies, & idem, quod dico de partibus, intellige de toto.

De putrida febre cum hectica, aut marcore complicatâ, magna exorta controversia est; nam cum habitualis siccitas sanguine indigeat, & virtus essentialiter debilis sit, in magnam dubitationem veniunt medicorum consilia.

Breviter tamen dicam, quid sentiam juxta leges artis, si primò auferam novum quendam errorem, circa febres hecticas.

Ex rore putrescente febrem quandam constituunt aliqui, & non dubitant de mittendo sanguine, quia dicunt, esse putridam, & nullo alio auxilio aboleri. Sed falluntur omninò, nam si talis febris datur, extra venas causam habet, quia, & ros jam est alimentum solidorum membrorum, & admisit formam sanguinis, extractumque fuit à venis capillaribus, vi facultatis attractricis, atque si difficile est humorem contentum in parte inflammata ducere per venam majorem; tamen impossibile videtur, quod ros rursus ingrediatur per capillares, &

An in febre putrida cum hectica complicata evacuetur relicta per venam sectionem.

indè ad majores, & ad orificium venæ: certè, nullus erit tam sine mente, ut in tali febre, ratione hujusmodi roris, putet, mittendum esse sanguinem, nisi fortè conjungatur alia causa, quæ præstet indicationem; sed potius frictionibus, aut cucurbitulis, talem putrescentem rorem esset vacuandum, aut balneo.

At in præsentì consideratione agimus solum de intemperie calidà, & siccâ, quæ obstat evacuationi, & inter tales intemperies, hæctica primum locum obtinet, quæ habet tres partes, aut tempora (species vocant communiter.) Ego sequor antiquitatem, & constituo primam in calore habituali præter naturam cordis cum consumptione roridæ substantiæ, ex qua colligimus, viventem partem ita esse habitualiter intemperatam, ut advenientem sanguinem, quem debebat convertere in roridam substantiam, potius exsiccet, & exhalet à substantia cordis. Secundam constituo in eodem calore cum altero gradu siccitatis ad consumptionem cambii. Tertiam ad consumptionem ultimæ humiditatis, quæ dicitur gluten. Has siccitates docuit Gal. & ex ejus mente Avicenna.

Si ergò complicatur putrida cum prima specie hæctica, quia tunc solent adesse vi-

res, potest mitti sanguis, parcissimè tamen, & per intervalla, præsertim si putrida ejus generis sit, quæ poscat tale remedium.

Sed advertendum, quod ista febris aliquando solet aggredi à principio, id est, nullà aliâ febre præcedente, quo casu in complicatione putridæ, magis potest medicus præbere fidem vacuationi, quia non est ita debilis virtus, sicut in hæctica, quæ succedit alijs febribus, in quarum evacuatione, & propter vacuationes, & alia auxilia, debilitatè admodum sunt vires: itaque licèt valdè timendum sit sanguinem mittere in putrida cum hæctica, multo magis, si aliq̃ febres præcesserint.

Sed nullum antiquum Authorem legi, qui mentionem fecerit sanguinis missionis in complicatione putridæ cum hæctica: cum tamen aliqui purgationis meminerint. Tamen non dubito, quin aliquando contingat sanguinem putrescere, tali modo, ut parcissimam vacuationem exposcat; hoc autem rarò evenit. Sed quare rarò? quia debilitatâ naturâ, cui advenit calida, & habitualis intemperies, potius generat cacochymiam, & humores purgationem petentes.

At in secunda, & tertia specie majorem vim habet ista contemplatio, quia vires debiliores, & major inanitio, quæ repositio-

nem exposcat, non ablationem: & cum hæc
 cam curare non possis, nisi prius putridam
 auferas, hoc respicere oportet, non oblitâ
 hæticâ, nam putrida celerius interimit hæti-
 cum, hætica tardiùs. Atque ob id duplici
 de causa, primo loco putridam inspicimus,
 & quia est conditio, siue qua non, & quia
 urgentius indicat, ob celeritatem mortis.

Quamobrem vitam protrahere curabi-
 mus, & putridam, si non per venæ sectio-
 nem, saltem per leves purgatiunculas aufer-
 re (nisi aliqua coliquatio adsit) ac statim
 per temperatissima balnea, & humectantia
 alimenta cum aliqua abstersione, ut sunt
 pitifana, jura, ex hordeo, lactuca, cucurbita,
 ac cichoreo confecta.

Semper animadvertendo, quod si putrida
 ex tenuioribus, & calidioribus succis fuerit
 orta, eò magis in hæticæ curatione persistere
 debemus, quia hoc pacto etiam causam fe-
 bris attemperamus, & deturbamus; at verò
 si crassior, & pituitosior causa febris fuerit,
 eò parcius partes hæticæ agenda. Sed jam

Purga- tio in hæc transeunt ad aliam tractationem: infra- calida, nuasse sufficit. Calida, & sicca intemperies, & sic- line affluxu humoris, etiam quantum est de- ca in- se, impedit purgationem cathartica, & per- tempe- medicamenta calida. Quare cum complica- res. rur affectus, qui talem petat vacationem,
 Al-

Alfarabii consilium admittimus, qui cap. de curatione hecticæ, quando bilis redundantiæ viget in venis, quæ putredini apta est, expurgare consulit, per medicamenta, quæ alimenta quodammodo sunt, quæ evacuent absque calefactione, & exsiccatione. *ut Lebleb, id est, succus* est, inquit, succus Lebleb, & moraba (id est, *succus lupulorum* conditum rosarum, & violarum) & in succo *rum.* Lebleb, sive succo lupulorum mirabolani infusi, in quo etiam dissolvantur, & colentur medula casia fistulæ, & manna, & viola, *Moraba id est, conditum* aut bibat julep. cum infusione mirabolani, *rosarum, & violarum,* & similia. Et postea addit: & quando laxaveris, & mundificaveris corpus, tunc accedas ad regionem, & curationem hecticæ, *aut ut alii dicunt, succus ro-* &c. Vide, quo pacto prius agit de causa febris *far. & viol. in* putridæ, postea de hecticæ, & quomodo utitur *lib. prac. c. 3. f. 148. p. 2.* blandis, & humectantibus medicamentis purgantibus, *ut supra.*

Similiter in evacuatione melancholicæ, & pituitæ faciendum, eligentes quæ minimum calorem, aut nullum inducant.

Frigida, & humida intemperies cum humore (ut supra tactum est) non solum non impedit, imò poscit purgationem; ita ut augenda sit eo casu purgantium quantitas: tum ob succorum redundantiam, tum quia hebetior sensus in his solet pigram efficere purgationem. Et secundò, quia humores non sunt

sunt ita faciles ad motum in his morbis, præsertim si frigus cum siccitate coniungitur. Si vero sola frigiditas sine humore existit, iam supra tactum est, quid facendum.

De humidis illud solum adnotare libuit, non admittenda esse humida medicamenta, ut casia fistula; præcipue, quando ex humiditate debilitas ventriculi, aut aliorum viscerum contracta est; sic colligitur ex Mesue illo peritissimo; nocet enim casia, quando ob nimiam humiditatem, facultas debilis est, siquidem laxat, & auget retentricis imbecillitatem. Tandem in morboſis intemperatūſis, similem facimus conjecturam, ac in naturalibus: quare ad morbos compositionis tranſeamus.

CAP. XV.

De morbis in compositione, qui vacuationes impediunt.

Oportet prius referre morbos in compositione, ut inductione quâdam veniamus in cognitionem eorum, qui obſtare poſſunt, aut impedit. ¶ Ex Gal lib. dif. morb. cap. 6. quadruplex eſt morbus in compositione, in formatione, numero, magnitudine, &

& situ. Ex his, morbi in formatione, & magnitudine videntur vacuationem impedire: & ob id formatio iterum dividenda est, nam alia est in figura, alia in meatuum cavitate; alia in superficie.

Rursus ex his soli morbi meatuum impedire videntur vacuationes, qui aut nimis patentes, aut nimis stricti redduntur. Est ergo multiplex affectus iste, nam quinque differentias invenit Gal. lib. de caus. morb. cap. 7. aut coalitu, aut angustia, aut compressione, aut confidentia, seu conniventia, densatione, & ultimò obstructione, inter quas affectiones sola obstructio vacuantibus prædictis repugnare videtur. Rursus cum obstructio à variis causis possit oriri, subdividenda venit; quæ enim à multitudine profiscitur, non impedit, sed, exposcit quàm citissimè vacuationem sanguinis: & hæc est illa celebratissima vacuatio in omnibus synochis, & in aliis febribus acutis.

At verò, si obstructio oriatur à lentis, crassis, & frigidis humoribus, non rarò impedimento esse solet ad venæ sectionem, imò quantum est ex parte prædictæ causæ obstare videtur. Qui punctus breviter, sed separato capite attingendus est.

CAP. XXII.

An obstructio, quæ pendet à crassis, & lentis humoribus, impediat sanguinis missionem?

A Liqui non timent in omni obstructione, cujuscumque sit naturæ, sanguinem mittere. Ego existimo, esse perniciosum errorem, humanæ salutis destructorem, & secundo esse contra rationem Philosophicam. Atque, ut in principio proposui, discurram per conclusiones, opiniones recentiorum vanas relinquens, antiquitati semper inhærens.

Inscriptio hujus difficultatis non indiget explicatione, nam si quæris, utrùm obstructio orta à solis crassis, aut lentis humoribus, requirat venæ sectionem, non loqueris de obstructione orta à multitudine, & copia massæ sanguinariæ, quæ venas opplet; quia de ista causa nullus dubitat, cum hæc ultimò inventa in febrium humoralium curatione, primo loco petat vacuationem, qua omnes intentiones complentur; & idem dico de aliis similibus obstructionibus. Dubium ergò est de sola obstructione, à glutinosis, lentis, aut crassis humoribus, qui ferè sem-

semper frigidi sunt. Quia in re pulchra, ali- *Iteram*
qua sunt adnotanda ad curationem, si prius *infi-*
ratiunculas recentiorum audiamus, qui pu- *nuant*
tant, omni obstructioni deberi sanguinis mis- *isti su-*
sionem. *am in-*

Quia obstructio habet aliquid fiens, & ali- *dica-*
quid factum: ergo saltim ratione fientis, id *tionē*
est, humoris illius, qui confluit ad illam, con- *sump-*
sonum videtur agere de mittendo sanguine. *tam à*
foco. 2.

Quia sanguinis missio facit fluere humo-
res omnes ad venam sectam: ergo successio-
ne quadam, etiam fluent humores illi crassi,
& viscidum facientes obstructionem, quia vitā-
di vacui gratiā etiam lapides ipsi moventur,
multoque magis humores obstruentes.

Et Galen. id docuit Method. lib. 8. cap. 4.
agens de hac obstructione à crassiss, & lentis
humoribus; his verbis: *Ergo ut transpiret,*
majori auxilio est opus, ac siquidem, vel puer,
vel senex sit, sanguinem detrahre non licet in-
ter has etates, ubi agro robur non deest, se-
canda vena est, etiam si plenitudinis signa non
adsint.

Ex ista sententia magnum conficiunt ar-
gumentum. Galen. loquebatur eo capite de
curatione ephemeræ ortæ ab obstructione.
Si in ephēmera, que levis febris est, & orta
à viscidis, & crassis succis, sanguis mitten-
dus, sine ulla plenitudinis præsentia: ergo

in intensioribus febribus, aut aliis morbis à simili ortis obstructione sine ulla plenitudine mitti debet sanguis, atque adeò morbus hic in compositione, non impedit, sed postulat talem vacuationem, ut aperiatur obstructio, ut fiat transpiratio, &c.

Nos consonè loquentes his, quæ de supernatantia supra diximus ex mente antiquitatis, idem prorsus nunc in obstructione à crassis, & lentis humoribus profite-
mur.

In primis quantum attinet ad mentem Galen. illud adeo affirmare, nullibi dixisse, obstructionem à crassis solummodo, & lentis profectam detractionem sanguinis exposcere, invenes, tamen hoc remedio uti, si multitudo sola, aut simul cum crassis, & lentis inveniatur, aliter nequaquam, imò expressè, 11. meth. cap. sæpius citato, ait: *Verum cum neque obstructio, nec putredo curari per sanguinis missionem possint, reponi aliquid sanguinis debet ad spatium curationis.*

Et per se, & propriè loquendo, ex doctrina ipsius patet, nam præcisè putrescentia, ut sic, coctionem, & correctionem petit, juxta illud artis medicæ: *Coctio est, quæ facit cessare putredinem*: obstructio, ut sic, solum petit apertionem; hæc autem sit at-

tenuantibus , incindentibus , & tandem
abstergentibus , quæ localiter moveant id,
quod incisum est , & separent à parte ob-
structâ ; at in isto opere nil habet sanguinis
missio: Ergo relinquitur , esse perniciosum,
& à methodo alienum , mittere sanguinem
in obstructione à solis humioribus crassis, &
lentis.

Prætereà utor eâdem tatione , quam ad-
duxi , agens de supernatantiâ serosâ , & pi-
tuitosâ hydropicorum. Per sanguinis missio-
nem extrahitur , quod calidius , & quod
facile ad exitum paratur, qualis est tenuis
sanguis ; hoc autem humore extracto, ne-
cessarium est, ut lenti , & frigidi inculcati
maneant frigidiores , & ad motum inepti-
ores. Hæc est ratio, quare Gal. in quarta-
na , & melancholia , ubi sanguis à vena
fluens , tenuis exierit , præcipit claudere
venam 1. ad Glauc. & 3. de locis , quia vi-
derat, extrahi calidum , & tenue,
quod non peccat, & remane-
re crassum, & lentum,
quod morbum
facit.



CAP. XXIII.

*Quando obstructio à crassis, & lentis
non impediat.*

Dixi id, quod est per se, dicam nunc quod ex accidenti: nam in artis operibus magnum locum habet hæc indicatio, quia contingit, ut non possimus devenire ad id, quod est per se, nisi prius aliud tollamus, & certè respectu finis intenti bene potest dici per se; sed quærimus res, neutquam nomina.

Primò illud tyronibus notum est, si talis obstructio jungatur cum plenitudine, ab istius ablatione esse incipiendum, quia impedit agere de obstructione ipsâ, si quidem magis occludit, & quantò magis obstructiorem tractemus, magis illam augere est necessum, multitudine non depositâ per confluxum humorum ad partem obstructam; cavendumque, nè humores magis impingamus, & ita præcautionis gratiâ, & curationis facilioris sanguis mittendus.

Sed alia est contemplatio ad eruditos pertinens, quam discant, & attentè audiant Tyrones.

Obstructio à frigidis, crassis, & lentis
hu-

humoribus alio modo ex accidenti potest indicare vacuationem, propter locum, quem occupat, qui oclusus humores regurgitare in venas compellit, atque adeò oportebit istos moderarà vacuatione per venam sectam detrudere. Secundò, quia ob oppilationem hepatis semper sanguificatio depravatur, talisque sanguis reliquum suo vitio commaculat. Tertiò, propter obstructionem lien non valet melancholicum succum alligere, & ex consequenti pervenas oberrans totam massam inquinat: & hoc existimo esse fundamentum Avic. in cap. de curation. oppilationis hepatis, & 15. lib. 3. cap. 3. de icteritia. Sunt quidem singulares textus, ait, lib. 3, fen. 1. 4. tract. 2. cap. 6. *Et quando antiquatur oppilatio, indiget flebotomia basilicae, & solutivo.* Rursus lien si obstruatur, non rectè trahit, & regurgitat melancholia (sicut si debilitatem potitur, similiter, aut non trahit, aut diminutè trahit) quod de vesica fellis docebat Avic. loco cit. de icteritia, sic ait: *Fit scias, quod quando pervenit oppilatio retinens choleram in hepate, in quocumque locorum sit hepatis, & fellis, oportet ut ex ea fiat hepar calidius, quàm est, & generetur cholera plus etiam quàm generatur tempore sanitatis: facta autem causa fellis, aut propter debilitatem ejus ab attrahendo ex*
he-

hepate, & præcipuè cum est cum debilitate hepatis à separatione, & expulsionem, aut propter vehementiam virtutis attrahentis, & implet ipsum vice una valdè, & non capit ipsam, propter ipsum, quod illam replevit, & extendit: deinde cadit virtus ejus. & non trahit, &c. Quibus verbis docet, quò obstructio solet esse causa abundantia humoris in reliquis partibus, exemplo vesicæ fellis, quæ multum repleta novum humorem non potest recipere, nec trahere; & consequenter regurgitat per totum corpus: ergo hoc modo indicat obstructio vacuationem, & efficacius quantò antiquior est, non quidem ut obstructio, sed quia est occasio, ut regurgitantes humores redundant in corpore. Dixi non ut obstructio, quia verà obstructio à crassis, & lentis humoribus, quò antiquior, eò magis repugnat sanguinis missioni, quia tenaciores sunt humores impacti, & difficilius removentur à partibus obstructis. Petit ergò evacuationem secundariò, & ex accidenti, quatenus est causa regurgitationis humoris ad venas.

Quod in foeminis non menstruatis quotidie conspiciamus, si antiquata est oppilatio, clarum est, unoquoque mense recurrere ad venas, aut in illis remanere superfluum, quod debuit expurgari: Multò ergò alacrius

crius vacuandæ diu oppilaræ, ex retentione
 menstruum, quàm illæ, quæ recentior
 pilatæ sunt, quamvis oppilatio sit à frigidis
 humoribus. Solet certè oppilatio causari à
 frigido lento, & quod regurgitat, esse ca-
 lidum sanguineum, aut biliosum, aut utrum-
 que: similiter si obstructio sit in brachio, aut
 crure, aut aliâ quâlibet parte, quæ non per-
 mittat, alimentum intrare ad alendum, cla-
 rum est, esse occasionem redundantie in re-
 liquo corpore, non sacus, ac mutilatis mem-
 bris dixit Gal. accidere sanguinis redundan-
 tiam. Undè colliges, quod obstructio à visci-
 di, & crassis non indicat vacuationem san-
 guinis (semper enim hæc resistit) sed redun-
 dantia, quæ regurgitat.

Quare quando Gal. Avic. & alii Authores
 in morbis ex obstructione sanguinem fun-
 dunt, ut in apoplexia, epilepsia, surdita-
 te, oculorum hebetudine, torpore, para-
 lyfi, convulsione, icteritia, lienis, aut hæ-
 patis obstructione, aut duritie, & etiam re-
 nûm, ut in lapide obstruente, id dumtaxat
 faciunt, aut quando obstructio ex mul-
 to sanguine, aut vitioso orta est, ut cum in
 corpore multus bonus, aut multus crassus
 redundat, nam aliàs extrema est perniciës.
 Quod intelligens mirus ille Galenus 3. de lo-
 cis affect. cap. ita dicebat: *At hæc distinctio*

non parvum habet in curatione momentum. Siquidem ubi universum corpus sanguinem melancholicum continet, curationem à vena sectione intipere oportet: ubi verò solum cerebrum infirmum, sanguinis detractio non eget, quantum attinet ad hanc dispositionem, &c. Quam doctrinam suxit Avicen. lib. 3. fen. 15. cap. de dolore splenis: Et non fiat (inquit) flebotomia, quamvis judicet eam communitas medicorum, nisi apud necessitatem, & pauca &c.

Quamobrem toto cælo aberrare illos, arbitror, qui in obstructionibus antiquis sanguinem mittunt ob eam solam rationem, ut humores inculcati ponantur in motu; sed hoc perniciosum inventum non exactè potest deleri, nisi singulis argumentis propositis respondeamus. Videbis, quomodo obstructio inveterata à crassis, & lentis humoribus sanguinis missione dimoveri nequeat, quantum agitur in natura ipsius obstructionis, ut sæpius dixi.



CAP. XXIV.

*Objectiones propositæ dissolvuntur, quibus
Recentiores probant, obstructionem
crassorum, & lentorum deleri
sanguinis missione.*

TRia nobis obijciunt. Ad primum dico, obstructionem fientem tolli vacuatione revulsoria, secundum speciem causæ, nam si à multo sanguine, vel à vitioso, quamvis non sit multus, conveniet illius detractio; si verò ab humoribus, ita alienis, quales sunt lenti, crassi, & pituitosi, quis dubitat, quin purgatio sit exequenda, ut supra latissime probatum est, agentes de supernatantia. Quod autem factum est, incisionem, attenuationem, & abstersionem postulat.

Secunda ratio est, quæ non solum in scholis, sed in consultationibus, ita communiter circumfertur, ut nil magis tritum. Hæc successio ad id, quod vacuatur, omnes torquet, omnes dico, vulgares. Explicare igitur oportet, an humores inculcati, & indurati in parte obstructâ, exeant successione ad id, quod vacuatur per venam sèctam. Tractio fit, vel à calore, aut à proprietate, aut similitudine substantiæ, aut successione ejus, quod

*Caput
maxi-
mi mo-
menti.*

Ad 2.

vacuatur, ut vitetur vacuum, quamvis tractionem à calore, aut dolore solemus reducere ad eam, quæ fit ratione vacui. Hanc divisionem colliges, ex Galen. 2. de dif. feb. & 1. de simpl. med. facul. & in lib. de facult. natur. tamen tertio de facult. nat. c. ult. statuit differentiam inter motum tractionis, qui fit ob similitudinem substantiæ, & eum, qui fit successione ad id, quod vacuatur, nam quod ob similitudinem trahit, nonnunquam (si fors tulit) trahit quod gravius est, si invenit sibi simile. At successione ad id, quod vacuatur, prius id trahitur, quod levius est; quod autem prius succedat propinquum, quam remotum, luce clarius existit; quod experimento etiam constat. nam fluxile præcedit durum, & tenue crassum.

Ergo ubi sanguis in corpore tenuis est, venâ quidem scissâ, tenuis effluet, quem sequetur alius tenuis citius, quam crassus, infarctusque, nisi tam terribilis sit tenuiorum, & fluxilium evacuatio, ut etiam impactâ suo modo dimoveat. Atque an utile sit ingentem boni, & inculpati succi copiam vacuare, ut tantillum impacti humoris extrahitur, tu videris.

Nam quod medicamentum vim tractionis, ob similitudinem, habens, vix potest educere, cum instar clavi in meatibus angustis hæreat, qua, obsecro, ratione persuaderi

deri potest, successione extrahendum, ubi alii humores in corpore adsunt libenter ob fluxilem substantiam statim currentes.

Nam, etsi Galen. (ut tacite respondeam dubitationi) 3. de facul. cap. ult. dicat successione ejus, quod vacuatur, etiam quod longius abest, trahi, & moveri, id certe dixit, quando per fistulam duram, ab aliquo sugente, trahenteque, ne detur vacuum, movetur, nam in alio casu, quod longius est, trahetur, & succedet, aut fistulæ latera coibunt, aut rumpentur. At in corpore humano, nec vis aliqua externa vim infert sanguini, aut violentiam, qua humores impacti, & distantes succedant, prius enim venarum latera coincident: quæ non ita duræ, & inflexiles sunt, coire certe necesse est, & inanità sibi met adherere, ut vacuum impleant.

Satius certe, atque in miserorum ægrotantium utilitatem foret, si hujuscemodi incalculos, terreos, lentosque humores, emollientibus, incindentibus, humectantibusque præfidiis ad motum habiles reddere curares, ut postea, aut medicamenti trahentis virtute, aut cucurbitulæ propius applicitæ violentiâ ab antiqua sede removeres: ut si quando venæ sectione uti voluisses, post hanc attenuationem, & præparationem tentares, ut sup. ex mente Hipp. & Gal. do-

V
cui,

cuimus, agentes de causis lentis, crassis, & frigidis. Hac enim præattenuatione, molli-tioneque, fortassè venę sectioni cederent attenuati humores. Quam sententiam philosophicâ ratione fulcitam, vel eo libentius amplector, quia alius ante me illam excogitavit, Matthæus de Gradi, insignis medicus lib. 3. cap. de vari cibus, & 9. ad Almans, cap. 10. Quare advertant studiosi, atque erga ægrorum miseras pietate ducti, ne temere in acutis morbis, quibus complicatur aliqua ex supradictis obstructionibus, copiosè, & integrè sanguinem mittant, asserentes se acuto morbo intendere: nam (vera lo-quor) milles in noxas inemendabiles ægros deductos ob hanc negligentiam conspexi.

Quis à pituita asthmaticis, epilepticis, obstructis pulmonibus, in schirrosis tumoribus, aut uteri oppilationibus, hepatis, aut lienis, &c. à crassis humoribus, deinceps sanguinem largiter mittat? aut sine metu?

Ex ista autoritate Galeni, magna controversia, & diversitas opinantium exorta est, & confusio ad curationem. Tamen si hujus tractationis, & doctrinæ Galenicæ principia constanter teneas, nunquam errabis. Diximus Avic. epilogum fecisse, & universam Galeni doctrinam brevissimis verbis com-

comprehendisse, quæ talia sunt, ut multoties sint referenda: *Et non est phlebotomandus, nisi unus duorum, aut ille, qui debet cadere in agritudines sanguinis, & cadet in eas, aut ille, qui jam cadit. Et unusquisque istorum non phlebotomatur, nisi ob multitudinem sanguinis, aut propter vitium sanguinis, aut propter utrumque.*

Dum igitur in ephamera ex obstructione non minima, sed magna reperiatur, & talis, ut aliis auxiliis non cedat, sed declinationem extendat, cum signis putrescentiæ humorum, rectè Galenus, quamvis non sint multitudinis signa, venam secat, quia incipit vitium sanguinis apparere, undè non curat per se obstructionem factam, sed præcavet futuram periculosiorem, & impedit fientem, & damnum, quod majus est, scilicet, febrem ex vitio, & putrescentia sanguinis: ortam quidem cum miscella fuliginum, & vaporum putridorum alterantium sanguinem, quin etiam ex miscella pravorum humorum redundantium: itaque jam in illa extensa declinatione ephemeræ adest principium putridæ sanguinæ, quamvis nulla sit plenitudo ad vasa: vitiosus verò succus semper sanguinem inquinat, & vires incipit afficere.

Imò relictis nugis recentiorum, comprimō veritatem, quam sequitur Avic. ex Galen,

len. & dico, istam sententiam ex 8. meth. cap. 4. debere sic intelligi, vitium solum sanguinis, sine ulla plenitudine, neque ad vasa, neque ad vires posse venę sectionem indicare, aliis annuentibus: & hæc fuit mens Galeni, quando dixit (quamvis non sit multitudo) prosequitur enim sic: *Præstat enim vitiosi succi parte emissa, ad detergendas obstructions accedere, &c.* Vitiosum succum vocat sanguinem à pravis humoribus jam alteratum, non alium alienum, & verè supernatantem, sanguine prorsus intacto; illud siquidem per se, & seorsim peccantem semper expurganti medicamento propellit. Nunquam hoc potuit intelligere Horatius, semper inculcat aliquam plenitudinem, & ignorat hanc explicationem ex Avic. & veris deductam principiis.

Sed simul insinuat Galen. quod licet ista vacuatio fiat in principio (ut sic dicam) principiante putridæ, & in declinatione extensa febris ephemeræ, ad multa prodest, ut scilicet prius cum illo diximus, quia viam præstat ad detergendas obstructions, ut postea medicamenta securius operentur, ut transpiratione factâ, inhibeatur parata jam putredo, & temperetur calor, inter quas commoditates invenies, quasdam ex accidenti sequi, alias per se indicare.

CAP. XXV.

*Aetii, & Tralliani sententia, quae videntur di-
ctis contrariae. Alia apparens contra-
dictio in doctrina Galeni
componitur.*

Aetius videtur sentire contra supradic-
tam Galeni doctrinam, ait enim, san-
guis mittendus est, si etiam plenitudinis ad-
sint signa. Quibus ostendit, quod si non ad-
sint talia signa, non est mittendus: verum si-
ne dubio Aetius habuit codicem alium Ga-
leni minus excultum, aut textus ipsius emen-
dandus.

Tamen cum Trallianus lib. 11. cap. de
ephem. ex obstructione, dicat: *Quod si non
copia, sed crassi, viscosique humores obstructio-
nem procreant, sanguis mittendus non est; sed
decoctis potius quibusdam utendum, quae ex-
tenuare possunt, ita ut non calefaciant.* Quae
sententia excepta sine dubio fuit ex Galen.
11. metheor. cap. 4. in fine, his verbis: *Ubi
namque abundantia humorum est, hoc vacua-
bis: ubi crassi sunt, & glutinosi, tennes eos,
ac fluxiles efficies, &c.*

Sed si legas lib. 11. met. cap. 10. videtur
major contradictio, nam sic habet: *Osten-
sum*

sum enim in prioribus libris est, si iis auxiliis, quæ obstruções eximant, uti, non vacuatâ prius abundantia, velimus, fore, ut non modo nil proficiamus, sed etiam affectum majorem reddamus, pugnantis, scilicet, inter se indicationibus. At si vacuatâ multitudine, ad curandum obstruccionem accedamus, &c. Jam vides contradicentia loca; hîc Galenus non evacuat, sine præsentia multitudinis: supra verò dicebamus cum illo, etiam si plenitudinis non adsint signa, esse vacuandum in ephemera ex obstruccionem, quæ transit in putridam. Rursus Actius, & Trallianus viri primæ clas, sine notis plenitudinis, non mittunt sanguinem. Quid dicendum?

Aliqui istam contradictionem ex Avicennæ placitis componunt. 1. 4. cap. 33. ubi sic ait: Et si non sentis multitudinem humorum, imò sentis oppilationes, & quod ipse sunt accidentes à grossitudine eorum, & viscositate ipsorum, tunc fortasse, non indiges phlebotomia superflua, & evacuatione superflua, imò indiges apertione. Quibus verbis mediam videtur sequi sententiam, scilicet, non esse mittendum sanguinem largiter, sed moderatissimè. Tamen ego firmiter hæreo Galeni, & Avicennæ doctrinæ, quam suprà explicui, & tetigi, 1. lib. ad 2. caput. Quamvis

vis enim nulla sit multitudo, neque ad vires, neque ad vasa, neque partis, aut totius, & sine pravo motu locali sanguinis, puto, debere venam secari, existente vitio sanguinis, aliis auxiliis non cedente: dicat quidquid voluerit Augenius; undè Actius, & Tra-lianus deferendi; & Galeno, & Hippocra-ti fides adhibenda, à quo ista bona ema-nant, ut in principio agentes de supernatau-tia visum est.

Galeni loca conciliantur facilè, nam §. met. 4. dicit: *Quamvis non adsit multitudo, esse mittendum sanguinem*, lib. verò 11. & 9. intelligit multò melius extrahi posse, existen-te multitudine, & abundantia: itaque non negat sine multitudinis præsentia (si adsit vi-tium) debere mitti. Quibus rectè pondera-tis, facilè antiquitate amplexâ, inter varias recentiorum argutias securus ibis.

CAP. XXVI.

*De morbis in magnitudine impedientibus
vacuationem.*

TUmores aliqui præter naturam venæ sec-tionem impediunt; scimus enim hæ-patis præcipuè, deindè lienis, uteri, ac me-senterii, aut alterius partis, ferè eâdem ratio-ne,

ne, quâ prædictæ obstructions, impedire. Præterquam quòd efficaciùs prædictæ obstat evacuationi, quantum ex se ipsis est, ut antea de obstructionibus monstratum est.

Impediunt autem vehementiùs, quantò, scilicèt, difficilius tales morbi senescunt, & ad eorum medelam copiosiori indigent calore, & sanguine, diuturnioresque sunt affectiones. Ædemata verò, ubi in partibus, sunt non infimæ notæ. Et prætereà aquosi tumores, ut hydrocephalus, ascitis, tumor in ventre, ac tympanitis, aquosa hernia, & flatulenta, semper sanguinis vacuationem indicatam ab alio affectu minuere videntur; ipsi tamen tumores (ut dictum est) per se renuunt. Quæ omnia probationem firmam habent ex his, quæ diximus de causis.

CAP. XXVII.

Pleuritis (inter tumores) an impediatur, aut minuat sanguinis missionem?

Locus ille Hip. 6. epid. p. 3. text. 44. occasionem debet huic adnotationi, ait enim: *Impedimentum in eruenta spuentibus, anni tempus, pleuritis, bilis.* Quod pleuritidis affectio calidis fomentis non remissa sanguinis

nis mifſionem efflagitet, Tytonibus manifeſtum eſt. Sed quando duæ indicationes cōcurrunt, eandem vacuationem ſanguinis expoſcentes, ut ſpuitio ſanguinis, & pleuritis, quomodo eſt poſſibile, ut una aliam impediāt: imò potius auget vim vacuandi.

Eruditiffimus Vallefius Antefignamus noſter, & noſter, quia Covarruvianus, in commentario hujus loci pleuritidem eſſe (ait) impedimentum, quia complicata cum hæmopthoica paſſione, ipſam auget, nam excreatio, quæ indicat, expurgat pleuritidem motu locali tuſſis, auget ruptionem venarum, quæ quietem omnimodam expoſcit: eleganter quidem, ſi agamus de duobus affectibus complicatis, quales ſunt hæmorrhagia, & pleuritis. Nos ad inſtitutum noſtrum interrogamus, an pleuritis venæ ſectionem aliquo modo impediāt; nam plures Tyroneſ legentes hunc textum, & videntes ſpuitio- nes ſanguinolentas, poterunt dubitare; hic inſirmus ſpuit ſanguinem, & pleuriticus eſt. Quare ergo dixit Hipp. in ſpuentibus ſanguinem pleuritis impedimentum præſtat? Benè certè dubitant, nam in hæmopthoica paſſione adeſt ſputum ſanguinis cum tuſſi; idem etiam in pleuritide ſanguineâ.

Dicam, quod ſentio, in primis Vallefius, licèt vera proſitetur; tamen Hippoc. in hoc lo-

loco, & textu antecedenti agit de impedimenti sanguinis missionis, ut Galen. in hoc sensu prosequitur: atque adeò inquirendum est, quare pleuritis dicatur impedire sanguinis missionem? impedit quidem (ut ait Vallesius) curationem solutionis continui venarum, quia per tussim magis aperiuntur venæ, quæ constringi deberent: sed quaerimus, quare impedit revulsionem per venam sectam brachii?

Galen. in com. parvam pleuritidem, & levem, in qua sputitur sanguis, impedire, dicit, venæ sectionem, quia aliis auxiliis potest curari. Frigida explicatio; nam reverâ levis pleuritis cum sanguineo sputo, non impedit, sed poscit levia auxilia (si levia auxilia secura sunt, quando cum dolore sanguis sputitur) quamobrem mihi suspecta est Galeni doctrina, quamvis dicat in illa historiâ, sine sanguinis missione talem ægrum curasse; nam ut sanguinis missio est magnum remedium, ita est moderatissimum, si in parva quantitate extrahatur sanguis.

Mihi videtur divini Hipp. mentem fuisse, pleuritidem impedimentum esse, non ad missionem sanguinis, sed ad largas evacuationes, quia cum morbi causa ad duas pertineat potentias, ad animale, quæ tussi expellere debet, ad naturalem coëtricem, quæ

ma-

maturat spuenda, clarum est, quòd si tenorem, & robur animalis non serves, parùm refert, esse cuitam, & concoctam materiam: multos vidi suffocatos pleuriticos, à materiã jam coctã ad exitum paratã, sed ob defectum virtutis animalis perierunt: ergo hoc est proprium pleuritidis. Sub uno quidem exemplo, reliqua intelligere consuevit Hippoc. & omnes morbos intellexit (qui à facultate animali debet ultimò evinci) qui obstant magis evacuationibus, ne facultas animalis fatiscat, & non valeat trudere, quę jam concocta, aut superata sunt.

Rectè ergò Vallesius de morbo ad morbum fecit comparisonem; nos de pleuritide intelligimus, non complicatum affectum inspicientes; sed ut impedit largas vacuationes, has certè admittet synochus, aut hæpatis inflammatio, non pleuritis.

De morbis in compositione dicta sufficiant, nam his exemplis ad alia devenies, suppositã exactã notitiã methodi medendi. Nam si omnes morbos complicatos percurrerem, longa terenda esset via, si quidem omnium ferè malorum curatio esset peragenda, quod in tertium librum Avicennæ, si Deus Optimus Maximus voluerit, perficimus. Sed de purgatione differendum aliquid cum magna utilitate.

CAP. XXVIII.

*Perutilis discursus de morbis in compositione
purgationem impredientibus.*

Purgationem (quamvis ab aliquo affectu indicatam) prohibere possunt morbi in compositione, obstructio, aut conniventia, seu confidentia, ut hac dictione volvulum ex involuto intestino creatum involvamus, aut tumorem præter naturam: non ea ratione, qua venę sectionem impediabant, erat autem ea, ne, scilicet, calore depauperato, morbi hi curatu difficiliores redderentur. At purgationi obsistere censentur primò, eò quod vias occludunt, per quas purgatio est exercenda: ac secundò, prætereà quod ex purganti pharmaco inflammatio irritatur: ob quam rationem Avic. q. i. cap. i i. in his qui solent gulę phlegmones pati, vomitum vitat.

Potest etiam morbus aliquis in situ quodammodo purgationes inferiores impedire, ut procidentia intestini recti, aut podicis, aut procidentia uteri: in his enim quoad fieri non potest, fugienda est purgatio per inferiorem regionem, & vomitus pro viribus concitandus.

Tumor itaque, quicumque ille sit, in purgationis via procreatus, impedit per eam humoris deductionem, quod gravi illa sententia Hippoc. docuit Epist. 21. de hellebori usu, his verbis: *Neque medicamenta danda sunt de-coloratis, raucosis, lienosis, exanguibus, spirituosiss, & siccum tussientibus, siticulosiss, flatuosiss, & his, qui præcordia, & latera, ac dorsum distincta habent: & torpentibus, & obscure videntibus, & quibus aurium sonitus sunt, & urina meatibus impotentibus, neque item morbo regio laborantibus, aut ventre debilibus, aut his, qui sanguinis eruptiones, aut tubercula habent.* Hæc Hippoc. Quam sententiam ita difficilem si enarrandam ex professo assumere, digrederemur ad plures morborum indicationes explicandas. Ad præsentem saltem discursum illud adnotare oportet, quantum fugere doceat medicamentorum usum, viis impeditis, aut inflammatis, quod dixit Avicen. 4. 1. cap. 4. *Habentium quoque in interioribus aposthemata, difficile est ventrem solvere, & vomere.*

Quando ergo purgatio impeditur ob aliquod ex prædictis repugnantibus, machinari oportet industriam, qua morbis purgatione indigentibus subveniamus; libuit autem quoddam exemplum proponere in casu perdifficili, ut Tyrones in illo non aberrarent, eritque via ad similia.

CAP. XXIX.

*De colica affectione ab obstructione, lenta p̄-
tuita, aut flatu, aut fœcibus
induratis.*

Vide jam morbum in via, qui impedit purgationem infernam ob obstructionem, & si vis, cum febre complicatum, ut multoties solet. Atque Tyrones cum audiant querelas doloris, statim ad sanguinis missionem, aut usum medicamenti purgantis properant. Quod autem pro ratione doloris agendum supra insinuatum est, & cum de symptomate impediente tractemus. Nunc quomodo se gerere debeat Medicus circa morbum hunc in compositione, contemplandum est.

Nota. Pro ratione igitur obstructionis agendum; nam si impedit purgationem, demoliari causam debemus, aut vacuantibus, aut emollientibus, & deobstruentibus. Si enim colica à retensione fœcum induratarum proficiscitur, primò mollientibus clysteribus, secundò acrioribus irritantibus, cibariisque hujusmodi ac potionibus succurremus, ut potest colligi ex Galen. 3. art. Medici de fœcum retentione differente. Apertius autem ex
Avi-

Avicenn. lib. 3. cap. de colicæ curatione, ubi *Nota.* laudat usum casiaë fistulæ, & decoctionem malvarum, altheæ, & prunorum passorum, & diaprun. simpl. Postea verò emulsionem hordei cum decoctione betæ, & alia similia. quæ detergere faeces possint (citra febris complicatæ noxam) emollitas jam à prædictis medicamentis. Quæ omnia, & alia in cap. de colica comprehensa eò citius peragenda, quò totius corporis expurgatio necessaria magis est.

Quòd si colica, aut volvulus (fere enim utriusque eadem est curatio) à flatu, aut pituitâ pendeat, hoc enim frequentissimum est, ut ait Avic. loc. cit. 1. de canonibus curationis colicæ, ea quæ flatus discutiant, & humorem flatûs materiam abstergere, ac vacuare possint admovenda, tum inferius, tum superius.

Quo casu illud summoperè advertendum, quod non satis pro ratione commendarunt, tum Gal. 12. met. cap. 8. tum Avic. 16. 3. tract. 4. c. 2. de cur. colicæ frigidæ: nempe humorem crassum, frigidumque ac lentum intestino hærentem, flatumque inde natum, ab obstructioneque cohibirum, esse magna cum cautela dissolvendum, atque vacuandum, necnon, & concoquendum iis, quæ calefaciunt, medicamentis, valenterque digerentibus, non tantum

tum liquantibus, aut in flatum vertentibus (quin potius) incindentibus præfidiis, coquentibus, tenuantibusque, quæ tamen vehementer calida non sint, ne fortasse loco curationis, dolorem augeas à medicamentis liquantibus, flatu denuò elevato.

Quare licet plura, sint medicamenta colicæ frigida subvenientia apud authores, tamen in præfenti loco, cum agamus de colicâ adjunctâ febri, ea dumtaxat sub epilogo proponemus, quæ colicæ auxiliari citra febris exacerbationem possunt. ¶ Conabimur igitur per inferiora potius, quàm ore assumptis succurrere. Clysteres ergo pituitam abstergentes, & flatus discutientes simul, & ubi dolor urget anodinos conficies; ex vino albo, decoctione, betæ, aut furfurum, aut aquæ salæ admixto cum portione aliqua sacchari, & oleo anethi, aut rutaceo, & chamemelino Aut si voveris simplicius componere, vinum album miscebis cum oleo chamemelino, aut simili, & saccharo nigro. Et ut expertus loquar, oleum optimum commune vino antiquo albo fervefactum, sepius, & brevissimè colicam hanc persanabit, quibus si placet adjicies adipem leniendi doloris gratiâ, simul ut fœces nè minimum detineant: fellis etiam aliquod genus absterfionis gratiâ, aliqui adinifcent.

His

His qui clysteriorum sunt impatientes, suppositoria precipies ex felle, sale, melle, & momento castorei, aut si res vehementer urgeat, portiuncula trocischorum alhandal admixta.

Emplastra etiam exterius umbilico appo-
fita non contemnenda, quæ purgatoria
sunt, & colicam dissolventia, qualia Avicen-
na composuit ex felle taurino, & pulpa co-
locinthidæ, & carthamo, vaccis lauri, & ejus-
dem olei, urticæ, & lupinorum, scammonii,
elebori, cum adipe anseris, usque ad pecten
ungendo. Prudentiæ tuæ relinquimus, ut
horum magis, aut minus, prout urgentia
fuerit, adhibeas.

*In ma-
na ur-
gentia.*

At diversa ratio est, quando solus flatus
infestat; tunc enim sine metu oleo rutaceo,
aut vino albo solo uti oportet, & cucurbi-
tula sine scarificatione, opus enim incanta-
menti illi inest, dicente Galeno.

Fomenta verò, si fieri potest, fugienda
sunt in colica ex humore frigido; nam cum
corpus, de quo agimus, purgatione indi-
geat, fortassis concitabitur aliqua fluxio in
intestina, & secundò humor pituitosus à
fomentis sæpè dilatatus, ac fusus, in flatum
vertitur, ut rectè Avicen. nobis animadver-
sum reliquit, cap. proprio de curatione
frigidæ colicæ.

Nota.

Nota.

Quod si fovere inceperis, non desistas, sed multis utere fomentis, ut resolves id, quod prius dilatasti.

Ore autem ea sumi possunt, quæ idem præstare valeant, sed cum ex calidis potionibus celerius febris augeatur, quam ex iis, quæ per alvum subduntur, pauca medicamenta erunt sumenda, inter quæ aqua ex decoctione hordei, furfure, & paucis camomilæ, vinique optimi momento cum saccharo, post colaturam fervefacta. Præterea calidissima aqua exhausta frequenter erit ex usu. Aliquando (inspectâ naturâ, & temperie agri, temporis, & febris) erit ex usu aqua sola hordei, aut sacchari, aut mellis, fervens potata, aut vini albi cyatus, aut aqua carui, aut cimini.

Vomitum etiam aliquando non nocebit, si ventriculus labefactus non est, & fluxio à toto ad intestina clarè conspicitur.

Si autem prædicta non sufficiunt, poteris uti aliquo medicamento leviter expurgante, inter quæ nullum melius (nisi magnitudo febris impediret) quam hiera. In hac enim prohibetur à Galen. de simp. facult. unde solemus hieram cum diacatolico aut diaprun. simpl. miscere, aut decoctum propinare, ex mercuriali, betâ, & saccharo.

Casiam verò fistulam fugiendam consu-

*Fugen-
da ca-
sia.*

lo, quia flatuosa est, & debilem vim habet absterforiam, & vacuatoriam pituitæ.

Tamen si indicatio ad expurgandum totum corpus ita urget, ut te compellat ad usum fortioris medicamenti, hieram cum agarico miscere poteris; aut si in periculo magno versatur æger, ut etiam tu cum illo periclitari cogaris, ad fortiora medicamenta accedere poteris.

Quo casu intelligendus est locus Avic. aliàs taxandus, nam lib. 3. fen. 16. tract. 4. capit. 2. sic ait: *In colica autem, quæ est secundum semitam effusionis, & generationis, conveniens est, ut in potu detur, cum paroxysmus est doloris, & in nocte vehementia ejus, aliquid, sicut pilula de aloe, pilula de hiera, & pilula composita de pulpa colocintidæ, & scammonio, & serapino, & aloe, ab aureo semisse, usque ad aureos duos, &c.* Quæ ultima medicina, ut ex dictis constat, fortior est, quàm ut in colica sit propinanda, nisi intelligatur author, nulla alia ex prædictis conferente, & morbo necis proximæ periculum promittente; quo etiam pacto intelligendus Hippoc. in Epist. de helebori usu ad finem, sic dicens: *Aliquando pleuriticos, & voluolos veratro purgandos,* & Ras. 9. ad Almanf. cap. 11.

Tu autem qui medicamenta nactus est

optima, loco hujus Avicen. confectionis poteris uti electuar. rosar. Mesuë, aut Nicolai, aut Hamet pro rationeque præsentis febris colicæ patrocinari, semper quantitatem eorum minuens.

Nota. Est verò pulchra animadversio in colica istâ, pituitosâ, & frigidâ, de qua loquimur: nam cum multoties eveniat propter obstructionem meatuum bilis, bile, scilicet, intestina non irritante (ob quod etiam fœces retentæ colicam efficere possunt) ut ait Aetius lib. 9. cap. 26. & Avic. loco sæpius citato, hanc per deobstruentia primò, deinde prædictis medicamentis curabis: quod in arcuatis multoties videmus, colicam, scilicet, cum icteritia conjungi: quod agnoscens Hippoc. lib. de internis affect. inter alios morbos hunc statuit volvulum arcuatum appellans, & aperientibus obstructions eidem auxiliatur, sed de his latius suo loco.

Quod si ex conniventia intestini (quando, scilicet, involvitur) via stercoris, & purgationis occludatur, alterum duorum tentandum est, aut foliis vento plenis, aut utre, aut syringa, insuflando, intestina acere implere, ut violentiâ illâ intestinum dirigatur, ut Hipp. consulit lib. de affectionibus. Hoc autem faciendum, quando reliqua

reliqua dicta neutiquam profuerint.

Aut ut consulit Matthæus de Gradi, omnia sumens ex Avic. æger resupinus jaceat, extentis cruribus, & oleo lilior. aut amigdal. aut anethi, aut simul mistis versus quamcumque partem fricandus, ac dimovendus modò ad dexteram, modò ad levam, cruribus interdum contractis, ut his motionibus redeat intestinum ad pristinum situm, quem solet amittere ex magno saltu, aut luctatione, aut à magno flatu per intestina concitato, quo tempore duplex surgit indicatio, flatûs discussio, & intestini directio.

*Carmis-
nativa
dicta
clyste-
ria etiã
magno
conna-
tu cla-
cula-*

Si autem intestina inflammatione obturentur, aut podex, sanguine misso ex anteriori vena brachii, & statim ex talo, subveniemus, quam vacuandi formam omnes antiqui sequuntur, Galen. Avicen. Serapius, Rhafis, &c. Quibus vacuationibus succedent illa, quæ diximus ad fœces induratas, frigidiora tamen, ut sunt clysteria, ex ptisana colata cum sacharo: ex decoct. violar. malvarum, solani, mucilaginis psylli, oleo rosat. maximè tamen laudat Avic. clysteria ex lacte asinino, in quo casia fistula dissolvatur, quæ omnia possunt ore propinari præter lac: hæc in principio. At in amento aliquid althææ, & camomilæ: in statu ali-

*ta pro-
desse so-
lent.*

*In ini-
tio in-
fram-
matio-
nis*

quanto plus; in declinatione magis, & adipēs, & alia, quæ magis emolliant, & vacuent.

De aliis verò colicis, quæ fiunt ob lâpides in intestinis genitos (ut rarò accidentibus) non est quid agamus, præterquam quod emollientibus, abstergentibusque, & aliquandò fortioribus irritantibus mederi oportet.

De is autem, qui ob lumbricorum congeriem colicâ laborant, similiter intelligendum, abstergentibus, ac amaris lumbricos necantibus, & acidis certandum. Apertius est quàm ut longiori indigeat sermone, præsertim quia apud Avic. & alios latus est inveniendi remediorum campus. Diximus de colica, ut ab obstructione oritur, Morbo, scilicet, in compositione, non tamen ut vehementem habet dolorem adjunctum.

CAP. XXXI.

Descensus intestinorum in scrotum purgationis impedimentum.

Descensus intestinorum id inguina, aut in scrotum maximè solet purgationem infernam impedire: erit ergo necessarium, quantum fuerit possibile, hoc impedire.

dimentum moderari. Reducere itaque paulatim intestina ad suum locum opus est, & rupturam comprimere emplastris adstringentibus, & subligariis, deinde purgationem opportunam injungere.

PROCIDENTIA UTERI.

Procidentia uteri sicut intestinorum tanquam morbus in situ etiam obstat purgationi infernæ, & ob id melius esset vomitum tentare. Quod si hæc vacuatio fieri nequit, diligenter agendum, ut intestinum, aut uterus ad propria loca retrahatur, aut nausæ, aut vomitu, aut cucurbitulis, & concisione ad oppositum, ac obstetricis manibus, & positu, qui crura ad superiora convertat, & ligaturis à pube incipientibus, & medicamentis, quæ omnia hæc suo loco firment, adhibere; quibus peractis pharmacum exhibendum pro ratione necessitatis, sed animadversione factâ, ut respiciant causas procidentia, quæ solent sæpius ex nimia humiditate proficisci, quæ siccare, & constringi paulatim desiderant. Suadendumque, nè eger à lecto surgat, nè conatum appo-

nat.

CAP. XXII.

*Hipocondria distenta , & obstructæ venæ
mesaraicæ , ut impedimentum tollendum
ad purgationem.*

Similiter in distentione hipochondriorum, & obstructionibus mesaraicarum venarum procedendum, ut diximus supra, agentes de obstructione. Nam primò prout natura signaverit regionem, per clysteria purgandum, aliquando per vomitum. Postea fomentis consuetis uti, addito abstinthio; quod si hæc non sufficiant, purgationem præstare oportet, quæ solas illas partes respiciat, ut hiera, casia, catholicum, &c. ut referatis viis, purgatio, quæ à toto corpore debet exequi, foeliciùs eveniat.

CAP. XXXIII.

(Tumor in hepate purgationem impediens.

Apertum est, tumorem inflammatorium hepatis impedire purgationem, & itatim poscere sanguinis missionem ex brachio dextro, & venâ internâ, & illicò me-

medicamenta esse apponenda, quæ jecur refrigerent (ut in principio fieri debet inflammationum) qualia sunt aqua rosacea, *Etiam plantaginis, & prifana, & portiuncula paula aceti.* Tamen de his latè in cap. pro- *do po-* prio, omnes antiqui, & neoterici, nos tan- *test ex-* tum de incepto instituto agimus. *qui pur*

Mitigatâ verò inflammatione, & appa- *ratio* rente purgandi necessitate, his uti oportet, *est dif-* ab Avic. commemoratis, 4. I. c. 4. Ha- *ficile.* bentium quoque in interioribus apostema *Text.* ventrem solvere, & facere, ut vomant, est *Avic.* difficile: quòd si tibi necessarium fuerit, da eis quod sit sicut volubilis, & semen croci hortensis, & apozema polipodii, & cassiam fistulam, & his similia, & c. Vide Avic. qui solet esse audax (ut supra tetigi) in exhibitione purgantium; tamen hic solum recenset levissima, aut saltem moderata medicamenta. Volubilis, lupulus est; semē croci hortensis, carthamus; timet quidem in viscere ita calido, & calida affectione oppresso medicamenta majora: medicamentis prædictis, possumus addere quæ in usu etiam sunt: syr. ex violis infusis, catholici, & c. Non verò mannam, ut aliqui faciunt, ob rationem supra tactam, facile enim incenditur, & bile scit.

At si tumor frigidus, & longioris tempo-

poris dans inducias, prælibatis priùs quæ aperiant, & attenuent, expurgationes paulatinas, & moderatas exercebis; addito rhabarbaro, & aliquantulo agarici, aut syr. cichor. cum duplicato rhabar. ex usu erit.

Ego Galen. semper insequens cum medicamento purganti misceo aperientia, quando obstructions agito: ita Galen. 2. acut. coment. 12. Reliqua omnia in practici doctissimis invenies. Hæc certè pro exemplis morborum in compositione dicta sufficient.

CAP. XXXIII.

De morbis in soluta unitate, vacuationem impredientibus.

*Saluta
unitas
intesti-
norum.* **P**ERquirendi nunc morbi in soluta unitate, qui valent impedire purgationem; non quidem sanguinis missionem. Vulnus, aut ulcus intestinorum, quantum in se ipso est, postulat, fieri vacuationem longissimè ab ulceratâ particulâ; similiter, quando vena in ano, aut intus rupta, vel aperta fuerit; multis quidem rationibus medicamentum expurgans nocebit, & ob humorum coluviem, quæ vulnus, aut ulcus majus, & sordidius reddere debet, ac dolens

lens magis, & ob calorem, acrimoniamque ejusdem medicamento inflammatio ulceris augebitur: & tandem ob motum, qui in purgationibus est inevitabilis; motus autem omnibus ulceribus noxius existit. Quod voluit divinus ille Hipp. insinuare, quando in epist. de usu elebori in eruptionibus sanguinis medicamentum purgans vitandum consulit.

Sed ut omnem dubitationem è medio tollamus, consultò diximus, ulcus, aut vul- *Notandum:*
nus intestinorum, quantum in se ipso est, *da ista*
purgationem impedire, & omninò renue- *an-*
re, quia ratione causæ fluentis à toto, aut *mad-*
ab hepate, convenire potest expurgatio, *versio.*
quæ nisi citissimè fiat, incurabilis redditur
excotatio, aut ulcus intestini. Igitur post
venæ sectionem (si hæc convenit) purgare
oportet, nam, etsi bilis erodens vergat per
intestina, tamen exit paulatim per venu-
las capillares, & remota ulcerationem
facit, non itaque exiit per convenientem
regionem, quia per venas: ergo per vacui-
tates majores derivanda est à medicamen-
to, quod non sinet moram facere. Quæ ani-
madversio Fernelio debetur, viro doctissi-
mo, lib. 3. de ven. sect. cap. 11. his verbis:
Eadem ex causa in dysenteria purgans medi-
camentum offertur, ut quod sensim, & lan-
guide

*guidè per anfractus parùm idoneos elabitur, per ductus convenientiores derivetur, ac de-
fluat, &c.*

Quòd verò multoties per venas majores ad minores, & à minoribus ad capillares, & ab istis in ipsam substantiam intestinorum bilis fluat, monstrant statim à principio sanguinolentæ dejectiones, antequam mucres appareant; è contra verò quando bilis ad intestina per consuetam viam ab hæpate per mesaraicas rejicitur. Solent prius mucres apparere, postea sanguis multus, aut paucus, prout fuerit exulceratio, & causæ apparatus: ergo causa ulce is petit vacuari, aliquando per venæ sectionem, juxta supra traditas à nobis considerationes, & per expurgans medicamentum, aliquando per vomitum. Semper tamen medicamento miscendum aliquid, quòd respiciat ulcus, sed quando in cap. de dysenteria, tam pulchra adnotata invenies, ad alia transeamus.

Similem viam in ruptis ani venulis, aut hæmorrhoidibus nimis apertis servandam proponimus.

Dictum præterea ante est cùm de colicæ tractationem exercebamus, quid agendum in rupturis scroti. Impedit ruptura peritonæi, aut scroti (quæ passim hominibus her-
niæ causa accidit) purgationem; tamen præ

applicatis medicamentis adstringentibus, & optimis ligaturis, jacens æger in lecto experietur purgationem.

Inter morbos solutionis continuitatis vulnus à cane rabido inflictum proponitur.

CAP. XXXIV.

Conveniat nè sanguinis vacuatio in morsis à rabido animali.

1. **P**Aulus, lib.2.cap.2. agens de ictu, ac morfu venenato, ait: *Si autem venenum prout per corpus distribui contigerit statim venæ sectione utendum est, & maxime si affectus humoribus repletus sit.* Celsus, lib.5.c.27. in curatione morsus canis rabiosi præcipit, partem vulneratam aduri, quod si uri non possit, sanguinem mittit. Avic. lib.4.fen.6.tract.4.c.9. difficilem sententiam (& quæ disputationibus occasionem dedit) pronuntiat, his verbis: *Cum ergo trahis quod tibi possibile est, post duos dies, aut tres, tunc occupare in evacuando, quod jam forsax penetravit, & si facta non fuerit attractio, & acciderit negligentia, tunc evacuatio erit in illa hora magis necessaria, & melius est, ut sit fortior. Et si videris repletionem augmentatam, phlebotoma, & si non, tunc non.* Rasis, lib.

20. continent tract. 2. cap. 2. asserit: *Ante attractionem veneni ad interiora ager non phlebotometur, sed postquam tractum fuerit venenum duobus, vel tribus diebus, secare venam poteris.*

Nec deest ratio, nam si pars vulnere magno afficitur, si inflammatur, si accidat febris, aut spasmus, aut aliud accidens insigne, quare non erit extrahendus sanguis? Siquidem in omnibus inflammationibus, aut vulneribus, cum similibus accidentibus ex communi omnium medicorum consensu, sanguis extrahitur, revulsionis gratiâ.

Aliâ tamen ex parte validissimæ rationes, & authoritates nos movent, ut à prædictâ opinione discedamus, totamque intentionem convertamus ad venenum canis rabidi extrahendum, & avertendum à partibus internis, semper vulneratam partem sollicitando, ut per eam, & per vicinas vacuemus, & simul cum humore qualitatem venenosam extrahamus. Primò, quia inanitis venis, facilius penetrare poterit venenata qualitas ab externis ad interna, ut supra dicebamus, viresque citissimè labefactabit, quæ in hydrophobia tam necessaria sunt. Secundò, quia melancholici, & pituitosi humores (cum quibus rabida qua-

qualitas analogiam habet) crudiores, & crassiores redduntur, sanguine extracto, & consequenter magis apti ad susceptionem talis qualitatis. Tertiò, illa universalia præcepta suprà tacta in hoc morbo exequenda, vulneratio rabida in parte externa existit; ergo prima indicatio suadet per cutem extirpari: ergo morbus iste in solutione continui ob adjunctam causam venenosam in parte externa, impedit (absolute loquendo) sanguinis missionem, sed est quidem magni momenti scrupulus. Nam Avic. (ut suprà diximus) & aliqui alii dicunt, debere sanguinem mitti, transacto principio, quando scilicet, venenum, quod erat in parte vulneratâ, sparsum est per totam massam sanguinariam.

Constituuntque duos, aut tres dies principii: itaque liberam relinquunt licentiam Medico, ut post istos tres dies, præcipiat sanguinem mitti. Sed audias, obsecro, suspecta nobis est sententia Rhasis, & Avic. Quis dixit illis intra tres dies finiri principium hujus morbi? & statim per massam sanguinariam esse dilatatum venenum, quod videtur tempus augmenti? Certè si delatio veneni per humores est finis principii, statim in augmento apparebunt tantum mali signa. Sed contrarium videmus, nam

nam multo tempore à morfu sine ullo accidente, & in omni quiete videmus hominem, & post mensem, imò, & post tres menses, & annum integrum, rabies elucet, latitante veneno, jam post tam longum spatium communicato; ergò illa mensura principii trium dierum non debet securum Medicum reddere, ut statim evacuet: nam putabit, esse transactum principium, & humores esse venenatos, & sanguine misso, ægrum jùgulabit, quia venenum adhuc erat in parte externâ, & illud deducet ad cavitates vitales. Est quidem qualitas sabida tardæ motionis, antequam in actum deducatur, sicut postea est velox: ergo cum tot mala possint oriri, ex sanguine misso in principio, meritò, ut suspectam Avicen. opinionem nunc relinquimus.

Equidem præter rationes dictas tantorum virorum authoritas, qui nostram tuentur sententiam, maximè permovere debet. Dioscorides, qui tam exactè remedia morsus rabidi fuit prosecutus, ut nil intactum reliquerit, sanguinis missionis nunquam meminit, neque Galen. nec Paulus, Aetius, Orribatius: equidem si aliquid emolumenti conferret venæ sectio, neutiquam tacuissent. Nec omittam doctissimos viros Fernelium, & Fracastorium.

Undè ad authoritatem citatam Pauli dicimus, ibi esse sermonem de aliis venenatis sub alia dispositione, tamen cum agit de morfu à cane rabido, nec verbum de venæ sectione, forsan quia alia venena manifestum habent exordium; at rabida qualitas latens, & incertum obtinet principium.

Cornelii Celsi authoritas nil habet in contrarium, nam non dicit, venam secandam absolutè, sed potius insinuat, esse extrahendum sanguinem ex propria parte vulneratâ, si non possit aduri, postquam enim docuit, virus cucurbitulâ, & ustione esse trahendum, ait: *Si non potest locus commorsus uri, sanguinem mitti, non est alienum, & superponenda sunt vulnere ea medicamenta, quæ valdè exedunt, &c.* Interrogo, quis poterit dicere ex mente Celsi, sanguinem mittendum ex aliqua vena partis sanæ? Equidem intentio Celsi fuit, ut ex ipsâ vulnerata (post cucurbitulam benè scarificatâ) aut si aliqua vena, aut venulæ in ipsâ apparent, istæ scindēde, neutiquam in parte alia sana.

Non possumus Avicen. sequi opinionem, quando tantorum virorum authoritas, & ipsa ratio in aliam partem nos deducunt, quam veriore judicamus: diximus in tam incerto veneni statu, cum habemus signa, adhuc latitare in parte vulneratâ, non esse.

temerè aggrediendam venæ sectionem in parte sana; sed ægotam continuò sollicitare. Ad Rhadium idem respondemus:

Ad rationem dico, quòd licèt alia vulnera valeant ratione causæ venam secandam indicare, revulsionis gratiâ, tamen tam ferox est, & lethalis hydrophobia, ut quidquid à parte vulneratâ ad alias internas retrahitur, citissimum sit, sperandum periculum, licèt paucissima quantitas sanguinis partis affectę moveatur ad intra. Hæc ergo est differentia inter venenum impressum parti externæ, & illud, quod jam intus, aut genitum, aut assumptum est. Externum enim ad extra per eandem partem, in qua latirat, excutiendum; alterum aliis modis; ergo revulsio non est indicata in præsentî casu.

Sed dubitas: nam si inflammatur pars, si febris putrida ob dispositionem humorum complicitur, videtur necessariò esse venam secandam. Dico in tam ancipite casu, & periculoso esse contemplandum tempus, in quo ista mala excitantur. Nam ante quadragesimum diem à vulnere, cum maximo metu extrahi sanguinem, omnes affirmant, quia probabile videtur, esse venenum adhuc integrum, & posse recurrere ad interna. At transactis quadraginta diebus, in
fe-

febre acutâ complicatâ non reformidant
venæ sectionem: tamen ante prædictum
tempus partes inferiores scarificare præci-
piunt, ut cutaneâ vacuatione febris cau-
sam depellant.

Quid ego sentiam, breviter explico. Cum
febris sit morbus universalis, quacum que
ex parte scissâ venâ, auxilium suscepat na-
tura, quia ex quacumque totum vacua-
tur corpus; ergo si non posses in febre
humorali venam brachii scindere ob ali-
quod impedimētum, relinqueres nē ægrum
sine tam nobili auxilio? non apparent ve-
næ in brachiis, nonnē scindes talum? er-
go cum morsus venenosus partem exter-
nam affligens, sit impedimentum ad va-
cuandum ex partibus superioribus (ne ad
illas rapiatur venenosus vapor, aut hu-
mor infectus) poteris venas distantissi-
mas aperire, infra morsum: si non suffi-
ciunt, cucurbitule scarificatæ, sic con-
donandum unicuique indicationi,
& febre acutæ, &
vulneri.



CAP. XXXVI.

Antale vulnus venenatum impediatur purgationem, aut quando admittatur?

SEd quæret aliquis, an eadem sit ratio (in hoc morbo) de purgatione? Dico, nequaquam esse purgationem tentandam, nisi maxima consideratione: nam prima indicatio (quæ sumitur ab illo, quod continetur in parte vulneratâ externâ) adimplenda prius est, topicis, & chirurgicis extrahentibus, quod in parte potest contineri; hocque peracto, cum timor sit, ne aliquid fuerit communicatum humoribus melancholicis, & crassis (cum quibus venenum habet analogiam) & non cum sanguine, isti quidem evacuandi, ut omnis suspicio auferatur, atque cum tales sint, ut requirant præparationem prius, præparandi, & subagendi, ut cedant medicamento, & (ut objectionibus simul respondeam) quamvis Gal. purgationis non fecerit mentionem, sufficiunt quæ in illis dixit locis circa humores crassos melancholicos, & alios redundantes: docuit esse evacuandos; quamvis ergo nullus esset timor
ta.

talis morbi, essent vacuandi, quia superflui: igitur tardum hoc venenum, & pigrum, si forsan tetigit tales humores, & aliâ ex parte sufficientibus auxiliis fuerit à particula extractum, sperandum est, nullum esse impediens, ad talem purgationem exequendam, & esse exposcentia. Galenus verò omnem sollicitudinem posuit in topicis extrahentibus venenum à parte vulneratâ, quæ est prima indicatio, & quæ securam reddit reliquam artis operationem: hac quidem exactissimè completâ, agunt medici de purgatione post humorum concoctionem. Audias Diosc. lib. 6. cap. 37. & 38. ubi diligentissimè particularia prius antidota, & extrahentia pertractans, rursum in cap. 29. ita scribit: *Intra principia eorum, qui à cane rabido sunt commorsi; curandi ratio talis est, alter verò modus accedat. Dejectionis magnum prebet juvamentum, utpote cum movendo corporis habitum transmutet, & quæ colocynthidem recipit hyera; item lac schistum, quod simul dejectionem moveat, & venenum domare possit.* Dioscoridem sequuti sunt Paulus, Aëtius, Aëtius, hic ita aperit, ut dicat: *Ulceribus ad cicatricem perductis, veratrum album esse propinandum ad totius affectionis destructionem.* Idem prorsus Rhaf. & Avic. locis suprà citat.

CAP. XXXVII.

Solutiones continui in viis urinæ.

Vldeo, multos medicos facile medica-
 menta propinare purgantia in ardore, aut scoriatione viarum urinæ, & in ulceribus vesicæ, aut renum, quod profusum est periculosum, & à ratione alienum, ob rationes supra tactas omnibus ulceribus communes; nam licet nobis obiiciant, fieri per alvum derivationem, tamen semper ex talibus medicamentis partes ulceratæ irritantur, & ardent, præcipuè si verum est quod circumfertur, nullum esse medicamentum, quod non purget etiam per urinas; estque majus malum, quod fit à talibus medicamentis, quàm commo- dum, quod experienciâ didici; ergo si necessaria est purgatio, eligendum est medicamentum, quod feri saltem temperet, & demulceat (ut est casia fistula) diluta cum sero lactis, aut sola per se: syrup. ex infusione violarum ad istos morbos videtur inventus; non admitto syrup. persicum in isto casu. Poteris etiam in decocto raminorum benè mundatorum infundere mirabolanos, addito succo lupulorum, & si,

si quæ sunt alia mansueta, quæ paulatim, & sine caloris notatu digni impressione valeant purgare.

CAP. XXXVIII.

Ruptura, aut ulcera thoracis.

ULcera, aut rupturæ venarum thoracis, multò efficacius impediunt purgationem; nam vacuatio per vomitum tamquam venenum fugienda est, imò quicumque levissimus vomitus: quod docuit Hip. 4. aphor. text. 8. dicens: *Tabidos per inferiora, caventes superiora.* Galen. in com. per tabidos ptisicos intelligit, vel eos, qui ad ptisim apti sunt, per ptisim modò ulcus pulmonis intelligens; nam lib. de tabe. non solùm ulcus, sed citra hoc: corporis totius consumptio tabes nominatur. Addimus nos, vel qui ob morbum aliquem nempe venæ ruptionem præsentem, aut imminentem thoracis partes quietas conservare desiderant, caveant superiores vacuationes: quod Avicenn. rectè advertit, 4. 1. cap. 11. In quibus hac cautelâ uti oportet tempore purgationis; ut non solùm illa, quæ ex sua naturâ vomitoria sunt, ut eleborus, sed ea, quæ

ob raritatem substantiæ in ventriculo ele-
vantur, ut agaricus: sicque vomitum conci-
tans prorsus fugiamus. Præterea magna in-
dustriâ curandum, ut nec imaginatio purga-
tionis subrepat timidis, aut quibus sola ima-
ginatio medicamenti subvertit ventrem; fal-
lendusque æger, insciusque sumat, quod
opporret. Atque omnia media, quæ in ca-
pite de sedando vomitu sunt scripta, pru-
denter exequenda, ut enim dicebat Avic.
4. 1. sæpè dejectorium medicamentum sit
vomitum.

CAP. XXXIX.

*De symptomatis vacationes impedi-
entibus.*

Maxima attentione dignum hoc ul-
timum caput existimo, quia res
difficilior, & periculo plena.

Symptoma nomen unum est, multa ta-
men apud Galen. significare agnosces; non-
numquam genericè sumptum est quidquid
animali præter naturam evenit, siue causa
sit, siue morbus, siue quod morbum sequi-
tur epigenema, id est, supergenitum,
ut docuit Galen. lib. dif. sympt. cap.
I.

Alio

Alio modo strictiori symptoma apud Gal. accipitur, quando eodem lib. de dif. sympt. cap. 2. symptoma vult esse quidquid morbum ipsum velut umbra corpus consequitur, qua significatione agebat Gal. 1. met. c. ult. quæ constitutionem, unde actio nascitur, necessario sequuntur. Sanis quidem nobis accidentia. Græcis simbebicōcta, ægrotantibus symptomata nuncupantur.

Quæ sanè trifariam dividit, tum lib. de dif. sympt. cap. 2. tum 12. met. cap. 1. & alibi sæpè, aut etenim in actionum offensa, aut in retentorum, evacuatorumve modico excessu, aut in corporum affectu collocantur.

Sed tertio, & arctiori modo intelligit Galenus symptoma, ut non quodcumque ex his nuper dictis sic appelletur, sed id dumtaxat, quod in tantam creverit magnitudinem, ut jam causæ rationem obtineat, scilicet, aut augendi morbum, aut virtutem destruendi; quo significato, 1. ad Glauco. cap. 14. febres nonnunquam cum symptomatis accidere, dixit: omnes quidem febres, & morbi, necesse est, ut habeant symptomata in secundo significato. At in tertia acceptione non semper. Mitissimæ namque febres, quas descripsit Hippocrat. 3. prog. text.

text. 1. nullis symptomatis gravibus copulantur, de quibus etiam loquitur, 12. meth. cap. 1. in hunc modum: *Et cum febre incidunt quædam graviora symptomata, quibus prospici majori medentis sollicitudine debet, nam de levioribus, quæ febrium generationi necessario succedunt, adeo omnino non meminerunt Authores, ut etiam, ceu prorsus non sint innominata, ea reliquerunt. At quæ vel rarerè febricitantibus incidunt, aut communem magnitudinem excedunt, seorsim ab aliis tradita censent, &c.*

Hæc ergo symptomata tertio modo sumpta sunt, de quibus sermo in præsentî proponitur; ista enim solent curationem invertere, nam, & si ratio curationis (prout curatio in se simul præcautionem complectitur) ab ipso morbo, morbiq; causa mutetur dumtaxat, ex accidenti tamen, teste Gal. 12. meth. cap. 1. symptomata quoque curandi rationem aliquando mutant, causæ scilicet, locum eo tempore habentia; causa etenim sunt læsionis, vel morbi, vel virtutis, ibidem Gal. affirmante.

Licet enim symptoma, ut symptoma est, morbum augendi, aut facultatem enervandi, vires non habeat, at ex accidenti, & mediantibus aliis, quæ necessario succedunt
gra-

gravibus symptomatis, rectè id fieri posse, persuadet in actione læsa dolor, quem sequi solet copiosa spiritum jactura, quam virium sequitur debilitas: atque idem dolor causa est concitandæ fluxionis, quâ auctâ, morbus quoque augetur, eodem modo de vigiliâ, animi deliquiis, vacuationibus, &c. Sub audienda virium etiam magna debilitas, quæ ex læsa actione innotescit, cum morbum superare nequeat, ex accidenti occasio est, ut morbus augeatur, donec ægrum tollat.

Sed dubitas, quid dicendum de febre symptomate? an quartum genus hoc loco constituendum? Neutiquam: nam febris symptoma, non est verè symptoma, sed morbus; dicitur tamen symptoma ob similitudinem, nam videtur non aliter, ac symptoma cum principali morbo tolli.

Cum autem, ut supra dixi, symptoma in secundo significato trifariam dividitur, non constituimus gravia hæc symptomata, de quibus loquendum, in qualitate mutatâ, sed in actione læsâ, & excretis, cum Gal. 12. met. cap. 1. & de dif. sym. c. 5. nam color mutatus, odor, sapor, sonus, mollities, asperitas, &c. rarò, aut nunquam incrementum, ita ut curationem ad se trahant. Nota rarò, aut nunquam, quia magna est contr-

troverſia inter Scholaſticos, circa aliqua ſymptomata, an propriè talia ſint, an morbi per ſe, ut color in oculo, amaritudo in lingua, &c. Sed de his in noſtris comment. de morbo, & ſymp. ex profeſſo tractamus: ad præſens inſtitutum ſufficit agere de ſymptomatibus quæ vocant curationem ad ſe, aut impediunt vacuationes.

CAP. XL.

An ſymptomata, & ſigna idem? & qualia ſigna?

DEclarandus eſt iſte punctus, ut ſciamus, an ſymptomata, de quibus agimus, ſigna ſint, & qualia. Non enim ſymptoma cum ſigno convertitur, nam cauſæ procatarticæ ſigna ſunt aliquorum morborum; non tamen ſymptomata dici poſſunt. At omnia ſigna, quæ ex corporeo aliquo affectu prodeunt, ſymptomata ſunt: ita ut quidquid eſt ſymptoma, ſignum etiam, non e contra quod ſignum eſt, ſymptoma etiam.

Cùm ergò ſymptomatum, & ſignorum in ægris apparentium quædam ſunt demonſtrativa, alia prognostica, ac mox apparentia, ſub quibus aſſidentia comprehendimus, cum Galen. 1. criſ. cap. 5. meritò dubita-

bitare potes , ad quod genus signorum reducuntur symptomata , de quibus loquimur ?

Dico , non esse numeranda inter ea , quæ essentiam morbi demonstrant , sed inter mox apparentia . , aut assidentia , ut docuit Galenus 12. met. cap. 1. Explico : dolor lateris est signum demonstrativum , seu pathognomicum pleuritidis ; tamen si ita increascit , & magnus sit , ut vertat ad se curationem , hoc non facit , ut pathognomicum ; sed ut assidens , aut superveniens : quia licet omnes pleuritides habeant dolorem , non tamen vehementem , nisi istæ , quibus causa vehementiæ , aut assident , aut superveniunt. Hoc ergo signorum genus comprehendit actiones lætas , & retenta , aut excreta , ut dictum est.

Primò ergo ab actionum symptomatibus incipiendum , atque cum actiones , aut vegetales , aut vitales , aut animales existant , quæ , aut abolitæ , aut diminutæ , aut depravatæ ex vi morbi redduntur , ab animalibus ordiamur , quæ ut multiplices , ita multiplicem symptomatum læsionem patiuntur , quæ non mediocre impedimentum præstant ad vacuandum.

Et primò de reſtri-
cibus.

CAP.

CAP. XLI.

*Quomodo, aut quando delirium impediatur
vacuationes?*

DE symptomatis facultatum restrictum habendus sermo, est verò delirium insigne inter omnia accidentia, rationi, & imaginationi, & c. commune, quod methodicam curationem inhiberi possint, & vacuationes prædictas quodammodo impedire.

Sed notandum antea, quid per lesionem rationis intelligamus, & relictis erroribus neotericorum aliquorum, quos latè destruximus in lib. de diff. symp. & opus. de facult. quæ omnia supponimus, considerare oportet, quod Gal. cum non cognoverit potentiam aliquam spirituales, defectu divinæ illius Hipp. philof. & Arist. quam segniter tractavit, quia putavit, nil physicum, nil metaphysicum adducere ad morborum curationes: ideo quotiescumque apud illum legeris rationem lædi, mentem lædi, intelligas estimativam actionem, seu cogitativam, tanquam corpoream, in suo organo pati, quod etiam intelligitur de imaginativis; intellectus verò cum sit

po:

potentia, quæ non eget corpore, ut sub-
jecto, id est, eget corpore, ut à potentiis
corporeis recipiat phantasmata, nunquam
læditur, nisi ex accidenti, & remotè, qua-
tens inordinatis, & errantibus ministris
utitur. Mercatum consultò omitto, quia
putavit, quòd Theophilus deliravit in co-
gitativa, quòd fuit melancholicus, non
phreneticus, quòd imaginativa est orga-
num, in quo residet ratio, quòd sola est
una potentia in anima, & statim proponit
varia organa ad plures potentias, & alia
huius census, quæ omnia ad lib. de morb.
& symp. relegamus. Ad rem nunc. Ergo
delirium quod Græci paraphrosini appel-
lant, propriè pertinet in homine ad æstima-
tivam, sive cogitativam, quæ quia elevata
est ab anima rationali, perfectius operatur
quàm in brutis, & ob id permittimus Ga-
leno, & aliis Medicis vocari rationem par-
ticulare, quæ vertatur circa convenientem, &
disconvenientem: illi proximior adest imagi-
natrix, atque ob id Galenus tria adinvenit
deliria, cogitationis, imaginationis, aut
utriusque simul; sensus communis, nec
memoriæ, nullâ factâ mentione; sensus,
quia confundit cum imaginatione in ejus
opinione: memoriæ, quia diminutè, aut
abolitè lædi, putavit. Nos verò qui quatuor
po-

potentias cum S. Thom. & Aristot. constit-
tuimus, quatuor lēſiones diſtinctas propo-
nimus, ſed in præſenti ad curationem ſuf-
ficit declarare, quæ deliria poſcant vacua-
tionem, & quæ impedian.

CAP. XLII.

*Quòd delirium, ut delirium eſt (cauſâ non
inſpectâ) potiùs impedit vacua-
tiones.*

SI conſideres hujus capituli proſitum, ſa-
cilè intelliges concluſionem. Delirium
(ut ſic) congerit multa, quę vires diſſipant,
perturbat ſiquidem, & impedit humanę
vitę gubernacula. Quando bibendum, aut
edendum eſt, à cibo, & potu abſtinere
cogit; quando dormiendum, vigiliam ex-
petit ſi vena ſecanda portiones ſalutares ex-
hibendę, ubi quieſcendum, ac veſtibus, &
operculis induendum, reſpuit omnia, tan-
dem motibus intempeſtivis, ac fortibus
ægrum concitat, ac nudari compellit; qui-
bus omnibus, & vittutem laſſari, & febrem,
aut incendi, aut augeti eſt neceſſarium, &
ob id prudenter Galen. 2. aphor. text. 28. di-
cebat: *Delirantes ob inordinatos motus intra
paucos dies extenuantur; ergo rectè dictum eſt*
de-

*delirium (ut sic) impedire vacuationes: restat
ut causa delirii moveat Medicum, ad aliquid
exequendum.*

CAP. XLIII.

*Causæ delirii perpenduntur, quæ vacuatio-
nem postulant, aut re-
nuunt.*

Hipp. lib. de morbo sacro agebat: *Quanto
verò tempore cerebrum quieverit, tanto
etiam homo sapit; insānimus autem moto ce-
rebro: quam sententiam repetit epist. de in-
saniam: nos verò in nostro commentario di-
vinum illum Hipp. lib. fusè explicuimus
non solùm (asserentes) motum alterationis
intelligere Hipp. sed etiam aliquando mo-
tum localem inordinatum ipsius substantiæ
medullaris, & spiritûs contenti. Diversos
enim textus scripsit ad unumquemque mo-
tum, quod nemo hucusque adnotavit (pro
omnibus laus sit soli Deo.) Sed agamus nunc
de motione tantùm alterativâ cerebri, quæ
terminatur in distemperiem: movetur alte-
rativè cerebrum à calore, vel cum siccitate,
vel cum frigore, humiditate; idque aut cum
affluxu, aut sine affluxu humoris.*

Quod autem ob solam intemperiem calidam deliret cerebrum, docuit Gal. 3. de locis affect. ubi ait: *Sive per consensum, sive per primogeneam affectionem cerebrum laboret, delirium fit, vel à calore, aut fuligine, aut vapore, aut humore cerebrum alterante.* Et clarissimè lib. 4. de præfag. ex puls. c. 8. ita: *Calori immodico, si quando solus per se steterit, delirium succedit.*

At non dubites, obsecro, delirare hominem per solam simplicem intemperiem; debes enim memoriâ tenere, quæ docui in tractatu de facultatibus: temperies cerebri attingit actiones rectrices, non in genere causæ efficientis, sed materialis, quia taliter disponit organum, ut facultas rectè eliciat actionem, hoc est proprium potentiis cognoscitivis sentientibus; ut ergò calor attingit actiones, & effectus virtutis nutritivæ, in genere causæ efficientis, ita in cerebro rectrices solum materialiter. Igitur erronea cogitatio fiet, & imaginatio à sola intemperie calidâ: quod Hipp. in epid. explicante Gal. 3. de locis, dixerit: *Si humor melancholicus vergat in animam, fit delirium, si in corpus, epilepsia, &c.* Ubi Galen. ignorans animam, non ignoravit explanationem; nam dixit, si alteretur solum cerebrum, fieri delirium; si obstruatur, fieri epilepsiam. Ad-

dimus nos, spiritum animale perturbari, aut affici, ut sit in melancholia morbo, quem animæ honorabili stemmate insignivit antiquitas, quod adversus Averroem alibi probatum invenies.

Igitur per divisionem causarum devenies facile in causam delirii, quæ petet vacuationem; ubi dolendum maximè, quàm audaciter Tyrones in delirio sanguinem mittunt. Si enim à sola intemperie calidâ, aut calidâ, & siccâ (quæ heclicas solet causare amœnitas) si à solâ melancholiâ frigidâ, & siccâ, in quibus omnibus virtus jam fatiscit, delirium procedit, quis audet mittere sanguinem, cum nec vires admittant, nec causa exposcat? Neque prorsus revulsionis gratiâ (ut falsis fundamentis respondeam) eam nulla causa materialis peccat in simplici intemperie: in melancholia verò morbo peressentiam, nisi sanguis in toto melancholicus sit, qui foveat morbum factum (ut supra satis probatum est) cum etiam vires ita debiles sint à frigore, & siccitate remissæ, & non extrahatur humor peccans, erroneum est sanguinem mittere. At si à sanguine, aut solo, aut cum bile, profiliat, aut alio quolibet humore permixto, putrescente, aut non putrescente, sanguis mittendus, vel ipso etiam delirio coindicante, ne

tam princeps membrum lethali phrenitidis obsidione pereat; itaque in hac postremâ causarum serie, delirium potius invitat, quàm impedit.

Delirium præterea lethargicum, licet à pituita putrescente ortum duxerit, sanguinem mittendum non renuit, sed moderatur, quantum videris distare humorem à sanguinis consortio. Quamobrem largis evacuationibus sanguinis moriuntur lethargici, pituita crassiori redditâ, & inculcata cerebri porositatibus, numquam evicta à calore naturali remisso. Atque adeò sicut in primo delirio audacem volo Medicum, ita in hoc secundo maximè temperatum: audacem in illo à sanguine, aut solo, aut bile permixto.

Est autem omnibus deliriis duplex commune anxioma. Primò, ut quando veterascent (ob rationes suprâ dictas) missionem sanguinis respuant, vel quia habitualiter jam victa natura, prognosticis est relinquenda; vel quia ita debilitata, ut potionibus, alimentis, & aliis sit potius recreanda. Reddit enim tunc indicatio sumpta à delirio solo, ut delirium est. Secundò, ut quotiescunque delirio aliquis febre acuta, aut alio morbo superveniente corripitur, cujus gratia sanguis mittendus sit, tantum

de quantitate debes detrahere: quantum ex vi delirii antecedentis, & præsentis vires jacturam pati, perspicies.

In isto opusculo, non evolvimus practicas doctissimas tantorum virorum, qui nos præcesserunt, sed istas indicationes insinuamus, tanquam necessarias, ne erres in praxi. Nam quando per consensum, & à qua parte, quis potest delirare; ad Authores prædictos nunc remittendum, esset enim longissimè à nostro discedere instituto.

Sed dubitas circa delirium à nudo calore præter naturam, non quidem quomodo debeat curari, clarum enim est petere simplicem refrigerationem, sicut per balneum, aut aliter per aerem, aut alimentum; sed dubitas de facto, an à solo calore simplici sine affluxu humoris deliret aliquis?

Respondeo, supra esse satis demonstratum, & experientia constat à posteriori, Gal. tale delirium cognovisse, ut supra adduxi, de locis, & alibi: tamen ex sola temporum inflammatione, calor solus per continuum communicatus efficere potest delirium, testante Gal. 4. de præfagi ex pulsu. Nos etiam vidimus ex erisipelate faciei, delirium fieri; non potest autem aliquis probare, quod vapor, aut fumus tunc necessario communicetur ad interna, cum affectus in

parte externa, in ambiente æstivo potius in aera exhalet, quàm ad intima: communicabitur ergò calor solus.

In aliis morbis particularibus ventriculi, septi, &c. cum sit possibile circumscribi putridam fuliginem in ipsa particulâ inflammata, & nullo modo ascendere ad caput, aliquando talem circumscriptionem contingere posse, nemo est qui neget, & nullus probare poterit, esse simpliciter necessariam talem vaporum, aut fuliginum receptionem in cerebro, quia ista potest impediri: communicatio verò caloris neutiquam potest. Et existimò fundamentalem esse rationem, qua potest inniti, celebrata doctrina Galeni, qui delirium continuum ponit, inflammatis aliquibus partibus corporis, septo, ventriculo, & aliis: non enim agnoscit remissionem delitii, quando tales adsunt inflammationes (quod maximè notavi) licet illam concedat in febribus, in quibus laborat cerebrum per consensum. Ergo Galenus semper putavit, delirium continuum posse fieri à calore communicato; vel per essentiam impresso; rationibusque nostris, quæ suæ sunt, innititur.

CAP. XLIV.

De aliis delirii causis.

Insaniam à pituita Hipp. primus docuit, de qua, si putrescit, & cerebrum inflamat, dictum est jam, quo pacto moderetur, & temperet sanguinis detractionem. Tamen si non putrescat, & sola frigiditate, & humiditate, vel minuat actiones, vel torpidas ita reddat, ut appareat homo stupidus, & dementus, quasi omnino privatus internis actionibus, quid, obsecro, facies? an non cogitabis de attenuanda pituita, & paulatim expurganda, de calore nativo excitando, de capite mundificando, de spiritibus generandis? Quid cum his indicationibus habet sanguinis missio? nil prorsus, sed omnino contrarias, pituitam incrassat, cerebrum debilitat, spiritus exhaurit, nativum calorem exolvit. Quod si discurras per omnes causas, quas supra retulimus, cum de supernatantia agebamus, facile devenies in cognitionem
remedii.



CAP. XLV.

*De vacuatione nimia, quam Hipp. & Galen.
causam delirii statue-
runt.*

Galen. lib. 7. aphor. text. 9. explicans Hippoc. à profluvio sanguinis desipientia, malum, occasionem dedit huic dubitationi: quo pacto ad sanguinis profluvium, sequitur desipientia? quare Galenus mediocre delirium nominavit? erit nè delirium, quod est depravatio actionis, an diminutio solum? & quomodo ad defectum, qui privatio est, sequi potest depravatio? Rursum cum ad sanguinis absentiam frigescat cerebrum, certum est, hanc desipientiam illam fatuitatem esse, quam Galenus à frigore dixit oriri, quomodo ergo appellavit delirium? depravatio siquidem à calore, diminutio actionis à frigore proficiscitur.

Præterea si dicatur (ut communiter est receptum) frigiditatem minuire actionem, & non depravare, hujus interrogo causam? Præternaturalis est frigiditas immodica, præternaturalis etiam est calor excedens; quare utraque corrumpat calorem nativum? Omnia hæc in alio loco discutienda

ex professo. Nunc ea solum, quæ ad rem præsentem pertinent.

Quidam doctissimus vir ad hunc aphor. dicebat Hipp. insinuasse, ex magno raptu sanguinis ad caput, fluorem è naribus accidere copiosum, sed simul cum sanguine ascendisse copiam bilis, cujus portio in cerebro, & circa nervorum exorta, delirium, & convulsionem produxit.

Non tamen videtur ita ad mentem Hipp. hæc philosophandi ratio, nam Hipp. evacuationem tanquam causam mali præfagii, in utroque symptomate agnoscit, quia alibi dixerat convulsionem ex inanitione malum; nunc etiam simul & desipientiam; non enim lethalia, aut mala ita sunt quæ à repletionem; ob majorem curationis facilitatem; quæ verò à siccitate, & pauperie calidi nativi contingunt, mala prorsus censenda. At si à bile convulsio fit, non ita mala.

Præterea si bilis derelicta fuit in cerebro, quorsum aliud genus delirii non indicavit Hippoc. ut solet, solum enim usus est illà voce *desipientia*, quæ mansuetum delirium significat, quod forsitan subolfaciens, Gal. dixit mediocre. Tamen à bilioso humore non mediocre, sed iracundum, & turbulentum excitandum erat.

Respondeo, ergò, à nimia vacuatione
san-

sanguinis fieri desipientiam, non solum ob intemperiem inductam ad absentiam calidi, sed ob defectum spiritus animalis, quem sapientiæ instrumentum dixit Hipp. lib. de morb. sacro. Convulsionem etiam ex inanitione, ideòque malam judicari ab Hipp. Neque existimo, esse necessarium, ut remaneat in cerebro portio bilis. Quare? ad quid? quorsum cum ita tenuis, & mixta cum sanguine, etiam non fluere? imò ad fluxum incitat. Melius itaque sentio cum Hipp. & Gal. Non quæras, obsecro, quæ intemperies, aut quomodo inducta ad privationem sanguinis, quia hoc est involvere omnia, quæ disputata sunt in nostro opere de morbo, & symptomate.

Existimandum ergò, hoc delirii genus, quod mediocre vocat Galenus, generali voce appellari delirium, sicut in decrepitis videmus, ob spiritus paupertatem, & nimiam cerebri debilitatem, esse actiones diminutas, & multoties erroneas, ob concursum etiam omnium læsionum potentiarum, seu virtutum internarum, quæ ad invicem patiente unâ, patitur & alia, præcipuè si omnium temperies evertitur, & spiritus deficit: atque ita non solum diminuta actio, sed corrupta, vel depravata apparet: neque mirandum est, ex defectu sequi depravationem,

nem, & ipsa depravatio defectus quidam est.

Quod autem dubitatur, an frigidum possit minuere tantum actiones, & non depravare, quæstio est elegans à nobis agitata variis in locis; & quamvis Gentilis diversa sentiat, & se aliquando corrigat, ut faciunt magni, & docti viri, hucusque non inveni rationem efficacem, ut semper frigiditas minuat, & numquam depravet: forsitan motus locales impedit, & constringendo minuit, sed alias actiones ita diversas, ut neutiquam concernant motum, quare non depravare poterit, depravato temperamento? Sed de hoc alibi.

Hoc ergo delirium qualecumque sit, impedit sanguinis missionem, & exposcit potius adjectionem optimi alimenti, & novi sanguinis generationem.

Si autem interrogas de morbo, ad quem istud symptoma sequitur, cognosces necessitatem adeundi ad lib. de morbo, & symptomate. Nos, qui cum Sancto Thoma constanter asserimus, morbum consistere in privativo, non hæsitamus, sed istam privationem rectæ rationis, ad aliam necessario privationem, quæ morbus est, sequi, affirmamus. Sed cohibeo discursum, & venio ad praxim.

CAP. XLVI.

*Dubitatur, an delirium purgationem
impediat.*

Difficilius hoc videtur, nam Hippoc. 2. proteret. com. 2. text. 37. sic ait: *Nigra revomentes, cibos fastidientes, delirosos, in pube parum dolentes, quibus oculus ferox, claususque, purgare non oportet, perniciosum enim.* Ego istam sententiam non parvi pendo, ut Galenus facit in commentario, sed ponderatione, & laude dignam existimo, nunquam ullum verbum Hipp. contempsi, sed semper admiratus intelligentiam, si forsan possim, tento, attrecto.

Dico, aut ista accidentia simul juncta in ægro inveniuntur, & sunt manifesta signa proximæ mortis, vanumque paravit Hippocrates, purgationem tentare, sed pium certè prognosticis relinquere, ne æger jam morti proximus, ab ipso sumpto medicamento, non solum anticiparet suam mortem, sed contumeliam Medici.

Secundò, aut ista accidentia enumerat divinus senex tanquam separata, quasi diceret, in unoquoque accidēti ex istis, perniciosum est uti medicamento expurganti. Atque

que adeò tanta est profunditas Hipp. ut etiam hoc modo sit præter omnem rationem purgationem exercere. Nigra vomentibus, quis temerarius medicamentum purgans propinabit, naturâ tam ferocem inimicum per vomitum cum lethalibus signis expellente, & medicamento ad infernam regionem retrahente contra impetum naturæ, ut atra bilis sit lethalior supra, & infra, & interim remorata citius partes principales adeat, saltem ejus malignus vapor, hoc enim est proprium naturæ retractæ, & humoris tam pestiferi parvula mora, detinebitur verò aliquo tempore, si regionem mutas, quo nil perniciosius potest cogitari. Tertiò, quia hæc purgatio deberet fieri forti medicamine, quia atra bilis non cedit aliis, & detenta, aut mota lethalis est. Vide jam naturam à morbo, & à medicamento dissipari.

Ubi notandum, quotiescunque Hipp. dicit, purgare sine alio addito, semper intelligi per inferiorem alvum. Fastidientes intellige, non quoscunque, sed vel ex vi humoris perniciosi vomitiones facientes, quod etiam insinuavit, lib. 2. coa. sect. 2. co. 1. text. s. lingua fastidiosa nigrarum vomitionum signum est, vel in morbo diuturno, ut Gal. explicuit 7. aphor. text. 6. equidem necesse est

est essentiali debilitate vires deficere. Nam in aliis morbis potius petit fastidium vacuationes.

In pube parùm dolentes. Quid est parùm dolentes? Cùm ea pars vesicæ regionem indicet inflammatione tentatam, doloresque maximos debeat pati, non parvos, nisi ob mortificationem jam inceptam; atque quomodocunque, purgatio nullo modo exercenda, cum in viis ductuum, vel circa illas inflammatio extiterit.

Ferox oculus, claususvè, convulsionis ex siccitate indicium. Ad quid purgatio, nisi ad maiorem siccitatem inducendam? Delirios intelligit jam firmatos, & in ipsa (ut sic dicam) turbulenta accessione, hi quidem purgandi non sunt eo tempore; nam ut purgemus maniacos, aut melancholicos, semper spectamus delirii aliquam remissionem, quia per quædam intervalla, sunt magis obediētes, sicut ad Lunæ conversiones tumultuantur, & agitantur, & sunt magis inobediētes. Sed quare non purgantur eo tempore? Resp. Quia nec possunt, nec debent: non possunt, quia neque admittunt: non debent, quia in tantis motibus, & inordinatis, & mentis commotione, facile ad caput rapiuntur humores. Atque cum negotiandum sit cum causâ antecess-

den-

denſi, hanc melius moveri cenſemus, cum manſuetiora ſint omnia.

Delirantes autem phrenetici ex inflammatione factâ in cerebro, non ſunt purgandi, uſque maniſeſtiſſimè ultima declinationis pars eluceſcat: & in hac ſpectare, & conſiderare oportet, an inflammatio terminata ſit aliquo ex iam variis modis, quibus ſolet finiſci. Nam ſi per aliquam aurium, aut narium vacationem, per ventrem, hæmorrhoides, aut ſi per ſudorem, expulſionem victæ iam cauſæ tentet natura, non turbanda, ſed ſpectanda.

Tamen contingere poteſt, ut phrenitis incipiat bilioſa, nullâ præſentiâ ſanguinis exiſtente, neque ad febrem ſecutâ, ſed ipſa per ſe cum ſua febre, quod, licet rarò, contingere tamen poſſet, quis dubitat, quo caſu tale delirium ſtatim petit cum ſua cauſa purgationem, ut probatum eſt ex arte, lib. 3. Avic. cap. de phrenitide. Revellere enim ſtatim ſincerum humorum oportet, antequam firmetur, quando (ut ſuppono) ſolus omnino peccat.

Alia verò ſunt paradeliria in febribus acutis maximè momenti, quæ video à paucis Medicis conſiderari. Adeſt febris acutâ, in principio univerſali ſanguinis detrahis, & omnem ſcopum adimplēs; jamque nulla

la extrahendi sanguinis elucet occasio, sed effrænatus biliosus humor, qui antea mitescibat, caput aggreditur, & delirare cogit, tunc temporis in decimo, & duodecimo die, subtilitas artis eò devenit, ut sine coctionum turbatione, moderatissimam purgatiunculam exerceat per rhabarbari duorum aut trium scrupulorum infusionem, ac colaturæ addito syrupo borraginis, aut cichorii: infirmo ignorante, sed intelligente consuetum syrupum sumere; contingit profectò hac epicrasi in morbis acutis, phrenitidem futuram vitari, coctiones securissimè celebrari. Ante hanc occasionem sanguinem mittebas, & revellebas à capite, tunc non molestabat, aut minimè apparebat delirium. Sed postea cum sanguis infra mediocritatem subsistit, & solius fervor bilis, & effusio compareret, alia insurgit revellendi indicatio paucis Medicis nota. Sed de his plura in superioribus, cum agebam de minoratione.

Sed interrogas de aliis deliriis per consensum à parte aliqua inflammata? quidem tractanda ista deliria ad pensum morbi præcipui, à quo dependent, & eam evacuationem admittunt, quam indicat principalis affectus, adhibitâ semper suprapositâ animadversione, quòd delirium, ut sic, potius

tiùs, vel impedit, vel moderatur, quando tale existit, ut vel turbet, vel deiciat vires,

DUBIUM EX HIPPOCRATIS LOCO.

DUbitari quis posset circa istam purgatiunculam, quam induxi, in delirio incipiente post celebratam sufficienter sanguinis missionem. Nam Hipp. lib. de locis in homine dicebat: *Calefaciunt caput pharmaca purgativa*: ergo secundum hanc legem non oportet rhabbarum exhibere, calidum enim est, & siccum.

Resp. Primò, largâ experienciâ me didicisse, purgationes audaciùs in soporosis, & foeliciùs evenire, quam in phreneticis, aut vigilantibus ob rationem dictam. Tamen negari non potest, convenire etiam in prædicto casu dictis conditionibus insignito.

Atque rhabbarum in pauca quantitate, & infusum in aqua cichorii, sine metu potest dari; quia mājor est utilitas vacuandi, quàm calor fiens, & transiens, qui potest apparere in die purgationis. Aliter certè nunquam expurgares in morbis biliosis: intelligendusque est locus Hipp. de pharmacis vâlidis, quibus utebatur antiquitas, ubi illud advertendum, cum jam vacationes sanguinis factæ sunt, & febris prædictos

dies pertransit, ex vi caloris, jam humores biliosi sapiunt conditiones atræ bilis, ceduntque foliis fennæ, infusis cum floribus cordialibus, & facillimè purgatio fit. Itaque his modis delirium prohibetur sine causæ coctilis perturbatione.

CAP. XLVII.

Quare practici de vigilia superfluâ, de sopore, de dolore, & aliis symptomatis febrium tam largam fecerunt mentionem, delirio relicto.

DE delirio in febribus miror, qua ratione praxim exercentes nil dixerint, nisi unus, aut alter, nam sicut sopor, sitis, dolor, vigilia vocant ad se partem curationis, etiam delirium. Respondent aliqui, deliria, quæ sequuntur ad febres, remitti ad remissionem febris; quæ verò continua sunt, jam in phrenitidem transire, sufficereque caput dicasse phrenitidi.

Sed certè nullam habent excusationem, nam idem posses dicere de sopore, qui si continuus est, transit in lethargum.

Dicendum ergò, practicos doctissimos, non dicasse proprium caput delirio, sicut aliis symptomatis, quia reverà deliria, & vigi-

vigiliæ superflue, easdem habent causas penes magis, & minus solum differentes; vigilia præterquam quod vires enervat, tanquam delirii præsaga ab omnibus celebratur: atque sicut vigiliam somnus, ita & delirium sedat: quod Hipp. primus, postea Gal. & Avic. multis in locis cecinerunt.

Quod autem simillimæ sint causæ delirii, & vigiliæ, facile intelliges, si Galenum legas, aut ipsam rerum naturam perspicias; vigiliarum primam causam caliditatem statuit, secundò siccitatem, è contra somnus præter naturam: primò, ad frigiditatem, secundò, ad humiditatem sequitur, & hæc, aut cum humore, aut sine illo, 1. de loc. aff. ad finem, & 3. de loc. cap. 5. 1. de sympt. caus. cap. 8. & 3. de causis pulsuum, cap. 10. ita sèpè sapius delirium à calore solo, aut simul cum siccitate, & vigilia via certa putari debet ad delirium, & propter hanc rationem, loquendo de vigilia superflua, visi sunt loqui de delirio.

Loco tamen affecto maximè differunt, nam vigilia superflua, & somnus versantur circa sensum communem, sive primum sensorium: delirium propriè, & strictè circa intimiores potentias rectrices. Quæ sola ratio posset contumaces convincere ad assentendum Divo Thomæ, & Aristoteli, qui consti-

tuunt discrimen inter sensum communem, & alias interiores facultates. Per somnum imaginatio exercetur, quin, & cogitamus, disputamus: imo aliqui dicunt, in somno solvisse argumenta, quæ in vigilia non poterant. Ergo illæ potentiæ non ligantur, ligaturque solus sensus communis.

Rursus, per vigilias illeto isto sensu, illæ aberrare solent; à posteriori quod majus discrimen spectas? atque hæc de hoc symptomate dicta sufficiant. Reliqua, quæ ad alias potentiæ pertinent, ex practicis disces cap. de memoria, de melancholia, de catalepsi, &c. Et similiter ea, quæ pertinent ad mori-
vam; nam dummodo tenaciter hæreas his, quæ ostendimus de causis præternaturam, & morbis, facile disces, quod symptoma (à tali, vel tali causa) impediatur, aut non, per practicas certè discurrens hac nostra methodo non errabis. Nam in cap. de tremore, convulsione, paralyfi, aut in quocunque dolore, statim debes recurrere ad

ea, quæ in superioribus dicta sunt; sufficit enim unum exemplum, ut
clarescant reliqua.

* * *

CAP. XLVIII.

*De symptomate in exeunte mutato Galenus
illustratur.*

Licèt tam varia, & multa excrementorum genera existant, unum inrer alia turbat curationem februm, aut impedit, vel retardat, & dubios Medicos reddit, fluxus, scilicèt, ventris; de quo, ut complicato cum alio morbo, agendum nunc.

Qua in parte ille tam agitatus locus, lib. 1. ad Gla. de febre cum sympt. quia sinistrè intellectus, multorum errorum causa est: nam quidam, cùm videant fluxum ventris, non audent sanguinem mittere: alii timent vulgum, qui putat, malum esse duabus vacuationibus egrum opprimere, & tandem alii, posthabita omni consideratione, ducti urgentiæ ratione, iterùm atque iterùm sanguinem fundunt: sed temperanda sunt illa.

Primò perpendere oportet, undè fluxus cum febre qualibet complicatus incipiat, à qua regione, à qua parte, quos effectus

Producat, quantum possit impedire, aut solam moderari quantitatem sanguinis missionis. Nam si febris acuta pender à materia putrescente intra venas, & fluxus est ventris, aut à tota prima regione profectus, quæ crudos, aut semicoctos, aut inquinatos succos propellit per vomitum, aut secessum, manifestum existimo, vacationes illas impedire quodammodo, sed non omnino; nam ut supra dictum est, quamvis vocent curationem, tamen postponenda, ob celeritatem, qua morbus acutus currit ad necem, quippe in talibus morosa medicatio semper damanda.

Unde providentiâ continuatâ ventriculi, & ventris, nè nimium vires fatiscant, poterit Medicus febris causam proximam attingere. Quia suppono, nullum habere commercium in isto casu, materia venarum, & primæ regionis recte menta, quin potius omnia, quæ cruda sunt, & in venas delata poterant causam attingere, providè propelluntur à natura, ut libera magis via sit ad sanguinis detractionem: debebas enim tu istam vacationem moliri, si natura segnis esset. Et de tali fluxu non intelligitur sententia vulgata Avic. *Affelare, bis, aut ter, excusat à phlebotomia.* At verò si cum isto fluxu jun-

iungeretur oris ventriculi morsus, & notatu digna læsio, necessarium esset, antequam ad sanguinem vacuandum devenires, ventriculi providentiam habere maximam, non qualemcunque.

Quare quod maximâ felicitate, & ex arte sum expertus, libenter dicam. Galenus reprehendit illos, qui ante ventriculi firmitudinem, sanguinem mittunt, & rectè quidem: sed cum extrinseca roboratio nullius soleat esse momenti, imò maximi damni, quia quando repletus ventriculus, aut quando quibusdam propriis recrementis, licet paucis, sed infarctis, anxie molestatur, ita ut virtus flaccescat, deterrimum est exterius constringere, & roborare, quia magis amplectitur, & strictius inimicum, & impensius affligitur, ut qui spinas manu comprimit: in isto igitur conflictu, non semel, sed multoties ex arte curavi infirmos, statim exhibitâ portione debitâ rhabarbari, cum pulvere diamargaritonis frigidi, cum aliquo syr. borraginis, vel cum paucis syr. ros. aut violaceo, & hoc certè antequam sanguinem funderem; mirum dictu, quàm citò anxietates ablatae, aut cardiaca accidentia, & fluxus impediens, remisi omnia, ita ut pateret sequenti die aditus ad venam secandam.

dam; nam cum totum illud impedimentum (quodlibet illud sit) ex proximis incoctionibus, fuerit purgatione ablatum, & simul corroboratione interius factâ, vires recuperatæ fuerint, nulli dubium, quin foelictè dirigatur curatio per sanguinis missionem, & hanc fuisse Galeni mentem i. ad Glauconem, in prima parte textus, est certissimum, quem textum aliqui legunt affirmativè, ad maiorem vim hujus indicationis: *Age enim si quis febricitat, & adsit plethorica affectio, verùm ex incoctionibus recentibus sit, & mordeatur, accomprimatur os ventriculi, aut evomat succum prævum, & ex ejus transitu summopere lædatur, numquid hoc in loco ad solam febrem respicientes, vacuare multitudinem tentabimus? Id quod sanè aliàs citra noxam fecissemus: An prius os ventriculi providebimus, atque ita deinceps, ubi ipsum verè nobis sese habuerit, convenientem totius corporis vacuationem faciemus? Mihi quidem ita videtur. Sæpius ergò multos ita affectos vidi, alios quidem interiisse, alios verò in extremum periculum adactos, cum Medici eos prius vacuare, quàm stomachum roburare, tentavissent.*

Hæc est prima textus pars, in qua meam propositionem volo stabilitam; quando,
sci-

scilicet, fluxus est primæ regionis, & per vomitum, aut per alvum (sufficit dixisse Gal. per vomitum, subintelligimus, etiam posse fieri per alvum, nam etiam, & dejectiones quandoque fiunt cum simili oris affectu, prius illato malo in parte superiori.) Excernitur aliquid, sed cum maxima oris ventriculi passione, & anxietate: roborationem adhibendam prius Galenus docet. Sed interrogo, quam roborationem? Equidem istud punctum facile video contemni ab his, qui putant, apposito absinthite, aut pane tosto cum aromatibus, indicationem adimpleri, ut statim mitti possit sanguis. Sed ego aliter intelligo textum, esse, scilicet, corroborationem faciendam, ad pensum necessitatis, esseque aliqua symptomata ventriculi, quæ necessariò petunt, causam illam proximam, vel adhaerentem deturbari (quam natura afflicta non potest) simul & adstringere partem, nè vera cardialgia eveniat, quæ citius hominem tollat, quam ipsa febris.

Atque ista indicatio potest complicari (ut amplectamur utramque lectionem textus) aut existente plethoricâ dispositione, ut legit Stephanus Atheniensis.

Aut

Aut sine tali multitudine, ut habent alii
 codices. Talis est oris ventriculi affectus,
 ut cum summa plenitudine venarum, vi-
 deas febricitantem frigidum, & pul-
 sus quales talis pars affecta immutat. At
 Tyrones putant, omnia illa mala diman-
 dari à venis, & sanguinem fundunt, ut
 revellant. Hoc autem est impossibile, quia
 affectio, de qua agimus cum Galeno, est
 propria ipsius ventriculi, nullo modo de-
 pendens à venis, sed ex incoctionibus,
 cumulatis pravis excrementis, os ventri-
 culi (quod pro corde reputamus) inten-
 sè molestantibus: soletque exire sermo
 inter Medicos, de malignitate sanguinis,
 & de febre punctulari; cum nil sit ma-
 gis, alienum ab ista indicatione, neque
 tales anxietates pendent ad humoribus
 febrem facientibus. Si attentè legas,
 prædicta doctrina colligitur
 ex prima parte
 textûs.



*SECUNDA PARS**textus.*

Sed nec si fuerit febris cum profluvio ventris, aliqua alia indiget vacuatione: sed hæc ipsa sufficit, quamvis non sit pro multitudinis ratione.

Iste textus maximè diversus est à præcedenti, & alium respicit rerum statum: nam hucusque loquebamur de complicatione febris cum fluxu, cui adhærebat insignis oris ventriculi affectus, qui rapiebat curationem primam. Sed nunc loquitur de fluxu absolutè complicato cum febre: ibi adduxit incoctiones, & recrementa particularia ventriculi, hîc solum fluxum, & contrariæ conditionis, nam primus simul aboleri tamquam perniciosè afficiens desiderabat, & simul debilitatem oris ventriculi reparari. Hic verò omninò sinendus, tamquam febri congruus, & illius causæ: & hanc esse mentem Galeni, & arti conformem, ostendo. Adest febris cum fluxu ventris, & nullam aliam vacuationem tentat: ergo

ergò iste fluxus causam deponit, siquidem sufficiens solus, ut inquit Galen. Patet, quia hoc est commune omnibus vacuationibus, aut criticis, aut symptomaticis, aut mediis, ut si vacuetur materia peccans, conferant: ut quid conferunt? Quia ipsa species causæ foras truditur, vel cocta, vel cruda, nil interest (ut supra demonstratum invenies, quando agebamus de cruditate.) Solum est differentia secundum magis, & minus debilitari, tamen omnes vacuationes tendunt ad vitam, si vacuatur causa damni, & non alia. Ergò quando fluxus cum febre tollit febris causam, nè cogites de alia vacuatione, quia illa sola sufficit, quamvis tibi videatur, non esse pro multitudinis ratione; paulatim deponet multitudinem putrescentem, & natura corriget reliquum.

Et hoc sine dubio est, quod ex Avic. circumfertur, *assellare bis, aut ter, excussat à sanguinis missione*, non certè excussaret, si per tales dejectiones portio materiæ peccantis non expelleretur; deberemus enim statim emendare naturam.

Et à signo percipies, nam videbis
ad

ad pensum fluxûs , mitigati multitudi-
nem, & febrem.

Sed statim obiicis , esse febrem san-
guinis , & non curari hoc fluxu ?

Respondeo , sanguinem purescentem abi-

re in melancholiam , & flavam bilem , &

ita contingere , ut natura se exoneret ab

istis humoribus per dejectiones , cum mag-

na conferentiâ , naturâ bonum uniente , &

gubernante : quod quotidie videmus in

menstruandis mulieribus , loco sanguinis

expurgandi , dejectiones advenire , & sa-

nescent , quia ille retentus præter natu-

ram factus , & versus ad dissimiles na-

turas , commodè fluir per intestina.

Et hanc nostram explicationem non

multum coactè confirmat modus loquen-

di Gâleni Hippocraticus : ita Hipp. lib. 1.

aphor. sent. 23. *Vacuationes non multitu-*

dine sunt æstimandæ. Sed si talia, qualia

oportet, purgentur; sic in præsentī Galen.

si adsit aliqua dejectio , non debet men-

surari juxta multitudinis rationem , sed

si talia , qualia oportet, purgentur , quia

necessarium est debere consequi confe-

rentiam , & tolerantiam , quod sufficit,

ut spectes , nec te accingas ad aliam co

tempore vacationem æstemandam.

Sed

*Concla-
sio de*

*alvi flu-
xus cum*

febre.

Nota

*de mē-
struadis*

*mulie-
ribus.*

*Sexten-
tia com-
munis*

*omni-
bus.*

Sed quid dices in reliquis febribus, de quibus loquitur etiam Galen. Idem prorsus, quod diximus, aut tollendæ hujus scientiæ leges. Si febris est biliosa, & adest fluxus biliosus, ipse sufficit, quamvis non sit pro multitudinis ratione. Si pituitosa, si melancholica, idem dicendum. Si isti humores mixti cum sanguine peccant, & portio sufficiens fluit per ventrem, quam separata docta natura à se ipsa, & ab humore, quasi à medicamento excitata, cum conferentia, & tolerantia, non opus est aliâ vacuatione, nisi aliud urgeat præter hoc, quod in hoc statu apparet.

Multa mala recenset Galenus accidisse his, qui alias vacuationes sollicitant, & quamvis non diceret, ipsa se veritas ostenderet, nam vacuatio arte facta, cum natura aliam propriam exerceat, quanta damna faciat, non debet pluribus explicari. Derinet conferentem, quaerit dubiam, vires motibus contrariis imbecillitat: extrahit non extrahendum, & in mortem agit.

Si, quæ diximus, animadvertis, ex uno symptomate, quid faciendum in
alio

alio perpendes, juxta ea, quę superius
de morbis contrariis, & illorum
causis dicta
sunt.

SOLI DEO OPT. MAX.
LAUS.



THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

1961
JAN 10 1961
JAN 10 1961



1961

INDEX LIBRORUM

ET CAPITUM, , QUÆ IN

HOC OPERE

CONTINETUR.

LIBER I.

DE REBUS NATURALIBUS

impedientibus magna

auxilia.

Cap. I. De impedimentis magnorum
auxiliorum in morborum curatio-
ne. Pag. 1.

Caput II. Pag. 4.

Caput III. Temperies totius, quæ etatem
com-

comprehendit, quomodo impediat sanguinis detractionem. Ubi de pulsibus Senum. Pag. 11.

Cap. IV. Corporis habitus quomodo impediatur vacuationes. Pag. 18.

Caput V. Temperies partis impedit vacuationem. Pag. 20.

Caput VI. De consuetudine evacuantium. Pagin. 24.

Caput VII. Vires quando impediunt, & quotupliciter. Pagin. 26.

Caput VIII. Quæ temperamenta sint considerata in ordine ad robur virtutis, & actionis. Pagin. 28.

Caput IX. Differentiæ debilitatis essentialis. Pagin. 31.

Caput X. De causis debilitatum essentialium. Pagin. 33.

Caput XI. An intemperies ficiens sit sufficiens ad debilitatem essentialem efficiendam. Pagin. 34.

Caput XII. Quare Galenus dixerit, intemperiem fientem mutare usum, & non efficere debilitatem essentialem. Pagin. 39.

Caput XIII. De causis debilitatis virium secundum Hippocratis sententiam, Pagin.

- Caput XIV. De dignoscenda debilitate
essentiali facultatis animalis. Pagin. 53.
- Caput XV. Facultatis vitalis debilitas dig-
noscitur. Pagin. 60.
- Caput XVI. De debilitate per aggravatio-
nem communiter dictâ. Pagin. 65.
- Caput XVII. De indiciis debilitatis, quæ fit
à gravante onere. Pagin. 68.
- Caput XVIII. De facultatis naturalis de-
bilitate propter aggravationem. Pagin.
72.
- Caput. XIX. De cognoscenda debilitate
vitalis facultatis propter gravantem, aut
molestantem humorem. Pagin. 75.
- Caput XX. Omnium supradictorum con-
clusiones. Pagin. 79.
- Caput XXI. De foetura. Pagin. 83.
- Caput XXII. An audaciùs extrahen-
dus sanguis primis mensibus, quàm
postremis, ut docuit Hippocrates? Pag.
89.
- Caput XXIII. Quarè Hippocrates dixerit,
purgamenta puerperii esse velut san-
guis à víctima. Pag. 92.
- Caput XXIV. De usu medicamenti pur-
gantis in gravidis quid sentiendum. Pag.
95.
- Caput XXV. Qualia sint medicamenta,
qui;

quibus Medicus uti potest in utero ge-
rentibus. Pag.102.

Caput XXVI. Lactis generatio inter res
naturales numeranda, aut moderatur,
aut impedit, vacationes. Pag.108.



LIBER

SECUNDUS.

DE REBUS NON NATURALIBUS *impedientibus magna auxilia.*

- Caput I. De aere. Pagin. 109.
- Caput II. An venę sectio periculo-
sior sit purgatione in calidissima aeris
constitutione. Pagin. 112.
- Inter Ver, & Autumnum controversia
ad evacuandum. Pagin. 114.
- Caput III. An ratio ambientis cogat
astare per superiora, hyeme per infe-
riora purgare. Pagin. 116.
- Caput IV. De inanitione, & repletio-
ne. Pagin. 120.
- Caput V. Menstrua vacuatio (inter res
non naturales) potest impedire vacua-
tiones. Pagin. 121.
- Caput VI. Actii sententia explicata de

- vena secunda in cubito, ut profluant
menstrua. Pagin. 123.
- Caput VII. Si affectus gravis suprà sep-
tum transversum partes occupat, im-
minentibus, aut fluentibus mensibus,
quid faciendum. Pagin. 126.
- Caput VIII. Fernelius (nè occasio sit er-
randi) explicatur. Pagin. 130.
- Caput IX. Quando motus localis corpo-
ris se habeat in ordine ad vacuan-
dum. Pagin. 137.
- Caput X. Quòd motus localis vacuatio-
nem humorum crassorum, & frigido-
rum non solum non impedit, verum
juvat ex mente Hippocratis, & Gale-
ni. Pagin. 140.
- Caput XI. Quòd motus animi maximè
vacuationes impediat. Pagin. 144.
- Caput XII. De Somno. Pagin. 147.
- Caput XIII. De Somno post vacuatio-
nem. Pagin. 148.
- Caput XIV. De Vigilia. Pagin. 152.
- Caput XV. De usu venereorum, quem
inter res non naturales Medici refe-
runt. Pag. 153.
- Caput XVI. De cibo, & potu. Pagin.
157.

LIBER

TERTIUS.

DE REBUS PRÆTER
*naturam impediētibz magna
auxilia.*

Caput I. De causis humoralibus im-
pediētibz vacuationem sangui-
nis. Pagin. 159.

Caput II. Est difficultas, an aliqui hu-
mores intra venas impedire, aut omni-
nò prohibere possint sanguinis detra-
ctionem. Pagin 161.

Caput III. Notabilia pro conclusione sta-
bilienda. Pagin. 165.

Caput IV. De unaquaque cacochymia
per se. Pagin. 175.

De biliosa supernatantia Trallianus ex-
plicatur. Pagin. 175.

Caput V. De serosa supernatantia , & pituitosa. Ubi de Hydrope. Pagin.178.

Caput VI. Melancholica cacochymia an impediatur sanguinis emissionem. Pagin. 182.

Caput VII. Locus Galeni ex 3. de locis affectis de curatione melancholici explicatur. Pagin.184.

Caput VIII. Quòd licet vitium ex ipso sanguine cognoscatur, antequam omnino separentur humores, non ob id sanguis copiosè vacuandus. Pagin. 187.

Caput IX. De vitio sanguinis pestilenti, maligno, aut venenoso, an impediatur sanguinis emissionem, & quo modo. Pag. 191.

Caput X. Objectiones primo loco propositæ dissolvuntur. Pagin. 200.

Caput XI. Quando flatus impediunt, aut possunt venæ sectionem. Pagin.209.

Caput XII. De humoribus, qui in prima regione possunt impedire venæ sectionem. Pagin.211.

Quæ humorum dispositio impediatur purgationem. Pagin.223

De purgatione revulsoria. Pagin.234.

Caput XIII. Locus Hippocratis expenditur

tur lib. de humoribus. Animadversio in
Galenum. Ubi multa de purgatione mi-
norativa. Pagin.239.

Caput XIV. Claritatis gratiâ communes
objectiones dissolvuntur propter Scho-
lasticos, licet ex dictis clarescant. Pagin.
246.

Caput XV. De humoribus incoctilibus in
speciali. Pagin.255.

Caput XVI. Quas coctiones considera-
vit Hippocrates in humoribus. Pagin.
260.

Caput XVII. An humores serosi, & te-
nues ex propria conditione sint apti in
principiis morborum ad purgationem,
nullâ spectatâ coctione, an verò im-
pediant? Pagin.262.

Caput XVIII. Ea, quæ in habitu cor-
poris, sive in tertia regione continen-
tur, an, & quomodo impediunt vacua-
tiones. Pagin.267.

Caput XIX. De morbis, qui impediunt
magna auxilia. Pagin.274.

Dubium, De naturalibus, & morbosus
partium intemperantiis. Pagin.275.

Caput XX. De frigida, & humida uni-
versi corporis intemperie. Ubi iterum
de Hydrope. Pagin.276.

Ca.

Caput XXI. De refrigeratis. Pagin.
279.

Caput XXII. De morbis in compositione,
qui vacuationes impediunt. Pagin.
288.

Caput XXIII. An obstructio , quæ pen-
det à crassis , & lentis humoribus, im-
pediat sanguinis missionem? Pagin.
290.

Caput XXIV. Quando obstructio à cras-
sis , & lentis non impediat. Pagin.
294.

Caput XXV. Objectiones propositæ dis-
solvuntur , quibus Recentiores pro-
bant , obstructionem crassorum , &
lentorum deleri sanguinis missione. Pag.
299.

Caput XXVI. Aetii , & Tralliani sen-
tentiae , quæ videntur dictis contrariæ.
Alia apparens contradictio in doctrina
Galenii , componitur. Pagin. 305.

Caput XXVII. De morbis in magnitu-
dine impredientibus vacuationem. Pagin.
307.

Caput XXVIII. Pleuritis (inter tumores)
an impediat , aut minuat sanguinis mis-
sionem. Pagin. 308.

Caput XXIX. Perutilis discursus de mor-
bis

bis in compositione purgationem impedi-
peditibus. Pagin. 312.

Caput XXX. De colica affectione ab ob-
structione, lenta pituita, aut flatu,
aut fœcibus induratis. Pagin. 314.

Caput XXXI. Descensus intestinorum in
Scrotum purgationis impedimentum.
Pagin. 332.

Caput XXXII. Hypochondria distenta, &
obstructæ venæ melsaraicæ, ut impedi-
mentum tollendum ad purgationem.
Pagin. 324.

Caput XXXIII. Tumor in hepate pur-
gationem impediens. Pagin. 324.

Caput XXXIV. De morbis in soluta uni-
tate vacuationem impediens. Pag.
326.

Caput XXXV. Conveniatne sanguinis
vacuatio in morbis à rabido anima-
li? Pagin. 329.

Caput XXXVI. An tale vulnus venena-
tum impediat purgationem, aut quan-
do admittat? Pagin. 336.

Caput XXXVII. Solutiones continui in
viis urinae. Pagin. 338.

Caput XXXVIII. Rupturæ, aut ulcera tho-
racis. Pagin. 339.

Caput XXXIX. De Symptomatis vacua-
tio-

• tiones impediētibus. Pagin. 340.

• Caput XL. An Symptomata , & signa idem ? Et qualia signa ? Pagin.

344.

• Caput XLI. Quomodo , aut quando delirium impediat vacuationes ? Pagin.

346.

• Caput XLII. Quòd delirium , ut delirium est (causâ non inspectâ) potius impedit vacuationes. Pagin. 348.

• Caput XLIII. Cause delirii perpenduntur , quæ vacuationem postulant , aut renuunt. Pagin. 349.

• Caput XLIV. De aliis delirii causis. Pagin. 355.

• Caput XLV. De vacuatione nimia , quam Hippocrates , & Galenus causam delirii statuerunt. Pagin. 356.

• Caput XLVI. Dubitatur , an delirium purgationem impediat. Pag. 360.

• Dubium ex Hippocratis loco. Pagin. 365.

• Caput XLVII. Quare practici de vigilia superflua , de sopore , de dolore , & aliis symptomatis febrium , tam largam fecerunt mentionem , delirio relicto. Pagin. 366.

• Caput XLVIII. De Symptomate in exeunte

ante mutato Galenus illustratur. Pagina.
369.

Secunda pars Textus.
375.

Pagina.

FINIS.



THE UNIVERSITY OF CHICAGO
PRESS


FINIS











163/009



UNIVERSIDAD DE SEVILLA



600984140

í27406532

